

宣統元年

正月分

奏設政治官報

文海出版社印行

宣統元年

正月分

奏設政治官報

文海出版社印行



原书缺页



原书缺页



政治官報正月分總目錄

宮門鈔

諭旨 電旨 交旨

事由單 吏部選單

電報奏咨類

摺奏類一總目

吏部奏欽奉 恩詔核辦 封典條欵摺

又奏京西七廠成績品進城請免稅釐片

蘇撫奏籌建罪犯習藝所及各屬辦理情形摺初八日 民政部奏 監國攝政王出入府第期衛章程摺

察哈爾都統奏蒙鹽加價設局仍歸官辦理片

歸化副都統奏選蒙古王公勳舊子弟入學肄業摺

浙撫奏擬將官錢局改設浙江銀行摺

又奏裁撤上海海公司改歸官辦片

贛撫奏贛省警區改良局制事宜等摺初九日

又奏恭上 太皇太后尊謚照案添供果品片

又奏恭上 大行皇帝尊謚照案添供果品片

鄂督奏開辦土膏營業憑照等摺

又奏開辦省城模範監獄大概情形摺

又奏籌設撫順地方審判檢察廳摺初十日

又奏請遴派監督各員摺

首善工藝廠奏開辦情形暨續募捐欵摺

晉撫奏改編巡防隊並裁兵節餉等摺

鄂督奏託呢廠購料仍請免稅三年片

東督奏法律講習所期滿畢業摺

又奏遵 旨籌議改辦高等蠶桑學堂摺

魯撫奏藩司朱其煊請捐本缺津貼移辦新政片

禮部會奏恭上 太皇太后尊謚事宜摺

又會奏恭上 大行皇帝尊謚事宜摺

民政部奏遵照奏案辦理車捐并開辦日期摺

東督奏遵設省城模範監獄工竣摺

又奏歸併各級審判廳并改擬廳名員缺摺

承修 崇陵工程大臣奏定 崇陵規制摺

又奏請頒發關防片

度支部奏覆土藥統稅大臣遵解湖北土稅照辦摺

又奏議覆晉撫移置磧口通判改為東勝廳摺

魯撫奏叅戒煙不力各員摺

民政部奏援案請給八九品警官季俸摺

稅務處會奏湖北機器製麻仍照機製各貨完稅摺

贛撫奏叅戒煙不力各員摺

鄂督奏遵設諮議局籌辦處摺十二日

吏部奏駁辦 恩廕條款摺

又奏查覆錦州府屬官地清丈情形摺

黔撫奏派練陸軍款絀甚鉅懇 飭部籌撥摺十三日

又奏恭上 太皇太后尊諡頒 詔禮節摺

又奏 大行皇帝梓宮奉移 山陵事宜摺

熱河都統奏整頓各屬命盜詞訟考核章程摺十四日

又奏議覆晉撫奏察哈爾行銷蒙鹽加價摺

署江北提督奏遵章裁併更定巡防隊摺

又奏陸軍警察隊額兵餉乾另行開支片十五日

又奏林景賢請開去殺虎口監督在叅議上行走片

東督等奏江省事繁款絀懇撥常年經費摺

陸軍部奏酌擬綠營補缺筴奏辦法摺

滇督奏新設交涉司員缺酌定養廉數目摺

吏部奏酌擬傳補滿御史辦法摺

又奏遵議熱河赤峰縣丞升為直隸州判等片

鄂督奏請將土稅按月撥解等摺十一日

又奏派朱德裳署外城左分廳知事片

陝撫奏遵設諮議局籌辦處摺

粵督奏遵設諮議局籌辦處摺

度支部奏遵 旨妥議清理財政辦法摺

東督奏請 飭改鑄審判檢察廳印信等摺

翰林院侍讀榮光奏請遵章清丈錦屬墾地摺

又奏 閱視 冊 寶是否由 攝政王行禮片

農工商部奏濟南省城設立商會請給關防摺

度支部奏覆魯撫預籌黃河辦法並添撥經費摺

又奏議覆東督奏蒙債困苦向銀行息借銀兩片

又奏添設清江巡警局經費等片

度支部奏覆直督永定河另案工程等摺

陝撫奏巡警經費請 飭立案片

滇督奏改設巡警學堂併教練所摺十六日

科布多辦事大臣奏哈薩克租馬請作為定額摺

烏里雅蘇台將軍奏查明連順等叅款覆陳摺

御史常徽奏參大臣朋比用事玩視地方摺

大學士孫家鼐等奏查覆郵傳部尚書陳壁奏款摺

禮部奏恭上 大行皇帝尊諡禮節摺

又奏擬改職司署門字樣摺

又奏 太皇太后几筵前三滿月禮節摺

又奏 大行皇帝几筵前三滿月禮節摺

又奏 皇上請髮日期摺

鄂督奏請將湖北造紙廠機器材料免稅三年片

東督奏改編巡防隊應添器械銀兩等片十九日

又奏編輯國民必讀課本簡易識字課本摺

度支部奏呈進宣統通寶新錢摺

桂撫奏設立諮議局籌辦處摺

稽察守衛事宜大臣奏遵擬詳細稽察章程摺

吏部奏酌擬膳錄期滿獎叙辦法摺

察哈爾都統奏查辦口外蒙漢要匪分別懲治等摺

粵督奏前侍讀學士梁誠服闋仍留辦路事片

贛撫奏設立諮議局籌辦處摺二十一日

又奏 太皇太后几筵前百日禮節摺

又奏 大行皇帝几筵前百日禮節摺

湘撫奏茶陵州州判等缺即行裁撤等片二十二日

桂撫奏產錫各處由富賀官礦局經理片十七日

御史謝遠涵奏參大員虛糜國帑等摺十八日

又奏恭上 大行皇帝尊諡頒 詔禮節摺

又奏 太皇太后几筵前三滿月禮事宜摺

又奏 大行皇帝几筵前三滿月禮事宜摺

又奏 大行皇帝神牌 升祔 奉先殿摺

民政部奏各省欠解額木請催趕解以備要工摺

又奏薦舉試用道高松如等片

學部奏覆甘督奏甘省高等學堂肄業生獎勵摺

理藩部代奏蒙藩王公等創建殖邊學堂摺

吏部奏遵 旨嚴議郵傳尚書陳壁處分摺

又奏辦理農林試驗場片二十日

度支部議覆直督濟南等處商埠經費請撥借摺

豫撫奏請以英山令王青選留辦礦務片

東督等奏添設廳州縣交代暫行免扣例限等片

新撫奏編練陸軍辦理情形片

禮部會奏 太皇太后几筵前百日禮事宜摺

又會奏 大行皇帝几筵前百日禮事宜摺

土藥統稅大臣奏土販流弊滋多籌設緝私營摺

學部奏議覆福建高等學堂豫科畢業獎勵摺

又奏奉天海城縣簡易師範畢業請獎摺

湘撫奏江防兵輪擬換快砲分爲五標操練片

鄂督奏者儒萬斛泉請宣付史館摺二十三日

學部奏直隸師範學堂初級簡易科畢業請獎摺

東督等奏江省沿邊荒務酌擬變通辦法摺二十四日內閣奏恭修

實錄摺

農工商部奏舊金山中華商務總會請給關防摺

浙撫奏上海中國公學經費請作正開銷片

又奏蘇杭甬路借款虧耗請由鹽勛加價內提撥片

又奏擬運公費提存商網款內動支片二十五日

禮部奏二十七月內 皇上詣 几筵前服縞素摺

又奏酌擬變通保送舉貢摺

甘督奏購製 文廟禮樂各器銀兩摺

又奏遵設諮議局籌辦處摺

又奏設立優級師範學堂片二十六日

民政部奏整頓內外城警政酌改廳區制度等摺

吏部奏定考核勞績保舉辦法片

魯撫奏營隊分防實難裁汰片

直督奏應攤津浦路款請援豫案加收鹽捐摺二十七日

禮部奏恭鑄 監國攝政王金寶等摺

度支部奏各省舊案請截清年分勒限開單報銷摺

科布多參贊大臣奏添設蒙小學堂摺

又奏實行禁煙情形片二十八日

禮部奏添鑄 崇陵工程處關防摺

又奏改鑄典制司印進 呈印模摺

法部奏請 飭京外各衙門簽註刑律草案摺

浙撫奏參考刑律草案摺

甘督奏添募巡防馬步各隊摺

新撫奏設陸軍小學堂辦理情形摺二十九日

摺奏類二總目

法部奏議覆主事彭運斌等各留原籍差遣摺

倉場總督奏蘇省海運漕米純潔酌保糧道各員摺

豫撫奏師範及高等小學堂陸續畢業擬獎摺

陝撫奏查明各屬被災酌籌振撫並懇蠲緩摺

江督奏監司大員捐款興學請移獎摺

又奏達賴過境派員護送片

度支部奏長蘆豫岸引鹽加耗限滿請展三年片

贛撫奏糧道錫恩給咨調驗禁煙片初九日

民政部奏上年分各省古昔陵寢祠墓防護無誤摺
陸軍部奏遵議黔省邊防案核減摺

又奏查明游擊張廣源底銜不符照章改獎摺

鄂督奏鄂省各營增裁缺額兵馬戰船各數摺

又奏革令陳柏侯被參冤抑請開復片

法部奏員外郎文永請留部補用摺

又奏迴避員外郎李國燕請留部補用摺

東督奏溫處道郭則澧請暫緩赴任片

法部奏請以沈寶昌等署地方審判廳推事各缺摺

粵督奏革員何元山剿匪有功請 旨施恩片

度支部奏覆御史涂國盛湖北賑捐收免保實銀摺

熱河都統奏遵章考試候補各員分別去留摺

陝撫奏參蒲城令李體仁擅押濫刑革職等片十四日

又奏核覆伊犁歲修倉庫銀兩等摺

直督奏查明霸州靜海淀地被災分別蠲緩摺

東督等奏吉林銀圓廠用過銀銅等項摺十五日

吏部奏議覆滇督奏前辦界務各員請獎摺

續撫奏舉劾屬員摺

東督等奏江省巡防制兵需過餉乾銀數摺

續撫奏黃河三屆安瀾循例彙保出力各員摺

滇督奏麗江縣舉人木正源崇祀鄉賢摺初十日

又奏遵議蘇省光緒三十二年海運各員請獎摺

吏部奏遵議光緒三十二年海運各員請獎摺

粵督奏革守畢昌言被參冤抑請開復片

閩督奏沈翔清附祀沈葆楨專祠等摺十一日

又奏主事扎昆珠請留部補用摺

魯撫奏考核州縣事實摺

黔撫奏前巡撫林肇元請准予建祠等摺十二日

又奏請以潘元枚等補承政廳參事各缺片

皖撫奏請將參將附祀僧忠親王祠片十三日

桂撫奏請將梧關春字五營底餉再予展限片

直督奏長蘆補欠積欠二款請照案推展五年摺

民政部奏請飭蘇撫造解金甌摺

江甯將軍奏佐領等枉法專擅請分別議處摺

鄂督奏考察屬員分別舉劾摺

度支部奏遵議滇督奏大員捐廉助賑請獎片

陝撫奏參庸劣不職各員摺

浙撫奏甄別屬員分別獎懲摺

又奏呼倫貝爾副都統設立文案處經費撥銷片

滇督奏請將道員杜慶元留滇補用片

粵督奏拿獲革命黨出力員弁請獎摺 十六日

又奏議改科布多軍營保獎年限摺

又奏考察屬員分別獎懲摺

滇督奏請將石宸鼎案更正等片 十七日

直督奏查明本年順直災歉州縣來春分別調劑摺

魯撫奏補行軍政薦舉卓異營員摺

庫倫辦事大臣奏保開辦庫倫金礦出力人員摺

湘撫奏田房稅契照鄂章徵收六分片

桂撫奏解清游學日本各生經費片

又奏請以候守胡銘槃等充秘書員各差片 二十日

又奏請以黃維翰補綏化守片

滇督奏請將沈秉堃等從優議叙片

又奏請 賞給高而謙等頭品頂戴片 二十一日

江督奏兩淮泰州海州場竈被災分別緩徵摺

黔撫奏參庸劣不職各員摺 二十二日

陸軍部奏議覆滇省勸辦界務出力人員請獎摺

鄂督奏請以道員杜僉署鄖陽鎮片

度支部議覆黔撫奏舉人樂嘉藻捐助銀兩請獎片

江督等奏蘇屬秋收歉薄應徵錢糧分別蠲緩摺

滇督奏請以秦發慶補黑鹽井提舉摺

陸軍部奏議覆科布多大臣奏洋務局員請獎摺

東督奏請將咨調投効各員擇尤留省補用摺

江督等奏南贛剿匪案內各員請照原保給獎摺

民政部奏彙查各省城垣情形摺

江督等奏甯屬秋禾被災分別蠲緩摺 十九日

又奏補行軍政叅劾營員摺

又奏庫倫金礦總辦柯樂德請 賞頭品頂戴片

又奏侍衛楚鎮南作惡多端請斥革等片

又奏同知和廷彪稽徵不力暫行革職片

東督等奏江省應進貢貂獮懇緩免採捕摺

豫撫奏機器局用款請由減平項下籌撥片

又奏請將降匪之黃體良等革職嚴緝等片

禮部彙奏議覆各省奏請入祀名宦鄉賢祠摺

皖撫奏查明各屬被災輕重辦理賑糶情形摺

度支部會奏核議奉省歷年各局卡溢征請獎摺

新撫奏伊塔道慶秀請暫緩赴引片

浙撫奏飭甯紹台道管鎮海口砲台片 二十三日

又奏請覆輪撫奏請將賑捐展限一年摺

桂撫奏請以張德淵試署泗城守摺

又奏河口邊局被匪擄去鹽斤課銀請豁免片

又奏開化守彭繼志等助學請獎片二十四日

度支部奏議鄂督奏候令楊悅捐振請獎摺

熱河都統奏保奉天候守張翼廷摺

甘督奏川陝楚三省會哨事竣摺二十五日

豫撫奏請以熊廷襄補洛陽令摺

鄂督奏試用道袁勵植期滿甄別片

湘撫奏迭獲謀逆各犯請獎出力員弁摺

又奏運解新餉腳價等項銀兩片

吏部會奏議覆編修杜巖等免扣資俸摺

又奏直牧馮駿仍留粵差委片

閩督奏游擊李殿起請留閩浙補用片

黔撫奏土婦安李氏捐款興學請建坊片

吏部奏議覆東督奏試用州判榮永清改獎片

贛撫奏請以左秉鈞補宜春令摺

魯撫奏請以姜迺升補壽光令摺

又奏從九品王篤明等河工積勞病故請獎卹片

江督等奏上年分漕白二糧起運本折約數等摺

新撫奏通判王錦銘濫刑斃命請革職歸案審辦片

大理院奏審明撞入禁門割草人犯定擬摺

湘撫奏查明澧州等處被災分別蠲緩糶

贛撫奏知縣周衍祐等虧短銀兩參追摺

度支部議覆東督奏紳民宋天申等捐學請獎摺

又奏請以袁啓芬試署新鄭令摺

黔撫奏請以陸德滋補黃平州牧摺

甘督奏請以任肇新補循化同知摺

閩督奏已革周墩縣丞曹祖蔭請開復片二十六日

粵督奏廉欽勦匪肅清出力各員請獎摺

桂撫奏請將選用令陳廷傑等留桂差遣片

新撫奏請以候補道陳璋充督練處叅議官等片

又奏民女呂棕英羞忿自盡請旌片二十七日

又奏議覆東督保開復知縣滕椿等請查原案片

甘督奏請以傅景賢試署清水令摺

又奏委候補道陳炳文代理鹽運使片

科布多大臣奏防兵缺額由綏遠派撥片二十八日

魯撫奏估報上年運河工費銀數摺

又奏查明被災地方酌籌調劑片二十九日

政治官報正月分分目

摺奏類一分目

憲政門

陝撫奏遵設諮議局籌辦處摺

粵督奏遵設諮議局籌辦處摺

鄂督奏遵設諮議局籌辦處摺 十二日

桂撫奏設立諮議局籌辦處摺 二十日

贛撫奏設立諮議局籌辦處摺 二十一日

甘督奏遵設諮議局籌辦處摺 二十六日

吏政門

吏部奏欽奉 恩詔核辦 封典條款摺 初八日 又奏酌擬傳補滿御史辦法摺

又奏議覆晉撫移置磧口通判改為東勝廳摺

又奏遵議熱河赤峰縣丞升為直隸州判等片

魯撫奏叅戒煙不力各員摺 十一日

民政部奏援案請給八九品警官季俸摺

又奏派朱德裳署外城左分廳知事片

贛撫奏叅戒煙不力各員摺 十二日

吏部奏駁辦 恩廕條款摺

東督奏查覆錦州府屬官地清丈情形摺

翰林院侍讀榮光奏請遵章清丈錦屬墾地摺 十三日 熱河都統奏整頓命盜詞訟考核章程摺 十四日

度支部奏請開殺虎口監督在叅議上行走片 十六日 滇督奏交涉司員缺酌定養廉數目摺 十七日

大學士孫家鼐等奏查覆郵傳部尙書陳璧叅款摺 御史謝遠涵奏叅大員虛糜國帑等摺 十八日

鄂督奏薦舉試用道高松如等片 十九日 吏部奏遵 旨嚴議郵傳尙書處分摺 二十日

又奏酌擬詹錄期滿獎叙辦法摺 東督等奏添設廬州縣交代免扣例限片 二十一日

民政門

湘撫奏茶陵州判等缺即行裁撤等片 二十二日

吏部奏定考核勞績保舉辦法片 二十七日

續擬奏贛省警區改良局制事宜等摺 初九日 民政部奏遵照奏案辦理車捐并開辦日期摺

鄂督奏開辦土膏營業憑照等摺 初十日

滇督奏改設巡警學堂併教練所摺 十六日

民政部奏各省欠解額本請趕解以備要工摺 十九日
又奏整頓內外城警政酌改廳區制度摺 二十七日
科布多參贊大臣奏實行禁煙情形片 二十八日

財政門

察哈爾都統奏蒙鹽加價設局仍歸官辦理片

鄂督奏駐呢廠購料仍請免稅三年片

浙撫奏擬將官錢局改設浙江銀行摺

又奏裁撤上海海公司改歸官辦片

魯撫奏藩司朱其煊請捐津貼移辦新政片 初九日

度支部奏覆土藥統稅大臣遵解土稅照辦摺

鄂督奏請將土稅按月撥解等摺 十一日

稅務處奏湖北製麻照機製各貨完稅摺 十二日

度支部奏遵 旨妥議清理財政辦法摺

黔撫奏派練陸軍款細懇 飭部籌撥摺 十三日

度支部奏覆魯撫預籌黃河辦法並添撥經費摺

又奏議覆晉撫奏察哈爾行銷蒙鹽加價摺

又奏議覆東督奏蒙債困苦向銀行息借銀兩片

署江北提督奏添設清江巡警局經費等片

又奏陸軍警察隊額兵餉乾另行開支片 十五日

度支部奏覆直督永定河另案工程等摺

陝撫奏巡警經費請 飭立案片

東督等奏江省事繁款絀懇撥經費摺 十六日

鄂督奏請將湖北造紙廠機器材料免稅三年片

東督奏改編巡防隊應添器械銀兩等片 十九日

度支部奏呈進宣統通寶新錢摺 二十日

又議覆直督濟南等處商埠經費撥借摺 二十一日

土藥統稅大臣奏土販弊多籌設緝私營摺 二十二日

東督奏江省沿邊荒務酌擬變通辦法摺 二十四日

浙撫奏上海中國公學經費請作正開銷片

又奏蘇杭甬路借款虧耗由鹽飭加價內提撥片

又奏撫運公費提存商綱款內動支片 二十五日

甘督奏購製 文廟禮樂各器銀兩摺 二十六日

直督奏應攤津浦路款請援豫案加收鹽捐摺 二十七日
度支部奏各省舊案請截清年分報銷摺 二十八日

禮制門

民政部奏 攝政王出入府第翊衛章程摺 初九日 禮部會奏恭上 太皇太后尊諡事宜摺

又奏恭上 太皇太后尊諡添供果品片 又會奏恭上 大行皇帝尊諡事宜摺

又奏恭上 大行皇帝尊諡添供果品片 初十日承修 崇陵工程大臣奏定 崇陵規制摺

又奏請遴派監督各員摺 又奏請頒發關防片 十一日 大行太皇太后尊諡禮節摺

東督奏請 飭改鑄審判檢察廳印信等摺 十三日禮部奏恭上 大行太皇太后尊諡禮節摺

又奏恭上 太皇太后尊諡頒 詔禮節摺 又奏 閱視 冊 寶是否由 攝政王行禮片

又奏 大行皇帝梓宮奉移 山陵事宜摺 十四日又奏恭上 大行皇帝尊諡禮節摺

又奏恭上 大行皇帝尊諡頒 詔禮節摺 又奏擬改職司署門字樣摺

又奏 太皇太后几筵前三滿月禮事宜摺 又奏 太皇太后几筵前三滿月禮節摺

又奏 大行皇帝几筵前三滿月禮事宜摺 又奏 大行皇帝几筵前三滿月禮節摺

又奏 大行皇帝神牌 升祔 奉先殿摺 又奏 皇上請髮日期摺 十九日

又會奏 太皇太后几筵前百日禮事宜摺 又奏 太皇太后几筵前百日禮節摺

又會奏 大行皇帝几筵前百日禮事宜摺 又奏 大行皇帝几筵前百日禮節摺

鄂督奏者儒萬斛泉請宣付史館摺 二十三日 內閣奏恭修 實錄摺 二十五日

禮部奏念七月內 皇上詣 几筵服縞素摺 二十六日又奏恭鑄 監國攝政王金寶等摺 二十八日

又奏添鑄 崇陵工程處關防摺 又奏改鑄典制司印進 呈印模摺 二十九日

學務門 學部奏覆甘督奏甘省高等學堂肄業生獎勵摺 又奏編輯國民必讀簡易識字等課本摺 二十日

又奏議覆福建高等學堂豫科畢業獎勵摺 又奏奉天海城縣簡易師範畢業請獎摺 二十三日

又奏直隸師範學堂初級簡易科畢業請獎摺 二十四日禮部奏酌擬變通保送舉貢摺

甘督奏設立優級師範學堂片二十六日

科布多參贊大臣奏添設蒙小學堂摺二十八日

法律門

蘇撫奏籌建罪犯習藝所及各屬辦理情形摺初八日

又奏遵設省城模範監獄工竣摺初九日

又奏諭併各級審判廳并改擬廳名員缺摺初十日

又奏請 飭京外各衙門簽註刑律草案摺二十九日

軍政門

晉撫奏改編巡防隊並裁兵節餉等摺初八日

陸軍部奏酌擬綠營補缺彙奏辦法摺初九日

烏里雅蘇台將軍奏查明連順等叅款覆陳摺初十日

稽察守衛事宜大臣奏遵擬詳細稽察章程摺初十日

新撫奏編練陸軍辦理情形片二十一日

魯撫奏營隊分防實難裁汰片二十七日

新撫奏設陸軍小學堂辦理情形摺二十九日

農工商政門

首善工藝廠奏開辦情形暨續募捐款摺初九日

又奏京西七廠成績品進城請免稅釐片初八日

浙撫奏遵 旨籌議改辦高等蠶桑學堂摺初九日

農工商部奏濟南設立商會請給關防摺十四日

桂撫奏產錫各處由富賀官礦局經理片十七日

又奏辦理農林試驗場片二十日

豫撫奏請以英山令王青選留辦礦務片二十一日

農工商部奏舊金山商會請給關防摺二十五日

郵電航路政門

粵督奏前侍讀學士梁誠服闋仍留辦路事片二十一日

藩政門

歸化副都統奏選蒙古王公勳舊子弟入學摺初九日理藩部代奏蒙藩王公創建殖邊學堂摺二十日

摺奏類二分目

吏政門

倉場總督奏蘇省海運漕米純潔酌保糧道各員摺

贛撫奏糧道錫恩給咨調驗禁煙片初九日

粵督奏革守畢昌言被參冤抑請開復片

法部奏員外郎文永請留部補用摺

又奏迴避員外郎李國燕請留部補用摺

東督奏溫處道郭則澧請暫緩赴任片十二日

又奏請以潘元救等補承政廳參事各缺片十三日

陝撫奏參蒲城令李體仁擅押濫刑革職等片十四日鄂督奏考察屬員分別舉劾摺十五日

度支部奏遵議滇督奏大員捐廉助賑請獎片

陝撫奏參庸劣不職各員摺

浙撫奏甄別屬員分別獎懲摺

滇督奏請將道員杜慶元留滇補用片

東督奏請將咨調投効各員擇尤留省補用摺

滇督奏請將石宸鼎參案更正等片十七日

又奏請以候守胡銘榮等充秘書員各差片二十日

法部奏議覆主事彭運斌等各留原籍差遣摺

吏部奏遵議光緒三十二年海運各員請獎摺

又奏革令陳柏侯被參冤抑請開復片十一日

又奏主事扎昆珠請留部補用摺

魯撫奏考察州縣事實摺

法部奏請以沈寶昌等署地方審判廳推事等摺

熱河都統奏遵章考試候補各員分別去留摺

鄂督奏考察屬員分別舉劾摺十五日

吏部奏議覆滇督奏前辦界務各員請獎摺

贛撫奏舉劾屬員摺

豫撫奏黃河三屆安瀾循例彙保出力各員摺

粵督奏拿獲革命黨出力員弁請獎摺十六日

又奏考察屬員分別獎懲摺

桂撫奏同知和廷彪稽徵不力暫行革職片

東督等奏請以黃維翰補綏化守片

滇督奏請將沈秉堃等從優議叙片

黔撫奏參庸劣不職各員摺 二十二日

桂撫奏請以張德淵試署泗城守摺

熱河都統奏保奉天候守張翼廷摺

豫撫奏請以熊廷襄補洛陽令摺

鄂督奏試用道袁勳植期滿甄別片

甘督奏請以任肇新補循化同知摺

吏部會奏議覆編修杜嚴等免扣資俸摺

桂撫奏請將選用令陳廷傑等留桂差遣片 二十七日

又奏議覆東督保開復知縣滕椿等請查原案片

甘督奏請以傅景賢試署清水令摺

又奏委候補道陳炳文代理鹽運使片 二十八日

民政門

民政部奏彙查各省城垣情形摺 十九日

財政門

陝撫奏查明各屬被災酌籌振撫懇蠲緩摺 初九日

又奏覆御史涂國盛湖北賑捐收免保實銀摺

直督奏長蘆補欠積欠二款請推展五年摺 十四日

直督奏查明霸州靜海淀地被災分別蠲緩摺

又奏江省巡防制兵需過餉乾銀數摺

又奏請 賞給高而謙等頭品頂戴片 二十一日

新撫奏伊塔道慶秀請暫緩赴引片 二十三日

滇督奏請以秦發慶補黑鹽井提舉摺 二十四日

贛撫奏知縣周衍祐等虧短銀兩叅追摺 二十五日

又奏請以袁啓芬試署新鄭令摺

黔撫奏請以陸德滋補黃平州牧摺

閩督奏已革周墩縣丞曹祖蔭請開復片 二十六日

粵督奏直牧馮駿仍留粵差委片

吏部奏議覆東督奏試用州判榮永清改獎片

贛撫奏請以左秉鈞補宜春令摺

魯撫奏請以姜迺升補壽光令摺

新撫奏通判王錦銘濫刑斃命請革職片 二十九日

度支部奏長蘆豫岸引鹽請展三年片 初十日

桂撫奏請將梧關春字五營底餉再予展限片

民政部奏核覆伊犁歲修倉庫銀兩等摺

東督等奏吉林銀圓廠用過銀銅等項摺 十五日

又奏呼倫貝爾設立文案處經費報銷片 十六日

直督奏查明本年順直災歉州縣來春分別調劑摺

江督等奏甯屬秋禾被災分別蠲緩摺十九日

湘撫奏田房稅契照鄂章徵收六分片

桂撫奏解清游學日本各生經費片二十日

豫撫奏機器局用款請由減平項下籌撥片二十一日

江督奏兩淮泰州海州場竈被災分別緩徵摺

皖撫奏查明各屬被災輕重辦理賑糶摺二十二日

度支部奏核議奉省各局卡溢征請獎摺二十三日

又議覆黔撫奏舉人樂嘉藻捐助銀兩請獎片

又奏議覆贛撫奏請將賑捐展限一年摺

江督等奏蘇屬秋收歉薄應徵錢糧分別蠲緩摺

滇督奏河口邊局被擴鹽斤課銀豁免片二十四日

度支部奏議覆鄂督奏候令楊悅捐振請獎摺

湘撫奏查明澧州等處被災分別蠲緩摺二十五日

度支部議覆東督奏紳民宋天申等捐學請獎摺

甘督奏運解新餉腳價等項銀兩片

江督等奏上年分漕白二糧起運本折約數等摺

魯撫奏估報上年運河工費銀數摺

禮制門

民政部奏上年分各省古昔陵寢祠墓防護無誤摺

滇督奏麗江縣舉人木正源崇祀鄉賢摺初十日

閩督奏沈翊清附祀沈葆楨專祠等摺十一日

黔撫奏前巡撫林肇元請准予建祠等摺十二日

皖撫奏請將將附祀僧忠親王祠片十三日

民政部奏請飭蘇撫造解金甌摺十五日

東督等奏江省貢貂鼯懇緩免採捕摺二十一日

禮部彙奏議覆各省請祀名宦鄉賢祠摺二十二日

黔撫奏土婦安李氏捐款興學請建坊片

又奏民女呂棕英羞忿自盡請旌片二十七日

魯撫奏從九品王篤明等積勞病故請議卹片二十八日

學務門

豫撫奏師範及高等小學堂陸續畢業擬獎摺

江督奏監司大員捐款興學請移獎摺初九日

滇督奏開化守彭繼志等助學請獎片二十四日

法律門

大理院奏審明擅入 禁門割草人犯定擬摺二十五日

軍政門

陸軍部奏遵議黔省邊防案核減摺

又奏查明游擊張廣源底銜不符照章改獎摺

粵督奏革員何元山剿匪有功請獎片十三日

陸軍部奏議覆科布多大臣奏洋務局員請獎摺

江督等奏南贛剿匪各員請照原保給獎摺十七日

又奏補行軍政叅劾營員摺

滇督奏請將降匪之黃體良等革職嚴緝等片二十一日 陸軍部奏議覆滇省勸辦界務出力人員請獎摺

鄂督奏請以道員杜僉署鄖陽鎮片

甘督奏川陝楚三省會哨事竣摺二十五日

粵督奏廉欽勦匪肅清出力各員請獎摺

新撫奏請以候補道陳璋充督練處叅議官片二十七日 科布多大臣奏防兵缺額由綏遠派撥片二十八日

農工商政門

庫倫辦事大臣奏保庫倫金礦出力人員摺

藩政門

豫撫奏達賴過境派員護送片 初九日

又奏遵議蘇省光緒三十二年海運各員請獎摺

鄂督奏鄂營增裁缺額兵馬戰船各數摺 十一日

江甯將軍奏佐領等枉法專擅請議處摺 十五日

又奏議改科布多軍營保獎年限摺

魯撫奏補行軍政薦舉卓異營員摺

湘撫奏侍衛楚鎮南作惡多端請斥革片 二十日

浙撫奏飭甯紹台道管鎮海口砲台片 二十三日

湘撫奏迭獲謀逆各犯請獎出力員弁摺 二十六日

閩督奏游擊李殿起請留閩浙補用片

又奏總辦柯樂德請 賞頭品頂戴片 二十日

西歷一千九百十九年正月二十九號 星期五

本局設立北京東長安牌樓王府井大街

宣統元年正月初八日第肆百肆拾捌號

電話內城總局第二百零一號

政治官報

目錄

- 宮門鈔○ 諭旨十二道○交 旨五道○事由單●摺奏類○吏部奏欽奉
- 恩詔核辦 封典條款摺○首善工藝廠奏開辦情形暨續募捐款摺○文奏
- 京西七廠成績品進城請免稅釐片○晉撫奏改編巡防隊並裁兵節餉等摺○蘇撫
- 奏籌建罪犯習藝所及各屬辦理情形摺●廣告

政治官報 目錄

正月初八日第四百四十八號

宮門鈔

正月初一日 欽天監奏風從良來爲上歲

召見軍機 豫王

宮門鈔

正月初二日

召見軍機

諭旨

監國攝政王鈐章

正月初二日內閣奉

上諭桂祥著加恩賞食入八分輔國公俸欽此

軍機大臣署名奕劻世續張之洞鹿傳霖那桐

監國攝政王鈐章

正月初二日內閣奉

上諭外務部會辦大臣大學士那桐著補授軍機大臣欽此

軍機大臣署名奕劻世續張之洞鹿傳霖那桐

監國攝政王鈐章

正月初二日內閣奉

上諭外務部尙書會辦大臣著 彥補授鄒嘉來著補授外務部右侍郎欽此

軍機大臣署名奕劻世續張之洞鹿傳霖那桐

監國攝政王鈐章

正月初二日內閣奉

上諭載澍著加恩賞給二品頂戴欽此

軍機大臣署名奕劻世續張之洞鹿傳霖那桐

監國攝政王鈐章

正月初二日內閣奉

上諭上年順天直隸各屬被災地方業經分別蠲緩糧租小民諒可不至失所惟念今春青黃不接之時民力未免拮据加恩著將被災歉收之武清等州縣廳各村莊應徵本年春賦地丁錢糧等項並原緩光緒三十四年及節年地丁錢糧等項分別緩至本年麥後及秋後啓徵其坐落武清天津二縣地方之津軍廳葦漁課納糧地畝並歸入該二縣災歉村莊一律辦理以紓民力該督即按照原奏開明詳細數目刊刻謄黃徧行曉諭務使實惠均霑毋任吏胥舞弊用副朝廷履端布闔嘉惠畿疆之至意該部即遵諭行欽此

軍機大臣署名奕劻世續張之洞鹿傳霖那桐

監國攝政王鈐章

正月初二日內閣奉

上諭端方等奏蘇州等屬秋收歉薄請將應徵錢漕分別蠲減緩徵一摺江蘇蘇州等屬上年入夏以來霖雨連綿江潮並漲田禾半被淹浸秋後又復亢晴通省收成均形歉薄若

將應徵錢漕照常徵收民力實有未逮加恩著照所請所有長洲等二十八廳州縣拋荒
坍塌等田銀米昭文等二縣被淹無收田丹徒縣被旱無收漕屯各田銀米崑山等二縣
拋荒蘆價田條銀靖江縣被歉無收漕田銀米同蘆田課銀溧陽縣被淹被旱田下忙條
銀及漕米一律蠲免崑山等縣歉收田條銀漕米各等項均著分別減免以紓民力餘著
照所議辦理該督撫卽照所奏詳細開明區圖村莊頃畝及應行蠲免細數刊刻謄黃徧
行曉諭務使實惠均霑毋令吏胥舞弊用副朝廷軫念民艱至意該部知道欽此

軍機大臣署名奕劻世續張之洞鹿傳霖那桐

監國攝政王鈞章

正月初二日內閣奉

上諭端方等奏江甯等屬秋禾被災請將新舊錢糧分別蠲緩一摺江蘇江甯等屬上年入
夏以後連被大雨湖河泛漲田禾多被淹浸復受風災收成歉薄若將新舊錢糧照常徵
收民力實有未逮加恩著照所請所有上元等二十八州縣廳同淮安等四衛歸併各州
縣經徵被災田地及未墾荒田營壘壓廢各田應徵三十四年地丁錢糧均著分別蠲緩
其上元等州縣廳衛節年未完原緩遞緩各款均著分別展緩帶徵以紓民力該督撫卽
照所奏詳細開明區圖村莊頃畝數目刊刻謄黃徧行曉諭務使實惠均霑毋任吏胥舞
弊用副朝廷軫念民艱至意餘著照所議辦理該部知道欽此

軍機大臣署名奕劻世續張之洞鹿傳霖那桐

宮門鈔

正月初三日 那中堂補授軍機大臣謝 恩 梁敦彥補授外務部尙書謝

恩 鄒嘉來補授外務部右侍郎謝 恩 桂公 賞食八分公俸謝 恩

載澍 賞加二品頂戴謝 恩 雲南道易順鼎謝 恩 江西知府王祖同

謝 恩 紹英等前往 東陵請 訓 倫貝子請假五日 曾侯假滿請

安

召見軍機 易順鼎 王祖同

諭旨

監國攝政王鈐章

正月初三日內閣奉

上諭外務部左丞著張蔭棠補授所遺外務部右叅議著周自齊補授仍署左叅議欽此

軍機大臣署名奕劻世續張之洞鹿傳霖那桐

諭旨

正月初三日

監國攝政王鈐章

軍機大臣欽奉

諭旨

西陵梁格莊行宮正殿恭備

大行皇帝梓宮暫安所有該處工程著派承修

崇陵工程大臣迅速查勘修理欽此

軍機大臣署名奕劻世續張之洞鹿傳霖那桐

●宮門鈔●

正月初四日

張中堂等同鄉官謝

恩

張蔭棠授外務部左丞謝

恩 周

自齊授外務部右叅議仍署左叅議謝

恩

達公續假十五日

召見軍機

●諭旨●

監國攝政王鈐章

正月初四日內閣奉

上諭上年山東被災各州縣業經分別蠲緩錢漕小民諒可不至失所惟念今春青黃不接之時民力未免拮据加恩著將被災之濟甯等州縣各村莊應徵本年上忙錢漕租課等項均分別緩至本年麥後及秋後啓徵其坐落該州縣境內之寄莊竈課與裁併衛所並永利等場均隨同民田一律辦理以紓民力該撫卽按照單開詳細數目刊刻謄黃徧行曉諭務使實惠均霑毋任胥吏舞弊用副朝廷始和布澤惠愛羣黎之至意該部卽遵諭行欽此

軍機大臣署名奕劻世續張之洞鹿傳霖那桐

監國攝政王鈐章

正月初四日內閣奉

上諭徐世昌等奏考察屬員分別獎懲一摺吉林賓州直隸廳同知李樹恩署延吉廳同知奉天興仁縣知縣陶彬伊通佐領保英阿連科既據該督等臚陳政績均著傳旨嘉獎五常廳同知田葆綬聽斷輕率尙無別項劣跡准補綬芬廳同知前署榆樹縣知縣廉慈馭下無方尙能實心任事署磐石縣知縣准補大通縣知縣劉贊棠素有能名因不治輿情屢被控告均著開缺另補留吉試用知縣韓勳貌似有才操守難信候補知縣張維棟聲名狼藉劣跡顯著留吉補用知縣聶履中年少輕浮供差舞弊升用直隸州知州候補主事文哲理縱容丁役通同作弊榆樹縣司獄巡檢郭元孝庸懦無識擅受民詞署五常廳司獄巡檢試用州同金渭源舉止輕率遇事生風署五常廳蘭彩橋巡檢本任長壽縣一面坡巡檢朱縉樞縱差勒索致釀人命署一面坡巡檢候補巡檢吳金鑑任役私押斃命有案長春府教授李喬年年老昏庸縱子聚賭烏拉協領全吉藉端攤派均著革職另片奏署雙城協領本任拉林協領連春署拉林協領本任雙城協領喜勝赫爾蘇邊門防禦倭西布筆帖式倭恆額吉林正藍旗佐領富常阿阿勒楚喀佐領鳳和或侵吞公款或扣兵餉或賄差賣缺或私刑濫法著一併革職歸案訊辦其貪尅苛派得贓有據各員並著分別監追以示懲儆該部知道欽此

軍機大臣署名奕劻世續張之洞鹿傳霖那桐

交旨

正月初四日

監國攝政王鈐章

軍機大臣欽奉

諭旨前經降旨桂祥賞食入八分輔國公俸著度支部按照雙俸支給欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨本日徐世昌等奏事附片餘紙有倒置書寫字迹實屬疏忽著傳旨申飭欽此

軍機大臣署名奕劻世續張之洞鹿傳霖那桐

宮門鈔

正月初五日 桂公賞食雙俸謝 恩 祥普續假十日

召見軍機

宮門鈔

正月初六日 洵貝勒前往 西陵請 訓 陸潤庠等同鄉官謝 恩

張英麟等同鄉官謝 恩 克王續假十日 洵貝勒封奏一件 外務部代遞奏

摺二封 內務府奏初十日祭 奉先殿富康行禮

召見軍機 澤公 洵貝勒

諭旨

監國攝政王鈐章

正月初六日內閣奉

上諭本年三月十二日

大行皇帝梓宮奉移

山陵暫安朕本應親往恭送以盡哀忱茲奉

皇太后懿旨此次

大行皇帝梓宮係屬暫安皇帝尙在沖齡銜哀遠出實非所宜屆時予當前往恭送用伸哀敬

皇帝不必同行欽此

慈命諄切敢不祇遵一俟數年後

陵寢工程告成再行諏吉舉行恭謁典禮此次應派近支王公恭代行禮及一切應行禮節事

宜著各該衙門直隸總督敬謹預備欽此

軍機大臣署名奕劻世續張之洞鹿傳霖那桐

交旨

正月初六日

監國攝政王鈐章

軍機大臣欽奉

諭旨載洵奏前赴

西陵梁格莊行宮查看工程一摺知道了欽此

軍機大臣署名奕劻世續張之洞鹿傳霖那桐

宮門鈔

正月初七日 溥頤遞遺摺 內務府奏十一日祭

奉先殿德茂行禮

召見軍機

諭旨

監國攝政王鈐章

正月初七日內閣奉

上諭三月十二日

大行皇帝梓宮奉移

西陵暫安所有經由道路著各該衙門及直隸總督敬謹豫備是日

皇太后恭送

梓宮禮畢於十三日啟鑾乘坐火車行抵梁格莊

行宮駐蹕勿庸另備

蹕路十四日恭謁各

陵十五日恭迎

大行皇帝梓宮暫安禮成十六日仍乘火車迴鑾其沿途地方一切應備事宜務從簡省所需

經費著楊士驤核實樽節辦理准其作正開銷絲毫不許攤派民間以免擾累欽此

軍機大臣署名奕劻世續張之洞鹿傳霖那桐

監國攝政王鈐章

正月初七日內閣奉

上諭前任吏部右侍郎溥頤由司員洊升卿貳補授右翼總兵辦事慎勤克盡厥職前因患病准其開缺茲聞溥逝軫惜殊深加恩著照侍郎例賜卹任內一切處分悉予開復應得卹典該衙門察例具奏欽此

軍機大臣署名奕劻世續張之洞鹿傳霖那桐

交旨

正月初七日

監國攝政王鈐章

軍機大臣欽奉

諭旨據端方電稱浙江等省應解賠款未能按期匯到請嚴催各省迅將應解賠款一律照向例提前一月如數解清等語賠款關係要需若各省紛紛效尤一屆還期從何應付著度支部電知各省迅將應解賠款數目按期匯滬勿得遲誤欽此

軍機大臣署名奕劻世續張之洞鹿傳霖那桐

正月初一日內摺傳 旨事由單

欽天監奏風從艮來爲上歲事奉 旨知道了

正月初二日外摺奉 旨事由單

端方陳啟泰奏江甯等屬錢糧分別蠲緩摺 另有旨○又奏蘇州等屬錢漕分別蠲緩摺 另有旨○又奏江甯等屬漕折分別蠲緩摺 著照所請該部知道

正月初三日內摺傳 旨事由單

內務府奏修理 三所等處工程應需款項請由度支部籌撥事單一件奉 旨著再行覈減○領侍衛內

大臣代奏章京等得 賞掛銀謝 恩事奉 旨知道了○理藩部代奏哲布尊丹巴呼圖克圖等各
 差人請 安呈進 貢物事奉 旨知道了○又代奏哲布尊丹巴呼圖克圖等各差人於 梓宮
 前呈進 貢物事奉 旨知道了○又代奏駐京章嘉呼圖克圖叩謝 梓宮呈進 貢物事奉
 旨知道了

正月初四日內摺傳 旨事由單

內閣奏恭上 大行太皇太后尊諡冊文寶模 大行皇帝尊諡冊文寶模呈 覽事奉 旨

知道了○內務府奏豫備 賞給蒙古王公等折放款目事單一件奉 旨知道了○中正殿奏初八日
 進 養心殿噴經喇嘛名牌奉 旨知道了○理藩部代奏拜城回子公司迪克呈進 貢物可否呈進請
 旨事奉 旨毋庸呈進○又奏伊克昭盟長呈報鄂爾多斯貝勒旗建蓋廟宇請 賞廟名事奉

旨妙靈寺○又奏阿拉善鎮國公普勒忠尼什爾預保長子給予加銜事奉 旨依議
 正月初四日外摺奉 旨事由單

徐世昌陳昭常奏吉林銀元廠第七屆用過銀銅折耗等數目摺 度支部知道○又奏請以慶連升補吉林
 省城協領片 著照所請該部知道○又奏委王國琛代理吉林高等審判廳丞片 該衙門知道○又奏吉
 林各屬二麥收成分數摺 知道了○又奏賓州直隸廳同知李樹恩請暫緩赴引片 著照所請該部知道
 ○又奏候補同知魁福期滿甄別片 該部知道○又奏吉林舉劾屬員請分別獎懲等摺 另有旨○又奏
 奏協領連春等片 另有旨

正月初五日內摺傳 旨事由單

內務府奏擬 賞給蒙古王公喇嘛等緞綢貂皮等物事單一件奉 旨知道了○又片奏蒙古王公喇
 嘛等應得 賞項擬於初十日在 中正殿放給事奉 旨依議○御前乾清門吏部陸軍部各奏月摺
 均奉 旨換出

正月初五日外摺奉 旨事由單

徐世昌陳昭常奏吉林等處並無逃走旗丁摺 該部知道○又奏吉林等處並無辦過犯賊入官銀兩摺 該部知道○又奏核銷丁未年官兵俸餉各項用過銀兩等摺 度支部知道單併發○端方馮汝駉奏南贛剿匪案內武職各員請仍照原保給獎摺 該部議奏○馮汝駉奏各屬承變入官房屋各案摺 該部知道○又奏上年分上忙錢糧征完銀數摺 度支部知道○張人駿奏解第四批京餉摺 該衙門知道○又奏解英德還款片 該部知道○又奏解加撥英德磅價片 該部知道○又奏解還英德洋款摺 該部知道○又奏解新案賠款片 該部知道○又奏解練兵經費片 該部知道○又奏解第三批京餉摺 度支部知道○孫國乾奏署篆日期摺 知道了

正月初六日內摺傳 旨事由單

度支部奏議覆浙江巡撫奏浙海關欠還洋款請指的款事奉 旨依議○又奏議覆東三省總督奏紳民宋天申等報効學堂經費請獎分別准駁事單一件奉 旨依議○又片奏議覆貴州巡撫奏舉人樂嘉藻捐助圖書銀兩請獎事奉 旨依議○法部奏員外郎文永留部補用事奉 旨依議○又奏員外郎李國燕留部補用事奉 旨依議○又奏主事扎昆珠留部補用事奉 旨依議○又代奏候補四品京堂蘇秉樞謝 恩事奉 旨知道了○內務府奏初十日 皇太后萬壽聖節 奉先殿大祭富康行禮事奉 旨知道了○理藩部代奏外邊行走阿克蘇回子郡王銜貝勒哈迪爾來京該班請 安事奉 旨知道了

正月初六日外摺奉 旨事由單

徐世昌周樹模奏上年分秋收分數照章征緩並分別撫卹摺 該部知道○又奏江省上年分拿獲馬賊正法摺 法部知道○又奏佐領額爾色布因病休致請 賞食原俸摺 額爾色布准其原品休致賞食原俸該部知道○又奏各台站應付公費等銀數核銷摺 該部知道○又奏墾務游擊各營津貼銀兩請飭部

核銷片 度支部議奏○又奏江省添設府廳州縣交代暫行免扣例限報部片 該部議奏○張人駿奏解內務府經費摺 該部知道○又奏請以陶履恆補鹽大使摺 吏部議奏○又奏調赴廉欽新練軍加給津貼銀兩片 該部知道○又奏直牧馮駿仍留粵差委片 著照所請該部知道○又奏應解京餉及撥漢省練軍經費解支完竣摺 度支部知道○馮汝驤奏請以王濬道調補新建令摺 吏部議奏○又奏解甘新協餉片 度支部知道○又奏請以胡位咸調署都昌令片 吏部知道○又奏請仍以蕭渭等署吉安府通判各缺摺 吏部議奏○又奏解清上年分釐金京餉銀兩片 度支部知道○又奏解第二批東北邊防經費片 度支部知道○又奏請以郭曾準升補義甯牧摺 吏部議奏

正月初七日內摺傳 旨事由單

內務府奏阿克蘇回子郡王銜貝勒哈迪爾應賞緞紬等項可否照郡王例 賞給請 旨事奉 旨

照例賞

正月初七日外摺奉 旨事由單

吳重憲奏補署知縣各缺摺 吏部議奏○又奏請以熊廷襄調補洛陽令摺 吏部議奏○又奏減平項下籌撥機器局用款片 該部知道○又奏請以袁啟芬試署新鄭令摺 吏部議奏○又奏飭陶鎔赴臨潁縣任片 吏部知道○又奏前代理優師令劉仁駿虧欠交代請勒追片 該部知道○又奏黃河三屆安瀾循例彙保出力各員摺 該部議奏單三件併發○徐世昌周樹模奏江省應進貢貂籠懇緩免採捕摺 著准其暫行緩免呈進俟三年後仍著照常呈進毋誤○又奏江省沿邊荒務酌擬辦法摺 該部議奏單併發○又奏巡防制兵需過餉乾銀數摺 該部知道○又奏請以黃維翰補授綏化守片 吏部議奏○又奏江省事繁款絀懇撥常年經費摺 度支部詳議具奏○又奏添修呼倫貝爾副都統衙署工程報銷片 該部知道○又奏呼倫貝爾副都統署設立文案處經費報銷片 該部再議具奏○又奏開辦備邊卡倫及邊壘總分各局並開支數目摺 將來准其擇尤酌保毋許冒濫餘照所請該部知道○龐鴻書奏上年秋收分數摺

知道了○又奏 賞假謝 恩摺 知道了○又奏前貴州巡撫林肇元請附祀並宣付史館摺 林肇元准其附祀曾璧光之祠餘照所請該部知道○又奏黔省派練陸軍款絀甚鉅懇 飭部籌撥摺 該部議奏○朱家寶奏審擬命盜各案人犯彙奏摺 法部議奏○又奏京控未結各案片 法部知道○又奏查明各屬被災輕重辦理賑糶情形摺 知道了○又奏撥兌甘餉作為應解賠款片 該部知道○又奏請以試用通判王頤更署甯國府通判摺 吏部議奏○又代奏請將已故叅將黃大道附祀蒙城縣僧忠親王專祠片 該部議奏○又奏熊祖詒署理泗州直牧片 吏部知道○陳夔龍奏升補湖南宜章營叅將熊得壽迴避本籍揀員對調摺 陸軍部議奏○又奏請以孟應昌補鄖陽鎮都司摺 陸軍部議奏○又奏請以守備馬光啟升補竹山協都司摺 陸軍部議奏○張人駿奏十一月分兩糧情形摺 知道了○又奏早稻收數摺 知道了○又奏二麥收數摺 知道了

糾正

本月初六初七兩日北京日報本京新聞欄內各載有元旦受賀一則查去歲十一月十六日經禮部奏准宣統元年元旦在 大喪百日以內停止 御殿受賀原摺載在本報今該報所載元旦 皇上御 太和殿羣臣上表稱賀奏樂各節全屬子虛理合糾正

摺奏類

吏部奏欽奉 恩詔核辦 封典條款摺

奏為欽奉 恩詔核辦 封典由題改奏事准禮部頒發光緒三十四年十一月初九日

恭逢 恩詔內開內外大小各官除各以現在品級已得封贈外凡陸級及改任者著照新

銜封贈等因欽此查定例職官恭遇 覃恩得膺封典五品以上授 誥命六品以下授

敕命一品封贈及三代二品三品及二代四品至七品一代八品九品止封本身不封父

母其二品三品官願將本身妻室封典地封會祖父母四品至七品官願將本身妻室封典地

封祖父母八品九品官願將本身封典賜封父母者均准賜封官員爲人後除已封贈繼祖父母父母外請以本身妻室封典賜封本生祖父母父母者亦准賜封又一品至三品官不得賜封高祖父母四品至七品官不得賜封曾祖父母八品官以下不得賜封祖父母又京外大小各官如賜封曾祖父母伯叔祖父母伯叔父母庶母兄嫂及外祖父母係例得賜封者給封其餘外姻一概不准賜封又祖父現任者不得受子孫封致仕及已故者許給封若現任官有因已身官小子孫官大願棄職就封者聽又子孫職大祖父職小照子孫官階封贈其祖父職大子孫職小不准照祖與父原官品職封贈母者嫡母繼母生母皆准給與封贈如父官高於子者其生母應從子官封贈其嫡母繼母父在任時未得封典照父原官請封之處應行停止如有願照子官受封者聽兩子均仕從其品大者夫與子兩有官亦從其品大者應封妻者止封正妻一人如正妻未封已歿繼室當封者正妻亦准追贈其再繼者不准給封又京官恭遇 詔內有加級者准照新加之級給封其級多者仍限以制八品以下不得逾七品七品不得逾五品五六品不得逾四品三四品不得逾二品捐納之級不准計算外官有加級者不論新舊不准照加級請封又額外郎中員外郎主事並額外主事上學習行走進士及拔貢特用小京官舉人考取中書學正等項人員係奉 特旨錄用分發行走者准其一體給封又廕生奉 旨分部學習行走與捐納分部候補人員由科甲出身者俱准給封小京官亦一律辦理又各官業經給封後改任者照改任封陞任者照陞任封以陞銜留任者以陞銜封其現任人員復借管別任者照本任給封其餘補授實缺及題咨陞署試署者照各現任給封其陞授各官俱以奉 旨 恩詔前者不論已未到任皆准給封至題陞調補改任

及推陞各官例應引 見以奉 旨 恩詔前者咨署佐雜微員以部覆准在

恩詔前者方准照新銜給封又 聖廟執事官悉照本身實在職銜給封其無職銜之貢

監生童均以八品給封又京官八品以至未入流俱照加級請封其級多者不得逾七品在外

之未入流不准給封又軍營差遣陞任人員奉 旨在前未經引 見者亦准給封其分

發試用借補人員俱照原銜給封又丁憂終養官員照原官給封又省親修墓葬親尙在告假

限內者悉照原官給封或迴避開缺候補及裁缺另補未經得缺者亦一體給與前任封典又

官員職銜以 詔下之日爲定其有 詔後身故及告假患病者仍准給封其 詔後

降調官員非犯貪酷者仍准給與前任封典又各官請封以二年爲限全行辦給若過期呈請

卽毋庸議各等語今光緒三十四年十一月初九日恭逢 恩詔 臣部遵照定例除候補候

選試用各員及例不應封之貢監出身捐納分部學習並各項小京官未經補缺概不准給封

外其京外各官陞任改任調任陞銜均以 詔下之日按其品級給與封典京官照加級請

封外官照本任請封其應行請封各官俱限於二年內開明出身履歷及從前有無受封現在

是否調任由各該衙門取具冊結咨送 臣部或取具同鄉京官印結在部呈請均令於冊結內

註明三代存歿已仕未仕由 臣部查核照例分別奏請揭送內閣撰給 誥敕如逾例限毋

庸給發 臣等謹將請封條款詳細聲明俟 命下之日由 臣部通行在京各衙門八旗各直

省一體遵照辦理所有欽奉 恩詔 臣部核辦 封典由題改奏緣由恭摺具陳候

旨遵行伏乞 皇上聖鑒謹 奏光緒三十四年十二月二十五日奉 旨依議欽此

首善工藝廠奏開辦情形暨續募捐款摺

奏爲首善工藝廠分期開辦情形暨續募捐款恭摺具陳仰祈 聖鑒事竊查京師內外地
方貧民衆多前經設法籌捐分建首善工藝廠九處藉維旗民生計業經籌辦情形暨京外認
撥開辦常年各經費數目於本年八月十二日奏請 飭部立案奉 旨依議欽此
欽遵在案祇奉之下當即責成該廠督會辦等悉心籌議辦法一面購備器具物料招考工徒
尅期興辦查內城人數既衆游手最多擬於城內兩廠各設四科額定每廠工徒暫以三百名
爲限其京西七廠以第三廠所設地方兼轄兩營人丁較夥額定工徒四百名分設三科其餘
六廠每廠均額定工徒一百五十名專設織科一門以便成品易於銷售且各工徒等學成後
亦易於謀生統俟款項稍充再圖逐漸推廣現在京西七廠業於九月二十三日城內兩廠亦
於十月二十五日先後一律開工惟京師風氣初開當招考時或不免意存觀望是以各廠均
未能招考如額自開辦後隨時體察現已羣情觀感知其爲確有利益者尙不乏人擬於開春
正二月間即續行招考補取足額藉惠窮黎而宏造就惟是貧民極衆經費無多全賴在事各
員悉心綜覈撙節開支以期款不虛糜民需實惠 等復分函各直省督撫廣爲勸募常年經
費以爲經久之謀茲續准陝甘總督率同甘肅全省分認統捐銀五千四百四十兩又湖廣總
督由湖北省每年認撥銀五千兩兩廣總督由廣東省每年認撥銀四千兩以上三款或業經
如數解到或現在方接電復除由該廠辦事處分別辦理外所有籌擬辦法分期開辦暨續募
捐款各緣由理合恭摺具陳伏乞 皇上聖鑒謹 奏光緒三十四年十二月二十二日奉

旨依議欽此

●又奏京西七廠成績品進城請免稅釐片 再首善工藝廠製造各種物品需用材料前經

援照農工商部工藝局奏明免稅成案於經過關卡由該廠辦事處填發護照查驗免徵放行等因於本年八月十二日附片陳明奉 旨依議欽此欽遵通知在案茲查該工藝廠九

處分建京城內外原爲利便貧民起見是以於內城第一廠特設辦事處爲提挈綱領之地惟京西七廠與內城辦事處地隔城鄉各該廠所出成績品必須隨時解運進城交辦事處比較

優劣估定價值再發售品所就地銷售所以稽各廠進步之遲速亦藉以騰挪成本俾資周轉况係以本廠之貨呈送本廠管理員評定原貨並未出廠若遽令認完稅項實恐力有未逮

等前於該廠購運材料援案請免稅釐片內未將此層叙入係屬遺漏亟應補行聲明仰懇 天恩俯念京師貧民衆多該廠經費實屬有限准於京西七廠成品入城與購運材料一律

免稅惟不得於成品外夾帶私貨倘經查有此項情弊除應解之成品照舊辦理外所帶私貨照章懲辦如蒙 兪允卽由該廠辦事處行文崇文門商稅衙門遵照至應如何嚴防奸商

假冒之處容由該廠辦事處妥擬辦法咨明崇文門商稅衙門辦理理合附片具陳伏乞 聖鑒謹 奏光緒三十四年十二月二十二日奉 旨依議欽此

山西巡撫寶棻奏晉省巡防隊分路改編並裁兵餉添練工輻摺 奏爲晉省巡防隊遵章分路改編並裁兵餉添練工輻以裨軍政恭摺仰祈 聖鑒事案

查陸軍部奏定巡防隊暫行章程原奏內開此項章程乃一時權宜總須分限改編新軍日增舊軍日減方屬正辦此次定章奏准後如各省情形不能盡同有須變通之處准該省隨時咨

商酌核辦理又章程內開各省應將所有巡防隊區分爲若干路每路設統領一員其區分之名以中前後左右等字爲識別各省地形如限定五路不能合宜應准酌減俾有實濟其餉章

應暫由該省照原有餉數酌量改訂報部查核等因晉省巡防隊前於光緒三十二年經調任撫臣恩壽查照部章將舊時續備軍改易今名而一切分路編制未及照章更定茲據兵備叅謀教練三處總辦王爲幹等與本省司道籌議晉省營隊太原大同口外向分三枝太原巡防隊係太原鎮總兵兼統向駐平陽在省南五百餘里太原汾州平陽蒲州潞安澤州六府絳解霍隰遼沁平定七直隸州皆其汛地大同巡防隊係大同鎮總兵兼統向駐大同在省北六百餘里大同甯武朔平三府忻代保德三直隸州皆其汛地口外巡防隊統領向駐歸化口外十二廳東起直隸邊界西至河套袤延二千里皆其汛地今按部定分路之制大同雖在省北然以全省形勢而論實居南北之中茲就舊有營隊區分三路大同巡防隊爲中路太原巡防隊爲前路口外巡防隊爲後路各路統領均仍其舊刊刻中前後各路統領關防分別頒給以資信守此巡防隊遵章分路之實在情形也大同向係馬步九隊其馬四隊前經調紮口外包頭照料墾務並無專汛應卽裁撤以大同馬五隊改編馬四隊其駐豐鎮之大同步四隊卽改隸口外編爲後路步三隊現計大同汛內共馬步七隊編爲中路巡防步一步二步三馬一馬二馬三馬四各隊歸中路統領節制太原舊係馬步七隊後又添募步五一隊旋因鐵軌直達省垣將該隊撥赴鐵路巡查隸於巡警局現計太原汛內仍爲馬步七隊編爲前路巡防步一步二步三馬一馬二馬三各隊歸前路統領節制至口外地居邊要轄境過寬不能不稍厚兵力計原有馬步七隊又改隸之豐鎮一隊共馬步八隊編爲後路巡防步一步二步三馬一馬二馬三馬四馬五各隊歸後路統領節制各營隊官弁兵夫名額馬匹均酌照部章改編間有一二增損之處大致並無出入其薪餉亦照原有餉數酌量改訂此巡防隊遵章編制之實

在情形也統計晉省巡防隊原係馬步二十三隊今擬裁大同馬四一隊遵照部章區分中前後三路共爲馬步二十二隊計每歲可節省銀二萬三千餘兩口外地廣兵單正慮不敷分布本難再議裁遣但現值庫款支絀而新軍亟待成立不得不照章減舊軍以練新軍現新軍編練混成協已編成步馬砲軍樂各隊尙須添練工程輜重各一隊擬以前項節省之款撥充工輜額餉約可敷用俾得及時增募早報成軍由該總辦王爲幹等會同司道詳請 奏咨前來如才查各省改編新軍多就防練各營額餉裁節濟用但以目前情勢二者尙難偏廢蓋新軍兵力勢難徧及且專事訓練以備緩急之需不能爲地方防緝之用晉省爲京師右輔西南毗連陝豫北界蒙部地面遼闊向爲盜賊出沒之區近來邊外墾務漸興漢蒙民教錯居雜處嫌釁易生非有得力防營扼要屯紮不足以資鎮懾而靖地方茲將全省防隊遵章分路改編責成該統領等實力整頓與地方巡警互相聯絡以資防衛各路統領但期才堪勝任此後太原大同兩路不必限定由該兩鎮兼充致多牽掣大同馬四隊前此調赴包頭專備墾務差遣現既各分區域大同之隊不應越界遠駐口外惟現值冬防緊要擬俟撤卡後於來年三四月間將該隊裁遣仍由東路酌調馬隊填紮俾地方墾務可期兼顧現晉省編練新軍以限於經費致工輜兩隊尙未成立今以防隊裁節之款撥充工輜額餉既與部中減舊增新之議適相符合而混成一協得以早日成軍此尤目前切要之圖所當并力經營者也至添揀工輜尙須開辦經費及增設協統應支薪費等項即當分別籌定另行奏明辦理除分咨查照外所有巡防隊分路改編並裁節餉項添練工輜緣由理合恭摺具陳伏乞 皇上聖鑒訓示謹 奏光緒三十四年十二月二十三日奉 旨該部知道欽此

江蘇巡撫陳啟泰奏籌建罪犯習藝所及各屬辦理情形摺

奏為蘇州省城籌建罪犯習藝所及各屬辦理情形恭摺具陳仰祈

聖鑒事竊查前准刑

部奏明咨行各省通設罪犯習藝所軍流徒犯即在犯事地方收所習藝等因嗣復欽奉

上諭翰林院撰文吳蔭培奏罪犯習藝所新章請責成各省府州縣一律分設一摺著各直

省督撫飭所屬一體認真辦理等因欽此均經歷任撫臣通飭遵辦據各屬陸續稟報竣工驗

收江甯省城亦由督臣籌款建設惟蘇州省城因款絀未辦臣上年九月到任當以此項要政

與現行刑章表裏相關未便久延復督飭臬司及蘇州府覓地建造查有長洲府倉廢倉廩一

座堪以改建臣前在署直臬及晚臬任內兩次經理此事審度地勢此間以用十字式為宜建

造罪犯號舍六十四間計能容四百人分設工廠五座又女犯號舍八間工廠一座附建游民

號舍二十五間工廠三座餘如獄官醫官稽查監工匠師等房及茅房氣樓望樓浴室暗室病

室與各項人役住室存儲貨料器具各庫一應齊備由司委員督匠核實估計並將拆卸舊料

作價抵支約需工料洋四萬餘元經臣於蘇糧道庫籌備餘米折價項下先借撥銀二萬兩發

交蘇州府承領興工趕造不日即可告竣其不敷之款及開辦常年各費再行設法籌撥至省

外各屬以徐州府城建辦為最早其餘各府直隸州廳縣亦多次第籌設計已竣工開辦者四

十餘處已興工未造竣者十餘處全省通計已辦十成之八除將未經舉辦各州縣記過示懲

責令趕速籌款興辦並催飭已興工各處刻期竣事外所有籌建蘇州省城罪犯習藝所及各

屬辦理情形謹會同兩江總督臣端方恭摺具陳伏乞 皇上聖鑒謹 奏光緒三十四年

十二月二十六日奉

旨知道了欽此

西歷一千九百九年正月三十號 星期六

宣統元年正月初九日第肆百肆拾玖號
本局設立北京東長安牌樓王府井大街
電話內城總局第二百零一號

政 治 官 報

目 錄

●宮門鈔○ 諭旨一道○事由單●摺奏類一○民政部會奏 監國攝政王出入府第酌派翊衛官員警兵章程摺併單○
察哈爾都統奏蒙鹽加價設局仍歸官辦理片○鄂督奏氈呢廠購料仍請免稅三年片○署理歸化城副都統奏請選蒙古王公
勳舊子弟送入貴胄學堂肄業摺○東督奏法律講習所期滿畢業摺○浙撫奏擬將官錢局改設浙江銀行摺○又奏遵
旨籌議改辦高等蠶桑學堂摺○又奏裁撤上海海公司改歸官辦片○魯撫奏藩司朱其煊請捐本缺津貼移辦新政片○贛
撫奏贛省警區改良局制事宜等摺●摺奏類二○倉場總督奏蘇省海運漕米純潔酌保糧道各員摺併單○法部奏議覆主事
彭運斌等各留原籍差遣摺○陝撫奏查明各屬被災酌籌振撫並懇獨緩摺○豫撫奏豫省師範及高等小學堂陸續畢業擬獎
摺○又奏達賴過境派員護送片○江督奏監司大員捐款興學請移獎摺○贛撫奏糧道錫恩給咨調驗禁煙片●廣告

政治官報 目錄

正月初九日第四百四十九號

宮門鈔

正月初八日 倫貝子假滿請 安 希朗阿續假十日 溥頊請假十日 關防衙

門奏十五日 大高殿拜表富康行禮

召見軍機 榮中堂 溥良

諭旨

監國攝政王鈐章

正月初八日內閣奉

上諭龐鴻書奏特彖庸劣不職各員請旨分別懲處一摺貴州候補知州張樞顯預成性聽斷不明試用知州李大森恃才自用辦案草率墮安縣知縣曹履中性近苛暴不治輿情即用知縣施汝欽蒙昧無識不諳治理普安縣新城縣丞張斯行行止不謹為人指摘安順府羊場塘巡檢雷世繼縱差釀事聲名甚劣普安縣典史王嘉謨違例擅受被控有案試用典史范用烜舉動乖張不知檢束均著即行革職鎮遠縣知縣余應雲迂緩無能事多廢弛開泰縣知縣王乃霖習染已深不知振作天柱縣柳霽縣丞李煒年老多病均著原品休致鎮甯州知州趙一鶴遇事因循多涉敷衍清鎮縣知縣李建章才具竭蹶不勝繁劇均著開缺另補餘著照所議辦理該部知道欽此

軍機大臣署名奕劻 假 世續張之洞鹿傳霖那桐

正月初八日內摺傳 旨事由軍

禮部會奏本月二十二日恭上

大行太皇太后尊諡事奉

旨依議○又片奏

大行太皇太

后尊諡請照案添供果品事奉 旨依議○又會奏本月二十八日恭上 大行皇帝尊諡事奉

目依議○又片奏 大行皇帝尊諡請照案添供果品事奉 旨依議○又奏初十日祭 太歲壇

改擬分獻大臣事奉 旨知道了○翰林院奏初十日 隆裕皇太后萬壽聖節十四日 萬壽聖

節祭 太廟後殿等處祝文呈 覽事文七道奉 旨知道了○又奏補撰 醇賢親王 册

文呈 覽事文一道奉 旨留

正月初八日外摺奉 旨事由單

錫良奏十月分雨糧情形摺 知道了○又奏請以田亮勳試署順甯令摺 吏部議奏○又奏請將道員杜

慶元留滇補用片 該部議奏○又奏請將石宸鼎案更正等片 著照所請該部知道○又奏請將捏稟

匪案之游擊宋福德等分別革懲片 著照所請該部知道○又奏滇邊肅清出力員弁請獎摺 該部議奏

單二件併發○又奏交涉司員缺酌定養廉等款摺 該部知道○又奏請將藩司沈秉堃等從優議叙片

著照所請該部知道○又奏查明河口等處陣亡員弁懇 恩優卹摺 著照所請該部知道單併發○又

奏請 賞給高而謙世增頭品頂戴片 著照所請該部知道○又代奏總兵趙金鑑署缺謝 恩摺

知道了○又奏請將降匪之補用守備黃體良等革職等片 著照所請該部知道○張人駿奏拿獲革黨出

力之直牧伍秉誠等請獎摺 該部議奏○又奏司道府提鎮密考摺 知道了單二件留中○又奏遵設諮

議局選派官紳籌辦要政摺 該衙門知道○又奏請以張滌源署理仁化令摺 吏部議奏○又奏同知李

葆馨兼襲雲騎尉世職片 該部議奏○又奏前侍讀學士梁誠服闋仍留辦路事片 該衙門知道○陳夔

龍奏遵設諮議局籌辦處辦理情形摺 該衙門知道○又奏試用道袁勵楨期滿甄別片 吏部知道○又

奏籌解新案賠款片 該部知道○又奏解新案賠款摺 該部知道○又奏委通判鄭慶麒等解歲增稅銀

備還償款片 該衙門知道○又奏宜昌關溢征銀數解交統稅局開支等片 該部知道○龐鴻書奏請以

陸德滋補黃平州牧摺 吏部議奏○又奏黎平守王聯璧病故出缺片 吏部知道○又奏請以候守方荃

等署銅仁守各缺片 吏部知道○又奏候道貴陽守謝文翹等期滿出考片 吏部知道○又奏十月分雨糧情形摺 知道了○又奏城守尉鎮司道府密考摺 知道了單留中○又奏都勻等屬毋庸接濟摺 知道了○又奏收到四川協餉片 度支部知道○延祉綢楚克車林奏酌保開辦庫倫金礦出力各員閩學沂等摺 該部議奏片一件併發○又奏庫倫金礦總辦柯樂德請 賞換頭品頂戴片 覽○又奏請以阿囊達瓦齊爾接署副將軍印務片 理藩部議奏

摺奏類一

民政部會奏 監國攝政王出入府第酌派翊衛官員警兵章程摺 并單

奏為會同具奏請 旨事竊查 監國攝政王出入府第理宜酌派巡警步軍營兵游緝隊

隨時翊衛方足以昭慎重當經 臣等分飭所屬廳區並兩翼步軍營妥擬章程酌核辦理茲據會同擬訂章程十四條呈核前來 臣等詳加查核尙屬妥協謹繕清單恭呈 御覽一俟

命下即由 臣部分飭遵行爲此會同具 奏光緒三十四年十二月二十二日奉 旨依

議欽此

謹將內外城巡警總廳兩翼步軍營會同擬訂章程十四條繕單恭呈 御覽 計開 凡

遇 攝政王代詣 壇 廟致祭行禮巡警應備之事如左 一 攝政王車轎

出府第時由巡警廳加派馬巡隊警兵沿途護衛 一 攝政王代詣致祭車轎經過地段沿

途行人車馬均令暫時迴避 一 護衛 攝政王之官員長警均發給執照以備查驗 一致

祭處所除查驗門照之稽查員外須由本管巡警廳另派員警驗照 一 攝政王代詣致祭

經過地段由巡警廳加派長警在道旁檢查護衛車轎過時舉槍致敬凡遇 攝政王出入府

第巡警廳應備之事如左 一 攝政王車轎出入由本管巡警廳分派馬巡隊兵十名隨從

護衛並與前指揮車馬行人 一 攝政王車轎經過地段沿途行人車馬一律讓避道旁候車轎過乃行 一 攝政王車轎經過時道旁巡警一律舉槍致敬其執持指揮棍者立正行禮 一 隨從護衛之長警均由巡警廳發給執照以備查驗 攝政王府第巡警廳應備之事如左 一 攝政王府第由本管巡警廳專派巡官四員巡長四名巡警四十名常川駐紮守衛 一 府第圍牆以外由該管廳區加派長警分段守望巡邏 一 攝政王車轎出入由兩翼揀派步軍校二員遊緝隊長八名乘馬隨從護衛並與前指揮車馬行人 一 攝政王府第由兩翼專派副尉等官四員遊緝隊兵四十名常川駐紮守衛 一 所定各條如有未盡之處應隨時增改

察哈爾都統誠勳奏蒙鹽加價設局仍歸官辦理片

再察哈爾鹽釐加價前於光緒三十二年正月由職商李錫麟稟請接辦每年認包鹽釐銀三萬兩遇閏不加經前都統溥頤批准試辦先後奏咨分撥洋務警察文案處巡防隊等項經費旋於上年十二月該商以銀價翔貴稟請將鹽釐改錢收銀並每年加繳釐銀五千兩仍充前項經費當經奴才附片奏明嗣於本年六月奉 旨將各省鹽勛通行加價經奴才自行設局稽征蒙鹽隨地收價以昭核實又經 奏明在案茲查職商李錫麟認包鹽釐本係試辦雖原准給辦四年而繳款常多逾期計授要需豈能停待現既將蒙鹽加價自行設局稽征則就便加收鹽釐開支轉可節省况該職商認包已屆三年盈餘計已不少察防經濟困難苟能有裨於公籌措不容稍緩現擬以來年二月為始即行收回自辦以期事歸覈實款不虛拋除咨部查照外是否有當理合附片具陳伏乞 聖鑒訓示謹 奏光緒三十四年十二月二十

六日奉 旨該部知道欽此

湖廣總督陳夔龍奏既呢廠購料仍請免稅三年片

再湖北既呢廠所購機器材料前經臣附片 奏請援案免稅三年旋由稅務處會同度支部農工商部議奏該廠不得援自來水呢革公司例所有購自外洋之機器材料令遵奏定官物征稅原案一律完稅等因先後咨行到鄂伏查既呢廠之設非求成本稍輕不可京師自來水公司雖爲衛生消防而設而其性質則係純然商辦不過官爲保息保息云者祇預儲一款代堅商情之信用尙非給予補助金之比較之既呢廠之官商合辦實在撥有官本羸絀皆與有關係者微覺不同以純然商辦之公司既得蒙特別優待則官商合辦之公司似不得謂爲例外請求且該廠所出既呢當開辦之始卽定議專供軍隊學堂之用湖北學堂林立新軍已成一鎮一協將來製造出貨之後如四川湖南各鄰省皆將聞風而至爭先定購卽儘數以供尙恐不敷何暇別籌銷路是該廠實非普通營業與呢革公司正自相同與日輝既呢廠究屬有別事關軍界利益亦不慮他廠之藉口據總辦該廠試用道嚴開第稟請具 奏前來臣覆核無異合無仰懇 天恩特准仍照京師自來水呢革公司之例將湖北既呢廠所購機器材料准予免稅三年以振實業而恤商艱出自逾格 鴻慈除分咨外謹附片具陳伏祈

聖鑒訓示謹 奏光緒三十四年十二月二十七日奉 旨該部議奏欽此

署理歸化城副都統三多奏請選蒙古王公勳舊子弟送入貴胄學堂肄業摺

奏爲請選內外蒙古王公以次勳舊子弟送入陸軍部貴胄學堂肄業以宏造就恭摺仰祈

聖鑒事竊維時局艱危西北萬里守在蒙藩湖內外蒙古自 國家肇造之初卽在彭濮微

盧之列其後準回兩役亦有同仇敵愾之勞乃二百年來雖忠順如初而藩維積弛推原其故良由智識未裕則生殖之計漸艱迷信日深則強武之風亦替非 國家代爲經營固難望其久作干城之寄也奴才受 命臨邊熟察情勢以爲固圉莫如強蒙強蒙莫如興學而欲興蒙古之學尤必自蒙古王公勳舊子弟始蓋賤之效貴捷於影響貴族教育實有順風而呼之勢外藩之與 中朝雖等級差殊而情勢則一竊查陸軍部貴胄學堂規模宏敞教育完備王公大臣子弟入學講習文武兼資風聲所被海內奮興自強之基端在於此今內外蒙古王公以次勳舊子弟雖不敢上擬 宗英要其中穎異之才原自不乏徒以僻處邊陲睽隔聲教耳目錮蔽窳惰成風非但禦侮折衝一無可恃卽生聚教育亦不能自謀甚非所以紓宵旰而固邊圉也願欲於瘠苦蒙旗創設學堂陶成勳裔不特經費難籌抑且師資缺乏奴才愚昧之見擬請 旨飭下陸軍部理藩部通咨西北各將軍都統大臣選擇各部落各旗王公以次勳舊子弟資質聰慧年富力強者送入陸軍部貴胄學堂附班肄業俾與 天潢貴族習處交融濡染既深感情益摯教以漢話課以漢文則內嚮之心殷加以軍事教育則勇銳之氣奮將來學成以歸提倡新政智識大啟忠節彌敦煽之不動搆之不能則西北屏藩安於磐石矣當此事機日迫國勢將危欲求治安非先鞏固邊防不可欲固邊防非先造就蒙古勳貴不可蒙古勳貴人人知學則西北邊防隱然有金湯之勢其影響於 國家之治安者甚大如仰蒙 聖明採擇立予施行蒙旗幸甚邊局幸甚所有請選內外蒙古王公以次勳舊子弟送入陸軍部貴胄學堂附班肄業緣由是否有當理合恭摺具陳伏乞 皇上聖鑒訓示謹 奏光緒三十四年十二月二十八日奉 旨該部議奏欽此

東三省總督徐世昌奏法律講習所期滿畢業摺

奏爲開辦法律講習所期滿畢業謹陳大概情形恭摺仰祈 聖鑒事竊查上年臣到任之

初卽遵 旨籌設各級審判檢察廳以改良裁判顧念事體重大人才缺乏若平時無造就

之術斯臨事少勝任之才當飭提法司使吳鈞籌辦法律講習所一處嚴定功課安定規章專

收本省候補及來奉投効人員自同通州縣以下考取正額八十名旁聽二十名合計學員一

百名於是年八月開辦入所授課限定一年畢業以造成裁判人才爲宗旨所訂課程爲

大清律例法學通論憲法民法刑法商法國際公法國際私法民事訴訟法刑事訴訟法裁判

構成法監獄學各門卽以該司兼充督辦遴選法部主事張志嘉魏元曠先滿充當監督所有

教員均選擇留學日本法政畢業生暨刑名專家分別講授自開所之日起至本年十月止除

去年暑假暨補習日期已照章學習期滿在所學員有因曠課犯規隨時開除者實存正額八

十名旁聽十一名合共九十一名經該司按照學科分門局試平日嚴定分數遵照部定高等

學堂章程八十分以上爲最優等七十分以上爲優等五十分以上爲及格此次畢業考試合

期考月考各分數統核平均計正額八十名得最優等六名優等十六名中等五十八名於本

年十一月十九日發給畢業文憑其旁聽官因未及格給予修業文憑自開辦以至畢業計用

開辦經費銀一千二百九十九兩九錢七分房租銀六百三十五兩五錢每月額支活支平均

計等用銀一千三百三十五兩一錢八分以上各項共用銀二萬三千二百九十八兩四錢八

分由該司造具各該學員履歷畢業分數暨報銷等冊呈請奏咨前來經 臣等覆加查驗傳見

畢業各員均尙諳曉法理堪備使用先後擇尤派赴各審判檢察廳實地練習俾收知行並進

之效其開支各款均係按月核准尙屬核實應請准其作正開銷惟將來推廣審判此項人員尙不敷用仍應廣爲造就現在於省城法政學堂添設法律專科業飭該司使會同該堂監督妥商辦理所設講習法律所卽於畢業後停辦以節經費除將各學員履歷分數清冊咨送法部備案外所有奉省法律講習所期滿畢業緣由謹恭摺具陳伏乞
皇上聖鑒訓示謹
奏光緒三十四年十二月二十九日奉 旨該部知道欽此

浙江巡撫增韞奏擬將官錢局改設浙江銀行摺

奏爲擬將浙江官錢局改設浙江銀行以維財政而利商民恭摺仰祈 聖鑒事竊維舉行新政必以整頓財政爲入手辦法前任撫 馮汝駉於光緒三十四年四月附片具 奏在浙江省城設立官錢局一所數月以來漸有端緒惟專恃官辦資本無多既虞周轉不靈且恐易滋流弊 奴才屢與司道等悉心商酌擬將該官錢局略事變通重加推廣改爲浙江銀行官商合辦爲股分有限公司資本以二百萬兩爲額分作二萬股每股百兩擬籌撥官款一百萬兩再招集商股一百萬兩由官派監督一員監督一切經營事宜另由股東公舉總理協理董事諸員分任厥職俾官商互相維持斯情勢旣通庶足以防流弊而垂久遠查度支部釐訂銀行通行則例第十四條官辦行號每省會商埠祇准設立一所此項浙江銀行由省城官錢局改設實止一所與通行則例亦甚相符伏思浙省財政奇絀早在 聖明洞鑒之中迭奉 明詔預備立憲以九年分期辦起所有應行事件皆將次第舉辦需款浩煩必至窮於羅掘有此項銀行既可備公家之緩急遇有地方興辦實業創立公司亦得酌量入股以示提倡且可仿照官錢局舊制發行通用銀錢票以利市廛周轉現在浙省貨幣多半墨西哥英洋我國

銀元轉須貼水利權外溢國體攸關倘行之既久復易以紙幣則彼僅持一空紙即可操我財政大權此不能不先事預防者也故改設浙江銀行一轉移間而流通圓法之樞機與舉行新政之根本皆基於此其餘抵制外幣挽回利權尤非淺鮮除將章程咨部立案外所有擬將浙江官錢局改設銀行緣由是否有當謹恭摺具陳伏乞 皇上聖鑒訓示謹 奏光緒三十四年十二月三十日奉 旨度支部議奏欽此

浙江巡撫增端奏遵

旨籌議改辦高等蠶桑學堂摺

奏為遵

旨籌議改辦高等蠶桑學堂恭摺仰祈

聖鑒事光緒三十四年八月二十

四日承准軍機大臣字寄光緒三十四年八月初十日奉

上諭翰林院侍讀吳士鑑奏

請將現辦之蠶桑學館規畫完備改設高等學堂力求進步等語著增韞按照所陳各節體察情形妥籌辦理原片著抄給閱看欽此欽遵寄信前來復查浙省創設蠶桑學館已歷十年才到任以來調查該館情形當以名稱未符定章規畫尙多缺略飭令正名為蠶桑學堂詳議改良以求進步正在議章擬辦間欽奉 上諭前因遵卽札飭提學司查照原奏妥議詳覆去後茲據該司詳覆轉據蠶桑學堂監督沈銘稟稱以蠶桑學堂改爲高等學堂入學資格必以中等畢業生挑選方爲合格浙省中等實業現祇蠶桑學堂一處將來既改高等除將本

堂中等畢業生升入高等正科外擬於明春在本堂先設補習科飭各府中學堂保送畢業學生入堂補習再令本堂未畢業之蠶桑學生補習普通中學如此互相補習一年後考驗合格一併歸入正科庶無合班參差之弊以六十人爲一班三百人爲定額一面就崇文書院基址改造學堂預建築房屋添置器具開辦經費約需洋二萬六千四百元常年額支活支各經費

約需洋二萬四千四百八十元詳請籌撥奏咨立案前來如才覆查奏定學堂章程實業學堂應分三等浙省蠶桑學堂略合中等程度此外前無中等實業學堂遽經改設高等一時未能足額自應量予變通如該司等所擬由各府保送中學畢業生入堂補習循序推升辦法尙屬周妥惟預計開辦及常年各項經費爲數頗鉅雖財政支絀籌措維艱而蠶桑爲浙省大利之源關係綦重自不得不竭力圖維以育人才而宏實業所需經費應由藩司暨甯甯道庫籌撥應用作正開除咨部立案外所有遵旨籌議改辦高等蠶桑學堂各緣由是否有當理合恭摺覆陳伏乞 皇上聖鑒謹 奏光緒三十四年十二月三十日奉 旨該部知道欽此

●又奏裁撤上海府海公司改歸官辦片 再查光緒三十年間浙西鹽商稟請招集商股在上海租界設立府海公司年認正課帑課五千餘引是年准戶部咨練兵籌餉各條內開上海租界居民逾三百餘萬以人日食鹽二錢計之約歲可銷四萬引該省所報祇銷五千餘引未免過於短絀等語節經前任撫臣督飭該商認真整頓籌議擴充迄今未見效果如才到任後擬將兩浙鹽法切實改良而上海租界食鹽尤應澈查銷數庶免自棄利權該府海公司僅認課五千餘引誠如戶部駁查不免過於短絀且公司名目亦經部中駁斥不合應即裁撤改歸官辦經如才督同鹽運使妥商籌議遴委浙紳候選道朱佩珍總辦官運事宜即就租界設局收買私鹽暢銷官引總期運一引之鹽即增一引之課剔除中飽挽回利權除咨部查照外所有裁撤租界府海公司改歸官辦緣由謹附片陳明伏乞 聖鑒謹 奏光緒三十四年十二月三十日奉 旨該部知道欽此

山東巡撫袁樹勛奏藩司朱其煊請捐本缺津貼移辦新政片

再山東財用近來竭蹶非常新政多端因是未能悉舉臣蒞任後日與司道等謀畫擴充卒苦於經費難籌進行不速藩司朱其煊爲前任大學士朱鳳標之子每言及此義形於色其日夜規畫思所以補救之者甚力惜地方凋敝物力維艱開源節流兩無善策自恨毀家不足以報國竭力不足以抹時至誠惻怛迥異恒流茲據該藩司詳稱現在本署極力搜求於整頓東省各州縣稅契項下除正款外合平餘及契尾契紙價錢各款零星成蕙歲約得銀五萬兩此項雖向經歷任長官釐定作爲本缺津貼取之原不傷廉惟其煊世受國恩藩條忝綰時艱蒿目負疚滋深明知財政困難日形何忍安之若素自願將前項銀兩化私爲公移作正用應請自宣統元年起另款提存聽候撥充新政費用等情詳請具奏前來臣查山東藩司缺非素優故爲籌及津貼該司顧全大局以儉自持竟能舉其所有全數充公每歲多至銀五萬兩其潔已奉公之意洵足風示羣僚已批飭從明年起將是項銀五萬兩另款提存司庫專備推行新政之用以後即移作正需遞年照辦容俟指定作爲辦理何項新政的款再行奏咨立案謹附片陳明伏乞 聖鑒謹 奏光緒三十四年十二月三十日奉 旨該部知道欽此

江西巡撫馮汝駉奏贛省警區改良局制事宜等摺

奏爲贛省新定劃分警區改良局制籌辦一切事宜並薪餉數目恭摺仰祈 聖鑒事竊維地方治安繫於警察東西各國警察條理精嚴深有合於周禮司隸司稽修閭野廬之遺制故能朝野整肅綱維畢張而其造端握要之圖實由於行政司法莫不有規定之權限以爲執行之方鍼此其所以善也贛省自光緒二十九年二月開辦警察及警務學堂至今已閱六年法

規迄未妥善自非將局制切實改良不能收整齊劃一之效茲經臣督同該局司道等體查地方情形參仿部頒警察章程先於省城總局設立警務公所分總務行政司法衛生四科以資董理又設發審處以裁判違警之訴訟設稽查處以考核員司長警之優劣勤惰設訓練所以訓練長警之禮節操法設拘留習藝所以教養羈押人犯設差遣隊以調派各處執務設探訪隊以廣偵緝設消防隊以防火災設備差隊以供警衛設衛生公所以防疫清道設巡警學堂以養成備補長警之資格並於七城門分設稽查以嚴門禁於舊設之城內外五分局地段劃分行政警區計城內東西南北各三區共十二區域外四區即以各區分隸於分局以分局直隸於總局各分局長皆責成兼管第一區事以節糜費此外十一區皆各設區官飭令分別駐區擔任區務以期息息相通漸收指臂相助之效每分局各配置長警四十人每分區各配置長警三十三人各項執務員司薪費長警糧餉均核實撙節無稍冒濫其各隊局區以下所設巡官巡長巡警三項概分一二三等階級以便升轉現定一總局四隊五分局十六區以及衛生公所警務學堂七城門共設員弁長警夫役一千一百八十一員名總計每月額支薪餉暨活支經費共銀九千一百八十七兩六錢五分統由藩司籌撥濟用核實支銷即於本年十二月初一日照改定新章實行此改訂局制餉章整頓一切之實在情形也查警政為內治之要端而省會尤為各屬之模範觀聽所繫關係非輕伏讀憲政編查館王大臣奏定遵議憲法大綱並逐年籌備事宜清單廳州縣巡警限於第二年内粗具規模第三年内一律完備於第四五年內籌辦推廣鄉鎮巡警誠以地方自治必與巡警同時並舉非依限籌備何以如期施行雖值財政支絀措置為難而似此重要之需仍未敢稍存苟簡之意惟當綜核名實屏絕鋪張

務使款不虛糜事歸實際循序漸進隨時督飭外屬廳州縣認真辦理嚴予責成力圖進步仍一面遵照民政部章程籌辦本省高等巡警學堂造就警務人材以為整理合屬警政之用茲據警察總局司道等繪圖造冊會詳請 奏前來 臣覆核無異除將圖冊咨報憲政編查館暨民政部查核外所有贛省新定劃分警區改良局制籌辦一切事宜並薪餉數目緣由謹會同兩江督 臣端方合詞恭摺具陳伏乞 皇上聖鑒訓示謹 奏光緒三十四年十二月三十日奉 旨該衙門知道欽此

摺奏類二

倉場總督奏蘇省海運漕米一律純潔援案酌保糧道暨各局員摺併單

奏為本屆蘇省海運漕白糧一律純潔援案酌保糧道暨各局員籲懇 恩施恭摺仰祈 聖鑒事竊查上屆浙漕勝於蘇漕曾將浙江糧道局員援案酌保仰蒙 恩准照給獎叙在案本年開辦海運之先仍照上屆電飭江浙各糧道將所收米樣於開河前委員解京察看優劣旋經解到查得江蘇米色較佳 臣桂春暨前倉 臣嚴飭各糧道務照米樣認真選運不得前後歧異迨開河由海運抵塘沽改裝火車接續運京三月開兌七月完竣查驗蘇省所交漕白糧前後米色一律純潔並將籌備米石交足無虧深堪嘉許上屆因蘇漕稍遜未給獎叙頗知愧奮本屆江蘇糧道惠綸於開辦海運時親身蒞滬凡州縣兌交本色者督率局員不避嫌怨從嚴選剔其向章採買者親赴無錫破除情面督飭查看而各局員亦能不辭勞瘁南北奔馳盡心辦理較諸上屆大有起色若非該糧道暨各局員慎重 天庾正供實心任事何能有此純潔米色不無微勞足錄所有江蘇糧道惠綸合無仰懇 天恩 賞加二品銜以昭激勵其餘京滬局各員核與光緒三十年七月奏准擇尤優獎成案相符自應核給異常獎叙以示鼓勵此案先經 臣等開單移咨吏部詳核據覆核與異常勞績相符亦未逾部定額數茲謹開單恭呈 御覽竊請 恩施一併照擬給獎出自逾格 鴻濩其餘隨辦海運各員仍照歷屆由江蘇撫 臣循例酌保至浙江本屆米色係屬平平無奇未敢請獎以免冒濫所有遵保江蘇海運出力糧道局員緣由理合恭摺具陳伏乞 皇上聖鑒謹 奏光緒三十四年十二

月十九日奉 旨依議欽此

謹將擬獎本年江蘇京滬各局委員十員繕具清單恭呈

御覽 計開

京沽局總辦二品頂戴道員用

江蘇候補知府萬立銳擬請免補知府以道員補用 京沽局會辦花翎三品銜補用道候補知府王銘漸擬

請俟歸道班後 賞加二品銜 京沽局會辦道員用江蘇試用知府張壽鏞擬請仍以知府歸候補班前

先補用 京沽局會辦三品銜知府候補直隸州知州宋乃謙擬請免補本班以知府留省歸候補班遇缺

即補 京沽局提調三品銜道員用補用知府銜璋擬請免補本班以道員仍留原省補用 京沽局提調三

品銜候補知府程鴻遇擬請免補本班以道員仍留原省補用 滬錫局總辦江蘇候補知府孫毓驥擬請

免補本班以道員仍留原省歸候補班補用 滬錫局會辦江蘇候補知府盧懋善擬請免補本班以道員仍

留原省歸候補班前遇缺即補 滬錫局提調江蘇候補同知蔣育棻擬請免補同知歸知府班仍留原省

補用 滬錫局提調同知銜江蘇遇缺先補用知縣陳文藻擬請免補本班以直隸州知州補用

法部奏議覆主事彭運斌等各留原籍差遣照章免扣資俸摺

奏為遵 旨議奏事內閣鈔出河南巡撫吳重憲奏調法部主事彭運斌辦理諮議局檢察事務並請免扣

資俸一片光緒三十四年十二月初五日奉 旨該衙門議奏欽此又湖廣總督陳夔龍奏調法部主事姚

晉圻辦理學務並請免扣資俸一片同日奉 旨該部議奏欽此又浙江巡撫增韞奏調法部主事沈鈞儒

襄理諮議局籌辦處並請免扣資俸一片初八日奉 旨該部議奏欽此欽遵先後鈔出到部臣等查閱各

原奏內稱或請分任檢察參事或請接替教務或請襄理政治各等因除翰林院編修杜嚴禮部主事方貞應

由各該衙門遵議外查臣部主事彭運斌於本年九月請假回籍修墓沈鈞儒於十一月請假回籍省親姚晉

圻現在部當差該員等均無經手未完事件應請如該督撫臣所奏飭令主事彭運斌沈鈞儒各就近留於原

籍河南浙江辦理諮議局事務姚晉圻仍回原籍湖北辦理學務各項要差以資得力均照章免扣資俸如蒙

俞允臣部即行文各該督撫並移咨吏部欽遵辦理所有臣等遵議緣由謹恭摺具陳伏乞 皇上聖

鑒訓示謹 奏光緒三十四年十二月二十五日奉 旨依議欽此

陝西巡撫恩壽奏查明各屬被災分數酌籌賑撫并懇蠲緩摺

奏為查明陝省各屬光緒三十四年分夏秋被雹被水成災輕重分數酌籌賑撫並懇蠲緩銀糧草束恭摺具陳仰祈 聖鑒事竊查前據藍田膚施甘泉延泉安塞韓城澄城白水邵陽朝邑洛川宜君米脂長武等縣鄜州綏德各直隸州先後稟報所屬地方本年夏秋田禾被雹被水輕重情形經奴才隨時陳奏在案一面飭司照章移行該管道州親詣災區履勘是否成災及成災輕重分數應否蠲緩錢糧分別極貧民妥籌撫恤去後茲據布政使許涵度詳稱准巡警延榆綏潼商各道移覆督同各府州親詣勘得各屬本年夏秋田禾或被冰雹打傷或因暴雨河水漲發以致沖傷地畝坍塌房屋淹斃人口輕重不一均經隨時分別被災分數或動用義倉糧石或由該地方官捐給錢文或由司庫籌發銀兩分別妥為賑撫災情既不相同撫恤自當區別內有現經賑撫來春尚須接濟者亦有現不乏食來春仍須察看情形者統計被災各屬內除膚施安塞邵陽藍田宜君甘泉等六縣被災各區已經分別撫恤民情安貼應納錢糧毋庸議緩其延川韓城澄城白水朝邑鄜州洛川綏德米脂長武等十州縣被災地畝未完本年夏秋銀糧草束擬請一併分別蠲緩流抵帶徵以紓民力等情請 奏前來奴才覆查各屬本年夏秋被雹被水情形除被災稍輕之膚施等六處已籌賑撫應納錢糧毋庸議緩以重正供外所有延川韓城澄城白水朝邑鄜州洛川綏德米脂長武等十州縣成災輕重分別賑撫而大視之後迭遭偏災民情艱苦凡此成災之區應輸錢糧若令照常完納民力實有未逮合無仰懇 天恩俯准將延川等州縣被災地畝未完銀糧草束分別如擬蠲緩流抵帶徵以紓民困而廣 皇仁至被災各戶來春青黃不接之時為日方長不無乏食之慮奴才已飭各屬屆時悉心體察妥籌接濟俾免流離失所所有查明陝省光緒三十四年夏秋被雹被水成災輕重分數酌籌賑撫情形并懇蠲緩銀糧草束數目緣由理合敬繕清單會同陝甘總督臣升允恭摺具陳伏乞 皇上聖鑒訓示謹 奏光緒三十四年十二月二十七日奉 旨著照所請度支部知道單併發欽此

河南巡撫吳重熹奏豫省師範及高等小學堂陸續畢業照章擬獎摺

奏爲豫省師範及高等小學堂陸續辦理畢業嚴核程級等第照章分別擬獎備案恭摺仰祈 聖鑒事竊

據署提學使孔祥霖詳稱自到任後除各中學堂辦理畢業歷經隨時詳請 奏咨獎勵有案並初等小學照章由學堂自行考試外其餘內外各官立公立高等小學堂師範簡易科師範傳習所每屆畢業均先由學堂彙呈各生履歷功課曠課等因並教科書籍筆記成績到司派員詳核如年級程度均屬相符即委員前往監試試卷成績仍由司親加覆核其年級雖已屆滿而程度尙遜或程度雖有可觀而年級未足者分別飭令補習降等以策精進而杜冒濫惟是各校急需師資故師資多係一年畢業應俟効力義務年滿擇其尤爲得力者再行給獎至各屬高等小學堂均已照章按等擬獎以資鼓勵除光緒三十四年六月以後畢業各學堂應由下屆彙報外總計六月以前師範畢業六十六起畢業學生一千九百零五名高等小學畢業二十一一起畢業學生四百一十一名開具簡明表冊請 奏咨照章獎勵備案前來臣查師範爲文明之導線小學係教育之始基關係均極重要惟陶成固貴宏多而考核尤宜詳慎核司嚴核程級舉辦畢業並酌擬獎案洵皆切實辦理合無仰懇 天恩俯准敕部分別核獎備案除將表式咨外理合恭摺具陳伏乞 皇上聖鑒訓示謹 奏光緒三十四年十二月二十九日奉 旨學部議奏欽此

●又奏達賴過境派員護送片 再前准理藩部郵傳部電咨達賴喇嘛於十一月二十八日出京由豫入陝前赴西甯飭部派員妥爲護送並飭沿途各屬預備供應等因當經遴派記名總兵玉壽候補道許保連呂敦琦進京迎護並派河北鎮總兵張相泰彰衛懷道石庚迎於豫省入境首站河陝汝道胡祖謙亦迎送於轄境交界一面電飭沿途地方安速預備並飭各鎮營分別撥隊護送達賴喇嘛已於上月二十九日由火車行抵衛輝十二月初九日護送至閩鄉縣出境交陝西委員接護前進一路均稱安謐業將入境出境情形請軍機處代 奏在案沿途在事文武各員護送照料並各該地方官供支一切照部單妥備均無貽誤該達賴喇嘛至爲愜意瀕行時來書致謝並囑將嘉獎照料各員之意代爲 奏陳由各委員等面稟暨河陝汝道胡祖謙

具稟前來此次供應所需應請按照陝晉成案准其作正開支除分咨查照外所有違賴喇嘛入境出境日期理合附片陳明伏乞 聖鑒謹 奏光緒三十四年十二月二十九日奉 旨該部知道欽此

兩江總督端方奏監司大員捐款興學請移獎摺

奏為監司大員捐款興學懇 恩准予移獎以資激勸恭摺具陳仰祈 聖鑒事竊維教育為憲政之本立學以籌款為先奏定章程內載紳董能捐立小學堂一人捐資較鉅者由督撫奏明給獎等語查現任河南布政使朱壽鏞於原籍寶應地方創設教睦小學堂建築校舍捐助田產價值銀一萬五千餘兩之鉅所收學生同姓之外兼收異姓洵屬深知教本惠及里閭毅力熱心成茲盛舉茲據江甯提學使陳伯陶詳請移獎朱壽鏞之子補用知府分指山東試用同知朱孫苾獎給道員仍留原省補用並加三品銜等情前來查光緒三十二年春間開缺准揚道現充歐洲留學生監督蒯光典創設上江公學捐銀一萬五千兩經奴才請獎該紳胞姪雙月選用知縣蒯壽田以郎中分部學習其子監生蒯孝先以主事分部學習奉 硃批著照所請該部知道欽此欽遵在案今朱壽鏞捐銀一萬五千餘兩與蒯光典所捐之款為數相埒核與捐例銀數有贏無絀按諸奏定學堂請獎章程亦屬相符合無仰懇 天恩俯准將河南布政使朱壽鏞之子補用知府分指山東試用同知朱孫苾獎給道員仍留原省補用並加三品銜俾資觀感出自 逾格鴻施除將履歷咨部查照外謹會同江蘇巡撫臣陳啟泰恭摺具陳伏乞 皇上聖鑒謹 奏光緒三十四年十二月三十日奉 旨該部議奏欽此

江西巡撫馮汝駉奏糧道錫恩給咨調驗禁煙片

再督糧道錫恩禁煙表結稍有未符臣面加詰詢據稟現已戒斷並稟請給咨調驗前來臣未便加具印結謹遵照禁煙王大臣奏定監司以上由公所調驗章程給咨進京聽候調驗此外候補道員范德孚盧宗儼李國楷臣到任之始即經請假回籍應俟銷假時調驗明確再行核辦謹會同兩江總督臣端方附片具陳伏乞 聖鑒謹 奏光緒三十四年十二月三十日奉 旨該部知道欽此

西歷一千九百九年正月三十一號 星期日

本局設立北京東長安牌樓王府井大街

宣統元年正月初十日第肆百伍拾號

電話內城總局第二百零一號

政治官報

目

錄

●宮門鈔○ 諭旨一道○交 旨一道○事由單●電報類○憲政編查館發各省督撫暨熱河都統電●摺奏類一○禮部會奏恭上 大行太皇太后尊證事宜摺○又奏恭上 大行太皇太后尊證請照案添供果品片○又會奏恭上 大行皇帝尊證事宜摺○又奏恭上 大行皇帝尊證請照案添供果品片○民政部奏遵照奏案辦理車捐并開辦日期摺○鄂督奏開辦土膏營業憑照等摺○東督奏遵設省城模範監獄工竣摺○又奏開辦省城模範監獄大概情形摺○又奏歸併各級審判廳并改擬廳名員缺摺○又奏籌設撫順地方審判檢察廳摺●摺奏類二○度支部奏長蘆豫岸引鹽加耗限滿請照案推展三年片○民政部奏上年分各省古昔陵寢祠墓防護無誤摺○滇督奏麗江縣舉人木正源請崇祀鄉賢摺●廣告

政治官報 目錄

正月初十日第四百五十號

一

宮門鈔

正月初九日 前江西布政使沈瑜慶到京請 安 外務部封奏二件 內務府

奏派十三日致祭 內外城隍廟

派出增善 文煦 又奏派致祭四廟

派出慶恩 德壽 承蔭 左景祐 又奏派十三日祭 奉先殿恩輝行禮

召見軍機

諭旨

監國攝政王鈐章

正月初九日奉

旨阿拉善親王多羅特色楞之子鎮國公銜頭等台吉塔旺喇布坦加恩著賞挑乾清門行

走欽此

軍機大臣署名奕劻世續張之洞鹿傳霖那桐

交旨

正月初九日

監國攝政王鈐章

軍機大臣欽奉

諭旨慶親王奕劻奏

普陀峪

定東陵工程用過錢糧數目奏銷摺單各一件依議又片奏本工所餘六分平餘銀兩繳還度支部等語知道了又片奏本工出力人員可否獎叙等語著准其分別保獎欽此

軍機大臣署名奕劻世續張之洞鹿傳霖那桐

正月初九日內摺傳 旨事由單

內閣彙奏 上諭奉 旨知道了○理藩部代奏蒙古王公等創建殖邊學堂並請頒鈴記請 旨事

奉 旨依議○又奏章嘉呼圖克圖率徒諷經完竣奏 聞事奉 旨知道了

正月初九日內外摺奉 旨事由單

外務部奏上年夏季分撥匯各使館俸薪公費摺 依議○又奏擬頒坎拿大領事 勅諭摺 依議○又

奏請 賞日國駐滬領事等寶星片 依議○劉式訓奏隨使人員期滿請獎摺 依議○又奏州同徐善

慶等請片 依議○又奏通判王繼曾請獎片 依議○徐世昌奏請開缺摺 東三省地方重要該督

向來辦事尙屬認真自當力任其難所請開缺之處著毋庸議○吳重憲奏三十三年各廳州縣事實摺 該

衙門知道單三件併發○黃懋澄奏得雪日期摺 知道了

電報類

●正月初六日憲政編查館發各省督撫暨熱河都統電 奉天福州南京雲南武昌成都蘭州各制台齊齊哈爾吉林南昌蘇州杭州太原開封長沙濟南西安迪化各撫台熱河都統鑒光緒三十三年九月初五日日本館議覆修訂法律辦法原奏內稱各項法典先編草案奏交本館由本館分咨在京各部堂在外各省督撫酌立年限討論參考分別籤註咨覆本館彙擇又上年奏定憲法大綱逐年籌備事宜本年核訂新刑律草案以備明年頒布等因查修訂法律

大臣先後奏進刑律總則分則草案當經本館於三十三年九月及十二月先後咨送各省簽註並各聲明於文到六個月咨覆本館在案迄今事隔年餘依限送館者僅有數省其餘各省或尙未咨覆或咨請展限或僅送總則未送分則爲日已久急需核辦事關籌備年限勢難再延希即從速簽註送館以便彙齊修訂是爲至要憲政編查館魚

摺奏類一

禮部會奏恭上 大行太皇太后尊諡事宜摺

奏爲請 旨事恭照本月二十二日午時恭上 大行太皇太后尊諡 等伏查恭上

尊諡典禮前期三日齋戒 皇上御青長袍褂冠綴纓緯王公百官均青長袍褂帽

綴纓緯穿孝百日之王大臣等於齋戒三日內 召對及帶領引 見均服青長袍褂帽

綴纓詣 大行太皇太后几筵前應服縞素者仍服縞素屆日 皇上御太和門行恭

閱 冊 寶禮畢還 宮易縞素屆吉時詣 几筵前恭進 冊

寶上香奠帛讀祝行三獻禮王公大臣及四品以上官均隨行禮禮成翌日頒 詔天下其

捧香 冊香 寶以大學士二員捧絹 冊絹 寶及接香 冊香

寶以禮部堂官各二員祭品香燭帛端等項由內務府辦理捧香 冊香

寶大學士捧帛獻爵王均由禮部奏 派黃亭黃案由內務府豫備前期一日告祭

天 地 太廟後殿 社稷壇 先師孔子廟承祭及執事各官均朝服

告祭 奉先殿承祭及執事各官均補褂告祭 觀德殿几筵前承祭及執事各官

均各照應穿服色捧
冊 寶大臣執事官及隨同行禮之王公大臣官員等於

皇上閱 冊 寶時均青長袍褂帽綴纓至 廟號 殯宮行禮時均青長袍褂帽

摘纓恭上 尊諡禮成後凡章奏文移俱恭書 旨依議欽此 尊諡所有行禮禮節

由禮部另行恭進爲此謹 奏宣統元年正月初八日奉 旨依議欽此

又奏恭上 大行太皇太后尊諡請照案添供果品片 再恭查咸豐十一年恭上

文宗顯皇帝尊諡當經援照成案奏請於 几筵前添供果品十二色在案今本月

二十二日恭上 大行太皇太后尊諡擬請遵照成案於 几筵前添供果品十二

色由 臣 等交內務府敬謹豫備理合附片 奏 聞宣統元年正月初八日奉 旨依議

欽此 禮部會奏恭上 大行皇帝尊諡事宜摺

奏爲請 旨事恭照本月二十八日午時恭上 大行皇帝尊諡 臣 等伏查恭上

尊諡典禮前期三日齋戒 皇上御青長袍褂冠綴纓緯王公百官均青長袍褂帽綴纓

緯穿孝百日之王大臣等於齋戒三日內 召對及帶領引 見均服青長袍褂帽綴纓

詣 大行皇帝几筵前應服縞素者仍服縞素屆日 皇上御太和門行恭閱

冊 寶禮畢還 宮易縞素屆吉時詣 几筵前恭進 冊 寶上香奠

帛讀祝行三獻禮王公大臣及四品以上官均隨行禮禮成翌日頒 詔天下其捧香

冊香 寶以大學士二員捧絹 冊絹 寶及接香 冊香 寶

以禮部堂官各二員祭品香燭帛端等項由內務府辦理捧香 冊香 寶大學士

政 治 官 報 摺 奏 類 正 月 初 十 日 第 四 百 五 十 號 五

捧帛獻爵王均由禮部奏

派黃亭黃案由內務府預備前期一日告祭

天

地 太廟後殿

社稷壇

先師孔子廟承祭及執事各官均朝服告祭

奉先殿承祭及執事各官均補褂告祭

皇極殿几筵前承祭及執事各官均各照應

穿服色捧

冊

寶大臣執事官及隨同行禮之王公大臣官員等於

皇上閱

冊

寶時均青長袍褂帽綴纓至

廟號 尊諡所有行禮禮節由禮部另

尊諡禮成後凡章奏文移俱恭書

廟號

尊諡所有行禮禮節由禮部另

行恭進爲此謹

奏宣統元年正月初八日奉

旨依議欽此

●又奏恭上

大行皇帝尊諡請照案添供果品片 再恭查光緒元年恭上

穆

宗毅皇帝尊諡當經援照成案奏請於

几筵前添供果品十二色在案今本月二十八

日恭上

大行皇帝尊諡擬請遵照成案於

几筵前添供果品十二色由 臣 等交

內務府敬謹豫備理合附片 奏

聞宣統元年正月初八日奉

旨依議欽此

民政部奏遵照奏案辦理車捐並開辦日期摺

奏爲遵照奏案辦理車捐並將開辦日期恭摺具陳仰祈

聖鑒事竊 臣部前於光緒三十

三年二月二十三日具奏開辦車鋪捐一摺奉

旨依議欽此欽遵在案查此項鋪捐已

於上年三月初一日開辦迄今年餘人民尙屬相安惟車捐久未舉行 臣 等查京師地方爲各

省人民萃聚之處而車夫一項人類最爲不齊近來內外城各項車輛日多一日推原其故係

因各省先後舉辦車捐編列牌號詳定規條匪人無可溷迹現在京城車捐未辦漫無稽考遂

麇集於都門且駐京各國使館亦擬在東交民巷界內抽取車捐現經咨商外務部尙未據覆

伏思臣部職司民政凡稽查奸宄舉辦公益均關緊要車捐一項若臣部不先爲籌辦則他人藉口有資再四籌商不得不尅期辦理擬卽責成內外城巡警兩總廳詳擬章程妥慎辦理於十二月十六日開辦寓查於捐俸宵小無所潛蹤實於京師治安不無裨益至於捐納數目比較各省力求減少務使輿情無拂民政畢修以仰副 朝廷子惠元元振興庶政之至意所有遵照奏案辦理車捐並報明開辦日期緣由理合恭摺具 奏伏乞 皇上聖鑒謹 奏光緒三十四年十二月初十日奉 旨知道了欽此

湖廣總督陳夔龍奏開辦土膏營業憑照等摺

奏爲鄂省遵章開辦土膏營業憑照及購煙牌照捐費恭摺具 奏仰祈 聖鑒事竊准民政部咨具奏會同酌擬禁煙稽核章程各省應印製鴉片營業憑照及購煙牌照又准度支部咨具奏土藥稅收不敷撥款酌擬仿照蘇省辦法略加變通作爲牌照捐以便查禁而資撥補各等因先後到鄂當經飭令各該司道局所妥爲籌議茲據湖北禁煙公所會同布政司巡警道善後局詳稱現擬遵照部章印製土膏營業憑照按照該店成本一萬元以上爲上則每年繳照費六元五千元以上爲中則每年繳照費四元不及五千元爲下則每年繳照費二元憑照每屆一年更換一次另有批貨憑照販運憑照只以稽查銷數不取照費並印製購煙牌照凡吸煙者無論何項人均查明發給以爲購買土膏之據限定每三個月更換一次遵推廣辦法令土膏各店於賣貨時驗明牌照每土一兩向購者捐錢四十文每膏一兩向購者捐錢六十文別爲行旅購煙牌照其捐數與住戶等惟改爲十日更換一次各附憑單不取分文專以備稽核購買分量之用其有未經領照私自開設購吸者均分別查禁議罰所收各項捐費解

歸善後局湊抵賠款並酌撥辦理禁煙津貼經費之需詳請具 奏前來 臣覆加察核所擬辦法均係根據部章惟購煙牌照原定每年更換一次今改爲三月實爲稽查嚴密起見與原章尙無出入竊惟鴉片流毒早徧海內欲求禁止宜絕根株瞬屆試減三年之期尤係環球觀聽自不容稍有玩愒貽誤事機自禁煙公所設立以來凡有職人員業已分期調驗是否沾染煙癖或已違期戒斷無從遁飾惟編戶齊民吸食幾成爲風氣而下流苦力嗜者尤多僚類既繁勢難徧識非有提綱挈要之法難爲澄源正本之圖部 臣酌定章程兼收捐費寓徵於禁卽所以原始要終挽此淪胥同登在席亟宜舉辦以策全功查推廣牌照捐業經度支部指定抵補土稅不敷之款而土膏營業憑照收費屈指可計爲數實亦無多自應照民政部原奏撥爲鄂省禁煙經費等項之用如牌照捐抵補土稅仍有不敷則既儘借款撥補一面由 臣飭令禁煙公所會同巡警道認真辦理嚴密調查總須按籍可稽先期淨盡庶足以掃除沉痾永絕萌芽惟事屬創行應請暫作爲試辦俟辦理數月後再將詳細規則咨送各該衙門查核除分咨外所有鄂省遵辦憑照牌照捐費緣由理合恭摺具 奏伏祈 皇上聖鑒敕部立案施行謹

奏光緒三十四年十二月二十七日奉

旨該部知道欽此

東三省總督徐世昌奏遵設省城模範監獄工竣摺

奏爲遵設省城模範監獄建築工竣恭摺仰祈 聖鑒事竊查奉天省城原有府縣兩監因歲久失修經前將軍 趙爾巽派員估修時值兵燹之後工料踴貴計擬造監房一百二十一間原估工料藩平銀四萬八千五百九十八兩批准在案尙未動工適 臣到任當經飭令提法司使吳鈞將此項工程切實覆估並將原圖悉心斟酌其有未能合法之處逐細簽註力求完

善旋准法部咨行議覆修律大臣沈家本奏改良監獄摺內稱於各省及通商口岸先築模範監獄一所參酌東西洋辦法以示文明於諸國爲後日撤去領事裁判權及抵制租界監獄地步等語爰飭該司就擬建新監之地遵照 奏定章程參酌奉省情形妥籌辦法並派委留學日本警監科畢業生林紹敏等前赴京津保鄂調查模範監獄習藝所等處規章以資仿辦自去秋以來迭據該司督同委員勘明地址推廣房舍監察工作考正名稱仍就前將軍趙爾巽任內原估之藩平銀四萬八千餘兩除每兩照章核扣減平等項實發銀四萬五千三百九十兩零五錢三分二釐核實修造於原圖之外增加獄舍百餘間略仿日本巢鴨之規模與湖北模範監獄之構造綜閱該圖劃分五部第一部爲官舍自入表門分設鐵柵門衛內容分爲三段兩段置收發處回事房犯屬休息所看守接待室中留坪院旁置清平水井中段設大樓一座下層置職員事務所來賓接待室上層置官舍會議所三層上置最高瞭望亭樓下兩邊置員司室檢身室罪犯接見室正面置訊問所案牘室看守長室後段置非常門水龍器廠看守宿舍倉庫廚井附焉第二部爲雜居監係十字形式內分四翌各翌端設非常門每翌監房十間寬一丈深一丈五尺容七八人計四十間約可容三百餘人夾道上架玻璃窗汽屋寬七尺各翌之中央建一圓亭看守駐於其下旁設燈室暗廁監東爲屏禁室以懲囚人之犯獄規者監西爲閤室以懲囚人之犯獄規情狀較重者監南置樓一座上爲訓援室書信處閱覽室下爲教誨室監北置監察室一門以入工場第三部爲分房監係扇面形式內分四翌監門在扇之柄左右置監察室中兩翌交角處置非常門每翌監房有十八間者有十六間者寬六尺深一丈一尺以其半用階級制由雜居監提入使三人居之其半用完全分房制使一人居之計

可容百二十人夾道上架玻璃窗汽屋寬八尺各翌之中央建一圓亭看守駐於其下兩旁墮地爲運動處第四部爲工場分東西兩區區寬五尺深三丈四面滿裝玻璃窗格前置柵欄上架玻璃窗汽屋寬七尺兩區中央爲運動場區北置倉庫水井附焉第五部爲女監及男囚病監分爲前後兩區以高牆隔之寬六丈深三丈八尺女監內置雜居房四間分房四間約可容三十人工場病室俱備夾道上架玻璃窗汽屋寬八尺後院爲運動場前牆設接見處男囚病監置輕病室四間重病室四間約可容三十人另有看護室診察室醫務所夾道上架玻璃窗汽屋寬八尺監南牆際置傳染病室一所以以上五部統計地址南至北計長東面五十四丈七尺西面六十三丈三尺東至西計深南頭十六丈四尺中段十九丈五尺北頭十四丈五尺總計房舍大小二百餘間樓房二座附高亭一座圓亭二座瞭望亭四座工場二區運動場三區水井三口內牆厚二尺高一丈週圍一百十六丈七尺外牆厚三尺高一丈四尺週圍一百四十九丈三尺內外牆頂密插鋼刺溝道一百六十丈以上各工均於本年九月一律完竣該司呈請 奏咨立案前來經 臣 派民政司張元奇查核驗收尙屬工堅料實定名曰奉天省模範監獄署仍飭該司吳鈞妥訂章程擇日開辦竊維本省逼近強鄰數罹兵劫農野之瘡痍待復訟獄之煩苦宜祛邇年以來中外視綫集注於斯非早設一較爲完全之監獄實不足以挽積弊而表法權該司於承辦此事悉心規畫所有一切房舍均能支配合式雖限於舊有地基而於原估之款加造工程節省鉅資洵屬實心任事省城既有規模將來推設各屬以圖普及於監獄改良獲益誠非淺鮮所用原估府縣兩監經費扣除減平實銀四萬五千三百九十兩零五錢三分二釐應請准其作正開銷除飭造具詳細圖冊分咨民政部法部度支部查照暨開

辦章程專案奏報外所有遵設奉天省城模範監獄建築工竣緣由謹恭摺具 奏伏乞
皇上聖鑒訓示謹 奏光緒三十四年十二月二十九日奉 旨該部知道欽此

東三省總督徐世昌奏開辦省城模範監獄大概情形摺

奏爲開辦省城模範監獄謹陳大概情形恭摺仰祈 聖鑒事竊維監獄與審判二者相因而成未有監獄不良而審判能獨臻完善者蓋監獄與法庭裁判皆爲刑法機關近世儒者每以監獄之關係爲最重要誠以人類不能無作奸犯科之事 國家貴施以感化遷善之方法庭之裁判足以動一時之觀感而監獄之實行懲戒勸導可以使拘禁之罪犯悔悟自新勉爲良善是以收效極遠立於司法行政之間爲 國家至威至仁之地奉省僻在邊陲昧於文教從前民情之頑梗吏治之因循現雖漸有轉移惟兵燹屢更奸宄滋甚黠者玩法以自逞愚者報復而尋仇命盜之案倍蓰內地以是各屬獄舍重犯填滯牢頭獄卒因緣爲奸今既改良審判自應首先改良監獄雖一時未能普及各屬而省城模範監獄亟宜妥慎開辦以樹規模當經督同提法司使吳鈞謹擬大概辦法爲我 皇上縷晰陳之一監獄分類各國獄制有拘留置監有地方監有假留監有集治監係查照囚人之性質犯罪之輕重而嚴其區別當此財力未充之際勢難遽籌浩大之經費分建各種監獄又在法律未改以前亦不能盡棄本國慣例而襲他國制度自應變通辦理將各種囚人分別收拘該監獄約可容罪犯四百餘名就中設有雜居監擬收已決之軍流徒犯監候待質人犯未決刑事輕罪犯設有分房監擬收官犯死罪人犯及其他案情重大之犯設有女監專收已決之重罪女犯並將承德縣原有監房量加修葺改爲假留監可容百餘人專收招解人犯是合各種監獄於一處而於其內區分之爲暫

時權宜之計此監獄分類之大概情形也一分課任事囚人之分類既繁則管理愈應周密新監之罪情俱重則組織尤貴完全各國獄制雖不一律大約於典獄官外分三課兩所各課各所之下又分多員以專任之大略文牘會計屬於第一課戒護囚人屬於第二課庶務屬於第三課查天津保定章程係分設書計會計考工看守庶務教誨師醫官等職湖北則分案牘科守衛科工業科及教誨師醫官庶務等名茲擬參酌當地情形分設三課曰文牘課專理文書考績暨保管犯人物品金錢之事曰守衛課專理看守戒護之事曰庶務課管理會計在未置考工專員以前並兼工業之事每課置課長一員又設教誨所醫務所以訓養之每所置所長一員皆爲輔助管獄官之員係變通外國獄制折衷內地辦法酌量裁併如此而後責任乃專職務不紊以求湔除往日簡率苛虐之習此分課任事之大概情形也一分別工作不論罪情之輕重一體拘苦不使就事固非政策然不辨囚人之性質概充工作以期收益亦碍刑章各國因刑名之區別定其業役之輕重多與囚人性質不相適合茲設模範監獄除情實死罪人犯官犯尙待質訊者不令工作外其餘人犯由該管獄官擇授工作不以刑名之區別分定工作之種類惟以適於犯人之性質及其他日生計爲主其不便於監獄管理者禁之庶於課業之中仍不失執行刑罰之意如裁縫織布木工印刷編製席帽柳條箱包等項皆爲豫定之業俟明春和暖略籌工本卽行開辦此分別工作之大概情形也一酌擬懲罰囚犯脫逃之處分舊例甚爲嚴明茲設新監原期力除積弊昭示文明三木械繫暨舊獄相沿之刑具不能不斟酌去留以爲異日收回法權地步近者改良審判廢止刑訊中外觀聽一新刑訊既廢則牢舍之拘繫亦應變通第恐獄員祇避處分酷守舊習將獄務永無廓清之一日謹擬創辦一年

之內除實係賄縱囚人查有確據仍照舊例處分外遇有疏防脫逃人犯處分稍予從寬惟該看守部長仍應當其責任如係雜居監人犯則雜居監看守部長及看守人等撤差勒緝其在分房監假留監及工場時亦如之庶足以廣 皇仁而肅刑憲此酌定懲罰之大略情形也一酌定員秩監獄事業之發達固因獄制完美尤賴獄吏善良苟得其人雖獄制不甚完全猶可因時補救第非正其品秩不足以勸良吏查外國典獄爲奏任官各課所長有奏任者有判任者即看守亦受判任之待遇上年法部議准修律大臣沈家本改良監獄一摺有獄務人才與司法官吏同一重要官卑不足以彈壓應定各省正管獄官秩五品副管獄官秩六品其餘分任義務及醫官書記等員由督撫量爲增置等語奉省新設模範監獄爲全省之表率現擬遵照奏定官制先設正管獄官一員副管獄官暫從緩設惟各課所長未定品秩仍不足以專責成而重職務擬請酌定課長秩八品所長秩九品均定爲咨補之缺此項獄員必須選會肄法政監獄學科性行敦善者充任其看守部長以下亦須教練畢業如奉公三年無過准其拔升所長課長及補各屬分監員缺如是則人才感奮而獄事可望日新一籌撥經費獄用不敷難期經久計新設監獄暨歸併承德縣監舍容五百餘人其常年經費分額支活支兩款獄員俸給看守俸給工役薪食等項屬於額支看守服裝囚犯衣糧及雜用等項屬於活支值此財政困難力求撙節計每歲所需亦在二萬金以外然薪俸皆從微薄工業資本尙需另籌查新監成立部定官制既有管獄專官所有奉天府司獄承德興仁兩縣典史皆爲虛職自應裁撤例定廉俸實銀及役食津貼歲合二千三百餘兩又舊支府縣監獄囚糧倉米禁卒津貼押犯車價等項歲約六千五百兩均應撥歸新監提用其不敷之數歲不過萬餘金已由臣飭令

度支司妥爲籌給應請於每屆年終造冊報部准其實用實銷以示體恤而規久遠以上各條爲改良奉省獄務起見略舉要綱以開各屬風氣經臣派委提法司典獄科一等科員日本法政大學專科畢業生揀選知縣蕭仲祁暫兼充正管獄官並刊發奉天省模範監獄木質關防一顆發交該員祇領開辦於十一月初一日起陸續將舊日承德縣監獄押人犯二百餘名一律提入新監仍飭該司隨時督飭該員切實經理務期囹圄向化咸與維新以仰副 朝廷矜慎庶獄之至意除將各項章程規則咨送法部查核並將建築工程另摺奏報外所有開辦省城模範監獄緣由理合恭摺具陳伏乞 皇上聖鑒飭下法部查核立案施行謹 奏光緒三十四年十二月二十九日奉 旨法部知道欽此

東三省總督徐世昌奏歸併各級審判廳並改擬廳名員缺摺

奏爲歸併奉天府各級審判廳并改擬廳名員缺謹將辦理情形恭摺具陳仰祈 聖鑒事竊奉天開辦各級審判廳暨分別擬補各廳員缺歷經具奏有案復查開辦伊始因省垣附郭原設承德興仁兩首縣未便劃分故設奉天府地方審判一廳初級六廳附設檢察廳按兩首縣轄境分別辦理應管之訴訟自各廳成立試辦年餘成績頗有可觀商民靡不稱便正宜逐漸推廣以冀恢張法權近以興仁縣移駐撫順改爲撫順縣從前歸興仁所轄區域內一切訴訟自應改歸撫順管理已擬於撫順分設審判檢察各廳其初設之奉天府第二初級審判廳在撫順轄境以內亦即劃歸管理而奉天府之第一第三第四第五第六各廳均屬承德區域該縣爲省垣首邑地廣事繁就令五廳分治猶恐不敷特以百度維新需款浩大且各衝商埠審判廳均未成立尙待擴充自非將初級各廳酌量裁併不足以節經費而規久遠當飭場法

司使吳鈞妥慎籌畫督同高等審判廳廳丞許世英署高等檢察廳檢察長汪守珍詳細調查總以民不失便官亦節款爲要茲據該司覆稱除第一初級審判廳專收審省城之該管案件無庸歸併仍改名爲承德第一初級審判廳其餘四廳所轄屯堡之多且密以第四爲最第三次之第六第五又次之案件之繁且難則第四第六相等第三次之第五又次之度形勢之異宜按戶口之多寡應將第三第六併爲一廳改名承德第二初級審判廳第四第五併爲一廳改名承德第三初級審判廳各檢察廳附之至省城原設之奉天府地方審判檢察廳亦應改名承德地方審判檢察廳不用府廳州縣字樣一爲將來推廣時兩縣合設一廳之計畫一爲與行政部分有所區別唯是廳名既已變更斯官稱亦應改易所有原署奉天府地方審判廳推事長蕭文華原補推事孫長青袁晟倪泰汪超典簿羅鴻賓主簿許維瑜沈啓賢及原補奉天府地方檢察廳檢察長廖世經檢察官蕭晉榮各缺均應改爲承德地方審判檢察廳各缺原補奉天府第一初級審判檢察廳推事杜錫麟檢察官李仙根應改爲承德第一初級審判檢察廳推事檢察官其原補奉天府第六初級審判廳推事顏文海應改爲承德第二初級審判廳推事原補奉天府第四初級審判廳推事姜可欽應改爲承德第三初級審判廳推事以期名實相符至各初級檢察廳檢察官向係委巡警局各巡官暫行兼辦原以發端之際各廳附設於鄉鎮巡警局不得不爲一時權宜之計現在既圖歸併規定務在周詳允宜權限劃清以謀完全之獨立應請遴派妥員專司檢察事務等情前來臣覆加考核規畫既宜名實亦副應如所擬辦理除將撫順地方初級各廳開辦情形另行具摺奏報並將併廳改名辦法行法部備案外所有歸併奉天府各初級審判檢察廳並請改廳各員缺各緣由理合恭摺具陳伏

乞 皇上聖鑒謹 奏光緒三十四年十二月二十九日奉

旨法部知道欽此

東三省總督徐世昌奏籌設撫順地方審判檢察廳摺

奏爲籌設撫順地方審判檢察廳謹將開辦情形恭摺具陳仰祈

聖鑒事竊 臣上年具

奏奉天省開辦高等審判檢察廳及設奉天府地方初級各廳接收承德興仁兩首縣民刑訴訟而奉天各州縣試辦之先聲卽爲行政司法區分之創始嗣以興仁移駐撫順改興仁縣爲撫順縣並將 興京廳迤西遼遠之地劃歸管轄特設民官行政既具規模司法亦宜布置第撫順商旅增益且去該縣八里之千金寨地方煤礦利源日見增擴若將民刑案件仍隸於原設之奉天府地方審判廳審理微特管轄難週人民失便卽按之慎重法權講求交涉之道亦覺非宜迭飭提法司使吳鈞詳細通籌督同高等審判廳廳丞許世英署高等檢察廳檢察長汪守珍調查集議據該司覆稱查撫順縣所轄地方遼闊而戶口之煩多商旅之發達道途之便利形勢之適宜以千金寨爲最撫順應設之地方審判檢察廳宜在該處建立惟時值沍寒不能興作而一切詞訟又急待管理擬在距撫順十二里之塔峪地方租賃民房先行開辦撫順地方審判廳檢察廳附之該處原設有奉天府第二初級審判檢察廳現既劃歸撫順界內卽作爲撫順第一初級審判檢察廳暫設一廳如將來實係事煩再行酌量加增所有各廳員缺擬由高等及奉天地方兩廳內撥員派署以資熟手而節經費原補之奉天府第二初級審判廳推事方瑛應改補撫順第一初級審判廳推事俾副名實各等情先後呈請前來 臣復加查核尙屬周妥當經批准照辦並派高等審判廳庭長法部主事程繼元署理撫順地方審判廳推事長奉天府地方檢察廳檢察官蕭晉榮試署撫順地方檢察廳檢察長其餘各員均由

該司於高等地方兩廳人員內分別撥委於十二月初一日開辦臣自當暫飭該司隨時考查該員等如果始終勤奮克盡厥職再由臣開單出考咨行法部分別奏咨補授以昭慎重除咨法部備案外所有籌設撫順地方審判檢察廳開辦緣由理合恭摺具陳伏乞皇上聖鑒訓示謹奏光緒三十四年十二月二十九日奉旨法部知道欽此

摺奏類二

度支部奏遵議長蘆豫岸引鹽加耗限滿請照案推展三年片

再據直隸總督楊士驤奏據長蘆鹽運使張鎮芳詳稱長蘆豫岸引鹽前因道遠運艱虧耗難支經督臣奏請於每包額重之外再加油耗鹽二十斤奉部覆准自光緒二十八年九月起予限三年嗣於三十一年八月底限滿復經督臣援案奏請推展三年奉部議覆此項耗鹽應照減引併包辦法按斤加課行經諭飭豫岸各商每引加課銀二分三釐九毫五絲核入領引科則隨引完交詳咨覆准在案茲查前項加耗截至三十四年八月底又屆限滿本應飭令停止惟豫岸道遠運艱所加耗鹽二十斤若不展限必致商力虧賠與課運大有關係請再予展限三年等情臣查該司所詳委係實情仰懇天恩俯准將豫引前次加耗二十斤自光緒三十四年九月起再行推展三年應納加課仍照原案辦理等語光緒三十四年十二月初四日奉旨度支部議奏欽此欽遵鈔出到部臣等查長蘆豫岸引鹽加耗二十斤本應依限停止惟據聲稱道遠運艱若不展限必致商力虧賠與課運大有關係尙屬實在情形擬請准如所奏自光緒三十四年九月起將長蘆豫岸引鹽加耗二十斤再行展限三年以示體恤其應納加課仍照原案辦理所有臣等遵議緣由理合附片陳明伏乞聖鑒謹奏光緒三十四年十二月二十日奉旨依議欽此

民政部奏上年分各省古昔陵寢祠墓防護無誤摺

奏爲循例彙奏光緒三十三年分各省古昔陵寢祠墓防護無誤恭摺仰祈聖鑒事竊查雍正七年三月初十日內閣鈔出奉上諭自古帝王皆有功德於民雖世代久遠而敬禮崇奉之心不當弛懈其陵寢

所在乃神所憑依尤當加意防衛勿使褻慢至於往聖先賢名臣忠烈芳型永作楷模正氣常留天壤其祠宇塋墓亦當恭敬守護以伸仰止之忱著各省督撫轉飭各屬將境內所有古昔陵寢祠墓勤加巡視防護嗣後著於每年年底令該地方官將防護無誤之處結報該督撫造冊轉報工部彙齊奏聞特諭欽此欽遵歷經辦理在案茲查雲南貴州二省本無古昔陵寢先賢祠墓其餘各省惟江西浙江安徽廣東河南四川奉天等省業將光緒三十三年分防護無誤冊咨送到部又山西省於光緒三十三年十二月二十日始將三十二年分古昔陵寢先賢祠墓冊咨送到部其時業經工部彙案奏報例於今年併案補行彙奏其餘三十三年分未到之順天直隸江蘇山東湖北湖南福建陝西廣西甘肅山西等省應請 旨飭下各該將軍督撫府尹等遵照定例嚴飭各屬按年造具防護無誤冊咨部以憑彙奏毋得任意延宕以昭敬謹所有循例彙奏各省古昔陵寢祠墓防護無誤緣由恭摺具陳伏乞 皇上聖鑒謹 奏光緒三十四年十二月二十二日奉 旨知道了欽此

雲貴總督錫良奏請將麗江縣舉人木正源崇祀鄉賢摺

奏為已故舉人木正源學行可風請

旨崇祀鄉賢恭摺仰祈

聖鑒事竊查定例崇祀名宦鄉賢該督

撫會同學政每年八月以前具題並將事實冊結送部詳核於年底彙題又前准禮部咨嗣後凡入祀名宦鄉賢者須俟其人身歿三十年方准具題核辦各等因歷經遵辦在案茲據雲南布政使沈秉堃詳稱查有已故舉人木正源雲南麗江縣人賦性誠樸居家孝友中式道光甲午科舉人讀書務以躬行為本於經史諸子百家之學靡不精心研究歷任晉甯鎮南宜良等州縣教官多士奉為典型晚年主講麗江書院誨人不倦嘗以文行忠信四者自勉勉人年逾八十言動必循於禮性尤耽易好學之心老而彌篤著有周易集說等書光緒二年卒於鄉迄今三十餘年邑人士稱道弗衰實係行誼純正學問淹粹足為士林矜式核與崇祀鄉賢之例相符由學造具冊結牒由縣府道層遞核明加轉由司造冊加結詳請具 奏前來奴才覆查無異相應仰懇 天恩俯准將該故舉人木正源崇祀鄉賢以彰潛德而順輿情除將冊結書籍咨送禮部查核外理合恭摺具陳伏乞 皇上聖鑒敕部核覆施行謹 奏光緒三十四年十二月三十日奉 旨禮部議奏欽此

西歷一千九百九年二月一號 星期一

本局設立北京東長安牌樓王府井大街

宣統元年正月十一日第肆百伍拾壹號

電話內城總局第二百零一號

政治官報

目錄

●宮門鈔 ○諭旨一道 ○交 旨一道 ○事由單 ●摺奏類一 ○承修 崇陵工程大臣奏請定 崇陵規制摺

○又奏請遴派監督各員摺 ○又奏請頒發關防片 ○度支部奏議覆土藥稅大臣奏遵解湖北土稅撥款照章辦理摺 ○吏部奏酌擬傳補滿清御史辦法摺 ○又奏議覆晉撫移置磧口通判改為東勝廳摺 ○又奏遵議熱河赤峰縣縣丞改升為赤峰直隸州州判等片 ○魯撫奏恭戒煙不力各員摺 ○鄂督奏請將土稅按月撥解并開除溢撥各款摺 ●摺奏類二 ○陸軍部奏遵議黔省邊防案核獎摺并單 ○又奏遵議蘇省光緒三十二年海運各員請獎摺 ○又奏查明游擊張廣源底銜不符照章改獎摺 ○吏部奏遵議光緒三十二年海運各員請獎摺并單 ○鄂督奏鄂省各營增裁缺額兵馬戰船各數摺 ○粵督奏革守畢昌言被參冤抑請開復片 ○又奏革令陳柏侯被參冤抑請開復片 ○閩督奏請將故員沈翊清附祀其祖沈葆楨專祠等摺 ●廣告

政治官報 目錄

正月十一日第四百五十一號

宮門鈔

正月初十日 洵貝勒由 西陵回京請 安 洵貝勒封奏一件

召見軍機

諭旨

監國攝政王鈐章

正月初十日內閣奉

上諭岑春煇奏查明澧州南洲等州廳縣被水受旱請分別蠲緩遞緩錢漕蘆課等項一摺
湖南上年夏秋間澧州等屬湖河泛漲低窪田畝悉被淹沒濱湖隄垸間被沖潰高阜田
禾入秋被旱收成均形歉薄若將應徵錢漕蘆課等項照常徵收民力實有未逮加恩著
照所請所有澧州南洲安鄉等州廳縣均著按照被災輕重情形將應徵錢漕蘆課等項
分別蠲緩遞緩以紓民力該撫即將所開詳細數目刊刻謄黃徧行曉諭務使實惠及民
毋任吏胥舞弊用副朝廷軫念民艱之至意餘著照所議辦理該部知道欽此

軍機大臣署名奕劻世續張之洞 假鹿傳霖那桐

交旨

正月初十日

監國攝政王鈐章

軍機大臣欽奉

諭旨載洵奏查勘

西陵梁格莊行宮工程情形繪圖呈覽一摺著迅速開工妥慎修理圖留覽欽此

軍機大臣署名奕劻世續張之洞鹿傳霖那桐

正月初十日內摺傳 旨事由單

理藩部代奏 御前行走阿拉善親王多羅特色楞因子塔旺喇布坦

賞挑乾清門行走謝

恩事奉

旨知道了

正月初十日外摺奉 旨事由單

岑春煊奏上年分上忙錢糧征解數目摺 該部知道○又奏田房稅契照鄂章收六分片 度支部知道○又奏解練兵經費片 該部知道○又奏中晚二稻收成分數摺 知道了○又奏清查辰關稅銀數目摺 度支部知道○又奏解廣西邊防協餉片 該部知道○又奏解甘肅新餉片 度支部知道○又奏解雲南銅本片 該部知道○又奏澧州等處被災分別蠲緩摺 另有旨

摺奏類一

承修

崇陵工程大臣奏請定

崇陵規制摺

奏為恭修

崇陵工程請

旨先定規制以便遵辦恭摺仰祈

聖鑒事光緒三十

四年十二月十四日內閣奉

上諭金龍峪謹定為

崇陵即行擇吉興工著派載洵

溥倫載澤鹿傳霖敬謹承修並著慶親王奕劻會同辦理一切事宜欽此又十二月十六日內閣奉

上諭恭修

崇陵工程著派慶親王奕劻總司稽查毋庸會同估修欽此

自應恪遵

諭旨敬謹承辦查

陵工應辦事宜極為繁重必先定規制一切方有

遵循從前

惠陵工程係查照

慕陵

定陵規制先行請

旨酌定當

於光緒元年四月初七日欽奉

懿旨惠陵現在擇吉興工除神路及石像生無庸修建

外其餘均照

定陵規制欽此是承修

惠陵工程係奉

旨定准規制再行

遵照興修曾經辦理在案今_臣等奉

命恭修

崇陵工程應援

惠陵成案仍

照 定陵規制興修抑或按

慕陵規制興修之處自應恭候

諭旨遵行所有

恭修

崇陵工程請

旨先定規制緣由理合恭摺具陳伏祈

皇上聖鑒訓示謹

奏光緒三十四年十二月二十五日奉

上諭已錄

承修

崇陵工程大臣奏

崇陵工程重要請遴派監督各員摺

奏為

崇陵工程重要擬遴派監督各員以資襄辦恭摺仰祈

聖鑒事竊_臣等奉

命承修

崇陵工程業將先定規制一節另摺具奏惟是

山陵工程關係重大

一切應辦事宜非有得力人員不足以充任使是以歷屆

陵工皆由承修大臣奏請派

員監督隨同查勘估修今恭修

崇陵工程自應照案遴派監督俾資贊助而昭詳慎_臣

載洵擬派花翎在任候補三品京堂民政部左叅議延鴻翰林院檢討蔣式理_臣溥倫擬派花

翎二品銜候補叅議紹彝花翎四品銜記名道度支部郎中林景賢_臣載澤擬派二品銜度支

部左丞陳宗燁花翎度支部右丞傅蘭泰_臣鹿傳霖擬派花翎郵傳部左丞李焜瀛花翎吏部

右叅議吳敬修以上各員均堪派充監督如蒙

俞允_臣等即飭各員遵照並令將應設工

程處趕緊佈置以便辦公所有工程重要遴派監督各緣由理合恭摺具陳伏祈

皇上聖

鑒謹 奏光緒三十四年十二月二十五日奉

旨著依議欽此

●又奏請頒發關防片 再_臣等恭奉

諭旨承修

崇陵工程凡遇應行文件均須

鈐用關防_臣等查光緒元年承修

惠陵工程曾經請

旨頒給關防在案自應援

照辦理擬請 飭下禮部即行頒發關防一顆迅交 臣等祇領以昭信守理合附片陳明伏
祈 聖鑒謹 奏光緒三十四年十二月二十五日奉 旨知道了欽此

度支部奏議覆督辦土藥統稅大臣等奏遵解湖北土稅撥款照章辦理摺

奏爲遵 旨議奏恭摺仰祈 聖鑒事光緒三十四年十二月初八日內閣抄出督辦土

藥統稅事務柯逢時等奏遵解湖北土稅撥款並陳明以後照章辦理一摺奉 旨度支部

議奏欽此欽遵到部原奏內稱 臣等奉 旨飭將湖北已解之賠款仍設法補解等因欽

此遵卽如數解清旋准度支部咨以核定抵補辦法奏准自本年九月起至明年八月止由部

局按月解鄂七萬兩以解足八十四萬兩爲度俟一年期滿核辦等因咨行到鄂自應遵照辦

理惟征稅與禁煙決無兩全之策近日論禁煙則僉稱爲盛舉論撥款則咸指爲要需申禁將

近兩年停辦已經數省而斤斤計較仍以原額相繩各局若能取盈則禁煙更復何望湖北係

創辦省分行銷土藥正稅全數撥還仍照章不及遞減現查自光緒三十二年五月分開辦起

至本年八月分止計二十八個月共銷土藥二萬一千八百一十二担八十九斤一兩六錢而

撥款則已解過銀二百八十萬兩以每担正稅百金計算實溢解銀六十一萬八千七百一十

兩九錢均係挪用解部正款又宜昌局卡開辦以後發給員弁薪費銀三十三萬六千四百二

十兩七錢零悉由分局借支應在以後撥款內扣除以上二款共溢解銀九十餘萬兩爲數太

鉅且應扣除本年九月以後薪費卽一年不解尙屬有盈原奏未經提及碍難報銷應由部分

別核覆至宜昌稅銀前由升任督 臣張之洞體恤商艱定章准三月後完繳鄂贛撥款亦以三

月爲期上年湖北需款甚殷商酌提前撥解故分局稅尙未收而總局銀已先墊當時收數尙

可通融近則無從周轉卽如本年八月之款分局須十一月始能解省鄂中未經查明遽以相責欽奉

諭旨勉爲代籌並經撥解九十兩月銀十四萬兩惟嗣後收數益少應付爲難必須三月後方能照撥至按月解鄂七萬兩擬將湖北每月銷數報部查核萬一銷不足額無款可籌仍由度支部設法維持總期鄂款有著不必定與部局爲難再明年係有閏之年應按三十三日勻撥等語_臣等伏查財政處會同_臣部奏定土藥統稅章程以鄂係創辦膏捐省分該省撥款按照行銷担數將每担正稅一百兩全數歸鄂嗣該省請歲撥銀一百二十萬經財政處查明如果銷至一萬二千担應准照撥不及遞減局費等項由所撥款內扣除此鄂省撥款定章也本年九月湖廣總督陳夔龍以土稅緩解償款無著奏請總局籌解足額督辦統稅大臣柯逢時等覆奏以鄂局提前溢解銀八十餘萬兩部撥滇餉江北餉湖北兵工廠款百二十餘萬又值實行禁煙收數銳減照數撥解鄂款實苦難支經_臣部通盤核計鄂省派認賠款一百二十萬向由膏捐籤捐銅幣盈餘三項如數動支本非專指土稅撥款惟鄂係創辦膏捐省分核計該省藥稅先以鹽斤加價及牌照捐抵補兩項所入約歲可得銀四十萬兩卽定爲自本年九月起至明年八月止按月籌解以解足八十四萬兩爲度共一百二十四萬兩以之抵作賠款一百二十萬兩已屬有餘而籤捐及銅幣盈餘尙不在內俟一年屆滿再行核辦並聲明此係鄂省特別辦法他省不得援以爲例等因奏奉

諭允分咨遵照在案今據該督辦等奏稱前因查土稅溢收皆係解部專充練兵經費在該督辦等遵守定章固屬言之有據惟自開辦統稅兩年以來先由湖廣總督與該督辦等商酌提前撥解至溢解銀九十餘萬兩之多今欲以從前溢解之款於以後撥款內扣除勢固有所難行而此次_臣部奏定解鄂之

數特爲該省償款寬留有餘亦係權宜辦法臣等公同酌覈擬將從前溢解鄂款銀九十餘萬兩准其暫緩扣除至此後鄂省撥款能否按照定章辦理應由該督辦等與湖廣總督就近商酌總期練餉賠款兩無貽誤是爲至要所有遵 旨議覆緣由理合恭摺具陳伏乞 皇上聖鑒謹 奏光緒三十四年十二月十七日奉 旨依議欽此

吏部奏酌擬傳補滿御史辦法摺

奏爲奏明請 旨事查臣部變通傳補漢御史章程內開新章保送御史既經欽奉

諭旨照例考試擬仿 特科保薦之例按照 欽定試卷名次帶領引 見俟 記名

後通行宣示將來即以 記名之前後爲傳補之次序仍每缺帶領三人恭候 備用一

員所有京外各衙門憲綱及各員官階俸次但係新章准其保送之員概免比較又舊 記

名人員祇餘一員即專以一員擬補各等因光緒三十三年九月二十二日具 奏奉

旨依議欽此欽遵辦理在案今查滿洲 記名御史舊例中僅有玉春一員三十一年九月

遵 旨考試 記名尙未傳補臣等竊維此項 記名御史一切考試保送悉照漢

員辦理核與滿員舊例迥不相同若於傳補時仍以官階俸次爲傳補先後殊不足以昭畫一

擬請嗣後遇有缺出除宗室人員向由宗人府辦理應仍照舊外其滿洲新舊 記名各員

即按照臣部奏定變通新章以 記名先後爲傳補次序以期仰副 朝廷因時制宜融洽

滿漢之至意再蒙古御史缺出亦擬仿此辦理是否有當謹繕摺具陳伏乞 皇上聖鑒訓

示遵行謹 奏光緒三十四年十二月十九日奉 旨依議欽此

吏部奏議覆晉撫奏積口通判移置邊外改爲東勝廳摺

奏爲遵

旨議奏事內閣抄出山西巡撫寶棻奏晉省磧口通判移置邊外改爲東勝廳並將正任通判開缺歸裁缺卽用班內另補以重邊要一摺於光緒三十四年十月十七日奉硃批吏部議奏欽此欽遵抄出到部查原奏內稱秦晉邊界郡王扎薩克兩旗近來墾務日興民蒙待治孔殷應於兩旗適中之板素壕地方增設撫民理事通判一員該處前明爲東勝城卽名曰東勝廳以山西汾州府磧口通判移駐管理由前撫臣恩壽等會奏經吏部核准覆奏奉

旨依議欽此行知在案奴才遞與藩學臬三司悉心籌議該處草萊日闢俗獷事繁現甫移設新廳至難治理查口外所設各廳如歸化城薩拉齊廳前定爲題調要缺托克托城和林格爾清水河三廳定爲應調要缺興和五原武川甯遠陶林五廳定爲奏調要缺按照定章遇有缺出僅准升調兼行及以候補班人員酌補惟豐鎮一廳係應題要缺卽委用試用人員亦准一體揀選試署似取材之途較寬此次東勝廳通判一缺地界兩旗墾戶漸衆詳加察酌似應援照豐鎮廳成案定爲衝繁難三項 奏補要缺凡候補委用試用各項人員均准酌量 奏請補署以期易於得人藉收郵治之效擬請 飭下吏部核議一俟奏奉

允准卽當從速遴員請補期於邊治有裨其正任磧口簡缺通判黃廷輔供職有年尙無遺誤該缺現已移置口外設官伊始事多創舉未敢稍涉遷就應請開去磧口通判底缺照案留省歸於裁缺卽用班內補用俾免向隅等因臣等查山西汾州府磧口通判擬移駐邊外郡王扎薩克兩旗適中之板素壕地方改爲東勝廳通判由調任撫臣恩壽等彙奏經臣部議准奏明行知在案茲據該撫奏請援照豐鎮廳案將東勝廳通判一缺定爲衝繁難三項奏補要缺凡候補委用試用各項人員均准酌量奏請補署以期易於得人自係爲慎重地方因時制宜

起見擬即准如所請由該撫另行揀員分別補署其正任磧口簡缺通判黃廷輔應准其開缺留省歸裁缺即用班內補用仍以接到此次部文之日作為該員裁缺即用到省日期以符定例所有_臣等遵議緣由謹繕摺具陳伏乞 皇上聖鑒謹 奏光緒三十四年十二月十九日奉 旨依議欽此

●又奏遵議熱河赤峰縣縣丞改升為赤峰直隸州州判等片 再內閣鈔出熱河都統廷杰片奏熱河赤峰縣知縣改升為赤峰直隸州知州兼轄新設之開魯林西兩縣並聲明佐治各缺俟妥籌辦理等因奏奉 俞允欽遵在案茲查該州所屬烏丹城在州治之東北一百八十里東連開魯西接林西為來往通衢一切遞文解犯均以該城為適中之地亟應扼要設官以佐治理赤峰縣原有分防大廟縣丞一缺擬將該縣丞改升為赤峰直隸州州判移駐烏丹而大廟地方亦該州扼要之區擬改設巡檢一員分防駐紮於地方實有裨益如蒙 俞允再由奴才 委員試署暨汎地如何劃分權限如何訂定以及廉俸役食津貼銀兩一切未盡事宜均俟 命下之日分別酌擬奏明辦理等因光緒三十四年十二月初八日奉 旨該部議奏欽此欽遵鈔出到部_臣等查熱河口外轄境遼闊政務殷繁緝捕巡防均關緊要該都統所奏係為慎重地方起見應即准如所請將赤峰縣原有縣丞一缺升為直隸州州判移駐烏丹並於大廟地方改設巡檢一員以專責成而資治理其委員先行試署並劃分汎地訂定權限以及廉俸等項未盡事宜均由該都統體察情形分別妥籌奏明辦理所有_臣等遵議緣由謹附片具陳伏乞 聖鑒謹 奏光緒三十四年十二月二十五日奉 旨知道了欽此

山東巡撫袁樹勛奏參戒煙不力各員摺

奏爲專案參劾戒煙不力各員以清仕途而祛沈痼恭摺仰祈

聖鑒事竊臣恭讀本年十

一月二十三日

上諭各直省督撫司道均有察吏之責尤當振刷精神爲民造福所屬人

員必須認真考察秉公甄別等因跪誦之餘莫名欽悚夫精神者事實之母也吾國近數十年鴉片流毒一染嗜好則精神委頓爲積弱一大原因而歲出漏卮不可殫計積弱生貧積貧愈弱形狀危怯何論精神然則欽遵

諭旨力求振刷舍厲禁鴉片其道奚由前准禁煙大臣

咨送奏定章程及各項表式迭經分別示諭通飭一體遵行煙館則尅期封閉吸食則勒限減除土店則嚴飭限制不准增開煙地則清查改種並於遵章調查選舉之便將種煙及賃田與人種煙各戶咨明憲政編查館削奪其選舉公權爲拔本塞源之計又於省垣設立禁煙公所訂擬查驗官員戒煙辦法檄飭布政使朱其煊等總理其事濟南府知府張學華候補知府朱猛爲提調自開辦至今分期調驗節經臣嚴詞督飭不准稍涉欺朦仍暗訪明查無論實缺候補各員苟才具尙有可取而形跡不無可疑者必諭其如期戒斷被濯自新其年老頹唐已無戒斷之望則風其無再戀棧貽玷官箴數月以來有志振作陳明斷戒者固不乏人而巧爲掩飾沈痼自甘者所在多有蓋平旦之氣既已牯亡心死之哀不可救藥此輩卽身膺民社斷難望其自新新民爲地方造福恭繹一家一路孰輕孰重之

諭旨實未便稍予姑容致妨要

政查有山東武定府同知蔡恩榮署蒲台縣知縣候補知縣龔敦仁正任金鄉縣知縣署陽信縣知縣陳冠正任霑化縣知縣鍾樹森館陶縣典史韓琿森以上五員係實缺人員煙癮既未斷淨聲名亦復平常精神委靡辦事竭蹶應請革職候補知府穆文開候補同知李友鑫候補

通判楊浚基候補知縣徐受謙兆蘭張祖謙郭鴻賓王乃禎黃乃漢劉邦彥候補府司獄錢煜齡候補鹽大使朱光翼試用從九品楊慎修候補典史史書雲試用典史楊維翰候補守備高岱齡張殿英以上十七員均屬嗜好甚深戒除不力張殿英一員結稱並無戒完其餘各員或巧爲掩飾或情形顯著現逾限已久戒斷無期請一併革職黃乃漢劉邦彥二員曾充禁煙檢查委員有意欺朦大負職守應請永不叙用候補知府唐式郁荆震生候補知州謝端候補通判孫震候補知縣范文華姚近曦候補布經歷陶元錦試用縣丞王毓萃試用典史郭慶溥以上九員煙癮未除精神短少請以原品休致候補知府謝錦甲候補直隸州知州陳爾延以上二員沾染嗜好不知振作應請勒令回籍事關禁煙要政於吏治前途極有關係敬分晰臚陳請旨辦理此次彙劾之後仍當督率屬僚認真訪察一面將各項表式彙齊咨報戒煙大臣查考惟東省地方遼闊此次調驗官員雖分省內省外兩種辦法深慮耳目未周或掩飾於一時或已戒而復吸臣惟有預戒屬僚決不以出結咨報在先稍存迴護於後仍當隨時查察據實糾劾以除酖毒其減種煙地據各屬稟報今屆統計確減十成之六期於明年改種雜糧一律禁絕土膏店鋪亦有減無增各屬戒煙人數尤視上年銳減仍一面設法推廣戒煙會社勸諭貧乏編氓實力斷戒期於減一游惰之民即增一富強之望而此事樞紐全在地方官長嚴爲督率官不自治何以臨民民且自弱何以強國今既迭奉諭旨斷不容姑息愛人內煩宵旰之勞一夫時虞不獲外啟列邦之侮十年致有煩言微臣目擊時艱責無旁貸所有籌辦東省禁煙事宜並彙劾戒煙不力人員緣由謹繕摺具奏伏乞皇上聖鑒訓示再所遺各缺東省現有應補人員應即照章叙補合併聲明謹奏光緒三十四年十二月

十六日奉 旨另有旨欽此

湖廣總督陳夔龍奏請將土稅按月解撥并開除溢撥各款摺

奏爲湖北撥用土稅向係專解償款萬難延欠仍請按月解撥並將溢撥各款就案開除以清款目恭摺具陳仰祈 聖鑒事竊准督辦土稅大臣柯逢時等咨奏解湖北土稅撥款並陳明以後照章辦理一摺鈔錄原奏知會前來當即轉飭司局遵照茲據布政使李岷琛會同善後局司道詳稱伏查土膏改辦統稅原議以鄂係創辦原省酌定每年撥銀一百二十萬兩按月撥局專解償款歷經 奏明並咨度支部有案計自光緒三十二年五月分開辦起至本年八月分止計二十八個月共解過銀二百八十萬兩按所銷土藥擔數以每擔正稅百金計固已溢解銀六十一萬八千七百餘兩若按酌定每年一百二十萬兩核算則鄂省按月撥用實未稍有溢支較之升任督 臣張之洞創辦時鄂省歲獲銀一百四十餘萬則更有減無增矣又開辦局卡員弁薪費銀三十三萬六千四百餘兩連溢解共銀九十五萬餘兩卽令就地遞減之每年八十四萬兩全數作扣尙屬不敷鄂省應解償款其將從何措手現照部議每月核減三萬兩所指鹽斤加價一款業經劃歸艦艇經費既屬無可撥抵牌照捐能否收有成數尙無把握每年驟短三十六萬兩已苦乏術騰挪設如原奏按照統稅局每月收數核明撥解辦法將來解款必難如期如數萬一貽誤關係非輕司道等再四思維惟有懇請咨商所有土稅溢解及開辦局卡員弁薪費二共銀九十五萬餘兩准在溢收應解部餉及隨征一五經費內分別就款開除以後仍照部議自本年九月起至明年八月止按月提前撥解銀七萬兩以一年解足八十四萬兩爲度藉資挹注而免貽誤等情詳請 奏咨前來 臣覆加查核鄂省每月應

解償款十萬兩向由土稅撥用今土稅減爲月解七萬兩尙不敷銀三萬兩必須按月設法籌措實已筋疲力盡且值磅價陡漲償款刻須提前趕解更不容稍有愆期該司道等所陳各節均係實在情形合無仰懇 天恩俯念賠款重要鄂力維艱 敕下度支部督辦土藥統稅大臣將從前溢撥各款分別就款開除以後仍照減定銀數按月提前撥解以備償款要需實於鄂省大局有裨除咨部外理合恭摺具陳伏祈 皇上聖鑒敕部核覆施行謹 奏光緒三十四年十二月二十七日奉 旨度支部妥籌具奏欽此

摺奏類二

陸軍部奏遵議黔省邊防保案核減請獎摺併單

奏爲遵

旨議奏事內閣鈔出貴州巡撫龐鴻書奏黔省歷年邊防出力武職各員遵照核減另擬保獎

一摺光緒三十四年八月十八日奉

硃批陸軍部議奏單併發欽此欽遵鈔出到部查黔省向無邊防

保案因近年游匪擾亂歷次會勦始行奏准給獎自與他省邊防例保不同惟原案所保武職至五十九員多

係按照軍營異常勞績未免漫無限制經臣部於光緒三十二年四月初二日奏請 飭令核實刪減另

擬給獎奉 旨依議欽此欽遵咨行在案此次經該撫將請獎人數核減至三十七員其原保陞階及加

銜越級亦經酌改分別異常尋常勞績繕單請獎並聲明此項出力人員歷年在外迭著戰績現經認真刪除

爲數無多應請准予核獎以勵戎行所有單開之武職三十七員除參將尹慶元都司蔡興隆千總崔梓材張

代才李開斌等五員履歷尙未送部應俟送到再行核辦外其餘將卞以德等三十二員履歷業經咨送到部

臣等謹按照定章悉心核議分別准駁繕具清單恭呈 御覽所有遵議緣由是否有當理合恭摺具陳伏

乞 皇上聖鑒訓示遵行謹 奏光緒三十四年十二月初三日奉 旨依議欽此

謹將黔省歷年邊防核減請獎武職各員分別准駁繕具清單恭呈 御覽 計開 副將銜請補提標中

軍參將調補撫標中軍參將祁以德請以副將在任補用並 賞戴花翎 留黔補用都司邱玉麟請免補都司以遊擊仍留原省補用 以上二員係照異常勞績擬獎所請升階翎枝均核與定章相符應請照准留雲貴儘先補用副將奏補遵義協副將譚盛高請 賞加總兵銜 調補雲南提標中軍參將游萬崑請以副將在任補用 副將銜下江營遊擊趙連貴請以參將在任升用 鎮遠鎮標中軍遊擊嚴忠培請以參將在任補用 提標右營遊擊馬河圖請以參將在任補用 古州鎮標左營遊擊梁正瑞畢赤營遊擊蔣福珍准補普安營遊擊姚承恩鎮遠鎮標左營遊擊趙萬忠補用參將馬安泰均請加副將銜 補用都司黃鑑源請加遊擊銜 新添營都司徐爲仁請以遊擊在任升用 畢赤營守備陳德芳請以都司在任補用 補用守備宋占元請俟補守備後以都司補用 補用守備譚作明請加都司銜 安南營千總保正德請以守備在任升用 雲騎尉世職黃彭春現已補下江營守備請以都司在任升用 羅斛營千總高書林請以守備在任升用 以上十八員係照尋常勞績擬獎所請升階加銜均核與定章相符應請照准 准夔騎都尉任承烈請加遊擊銜 查該員由雲騎尉當經奏准併襲應俟期滿歸都司班後再加遊擊銜 開復原銜已革總兵銜補用副將馬定邦請開復原官 查定章革職人員非本案開復者應令補交捐復銀兩俟送部引 見後方准補用等語該員前於光緒二十三年帶隊勦匪經貴州巡撫王毓藻以師行騷擾奏參革職嗣因緝獲仁懷首逆陳玉川等出力經護理貴州巡撫邵積誠奏准開復原銜此次照異常勞績請開復原官應請照准惟並非本案開復應仍令照章補繳捐復銀兩並俟送部引 見後方准補用 補用遊擊謝明歧請免補遊擊以參將補用 查該員冊開光緒十九年因擒獲普安廳匪首力保危城地方肅清案內保以遊擊補用等語檢查原案有一謝明歧字係作岐字所請係加遊擊銜並非遊擊實官該員履歷因何不符應令查明聲覆再行核辦 拔補千總張遇恩請免補千總以守備補用 查該員冊開光緒八年隨同出師猓黑勦平賊巢並勦滅木憂寨土匪案內彙案保獎免補外委以把總儘先拔補並戴藍翎經部咨准等語查此咨案在庚子以前巨部案卷遺失無從查核應將此案部覆原文送部再行辦理又查該員履歷係拔補把

總並未聲叙保過千總此次所開千總底銜應行更正改獎 已革雲騎尉世職朱鴻達請開復原職 查該員册開光緒十九年承襲雲騎尉世職二十五年期滿赴引以守備用二十八年以派解軍火遲期詳請參革等語該員赴引之案在庚子以前臣部案卷遺失無從檢查參革之案並未叙明究係何時由何大臣奏參亦屬無從查悉應令詳查聲覆並將期滿赴引部覆原文送部再行核辦 補用都司呂登名請加遊擊銜 查該員册開係呂登明由雲騎尉世職歷保都司並未聲叙於何年期滿赴引其保都司係屬何年何案經何大臣奏保此次名字因何兩歧應令詳查聲覆再行核辦 補用守備楊勝傑宋元洪均請俟補守備後以都司補用 查楊勝傑册開光緒二十三年山東小沙灘胡家岸堵口案內奏保免補把總以千總儘先拔補並加守備銜查是案奏獎並無該員之名又該員册內並未聲叙保過守備此次所開守備底銜應行更正改獎宋元洪册開所保免補把總以千總儘先拔補查核相符其保免補千總以守備儘先補用在克復興義新城案內此案前經該省抄送到部查原案雖有宋元洪之名係由守備保都司並非由千總保守備該員册開是否錯誤應令一併詳細聲覆再行核辦 騎都尉世職楊通義請加遊擊銜 雲騎尉世職景同璧顧世忠均請加都司銜 雲騎尉世職唐國鼎請以守備補用 查該員等承襲世職均在庚子以前臣部案卷不全無從查核應令將臣部行知奏准承襲原文送部再行核辦

陸軍部奏遵議蘇省光緒三十二年分海運出力各員請獎摺

奏為遵

旨議奏事內閣鈔出兩江總督端方等奏蘇省光緒三十二年分漕白正耗米二十五萬石循

案統歸招商局輪船承裝運至塘沽仍用火車徑運京倉所有辦理海運出力各員弁繕單懇獎一摺光緒三十四年十月十八日奉 硃批該部議奏單併發欽此欽遵鈔出到部並據該省將各員履歷咨送前來

除文職應由吏部辦理外查奏定保舉限制章程內開江浙海運各案武職准擇尤各保二三員均按尋常勞績給獎等語此案奏保武職三員係照奏定限制員數辦理所有單開之淞甯營千總譚文彩擬請以守備用准補安徽潁州營游擊署淞北營副將何復勝擬請加副將銜均核與尋常勞績定章相符應請照准記名千

總淞南營把總李滿斗擬請俟補千總後以守備用查該弁履歷册開二十八年大關案內存記以千總升用並未聲叙咨部有案是該員僅祇記保未便遽以千總升階列保此案所請補千總後以守備用應請改爲以千總在任補用所有違議緣由是否有當理合恭摺具陳伏乞 皇上聖鑒訓示遵行謹 奏光緒三十四年十二月初三日奉 旨依議欽此

陸軍部奏查明游擊張廣源底銜不符照章改獎摺

奏爲查明武職人員底銜不符照章改獎恭摺仰祈 聖鑒事竊查臣部前經奏駁請補安徽潛山營游擊之兩江儘先游擊張廣源摺內聲明該員前保游擊一案不符應令兩江總督轉行原保省分查取臣部核准原文咨部再行核辦等因奏明在案茲據直隸總督咨稱准兩江總督查取游擊張廣源於肅清任賴案內所保游擊官階奉部核准原印文查津署前遭兵燹所有肅清任賴保案奉部核准原印文燬失無存無從檢送等因咨行到部查臣部定章武職員弁奏保升階旋經查明底銜不符者奏請遞改以實官階等語歷經辦理在案今該員張廣源前保游擊一階臣部原案既無該員之名原保省分亦無核准原文係屬毫無確據是該員僅有都司底階其於南洋海防出力所保俟補游擊後以叅將補用一案自應照章縮改爲俟補都司後以游擊補用俾免虛懸階級以符定章所有查明武職人員底銜不符照章改獎緣由是否有當理合恭摺具陳伏乞 皇上聖鑒訓示遵行謹 奏光緒三十四年十二月初三日奉 旨知道了欽此

吏部奏遵議蘇省光緒三十二年分海運出力各員請獎摺併單

奏爲遵 旨核議覆奏專內閣抄出兩江總督端方等奏蘇省光緒三十二年分漕白二糧辦理海運出力各員分別請獎一摺於光緒三十四年十月十八日奉 硃批該部議奏單併發欽此欽遵抄出并據該督等咨送履歷到部除武職人員應由陸軍部辦理外查政務處會奏限制保舉章程內開嗣後江浙海運本省准保三十員京沽兩處各准保二十五員又臣部議覆蘇省三十年分海運請獎摺開現在江浙米石統歸該兩省派員經理擬請嗣後江浙兩省出力人員本省及京沽兩處每年每省即按此次蘇省五十五員之

數請獎如逾此數即將列保在後之員撤銷各等語均經遵辦在案今據該督等奏稱蘇省三十二年分冬漕除改折并緩運外實計海運交倉漕白正耗米二十五萬石業已全數交倉兌竣當經臣部行查度支部據復該省三十二年冬漕應行起運六十萬石嗣據該督先後奏准緩運三十五萬石又於上年十二月間續請展緩補運經部議准仍令俟米價稍平如數買補還倉其餘漕白糧二十五萬石業經倉場奏報照數驗收完竣等因片復前來臣等查該省此次海運交倉漕白正耗米僅止二十五萬石較之上屆實減運三十五萬石惟據該督等奏稱在事各員或辦理轉運遠涉重洋或鈎稽銀米監兌催提駁運均與歷屆無異且是年第二次平糶漕米臨運截留諸多周折該員等均係兼籌並顧慎始慎終等因自應酌量准其一律給獎以示鼓勵惟該省緩運米石將來補運到倉不得再行另請獎叙此次單開文職各員臣等仍按例章悉心核議分別准駁另繕清單恭呈 御覽所有遵議蘇省三十二年分辦理冬漕海運請獎緣由謹繕摺具陳伏乞 皇上聖鑒謹 奏光緒三十四年十二月十九日奉 旨依議欽此

謹將兩江總督端方等奏蘇省光緒三十二年分漕白二糧辦理海運出力請獎各員按照例章悉心核議分別准駁敬繕清單恭呈 御覽 計開 升用道正任蘇州府知府何剛德請俟歸道員班後加二品銜 知府用蘇總捕同知黃家珍請俟補知府後以道員用 截取補用同知成安請俟補缺後以知府用 同知直隸州用請補如皋縣知縣郭會程請俟補同知直隸州後以知府用 知縣用試用直隸州州判黃元吉請俟歸知縣班後加同知銜 試用縣丞錢宸訓請俟補缺後以知縣用 馮遠翼請俟補缺後以知縣用 知縣用候補縣丞馮汝璋請俟歸知縣班後加同知銜 總督衙門寫生嚴鈞和請以從九品不論雙單月歸部選用 候補知府長泰請俟補缺後以道員用 試用知府榕輿請俟補缺後以道員用 試用同知蔣育棻請俟補缺後以知府用 同知直隸州用試用通判吳汝繹請 賞加四品銜 直隸州用試用知縣汪龍標請俟補直隸州後加運同銜 試用縣丞王嘉熙請俟補缺後以知縣用 四品頂戴候補知縣王瑞祥請俟補缺後以直隸州用 試用知縣梁滲年請俟補缺後以直隸州用 遇缺先補用縣丞孔昭敬請俟補缺

後以知縣用 五品頂戴分缺先補用縣丞朱綸同上 試用縣丞龔繼文同上 吳縉彤同上 賀錫潢同

上 二品頂戴道員用候補知府萬立銳請俟歸道員班後給予二品 封典 道員用試用知府張壽鏞

請 賞加鹽運使銜 候補知府延齡請俟補缺後以道員用 三品銜知府用候補直隸州知州宋乃謙

請俟歸知府班後給予三品 封典 直隸州用試用通判顏緝斯請俟歸直隸州班後加知府銜 議叙

通判莫小農請俟補缺後以直隸州用 直隸州用試用知縣張篤龔請俟補直隸州後加知府銜 試用知

縣陳學鑑請俟補缺後以直隸州用 大挑知縣潘起鏞請俟補缺後以直隸州用 知州用試用布理問沈

明熾請俟歸知州班後加四品銜 知縣用試用縣丞鄭國賢請俟得知縣後加同知銜 試用府經歷羅肇

煥請俟補缺後以知縣用 試用縣丞簡錫恩同上 試用府經歷定棻同上 試用府照磨鄧澤鑾請俟補

缺後以縣丞用 直隸州用教習知縣王佑之請俟歸直隸州班後加四品銜 候補縣丞徐坤芝請俟補缺

後以知縣用 知縣用試用縣丞德章請俟歸知縣班後加同知銜 試用巡檢朱世宣請俟補缺後以縣主

簿用 查定章尋常勞績候補外官准保俟補缺後以升階用又初次請獎俊秀准保以從九品未入流選用

又八品以下各官准其照銜保奏又加銜限制三四品各官不得逾二品五六品各官不得逾四品又有升案

人員准其於應升一階預保俟升何官後加何官銜又定例外官著有勞績保請 封典准照加銜保請仍

照請封限制各等語以上四十一員所請獎叙均核與章程相符應請照准 縣丞職銜包鎔請以縣丞不論

雙單月歸部選用 王振堃同上 補用知縣嚴寶騏請俟補缺後以直隸州用 鹽大使職銜郭廷鈺請以

鹽大使歸部選用 勞績班試用直隸州知州汪廣生請俟補缺後以知府用 鹽大使職銜陸慶注請以鹽

大使不論雙單月選用 該六員所請獎叙均核與章程相符惟報捐各案應令將各執照送部查驗相符再

行核准註冊 二品頂戴補用道湯在衡請隨帶加一級 五品頂戴本班儘先補用從九品張家鑫請隨帶

加一級 查軍務異常勞績始准保加隨帶級該二員所請獎叙核與章程不符應改為議叙各於現任內給

予尋常加一級 在任候選知府正任上海縣知縣王念祖請俟選缺後以道員用 查道員非知縣應升之

階該員所請獎叙係屬層遞預保應改爲議叙於知縣任內給予尋常加一級 試用知縣葛誦奏請俟補缺後以直隸州用 查該員所請獎叙核與章程相符惟官冊內係誦芬是否一人應田該督等詳細查明聲覆到部查係相符再行核准註冊 試用縣丞陶昌賢請俟補缺後以知縣用 查該員由候選從九品加捐縣丞指分江蘇試用並免驗看係於光緒三十三年十二月二十八日到省已在此案之後因何得有勞績所請獎叙應毋庸議 試用布理問曹沅請俟補缺後以知州用 試用縣丞朱承基請俟補缺後以知縣用 分缺先補用布倉大使朱汝潤請俟補缺後以縣丞用 查該三員均係捐免驗看人員尙未經臣部核准有案照章不得作爲到省人員何由遽委海運差使所請獎叙均請毋庸置議

湖廣總督陳夔龍奏鄂省各標鎮協營原額增添裁汰缺額兵馬戰船各數摺

奏爲湖北省各標鎮協營原額增添裁汰缺額兵丁馬匹戰船各數目照案改題爲奏恭摺仰祈 聖鑒事竊查前准部咨各省經制原額調撥裁汰安塘駐防缺額實在兵丁馬匹數目應每年造冊送部查核彙題並酌定簡明冊式頒發照造等因湖北省自兵燹後各營馬匹年額倒斃例由朋銀買補者因餉乾積欠未發尙未添補足額其額設戰船亦均被燬無存歷經具奏將前次數目暫請改題爲奏在案茲據湖北布政使李岷琛詳稱湖北督標撫標提標鄖陽鎮宜昌鎮漢陽黃州竹山施南各協武昌荆州襄陽鄖陽各城守與國德安均光荆門遠安衛昌蕪州安陸宜都荆州隄防二十三標鎮協營自道光二十二年酌辦崇陽善後事宜及咸豐八年酌議裁馬改步之後舊設經制原額調撥裁汰安塘駐防缺額兵丁二萬五百五十五名營馬二千二百三十三匹船九十七隻內咸豐九年抽裁綠營兵丁備撥長江水師暨同治八九年先後裁撤漢陽荆州水師武昌城守營黃州協道土汛等營兵二千一百五十七名馬二百一十八匹又光緒十一年奏明裁兵節餉案內裁兵二千九百二十一名馬二百八十一匹又光緒二十三年奏明裁兵節餉勻分五年遞減案內現已五年裁竣共裁馬步戰守兵七千六百三十三名馬六百七匹又光緒二十四年奏明裁汰撫標左右兩營兵六百八十二名馬六十一匹旋將督標先後撥兵三百六十名作爲撫標左右兩營兵丁現在實存營兵七千一百

一十二名內馬戰兵八百一十七名步戰兵二千四百四十八名守兵三千八百四十七名又馬步額外委二百四十九員共計七千三百六十一員名騎操馬一千六十六匹內經制外委馬一百四十四匹額外委馬一百九匹兵丁馬八百一十七匹據各營遵照部頒冊式分晰造具光緒三十四年分清冊由司彙造總冊聲明年額倒斃馬匹仍因餉乾積欠未發尙未添補足額其被燬戰船亦因庫款支絀未經分別籌補齊全請仍照案改題爲奏再查此項額兵清冊係查照光緒二十三年奏明裁汰均分五年遞減以後實存兵數造報所有光緒三十四年應遵照二十九年奏案均分十年二十年裁汰未練已練之各項兵數俟屆滿裁竣之年再行造報等情前來除將各冊送部外謹會同湖北提督臣夏毓秀恭摺具陳伏乞 皇上聖鑒謹 奏光緒三十四年十二月十九日奉 旨陸軍部知道欽此

兩廣總督張人駿奏革守畢昌言被叅冤抑請開復片

再已革廣東補用知府前試用直隸州知州畢昌言先於光緒二十九年十月經前署督臣岑春煊以該員規避鑽營罔知自愛彙案 奏叅欽奉 諭旨革職轉行欽遵查照在案嗣據該革員赴司面陳被叅屈抑經廣東藩司等詳加攷查緣光緒二十九年夏間岑春煊前赴廣西督師勦匪選員調往差遣該革員係在選調之列維時適當勦修營房要差工程喫緊一時未能赴桂後經數月復爲前廣東水師提督何長清咨調赴營幫審盜犯又爲前高廉欽道吳永電稟調赴高州清鄉岑春煊遂疑該革員不願前往廣西而別圖差委跡近規避鑽營致被叅劾其實當日事屬因公並非該革員有心趨避亦非由營求所致即經司局詳請 奏明開復岑春煊心知其冤而時值交卸未及辦理批飭聽候新任核辦遞交前督臣周馥及護督臣胡湘林均因在任日淺未及具 奏專案咨交前來臣以該革員獲咎雖屬可原而平日才品官聲尙未深悉一年以來隨時考察詢訪寅僚咸稱該革員才具可用被叅冤抑當此整頓吏治之際似未便任其廢棄終身合無仰懇 天恩俯准將已革廣東補用知府畢昌言開復原官仍留粵省補用並免繳捐復銀兩以彰公道除將該革員履歷咨送吏部查照外謹附片具陳伏乞 聖鑒訓示再畢昌言係由廣東試用直隸州知州因勦辦紳

富捐輸出力保請免補本班以知府仍留原省補用經部議奏於光緒二十九年閏五月二十二日奉旨允准前督臣原奏摺內聲叙直隸州知州係屬錯誤合併陳明謹 奏光緒三十四年十二月二十三日奉旨吏部議奏欽此

旨吏部議奏欽此

●又奏革令陳柏侯被叅冤抑請開復片 再已革廣東電白縣知縣陳柏侯前於光緒三十三年二月經前督臣周馥以情重命案不即詣驗緝拿以致屍身腐爛兇犯遠颺彙案奏叅欽奉 諭旨革職業經轉行欽遵查照嗣據該革員陳柏侯以被叅冤抑稟請飭查即經批司派委試用知縣王志恕前往確切查明稟由藩臬二司覆核具詳前來 臣查原叅情節係指地方命案相驗遲延而言陳柏侯於光緒三十二年十月到電白縣本任祇有民婦王官氏捏控葉進宗謀財害命一案緣王官氏籍隸電白縣先於光緒三十一年八月將其子王亞五及媳郭氏賣與葉進宗爲子媳得收身價錢三十千文立有賣身文約爲據王亞五夫婦在葉進宗家服務勤慎尙覺相安昨因葉進宗有洋銀百餘元窖藏在地被王亞五偵知私行起用經葉進宗查覺追問王亞五無從措交一時情急即於三十二年十一月初十日夜吞服洋煙自盡次日葉進宗報明墟甲廖什生報知王官氏看明殮埋王官氏事後圖索不遂始於是月二十四日捏以葉進宗謀財害命等詞並改移王亞五身死日期潛起屍身赴縣呈控陳柏侯立即詣驗維時王亞五死經半月屍已腐爛不能如法檢驗飭候拘傳集訊一面照章通稟前督臣周馥疑爲陳柏侯相驗遲延所致即經嚴加批斥嗣陳柏侯傳集兩造人證訊悉前情取具甘結當以王官氏誣告人命例應反坐念其女流無知且已結明誤控情同自首從寬免究復經稟報在案而周馥已將陳柏侯奏叅未及奏請開復旋即仰事現經委員博訪輿論僉稱王亞五實係死由自盡葉進宗委無謀害情事王官氏事隔多日始行赴縣捏控陳柏侯並無稽延核與該革員先後稟報情形相符其爲原叅錯誤自無疑義伏查陳柏侯以進士即用知縣補授電白縣知縣歷署始興新甯會南海等縣官聲尙好既經查明該革員誤被叅劾未便任其廢棄終身相應仰懇 天恩俯准將已革前任電白縣知縣陳柏侯開復原官仍以知縣留於廣東補用並免繳捐復銀兩以彰公道除將該革員履歷咨送吏部查

照外謹附片具 奏伏乞 聖鑒訓示謹 奏光緒三十四年十二月二十三日奉 旨陳柏侯著開復原官該部知道欽此

閩浙總督松壽奏請將故員沈翊清附祀其祖沈葆楨船廠專祠等摺

奏爲大員視工年久功績最多工次員紳僉請附祀專祠並懇 天恩宣付國史館立傳據情轉奏仰祈 聖鑒事竊據船政提調知府楊廉臣暨在工各員紳林萱籌等呈稱馬江船廠爲中國自強之要圖當日苦心經營力開風氣係原任兩江總督沈葆楨首創厥謀伊孫陸軍部記名丞叅沈翊清能繼其事隨方整頓漸拓成規計沈翊清在工供差歷時二十餘年任勞任怨厥事賴以維持當光緒二十年間辦理船廠厥功最著其建築之精良形勢之利便迄今西人考察其地者推爲世界第二軍港在工監造兵商各船不下數十艘各省籌防藉以固圉他如興學育才籌措宏遠成效昭然在人耳目甲午庚子有事該員於視工之餘猶復督隊巡防鎮撫大局以鞏固省垣門戶一時人心賴之安堵凡此立功桑梓濟美箕裘固不獨在工人員同情愛戴卽閩省紳民亦未嘗不交口稱頌也伏展水源木本之恩敢援崇德報功之義擬請援照記名簡放總兵李桂馨以積勞病故附祀其叔祖汀州鎮總兵李兩華專祠記名副都統慶恒積勞病故附祀其父副都統全福專祠成案准將記名陸軍部丞叅前四品卿銜會辦船政大臣沈翊清附祀其祖原任兩江總督沈葆楨馬江船廠專祠暨本籍省城專祠並將生平事蹟宣付國史館立傳等情呈請具奏前來奴才覆查沈翊清於上年入部供差本年派查八省旗陸軍學堂積勞病故經欽奉 諭旨追贈優卹在案惟念該員在船政効力最久功績最多茲該員紳等篤念遺愛出於至誠而大員積勞病故附祀祖父專祠並有成案可援合無仰懇 天恩准予該員沈翊清附祀其祖沈葆楨船廠專祠暨本籍省城專祠並將生平事蹟宣付國史館立傳以順輿情而勵勤勞之處出自 逾格隆恩除將該故員事實清冊咨部查核外謹恭摺具陳伏乞 皇上 聖鑒訓示謹 奏光緒三十四年十二月二十九日奉 旨沈翊清著准其附祀該部知道欽此

西歷一千九百九年二月二號 星期二

本局設立北京東長安牌樓王府井大街

宣統元年正月十二日第肆百伍拾貳號

電話內城總局第二百零一號

政 治 官 報

目 錄

●官門鈔○事由單●摺奏類一○民政部奏援案請給八九品警官季俸摺○又奏派朱德裳署外城左分廳知事片○稅務處會奏湖北機器製麻仍照機製各貨完一正稅摺○鄂督奏遵設諮議局籌辦處摺○又奏主事扎昆珠請留部補用摺○又奏迴避員外郎李○黔撫奏前貴州巡撫林肇元請准予建祠等摺○章程類○吉林教育道郭則澐請暫緩赴任片○黔撫奏前貴州巡撫林肇元請准予建祠等摺○章程類○吉林教育官報章程●廣告

政 治 官 報 目 錄

正月十二日第四百五十二號

宮門鈔

正月十一日 薩廉續假五日 汪榮寶請假十日 洵貝勒封奏一件 內務府奏十四日祭 奉先殿慶麟行禮

召見軍機

正月十一日內摺傳 旨事由單

恭辦喪禮王大臣奏請另 派員在

皇極殿值班事奉

旨豫親王懋林○理藩部代奏蒙古王

公台吉及回子貝勒等呈請持服百日叩謁

梓宮後再行恭請

聖安回游牧請

旨事奉

旨依議○又片奏御前行走青海札薩克頭等台吉多銳既未隨同呈請持服百日叩謁

梓宮自應另行辦理事奉 旨依議

正月十一日外摺奉 旨事由單

岑春煊奏請以王紹鈞等補辰谿令各缺摺 吏部議奏○又奏派游擊楊明遠統帶飛輪水師各營片 陸

軍部知道○又奏守備滕國柱以都司儘先補用片 陸軍部議奏○又奏請以桑植令雷以動等調署體

各缺片 吏部知道○又奏上年十一月分兩糧情形摺 知道了○又奏尋常命案彙奏摺 法部議奏○

又奏江防兵輪擬換快砲分爲五標操練片 知道了○又奏解第八十六期新案賠款片 該部知道○又

奏侍衛楚鎮南作惡多端請斥革等片 著照所請該部知道○又奏長沙關百九十一結收支各稅銀數摺

該部知道單併發

摺奏類一

民政部奏援案請給八九品警官季俸摺

奏爲 臣部廳區八九品警官遵章改爲咨補仍懇

恩准援案給與季俸以資激勸恭摺具

陳仰祈

聖鑒事竊前巡警部創設之時警政萌芽需材任使曾於光緒三十二年九月間

將內外城總分廳警官奏請派署一次嗣經改爲民政部又於三十三年正月間援案續行遴員奏請添派試署警官一次先後欽奉 諭旨允准旋於三十三年正月二十二日奏定

內外城廳區職掌員缺章程內聲明警官七品以上者奏補八品以下者委用各部各等語查八九品警官分隸各廳區執行警務與五六七品者職守本屬相同當部務未定之先歷經奏署有人並咨由度支部查照八旗奉 旨署理職任官員無本任俸者照署缺給俸之例將

臣部五品以下奏署各員一律支給俸項辦理有案現在 臣部委用八九品警官遵章將各官銜名咨送吏部作爲補用查法部大理院八九品錄事及 臣部八九品錄事均經奏明給與季俸奉 旨允准在案自應援照籲懇 天恩俯准將 臣部廳區八九品警官遵章咨補

之員按品給予俸銀俸米統歸春秋兩季造冊領放以歸劃一如蒙 俞允卽由 臣部咨行吏部度支部欽遵辦理所有援案請給八九品警官季俸緣由是否有當謹恭摺具陳伏乞

皇上聖鑒訓示謹 奏光緒三十四年十二月二十二日奉 旨依議欽此

●又奏派朱德裳署外城左分廳知事片 再 臣部前奏定內外城巡警廳官制章程內開內外城總廳設總務處僉事一員分廳各設知事一員等語竊查外城左分廳知事祝書元前經派署外城總廳總務處總僉事遞遣外城左分廳知事一缺派五品警官曾維藩署理於本年三月十三日具奏奉 旨依議欽此欽遵在案查該員曾維藩現經奏補外城右分廳知事所遺左分廳知事一缺自應派員署理以專責成茲查有外城總廳六品警官朱德裳堪以派署俾重職守而免曠誤理合附片陳明伏乞 聖鑒訓示謹 奏光緒三十四年十二月

二十二日奉 旨依議欽此

稅務處奏會議湖北機器製麻仍照機製各貨完一正稅摺

奏爲遵 旨議奏恭摺仰祈 聖鑒事湖廣總督陳夔龍奏湖北機器製麻事屬創始仍

懇暫免稅釐以恤商艱一摺光緒三十四年十二月初六日奉 旨該衙門議奏欽此由軍

機處鈔交前來原奏內稱湖北創設機器製麻局製造已有成效兩次奏請暫免稅釐先後由

稅務處會部覆奏照機器製造各貨完納正稅一道咨行到鄂轉飭遵照據承租製麻局職商

稟稱貨物囤積周轉維艱仍懇暫免稅釐三年以後銷行稍旺定當遵例納稅等情查京師自

來水公司原屬商辦所需一切材料准予免稅鄂省製麻亦係官廠商借歲納租金性質功用

無可區分且採購麻料業已照章完釐製成貨品若再飭令納稅未免迹近重徵懇准援照京

師自來水公司之例暫免稅釐三年各等語 臣等查湖北創設機器製麻迭經湖廣總督奏請

暫免稅釐先後經 臣處會同度支部農工商部覆奏應照機器各貨完納正稅一道沿途概免

重徵奉 旨允准欽遵咨行轉飭遵照辦理各在案茲該督以事屬創始撥款招租與純

然商人營業不同請援照京師自來水公司之例暫免稅釐三年自係爲暢銷貨品體恤商艱

起見惟鄂省此項製麻由官設廠租與商人承辦所出製造即係商貨與織布機廠無異所採

麻料出自內地其購運到廠即照章完釐較諸他廠材料購諸外洋須完納進口稅者似尙輕

減至輸出貨物業已改變式樣自應另行科稅不得律爲重徵機器製造貨物祇完出口正稅

一道既已比照土貨格外優待若第以銷場疲滯之故輒准暫免稅釐各省機廠林立由公家

提倡興辦者亦復不少倘紛紛援引於稅課大有關礙且華洋一律之說載在約章加稅免釐

將次實行恐各國內地製造又皆引爲口實至京師自來水公司關係衛生消防農工商部以興創爲難奏准暫免稅釐其所免者不過廠池機器材料爲一時建築之用迥非轉輸外銷廣通貿易者可比且業經_臣處會奏聲明嗣後無論官辦商辦均不准再請免稅有案更未便援以爲例強相比附湖北機器製麻仍應遵照_臣等前奏完納正稅所請暫免稅釐三年之處礙難照准所有_臣等遵議各緣由理合恭摺具陳伏乞 皇上聖鑒再此摺係稅務處主稿會同度支部農工商部具奏合併聲明謹 奏光緒三十四年十二月二十六日奉 旨依議欽此

陝西巡撫恩壽奏遵設諮議局籌辦處摺

奏爲遵設諮議局籌辦處謹將開辦日期及籌辦大概情形恭摺具陳伏乞 聖鑒事竊查欽奉 諭旨飭各省速設諮議局慎選公正明達官紳妥慎將事次第辦理限一年內一律辦齊並准憲政編查館咨行諮議選舉各章程令各省先設諮議局籌辦處等因前來竊維諮議局之設甄采普同有益之良規折衷至當不移之成憲博取輿論爲資政院預儲議員之階事體重大條理紛繁非迅速舉辦則難見精神非詳慎持籌則易滋流弊陝省風尙樸質士紳習知忠愛者正不乏人惟求其通明義務擔荷仔肩者頗不多得亟須敦誠勵勉切實研求使知歐美富強之策原不殊周禮職事之方施教得宜自能漸收實效暫就省城賃用民房作籌辦處辦事之所俟擇定寬廣公所再行遷移爲將來建立諮議局之基礎卽以藩司許涵度爲諮議局籌辦處督辦會同司道統籌辦理以在籍前山西候補道閔迺竹爲該局總評事在籍翰林院編修吳懷清法部主事周鏞爲該局評事仍由藩司督飭籌議已於十月初一日據

報開辦一面由奴才刊發木質關防一顆文曰陝西諮議局籌辦處關防飭領鈐用俾資信守一切詳細辦法應如何公舉議員分期選派謹當次第規畫務期妥善得人固不可急切圖功斷不敢因循曠事總期無逾明年九月成立之期以仰副 朝廷變法圖強實行立憲之至意其開辦及常年經費已飭司陸續籌撥應請作正開銷所有遴員開辦諮議局籌辦處大概情形及刊發關防啟用各緣由除將現議簡明章程咨送憲政編查館資政院查核外理合恭摺具陳伏乞 皇上聖鑒謹 奏光緒三十四年十二月二十七日奉 旨該衙門知道欽此

江西巡撫馮汝駉奏參戒煙不力各員摺

奏為查明江西戒煙不力各員據實參劾暨籌辦禁煙情形恭摺仰祈 聖鑒事竊維禁煙

一事屢奉 嚴旨凡登仕版宜如何滴漉自新臣抵任以來查悉贛省雖經遵章飭辦而官

場習為敷衍不知禁令之嚴臣以為欲挽風氣先清仕途每於接見屬僚悉心體查迭飭各屬

及在省官員從實填註表冊並取具同官保結詳送查核復恐其仍有瞻徇也特派道府州縣

每省數員各就其同鄉在官者認真調查加具蓋章切結又三令五申告以出結不實必科以

欺朦之罪另設調驗公所分期試驗臣督同司道等親加搜檢排日往查並專派道府大員駐

所看守五日為期更番遞驗現已將在省各員一律驗竣查有撫州府通判宋維英武甯縣典

史徐家駿訪查明確嗜好甚深試用通判濮維巧為掩飾候補直隸州知州胡國香試用知縣

周衍祐試用按司獄姚德峻試用府經歷黃毓琇試用縣丞王邦瑞葛璠夏仁樹程世綸補用

府照磨黃堯章興國縣衣錦司巡檢張培傳驗不到有意規避試用知縣王瑞同補用府經歷

范而韓候補從九張葆和不服檢查肆言無忌以上十六員應請旨一併革職試用同知戴鴻達另補知縣周寶琦試用縣丞嚴天驥試用巡檢熊瑞徵精神頹敗難期振作以上四員應請旨均以原品休致以肅功令其省外各地方官暨供差人員除確已查明分別叅劾暨加結咨送外有冊結尙未送齊者有格式不合駁回另造者並有訪查可疑應行調驗之員因冬防吃緊暫緩調驗者容卽陸續辦理至民間禁煙辦法約有三端一清查種地也贛省產土本少現經嚴飭各屬限來年一律禁絕如敢陽奉陰違定將該地方官叅處以期早絕根株一封閉煙館也贛省煙館前據各屬呈報依限禁開切實訪查間有一二煙戶意存嘗試飭各該地方官提案責懲民間頗知敬畏惟僻遠之處尙恐耳目難周仍當嚴飭該地方官認真禁閉其失業煙戶省城前經設立因利局貸與資本俾其小資營生臣查開辦至今放出之錢無多而具領之戶類係熟識胥役不安本分之人徒便若輩私圖又兼員司虛糜當經飭令停撤其真正失業者由警局隨時查明移送習藝所飭令自食其力以儆游惰一製藥施濟也凡民間有志戒煙無力購藥者准到警察局報名由局查明取具的保施給丸藥限期戒淨赴所查驗以期核實並經臣勸令紳商發起戒煙公會責成商務總會主持酌撥官款以資補助一面推行各屬一律照辦臣惟有隨時督飭所屬切實嚴禁並以此列入考成俾知註重以期仰副朝廷廓清煙害咸與維新之至意除將已經查明各員表册保結咨送禁煙王大臣核辦外其省外實缺候補各員亦即趕緊陸續調驗據實奏咨所有叅劾戒煙不力各員暨籌辦禁煙情形理合會同兩江總督臣端方恭摺具陳伏乞皇上聖鑒訓示謹奏光緒三十四年十二月三十日奉旨另有旨欽此

兩廣總督張人駿奏遵設諮議局籌辦處摺

奏為遵設諮議局籌辦處選派官紳尅期趕辦以重要政恭摺仰祈 聖鑒事竊臣於光緒

三十四年八月二十三日承准憲政編查館咨開本館會同資政院具奏擬呈諮議局章程及
議員選舉章程一摺光緒三十四年六月二十四日內閣奉 上諭朕欽奉 慈禧

端佑康頤昭豫莊誠壽恭欽獻崇熙皇太后懿旨諮議局為採取輿論之所並為資政院豫儲

議員之階議院基礎即肇於此事體重大亟宜詳慎釐定茲據該王大臣擬呈各項章程詳加

披閱尙屬周妥均照所議辦理即著各督撫迅速舉辦實力奉行自奉到章程之日起限一年

內一律辦齊等因欽此欽遵查諮議局關係重要現在尙未成立各省應就省會地方先行設

立該局籌辦處由督撫欽遵 諭旨選派公正明達官紳創辦其事俟諮議局成立後即

將籌辦處裁撤其籌辦處詳細章程由各省自行酌定仍咨送憲政編查館備查咨行欽遵查

照辦理前來遵即詳核章程參酌地方情形將籌辦處應行豫備各節妥為規畫一面遴選官

紳分任職務以期次第舉辦現擬派廣東布政使胡湘林署提學使沈曾桐按察使魏景桐署

鹽運使丁乃揚為該處總辦札委奏請開復前廣東廉欽道王秉恩為該處會辦以廣州府知

府高覲昌提調處務另委補用知府謝師元駐處坐辦一面選延在籍正紳前貴州巡撫鄧華

熙等十六人為該處議紳以後如查有公正明達紳士仍擬隨時添派凡該處一切事務由紳

公議由官執行期通官民上下之情藉收集思廣益之助此外應需編查司選文案庶務各員

飭由司道慎選官紳分別派充務期各稱其職 伏查廣東地居邊海風氣早開而僻壤窮鄉

仍多囿於聞見遇事不免隔閡加以民風強梁巨族豪宗習於陵弱暴寡甚至同邑異姓同姓

異支畦毗微嫌動成仇敵如選舉分區餘額歸零諸端支配稍或不慎均可肇衅致爭此臣所爲審顧躊躇於籌辦選舉之事不敢不慎之又慎也現在籌辦處既經設立並由臣手訂簡明章程分清權限各專責成其駐防專額議員亦經照章附入本省辦理仍由臣會商將軍都統核定所有一切事宜自應依限趕辦以期速底於成惟茲事體大操之過急誠恐致滋流弊且事屬創舉條文繁密各屬官紳多未通曉尤須派人講解開導乃能奉行無誤所有初選複選之期爲時甚促恐難依限辦竣臣惟有切實督催不任稍延該處應需經費已飭司籌撥並請准予作正開銷除分咨外謹將廣東設立諮議局籌辦處辦理情形恭摺具陳伏乞 皇上聖鑒訓示謹 奏宣統元年正月初八日奉 旨該衙門知道欽此

湖廣總督陳夔龍奏遵設諮議局籌辦處摺

奏爲湖北省遵設諮議局籌辦處謹將辦理大概情形恭摺具陳仰祈 聖鑒事竊查光緒

三十四年六月二十四日奉 上諭欽奉 懿旨諮議局爲採取輿論之所并爲資

政院豫儲議員之階議院基礎即肇於此著各督撫迅速舉辦實力奉行自奉到章程之日起

一年內一律辦齊等因欽此旋於八月初三日承准憲政編查館咨開現在諮議局尙未成立

各省應就省會地方先行設立該局籌辦處欽遵 諭旨選派公正明達官紳創辦其事

等語并原奏清單咨行前來臣敬繹 廟謨深維治本兢兢夙夜彌切屏營當就前督臣

趙爾巽奏設諮議局創辦所照改爲籌辦處分別派委湖北布政使李岷琛提學使高凌霨按

察使楊文鼎爲總辦在籍法部主事姚晉圻丁憂試用道周雲爲坐辦丁憂翰林院編修夏壽

康 奏調翰林院編修張國濟法部主事湯化龍丁憂候補知府陳樹屏爲參事率同在處提

調科長科員切實籌畫辦理臣仍隨時督飭遇事推求計開辦以來於今數月用敢撮其崖略敬爲我

皇上陳之諮議局事屬創始籌辦祇限一年而凡百皆應備具成立後之善否實爲籌辦時之疏密基之千條萬緒極爲紛繁而核其要歸莫重於調查選舉兩事使入手之初淆雜無等則差以毫釐者勢必謬以千里不綢繆於先事懼鹵莽於臨時宜於豫備之中區爲全體分期二義其全體之豫備有二則確定期限統一規則是也查選舉之前調查尤須明確機關未備條教爲先鄂境多山交通不盡便利必須計算文書到達之後乃爲施行起限之時館定正月十五月初選三月十五日復選日期太促疏外堪虞但使不誤明年九月初一日開局限期自可量爲推展擬定四月十五日爲初選期六月十五日爲復選期又慮奉行者翫於具文而凡民難與圖始所有調查申報等事斷以道里最遠之率爲一律告成之歸後先各有定程事序不容差誤并隨時核記功過俾利推行此確定期限之辦法也原章關於調查選舉各項規則由初選復選監督訂定惟憲政初基得人不易諮議局以省會爲標準一省之內斷不容稍有紛歧倘由各監督分擬條規異同實所難免間逢牴觸又起紛更日期無可轉移何暇互相糾正所有調查選舉詳細規則均經飭籌辦處分項擬定由臣覆核通飭一體遵行地方之繁簡攸殊民情之通塞或異務令遵循塗徑庶免南轅北轍之虞此統一規則之辦法也分期之豫備有三有關乎調查前者有關乎選舉時者有關乎議員確定後者選舉事項在各國爲通例在中國爲肇端憲政編查館所定諮議局章程密鞅萬端諸煩解剖調查之初非使身當其任者了然於胸則枝節橫生選期難待因先於籌辦處附設選舉研究所擇在省候補中明白事理各員研究選舉事宜已於十月畢業分派各廳州縣爲初選司選員會同初選監

督辦理初選一切事務復選派籍隸本省留日法政專科畢業各生分赴各府直隸州爲選舉襄理員襄理復選一切事務并飭各屬選派調查員前赴該管府直隸州講演章程解釋疑義然後各回所屬調查此分期豫備之一也選舉既屬創行則凡選舉人之職任選舉之關係與夫辦理選舉之程式倘未能澈上澈下明白於心非疑慮不前即張皇失措因飭刊白話告示廣爲曉諭一面由襄理員司選員邀集所屬調查員及管理監察員練習投票開票一切辦法或以講演或以接談總期僻壤窮鄉咸曉然於選舉權及被選舉權之重要此分期豫備之二也諮議局爲人民與聞政事之始基原章第二十一條所列各項以關繫最鉅最要之事責諸數十議員其擔負之重可知雖湖北風氣夙號開通而全局網維所在苟一事未能瑩澈則衆情不免游移自非豫儲成材不足以資因應擬於復選確定後在省設議員講習所招集各議員先期來省講習稍資歷練期得完全議會同據忠愛共體時艱此分期豫備之三也以上各節惟議員講習所須待明年七月設立規則當續行擬定其餘應行豫備之事章程條告均經節次通行辦理選舉人員刻亦分赴所在地方舉辦此後仍當督同在事各員按期責效嚴定考成斷不容稍有遷延致誤成立至建築諮議局房屋現方飭令詳細繪圖核實估計一俟妥晰議定再當專摺奏明其該處開辦以及常年各項經費業經飭司陸續籌撥懇 恩准予作正開銷除分咨外所有湖北省城遵設諮議局籌辦處及辦理情形理合恭摺具陳伏乞 皇上聖鑒訓示敕下立案施行謹 奏宣統元年正月初八日奉 旨該衙門知道欽此

摺奏類二

法部奏員外郎文永請留部補用摺

奏為司員俸次將屆選升循例奏明懇

恩留部補用恭摺仰祈

聖鑒事查定例各衙門滿洲員外郎

主事等項如果歷俸已深距升不遠之員例准奏請留部歷經遵辦在案今臣部員外郎文永係廂黃旗滿洲

普津佐領下人由文生員於光緒四年十月考中 實錄館滿膾錄官是年報捐筆帖式五年五月補授

欽天監筆帖式因恭辦

穆宗毅皇帝實錄聖訓全書慶成議叙額外主事七年十二月簽分刑部行走

二十四年閏三月補授主事三十三年七月補授會計司員外郎臣等派令會計司主稿頗資得力惟歷俸已

深將屆選升倫選補別衙門是臣部轉少一得力之員合無仰懇 聖恩俯准將滿洲員外郎文永留於臣

部當差按照應升郎中班次升用如蒙

俞允由臣部移咨吏部停止銓選所有司員留部緣由謹恭摺具

陳伏乞

皇上聖鑒訓示謹 奏宣統元年正月初六日奉

旨依議欽此

法部奏主事扎昆珠請留部補用摺

奏為司員俸次將屆選升循例奏明懇

恩留部補用恭摺仰祈

聖鑒事查定例各衙門滿洲員外郎

主事等項如果歷俸已深距升不遠之員例准奏請留部歷經遵辦在案今臣部主事扎昆珠係正藍旗滿洲

常貴佐領下人由繙譯舉人違例就職筆帖式簽分刑部光緒十八年六月到部二十一年九月補授筆帖式

二十八年因留署辦事保奏奉

旨賞加五品銜三十二年 京察一等三十三年十二月補授會計司

主事臣等派令會計司幫主稿頗資得力惟歷俸已深將屆選升倫選補別衙門是臣部轉少一得力之員合

無仰懇 聖恩俯准將滿洲主事扎昆珠留於臣部當差按照應升員外郎班次升用如蒙

俞允由臣部移咨吏部停止銓選所有司員留部緣由謹恭摺具陳伏乞 皇上聖鑒訓示謹 奏宣統元年正月初

六日奉 旨依議欽此

法部奏迴避員外郎李國燕請留部補用摺

奏為奏留請

旨事查吏部奏定

特旨分部等項人員補缺班次摺開迴避之實缺郎中員外郎主事

漢員向係不入班次即選現已停止銓選應專歸留補擬請改掣部分奏留後照實缺迴避回原衙門奏留人

員例遇有序補之缺先儘補用不積序補之缺各等語今臣部查有農工商部工務司員外郎李國燕係安徽合肥縣人由監生光緒二十七年十月奉

上諭李國燕著以員外郎分部行走等因欽此籤分工部三十二年六月到部是年九月調農工商部三十三年十一月補授工務司員外郎三十四年九月因迴避改掣

臣部十二月到部臣等公同查該員自到部以來於刑名事件俱能留心講求遇事亦知奮勉實屬堪以奏留臣部遇有序補員外郎缺出先儘補用如蒙

俞允臣部移咨吏部遵奉施行所有司員留部緣由謹恭摺具陳伏乞

皇上聖鑒訓示謹奏宣統元年正月初六日奉旨依議欽此

山東巡撫袁樹勛奏考核州縣事實摺併單

奏為考核州縣事實照章分別等次繕具清單恭摺具陳仰祈

聖鑒事竊查光緒三十年五月十四日奉

上諭欽奉 詔旨嗣後責成各省督撫考核州縣必以為守俱優下無苛擾聽斷明允緝捕勸能

為地方興利除害於學校農工諸要政悉心經理教養兼資方為克盡厥職著自本年為始每屬年終各該督撫將各州縣分別優劣開列簡明事實不准出籠統寬泛考語奏到後著交政務處詳加查核分起具奏請旨勸懲各該督撫自當破除情面察吏安民切實遵辦用副朝廷力挽頹風勤恤民隱之至意欽此經政務處欽遵咨行到東並定章程表式咨送前來當經升任撫臣楊士驥遵照辦理所有光緒三十一三十二兩年各州縣事實優劣已分次開單

奏報在案本年四月間臣奉 命蒞東每念時事艱難民生困苦惟此親民

之吏息息相通因與司道等考究人才並推量其心術不敢用貌似神非有名無實之人若公牘往返或因公

來見必多方勸勉使以遠大自期更於無意中旁搜博採查其平日之所為各州縣均尚自願考成力圖振作

臣又查得光緒三十三年分前項表冊尚未舉辦即督飭查催維時又准民政部咨行令將應造表冊除咨送

憲政編查館外另以一分送部考核等因臣復行司遵辦並於巡行各屬時嚴密考查一一存記其中優劣漸

有分曉茲據布政使朱其煊署提學使羅正鈞按察使胡建樞以各屬課績表催據陸續送到間有不合格式

者已全更換經該司等會同查核表內所開事實如學堂巡警工藝種植命盜詞訟監押錢漕各項均與月報

檔案相符復會同逐細比較遵章綜計程度因其高下分爲三等學堂以認真推廣科學完備者爲上具有規模者爲中或多或少或不振或雖多而辦未合格者爲下巡警工藝種植以辦有成效者爲上開辦者爲中未辦者爲下命案詞訟以全無或全結者爲上未結不及二成者爲中逾二成者爲下盜案以全無或全獲者爲上獲已過半者爲中不及半者爲下監押以無人者爲上人少者爲中人多者爲下錢漕以全完者爲上欠數少者爲中欠數多者爲下一表之內上事過半列優等其次列平等下事過半列次等若辦理尤爲出色成效昭著者則列最優等其在任不及一年及有事故尙無表見者不列等亦不出考統計十府三直隸州上屆列最優等本屆仍列最優等者三員上屆提升最優等本屆列入最優等者一員上屆列優等本屆升列最優等者一員上屆列優等本屆仍列優等者二員上屆列最優等本屆列優等者一員上屆提升最優等本屆列入優等者一員又本屆擬列優等者八員擬列平等者四十三員擬列次等者一員將表分訂成本請覆核 奏咨等情會詳前來臣逐加考証均與平日之默識相同伏查東省州縣類皆循分供職之人惟風氣不盡開通地方不盡富厚近歲偏災屢告物力愈艱官此者竭蹶從公亦實有心餘力絀之苦臣每於程度不足各員加以責備節見其痛切自投力求進步假以歲月當有可觀臣忝任疆圻涓埃未報凡此查吏安民之事本視同日用飲食之常曷敢自昧天良稍形懈弛容再與司道等各員各矢精勤隨時督察俾多得循良之選以仰副朝廷望治之殷除將表冊分送憲政編查館暨民政部考核並取各道府州印結存查外理合繕單恭摺具陳伏乞 皇上聖鑒敕下憲政編查館民政部核覆施行謹 奏光緒三十四年十二月二十七日奉 旨該衙門知道單併發欽此

謹將各州縣銜名等次開列清單恭呈 御覽 謹開 上屆列最優等本屆仍列最優等三員 益都縣知縣李祖年 章邱縣知縣楊學淵 查該員業已升補德州知州 臨邑縣知縣陳恩奮 查該員業已捐升道員 上屆提升最優等本屆列入最優等一員 陽穀縣知縣蕭啟祥 上屆列優等本屆升列最優等一員 高唐州知州周家齊 上屆列優等本屆仍列優等二員 青城縣知縣慶綸 定陶縣知縣盛挺森

查該員業已調補單縣知縣 上居列最優等本居列入優等一員 夏津縣知縣張汝鈞 上居提升最
 優等本居列入優等一員 實任鄒縣調署濰縣知縣宋朝楨 查該員業已調補荷澤縣知縣 優等八員
 鄒平縣知縣錢以振 代理齊東縣知縣車保成 署海豐縣知縣楊辰選 鄒縣知縣胡煒 署荷澤縣
 知縣汪鴻孫 蓬萊縣知縣徐致愉 高苑縣知縣涂紹光 壽光縣知縣金猷大 查該員業已調補恩縣
 知縣 平等四十三員 淄川縣知縣王蓋臣 齊河縣知縣繆潤紘 署濟陽縣知縣張廷棟 陵縣知縣
 錢應顯 實任商河縣調署平原縣知縣陳啟棠 署泰安縣知縣楊承澤 署東阿縣知縣孫方墜 實任
 濟南府同知代理平陰縣知縣黃篤瓚 署東平州知州王鴻瑞 惠民縣知縣柳堂 實任平原縣調署商
 河縣知縣姚詩志 利津縣知縣沈介福 滋陽縣知縣葉季愷 嶧縣知縣謝煥 署汶上縣知縣吳義培
 准補臨胸縣調署茌平縣知縣郝崇照 署費縣知縣呂耀鼎 代理城武縣知縣程建釗 署曹縣知縣
 裴景煦 鉅野縣知縣王延綸 范縣知縣楊沂 署朝城縣知縣袁大啟 實任觀城縣調署甯海州知州
 吳延祚 署掖縣知縣阮忠模 博興縣知縣王熾昌 樂安縣知縣劉昌祿 昌樂縣知縣劉顯綱 署諸
 城縣知縣陳觀圻 署邱縣知縣魏葆澄 署金鄉縣知縣戴鶴濂 膠州直隸州知州德林 代理高密縣
 知縣蕭俊生 准補館陶縣調署即墨縣知縣陳毓崧 長山縣知縣劉維翰 查該員業已丁憂 萊蕪縣
 知縣陳恩榮 查該員業已丁憂 甯陽縣知縣曹佃 查該員業已調補濰縣知縣 實任博山縣調署館
 陶縣知縣盛津頤 查該員業已調補茌平縣知縣 實任安邱縣調署福山縣知縣許葉珍 查該員業已
 調補曹縣知縣 棲霞縣知縣謝宗夏 查該員業已開缺另補 署招遠縣知縣賈景德 查該員業已准
 補鄒城縣知縣 署昌邑縣知縣陳嘉楷 查該員業已丁憂 實任招遠縣調署臨淄縣知縣董燕 查該
 員業已調補章邱縣知縣 嘉祥縣知縣劉孝祐 查該員業已調補掖縣知縣 次等一員 准補汶上縣
 調署蒙陰縣知縣匡鼎頤 光緒三十四年十二月二十七日奉 旨覽欽此

東三省總督徐世昌奏溫處道郭則澐請暫緩赴任片

再新授浙江溫處道郭則澐向充奉省秘書官襄辦公務秩然有條深資得力現在仰蒙 恩簡自應飭赴

新任惟查該員所辦延吉邊務一切公牘向係一手經理關係重要頭緒又極紛繁一時實無接替之人查從

前奉 旨簡授奉錦山海關道朱恩紱因充江南督練處叅議曾經兩江督 臣端方奏准暫緩赴任該員郭

則澐事同一律合無仰懇 天恩俯念邊陲需人准將該員暫時留奉一俟經手事件接辦有人即給咨飭

赴新任之處出自 逾格鴻慈除咨部查照外謹附片具陳伏乞 聖鑒訓示謹 奏光緒三十四年十

二月二十八日奉 旨准其暫緩赴任該部知道欽此

貴州巡撫龐鴻書奏前貴州巡撫林肇元請准予建祠並宣付史館摺

奏為前撫 臣功德在黔懇 恩准予建祠並將事蹟宣付史館以彰忠蓋而順輿情恭摺具陳仰祈 聖

鑒事竊據貴州在籍士紳前署雲南鹽法道錢登熙東三省委用知府戚朝卿前署雲南楚雄府夏廷燮廣西

候補知府石承霖選用同知彭延祐舉人吳正樞等呈稱竊查前貴州巡撫林肇元籍隸廣西賀縣咸豐七年

以諸生杖策從戎充湘軍果後營總理援鄂援陝援川諸役所向有功同治四年隨軍入黔克復遵義大定六

年 簡放貴州糧儲道洊升藩臬勵精圖治獨任其難維時軍務倥傯人心浮動短衣匹馬時出城外各

鄉擒獲奸細群賊因有所憚而不敢逞並規畫全局諸將秉其指麾先克龍貴兩城次復都勻郡縣軍聲因以

大振匪黨漸次肅清光緒七年遂拜撫黔之 命凡興學培材設倉備歉修桐梓石橋以通餉道疏都勻

舊河以便轉輸善政宜民殊難枚舉九年冬因案錮職瀕督岑毓英旋為奏請開復近雖多歷年所紳等遺愛

難忘擬請 奏懇建祠入祀各情由司局會詳前來 臣伏查昔年黔亂初平餉竭糧空賊氛未淨軍饑將蹙駕

馭無從如前撫 臣曾璧光之豁達有容黎培敬之堅忍不拔誠屬扶危定變之材然非該撫 臣精明練達苦衷

調劑恐未易芟夷大難迅奏膚功是三 臣交相為益猶剛柔之互用也今會璧光黎培敬等俱在黔建有專祠

該撫 臣獨祀典闕如合無仰懇 天恩准予建立專祠並將事蹟宣付史館立傳以彰忠蓋而順輿情除咨

部查照外謹會同雲貴總督 臣錫良恭摺具陳伏乞 皇上聖鑒訓示謹 奏宣統元年正月初七日奉

旨林肇元准其附祀曾璧光之祠餘著照所請該部知道欽此

西歷一千九百九年二月三號 星期三

本局設立北京東長安牌樓王府井大街

宣統元年正月十三日第肆百伍拾叁號

電話內城總局第二百零



政 治 官 報

目 錄

- 宮門鈔○交 旨四道○事由單●摺奏類一○度支部奏遵 旨安議清理財政辦法摺○吏部奏覈辦 恩蔭條款
- 摺○東督奏請 飭改鑄審判檢察廳印信等摺併單○又奏查覆錦州府屬官地清丈情形摺○翰林院侍讀榮光奏請
- 飭東督遵章清丈錦屬墾地摺○黔撫奏黔省派練陸軍款絀甚鉅懇 飭部籌撥摺●摺奏類二○法部奏請以沈寶昌等試
- 署地方審判廳推事各缺摺○又奏請以潘元枚等補承政廳參事各缺片○粵督奏革員何元山剿匪有功請 旨施恩片○
- 皖撫奏請將已故恭將黃大道附祀蒙城縣僧忠親王祠片●咨劄類○郵傳部札電政局保送電生並飭讓創設電料製造廠文
- 又札北京電話局購買新式電話機器核實訂價文●章程類○續吉林教育官報章程●廣告

政治官報 目錄

正月十三日第四百五十三號

一

宮門鈔

正月十二日 曾侯等同鄉官謝 恩 內務府奏十五日早祭 奉先殿德

茂行禮晚祭 奉先殿恩輝行禮 禮部奏派告祭 天壇 地壇

太廟 社稷壇 先師孔子廟

派出豫王 潤貝勒 肅貝子 璋公 釗公 陸軍部奏派查齋大臣

派出慶綿 顧璜 誠全 壽蔭 李殿林 景麟 塔克什訥 都凌阿

召見軍機

交旨

正月十二日

監國攝政王鈐章

軍機大臣欽奉

諭旨本月二十二日恭上

大行太皇太后尊諡閱視

冊

寶及恭上

尊諡各典禮均由

監國攝政王代詣行禮欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨禮部奏本月二十二日恭上

大行太皇太后尊諡禮節一摺知道了欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨禮部奏本月二十二日恭上

大行太皇太后尊諡禮節一摺所有穿孝百日之王大臣王公百官自十九日至二十一日齋

戒期內均著青長袍褂帽綴纓穿孝百日之王大臣詣

几筵前仍服縞素二十二日恭閱

冊

寶時穿孝百日之王大臣王公百官一律青長袍褂帽綴纓詣

几筵前行禮時穿孝百日之王大臣王公百官一律青長袍褂帽摘纓行三滿月禮時穿孝百

日之王大臣仍服縞素二十八日恭上

大行皇帝

廟號

尊諡典禮一切服色均敬依此行欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨陸軍部奏前統宿衛營提督姜桂題等應如何獎勵一片姜桂題著交部從優議叙趙國賢著賞戴花翎李進才著以提督記名欽此

軍機大臣署名奕劻世續張之洞鹿傳霖那桐

正月十二日內摺傳

旨事由單

宗人府奏陪祀單奉

旨知道了○禮部奏二十日祭

祈穀壇視牲看牲事奉

旨知道了○又

奏二十日祭

祈穀壇視

壇位籩豆牲隻事奉

旨知道了○又奏恭上

大行太皇太

后尊諡請

派員恭捧香

册香

寶事奉

旨派出世續

那桐○又奏恭上

大行

太皇太后尊諡請

派員捧帛獻爵事奉

旨派出莊親王載功

載潤○又奏恭上

大行太皇

太后尊諡前期告祭

大行皇帝几筵前請

派員行禮事奉

旨派出溥莖○又奏恭上

大行太皇太后尊諡頒

詔禮節事奉

旨知道了○又奏恭上

大行太皇太后尊諡几筵前執

事各官事單一件奉

旨知道了○又會奏

大行皇帝梓宮奉移

山陵事宜事奉

旨依

議○陸軍部奏議覆貴州巡撫奏酌裁綠營將弁事奉

旨依議○又片奏譚盛高調補副將議駁事奉

旨依議○又片奏黑龍江續放訥謨爾河荒段完竣車價報銷事奉

旨知道了○又奏議覆兩廣總督

奏何國鎮補守備事奉

旨依議○又片奏佐領恩壽更名事奉

旨依議○又片奏陝西新舊各營薪

餉等項報銷事奉

旨知道了○又奏議覆滇省勘辦界務出力人員請獎事奉

旨依議○又奏議覆

兩廣總督奏馮樹經補守備事奉

旨依議○又片奏孫道友對調游擊事奉

旨依議○又奏駁覆江

蘇留防各營三十二年分製造軍裝等項用過銀兩分別准駁事奉

旨知道了○中正殿奏十五日進

養心殿侍經喇嘛名牌奉

旨知道了○值年旗奏上年十二月分並無

特旨交辦事件事奉

旨

摺奏類一

度支部奏遵

旨妥議清理財政辦法摺

奏爲遵

旨妥議清理財政辦法恭摺覆陳仰祈

聖鑒事光緒三十四年十二月初十

日內閣奉

上諭前據度支部奏清理財政宜先明定辦法一摺當經飭交會議具奏茲據

覆奏朕詳加披覽與度支部原奏大致相符更有補原奏所不足之處全國財政攸關不厭詳求著將原奏覆奏各摺件一併再交度支部妥慎斟酌另行具奏欽此欽遵由內閣鈔出到部仰見我

皇上慎重財政

睿慮周詳莫名欽感竊維理財爲庶政根本故憲政籌備卽

以清理財政爲初基度支當財用匯歸則清理章程自以統一財權爲先務臣部前奉明詔頒布清理財政章程深慮權限未明卽章程亦成虛設故先舉其大者數端以便於從事清理於是

臣等有明定辦法六條之奏蓋爲遵

旨清理財政起見並非於內外臣工強

相執難也此次會議政務處覆奏大致以各省辦事之艱難疑

臣部操持之過急既躋統一之

議仍多遷就之詞

臣等一再推求亦知積重之弊勢難驟返顧以迫於事會責無旁貸現奉

諭旨令

臣部妥慎斟酌另行具奏自應逐款詳議期臻妥善敬爲我

皇上縷晰陳之一

覆奏稱募借外債統歸度支部主持咨明外務部會商辦理又稱各部各省如願自向外國放債之人相商者准商定辦法仍歸度支部出名立約承借一節查整理國債自係

臣部專責外債關乎交涉自應咨明外務部以昭妥慎外債流弊言之疚心去年六月間

臣部經有豫爲裁

制之奏此次_臣等原奏慎重外債固深慮事權紛歧漸開侵軼之路亦欲使豫算適合不悞清償之期而用意實在於不使輕易募借倘無論應否舉債准由各部各省自向放債之人商定辦法由_臣部出名承借是放任仍舊而中央財政益滋其患也請嗣後各部各省必不得已募借外債應先經_臣部核准由_臣部會同外務部奏明再由_臣部出名訂借交該部該省領用各部各省不得逕向外國訂借如此則該債指抵之款償還之期自應由_臣部合計全局豫算核定其從前各部各省已借洋債應如何分年歸還均令各部各省於國家稅地方稅未劃分以前籌定切實辦法報部立案至國家稅地方稅劃分以後如何分別動用亦應豫爲議明以免屆期輻輳二覆奏稱在京各衙門款項分別經收隨時報明度支部其應銷款項照常支撥如有浮收濫費可咨商該衙門切實核減概令解交部庫再向部庫請領徒多周折一節伏查雍正年間設立會考府察核各部院動支錢糧以_臣國初費用之簡而立法之嚴尙且如是近日在京各衙門款項乃自收自用_臣部無從過問前年內閣學士吳郁生奏請明定養廉統籌畫一辦法近日御史謝遠涵奏官祿不均請一財權而除積弊各摺片皆以各部自私自財用爲言_臣等實引以爲疚現當籌備憲政財政統計又爲_臣部專責若中央財政任成分劃之形殊非憲政國庫獨立之法且_臣部既司國庫則盈虛質劑具有權宜若仍令各衙門自爲收支則肥瘠不均遑論制用覆奏謂徒費周折是仍多遷就之意應請嗣後在京各衙門將現在已籌及將來應籌之款分別情形或由_臣部直接經收或由各衙門經收統由部庫收發各衙門應銷款項暫仍照常支撥將來隨時損益如實有不敷再由_臣部核定奏明撥補以資辦公三覆奏稱各省官銀號所出紙票應由公家擔其責成自應由部稽核但須聲明此舉專爲稽查票數

成本起見所有盈利仍歸該省支銷並不提撥一節查各省官銀號發出紙票其濫惡實過於日本明治初年之藩札稅政日深隱憂滋大聞湖北江蘇等省爲數尤鉅近外人以事關商務曾照會此等紙票是否國家擔認各省既向不咨報無從知其底蘊實屬難於答覆近日各商埠銀根奇緊危險迭出滔滔之勢爲害何堪設想各疆臣既濬此利源自當擔此責任籌本金保信用必已夙有權衡而臣等私憂過計作此未雨之綢繆蓋懼其害非冀其利也覆奏謂由公家擔其責成且沾沾以盈利爲言均未深明此中弊害應請 旨飭下各省督撫所有現開官銀號無論舊設新設將開設年月及資本實數現在發出紙票若干預備金若干經理協理何人限六個月逐一詳細列表送部以憑稽考而期核實郵傳部交通銀行亦一律辦理四覆奏稱各省關涉財政事件除非常變故外遇變通成法須先咨部籌商並分別內銷外銷咨部辦理俟清理款項後酌留若干以備特別之用一節查各國制定預算一切經費均須照預算案支出而預算冊內有第一預備金以備預算內不足之用第二預備金以備預算外事故之用此外設有軍事及其他災害鉅需非普通預備金足以濟事者則更有追加預算之法臣部此次奏定清理財政章程第十四條內開自宣統二年起逐年將京外各處送到預算報告冊詳細核定奏請施行又第二十二條內開遇有臨時特別重要支款未經列入預算冊或已列預算冊而收不足額不敷所出由該省督撫會商 臣部隨時奏明酌量籌撥是各省試辦預算以後凡款項皆入預算自不能仍沿外銷之名預算本可追加自無妨酌留特別之款此次臣等原奏係爲清理財政令各省將向來外銷款項據實報部以便確知全國歲入歲出總數爲劃分國家稅地方稅地步應請 旨飭下各省督撫將該省出入款項無論向爲報部向爲

外銷照_臣部議覆御史趙炳麟奏請定立預算決算及會議政務處議覆該御史奏統一財權整理國政摺內所陳辦法通盤調查據實報部不准絲毫隱飾至各省關涉財政事宜自非軍務災賑迫不及待者均應照_臣等原奏所稱未經_臣部核議概不准行至所稱每省遴派一二員限三個月來京赴度支部面爲籌商一節原爲劃清款項起見現在清理財政章程甫經奏定一切款項無從劃分應俟財政清理就緒後再由各省派員赴部籌商五覆奏稱藩司歸部考核所筭財政每季造冊報查一節查_臣部奏定清理財政章程第十一條內開自宣統元年起各省文武大小衙門局所應將出入各款按月編訂報告冊送清理財政局由局彙編全省報告總冊按季呈由督撫咨部各省清理財政局係以藩司爲總辦是藩司既爲該省總筭財政之官卽兼任清理財政之責所管款項按月由司報局按季由局報部藩司按月報告固不至以繕造爲勞而_臣部按季綜核亦不至以閱算爲難應卽遵照章程辦理且查外省官員向准直揭部科藩司爲_臣部行政之官更應聲息相通以收指臂相聯之效嗣後遇有關涉財政稍爲重大事件除隨時詳報該管督撫外仍應一面徑報_臣部以重考核六覆奏稱各省造報另定冊式並展寬限期加重處分一節查各省造送預算決算報告冊應定期限_臣部業於清理財政章程內分別奏定並聲明所定期限如有任意逾限以致預算決算無從預備貽誤憲政者該藩司或度支使由_臣部據實奏參等語應卽遵照章程辦理至預算決算報告各冊與從前報銷舊案不同自應另訂冊式_臣部現擬逐一釐訂交清理財政局遵式填送至逾限處分宜如何加重之處應由_臣部會同吏部斟酌擬訂另行具奏其宣統二年以前預算案未經成立一切報銷期限處分仍遵照舊例切實辦理以上六條或爲_臣等原奏所未議及或與_臣

等用意稍有不符均逐款詳陳以期合於統一分明之義至覆奏內稱統一之本首重乎通分
明之源莫先乎信自係扼要之論惟謂部中於外省款項每令其據實報明聲言決不提用及
至報出往往食言故外省常畏其相誑等語各省外銷款項固非盡屬虛糜故前年臣部議覆
御史趙炳麟請定立預算決算摺內奏令各省將外銷款項通盤籌畫悉數奏明果係實在應
用即當予以劃留續將此意開誠布公函告各省在案而各省至今竟不置覆是外銷究係何
款臣部從未預知所謂及至報出往往食言者果何所指政體攸關未便以此等虛詞爲臣部
叢詬之地揆之事實殊有未合又覆奏內稱外省用款但據實開報即予准銷不以憑空之理
想遙爲臆斷不以陳年之舊例強爲相繩使疆臣視之爲助我之人不畏之爲阨我之人疆臣
爲朝廷使任大臣其人可信則於財政一端不必致疑等語各省用款歸部核銷准駁之權
固應有在從前例案銷册本有定式倘各省捏造則稽核亦爲具文然舍此則蕩然益無所守
年來新政繁興本無例案可引而臣部核銷各案自非不符實甚並未嘗苛以相繩至於設官
分職本期內外相維將來憲政成立仍當設立審計院即臣部會計亦在察核之列謂爲相阨
謂爲致疑均非中正之論總之與天下相見以誠而後可無隔閡必內外俱爲一體而後可言
事功自財政艱難日趨窮蹙已竭力補苴之不暇更何論庶政之待興長此因循實爲非計臣
等一再遲迴籌之至悉固知積習既久驟予更張非常之原黎民懼焉若內外臣工受國厚
恩當籌備憲政之始基爲統一財權之計畫似未便膠執成見有內外畛域之分自不得隱飾
相蒙仍彼此隔閡之弊現在朝廷百度維新特飭臣部清理財政在臣部固應蠲除煩
文爲實事求是之政各部院各督撫亦當念國計關係之重諒臣部綜核之難推誠布公協

力相助俾_臣等得舉其職權而財政庶期於整理區區愚誠不得不再行披瀝上陳伏乞
飭下京外各衙門合力同心共維大局_臣部幸甚財政幸甚所有遵 旨酌議清理財政辦
法緣由謹恭摺具陳伏乞 皇上聖鑒訓示謹 奏光緒三十四年十二月二十五日奉

旨著依議欽此

吏部奏覈辦 恩蔭條款摺

奏爲欽奉 恩詔核辦蔭生由題改奏事准禮部頒發光緒三十四年十一月初九日
恩詔內開文官在京四品以上在外三品以上武官在京在外二品以上照現任品級各蔭一
子入監讀書等因欽此查定例各官不論加級及宮保等銜均照食俸蔭子非現任者不蔭原
品解任食俸者准蔭又承蔭定限三年有軍務省分統兵大員准其展限一年如再逾限卽毋
庸置議各等語查品級考內開正一品內閣大學士從一品各部尙書都察院都御史正二品
各部侍郎大理院正卿從二品內閣學士翰林院掌院學士各省布政使奉天_{左右}叅贊正三
品都察院副都御史宗人府府丞翰林院學士各部_{左右}丞大理院少卿大學堂總監督度支
部總銀行正監督造幣廠正監督順天府府尹各省提學使各省按察使東三省提法使雲南
交涉使奉天吉林交涉司民政司司使奉天旗務司司使從三品民政部內外城巡警總廳廳
丞大理院總檢察廳廳丞各省鹽運使奉天度支蒙務二司司使吉林度支司司使正四品翰
林院侍讀學士各部_{左右}叅議順天府府丞國子丞掌印給事中法部京師高等審判廳廳丞
法部京師高等檢察廳檢察長大理院推丞度支部總銀行副監督造幣廠副監督從四品翰
林院侍講學士內閣侍讀學士法部京師內外城地方審判廳廳丞等官俱照現任食俸品級

各廕一子其原品解任食俸者亦照例准廕又定例衍聖公襲廕照正一品總督與尙書同巡撫與侍郎同又查成案內務府大臣照正二品給廕三院卿照正三品給廕又各國出使大臣現經改設專缺所有二等出使大臣應請照二品給廕三等出使大臣頭等參贊均應請照三品給廕所有旗員之子應取具該旗印文漢員之子應取各該衙門印文在外各官之子應取督撫各該衙門印文俱開明應廕姓名年貌籍貫送部臣部照例彙奏註冊給照俟 命下之日通行各都院衙門及八旗都統直隸各省一體遵照辦理所有臣等覈辦廕生由題改奏緣由謹恭摺具陳候 旨遵行伏乞 皇上聖鑒謹 奏光緒三十四年十二月二十五日奉 旨依議欽此

東三省總督徐世昌奏請飭改鑄審判檢察廳印信等摺

併單

奏爲請 旨改鑄承德地方初級各審判檢察廳印信並添鑄撫順地方初級各廳印信開具清單恭摺仰祈 聖鑒事竊查奉天高等審判檢察廳暨原設奉天府地方初級各廳應鑄印信前經臣開單分別奏咨在案尙未奉准禮部頒發現將奉天府地方初級各審判檢察廳改爲承德地方初級各審判檢察廳並將初級各廳酌量歸併另行專摺奏報所有從前請鑄各廳印信除高等兩廳印信各一顆仍照前開清單請由禮部鑄造頒發外其餘奉天府地方初級各廳印信應請一律查銷另行改鑄俾符名實至新設撫順地方審判檢察廳暨劃歸撫順第一初級審判檢察廳業經開辦暫由臣先行刊刻木質鈐記發交遵用擬請一併鑄發印信以資信守而昭劃一除開單咨行禮部查照辦理外所有應行改鑄及增鑄各審判檢察廳印信緣由理合開單恭摺具陳伏乞 皇上聖鑒謹 奏光緒三十四年十二月二十九

日奉 旨禮部知道單併發欽此

謹將應行改鑄增鑄各廳印信繕單恭呈 御覽 計開 承德地方審判廳印一顆 承德地方檢察廳

印一顆 承德第一初級審判廳印一顆 承德第一初級檢察廳印一顆 承德第二初級審判廳印一顆

承德第二初級檢察廳印一顆 承德第三初級審判廳印一顆 承德第三初級檢察廳印一顆 撫順

地方審判廳印一顆 撫順地方檢察廳印一顆 撫順第一初級審判廳印一顆 撫順第一初級檢察廳

印一顆 光緒三十四年十二月二十九日奉 旨覽欽此

東三省總督徐世昌奏查覆錦州府屬官地清丈情形摺

奏為查覆錦州府屬官地清丈情形並籌擬辦法恭摺仰祈 聖鑒事本年十月初七日准

軍機大臣字寄光緒三十四年九月三十日奉 上諭有人奏奉天錦州府屬官地請飭

遵章清丈以祛積弊一摺著徐世昌按照所指各節查明情形妥籌辦理原摺著鈔給閱看欽

此遵 旨寄信前來 臣查原奏所陳以該墾局委員變則減丈及包庇佃戶兩節為此案

之關鍵當即遴派咨調湖北候補道毛祖模前往嚴切查辦去後茲據查明稟覆據稱原奏錦

屬義州所設正字分局派委繩員丈放官地均住佃戶之家串通行賄竟有以上則變為中則

減丈畝數約至十萬餘畝一節查官莊地畝繩員按地行繩原無定宿向由鄉保等代覓住所

不准擲錢供應違者准被害之戶指名控告經前任將軍趙爾巽出示曉諭在案歷查案牘該

局開辦以來尙無此等被控之件既住佃戶之家瓜李之嫌誠所難免惟必須確有見証始能

澈究此次丈放官莊均係零星小段土色不一其上中下各等則向由繩員隨時指定稍不詳

查即易混淆領地者偶不如意即行滋鬧其謂以上則變為中則未始不由於此統計該州共

丈得官莊上中下三等地二十二萬九千三百餘畝按照原額據稱有增無減如謂減丈之數

丈得官莊上中下三等地二十二萬九千三百餘畝按照原額據稱有增無減如謂減丈之數

至十餘萬畝自非逐一清丈無從得其實在然偷減過多任事者膽大當不至此又原奏所稱刁佃呈控爭領委員受賄包庇佃戶不准裁莊價領一節查卷內殷實莊頭不多覩見丈放官莊時均紛紛出具無力承領甘結續將佃領編查案卷惟查有已裁莊頭許春聲一戶除自領及讓將親丁佃戶分領一千一百餘畝外尙有承領小嶺子李鈞匠溝等段一千八百餘畝呈請備價給領詎該佃戶共一百五十三名紛赴行局請放佃領以免流離失所該行局因佃戶人數較多情詞迫切准予分領亦因事變通起見原奏所稱委員受賄並未指實何地何人無從查詢等語查錦州墾務原派該府兼辦迄今已逾三年當時雖將丈放各段繪具圖說惟未將上中下各等則預行標定爲發放之根據段落煩雜本難悉得其平委員或上下其手亦難保其必無第既查無此項控案無可憑以根究此時錦局已將蕺事義州正字分局久經裁撤在事人員亦各分散卷宗圖冊均存於府屬據查丈放之數按照原額有增無減原奏謂減丈畝約至十餘萬之多竟及總數之半揆諸情勢何能有此且未經指實浮多處所未便漫與抽查致滋小民之疑慮至繳價領地定章先儘莊頭各該莊頭之未價領者查明除許春聲一戶外餘均出具無力承領甘結則承辦之員均係先儘莊頭並無不准裁莊價領可知查該莊頭許春聲名下官地共三千餘畝爲數本鉅該佃戶百餘人均係開始墾荒之創山戶與佃種熟地者不同再四赴局籲懇准伊等各領數畝以資存活情形實爲可憫故該行局俯順輿情爲之稟請分領該佃戶等均係窮苦力役之人亦何有賄之可行且係稟請有案應請免其置議惟是丈放地畝包套影射等弊防不勝防不獨官莊爲然且不祇義州一處爲然非將旗民與官莊各地一律普通清丈第專辦官莊零星散碎分段丈查終不能將種種弊端一廓而空

之故東流諸荒幾經籌畫仍不能不普行覆丈者職是故也此項官莊地畝將來仍應另行清丈妥籌詳細章程澈底清釐通盤核算圖冊照據均歸一律斯畝數不患其隱匿等則亦易於區分如此辦理則經界既正庶積弊於以盡除而紛擾亦可自息矣所有查覆錦州府屬官地清丈情形並擬籌辦法緣由謹恭摺具陳伏乞 皇上聖鑒謹 奏光緒三十四年十二月二十九日奉 旨知道了欽此

翰林院侍讀榮光奏請

飭東督委員清丈錦州屬墾地以祛積弊摺

奏爲遵章清丈以祛積弊而安民心恭摺仰祈 聖鑒事竊查光緒三十一年十月 欽

差墾務大臣廷杰酌擬變通辦理奉天錦州府屬官莊旗民各地章程一摺內稱錦州府舊治設有京都內務府莊糧衙門統轄於副都統所管大糧莊頭二百一十六名雍正四年分爲四等各領官地五千餘畝至四千畝不等載在通志又查原奏章程第二條內開凡裁缺各莊頭與獲罪被革者不同該莊地擬先儘該莊頭繳價承領但所領不得逾於原額亦不准指領他莊頭之地仍交原佃租種並查戶部定例不准無故增租奪佃違者治罪等語奉 旨允准在案是於限制之中仍寓體恤之意乃 奴才聞上年錦屬義州所設正字分局派委繩員丈放官地均住佃戶之家串通行賄竟有以上則變爲中則減丈畝數約至十萬餘畝之多並有刁佃等呈控爭領委員受賄包庇佃戶不准裁莊價領種種作弊民不聊生 奴才於夏間請假回奉即聞紛紛傳說衆口一詞雖不能指實何地何人然承辦委員之辦理不善已可概見擬請 飭下東三省督 臣徐世昌嚴行查辦另委委員遵章丈放以歸劃一庶積弊可除莊民亦可各安生業矣 奴才爲整頓丈務起見是否有當所有遵章清丈緣由理合恭摺具陳伏乞

皇太后 皇上聖鑒訓示謹 奏

貴州巡撫龐鴻書奏黔省派練陸軍款絀甚鉅懇 飭部籌撥摺

奏爲黔省派練陸軍期限緊迫款絀甚鉅擬懇 飭部籌撥恭摺仰祈 聖鑒事竊臣前

准陸軍部咨開光緒三十三年七月二十一日日本部具奏擬定全國陸軍應練數按省分酌
立定年限一摺本日奉 旨依議欽此咨行欽遵查照辦理在案查部咨貴州派練一鎮

期限五年編成現在僅有一標相距甚遠自不能不趕急籌辦當飭兵備處善後局會同妥議

去後茲據布政使松場等詳稱竊惟強國首重治兵練軍先須籌餉前此海禁未開 朝廷爲

治內之計猶不惜歲糜鉅金講求武備故能遠拓疆陲屢平巨寇方今各國皆以全力注重軍

政我國幅幟廣闊陸軍部奏設之十六鎮實非此數不足以資捍衛貴州僅派一鎮爲數尤屬

無多苟可經營斷不稍存推諉惟各省情形不同而財政之盈絀尤不難燭照而數計也黔本

山國歲入錢糧二十餘萬土藥釐稅四十餘萬今煙土限年禁絕此款已不可恃矣此外則仰

給四川之協濟舍是無可羅掘而歲出之數則廉俸薪工津貼驛費防軍薪餉奉派賠款以暨

辦巡警辦學堂提倡實業講求礦務每舉一事皆需鉅費出入兩抵不敷幾及百萬歷經報部

有案可稽黔庫之空虛如此而照定章核計陸軍一鎮歲費需一百一十三萬開辦費又不下

一百萬有奇以黔省財力卽他事一概停止專供此用猶且不給况他事又無一不關緊要者

是以現時之狀況欲於五年內編練成鎮誠必不可得之數也司道等仰屋咨嗟無計可施應

請 奏咨聲明展限前來 覆查各節皆係實情但軍政不可以期延部議又不可以私梗一

處不能如限則全體無以觀成查貴州之可資挹注者各省額定之協餉耳通計江蘇山東湖

南湖北廣東江西福建等省蒂欠已積至一千萬有零本年度支部議准各令先解五成乃請求四出迄無一應各省同一舉辦新政不敢謂其綽有餘裕然若貴州之掃地無存則似不至此擬懇 飭部再催先解若干以外分年籌解使其著實可靠又查川滇新軍餉章除該省自認外由部籌撥若干川省素稱富饒滇亦優於黔省該兩省部中尙肯補助則黔省之必爲設法亦在情理之中以上兩項或協餉可作的款或部撥得有成數自當刻期舉辦不敢稍涉因循貴州現練一標尙不完備擬於明年先行添練一標然所費亦屬不貲查貴州每年派認賠款二十萬係由四川鹽務籌撥而來擬請此項賠款由部另行籌撥而以四川每年解交貴州之二十萬作爲添練新軍一標之用於無可設策之中爲此轉移之計如蒙 俞允 臣卽當相地建築營房選調材伍併前練一標合成一協以爲成鎮之基礎 臣處茲瘠土焦急萬分一切困難情形若不據實敷陳深恐期限已屆編練未成 臣之咎責固無可辭而大局牽掣於軍政前途必受影響所有練軍期限緊迫款項異常支絀各緣由除分咨外謹會同雲貴總督 臣錫良恭摺具陳伏乞 皇上聖鑒訓示謹 奏宣統元年正月初七日奉 旨該部議奏欽此

摺奏類二

法部奏請以沈寶昌等試署地方審判廳推事各缺摺

奏爲續請試署各級審判檢察等廳員缺以重職守恭摺仰祈 聖鑒事竊 臣部於本年二月二十三日具

奏補署各級審判檢察員缺摺內聲明各廳未經奏署之缺現在委辦有人或因任事日淺或係京外候補候

選人員雖皆踴躍從公究應略予區別擬稍需時日更加試驗續行奏請試署等因奉 旨依議欽此欽

遵在案查有 臣部候補主事戴煥文並咨調候選直隸州州同呼延楨劉調揀選知縣沈寶昌等三員均經 臣

等派赴各級審判檢察等廳差遣該員等任差以來俱能勤慎趨公無替厥職茲據內城地方審判廳廳丞續
昶呈請奏署前來臣等覆核無異擬請將揀選知縣沈寶昌試署第二初級審判廳刑科推事候選直隸州州
同呼延楨試署第三初級檢察廳檢察官候補主事戴煥文試署第五初級檢察廳檢察官試署三月後考驗
果能勝任再行咨送內閣驗放奏請補授所有續請試署各級審判檢察等廳推事檢察官各缺緣由謹恭摺
具陳伏乞 皇上聖鑒訓示謹 奏光緒三十四年十二月初十日奉 旨依議欽此

●又奏請以潘元救等補承政廳參事各缺片 再臣部承政廳參事麥鴻鈞丁憂所遺參事一缺自應揀員
充補查有審錄司員外郎壽昌篤實勤奮辦事明通臣等公同商酌擬請以參議廳參事潘元救調補承政廳
參事所遺參議廳參事一缺即以壽昌升補如蒙 俞允臣部即將該員履歷移送內閣驗放並咨吏部註
冊施行謹附片具陳伏乞 聖鑒訓示謹 奏光緒三十四年十二月初十日奉 旨依議欽此

兩廣總督張人駿奏革員何元山剿匪有功請 旨施恩片

再革員何元山即何友山前在蜀省迭著戰功荐保至總兵銜副將嗣由蜀調粵經前署督臣岑春煊咨部歸
班補用經兵部查得該員履歷不符奏請將保案撤銷行粵查究又經岑春煊查明何元山係冒用故堂兄何
友山獎札歷受保獎核其迭次得保皆由身親戰陣而來與買受憑札冒稱官員圖騙者情事有間使其立功
之初即以本名邀獎數年以來當亦可至副參之列等語經陸軍部以追叙前勞免治餘罪惟不准留營効力
並報効各路軍營等因奉准行知上年四月間又經岑春煊以何元山前在廣西隨同剿匪奮不顧身其人樸
實耐勞臨敵果敢為近日將弁中難得之員奏請准其隨同赴粵効力並銷去不准投効軍營字樣奉
旨依議欽此咨明前護督臣胡湘林札飭何元山赴欽州行營差遣派委督隊剿匪何元山隨同收復防城起
獲縣印嗣委充巡防隊督帶先後陣斬悍匪多名收槍二百餘枝實屬異常出力何元山自保案撤銷後深以
從前之躁進引為大恥亟欲再立戰功以圖晚蓋故派赴欽州後衝鋒陷陣每戰必先平時巡緝操防亦復不
遺餘力使功不如使過洵屬不誣何元山前在東西兩省會歷署總兵副將各缺此次若仍以干總末秩照例
請獎似未相宜方今時事多艱將才難得相應奏明候 旨施恩理合附片具陳伏乞 聖鑒訓示謹

奏光緒三十四年十二月二十三日奉 旨陸軍部議奏欽此

安徽巡撫朱家寶奏請將已故叅將黃大道附祀蒙城縣僧忠親王專祠片

再署蒙城縣知縣王樹鼎詳稱據記名總兵馬玉書等稟已故花翎副將銜儘先即補叅將黃大道安徽蒙城縣人前因戰功卓著於光緒三十年十一月間經前巡撫誠勳奏請照軍營立功後積勞病故例從優議卹奉

硃批著照所請該部知道欽此欽遵在案 朝廷論功行賞凡在士民同聲感頌惟身後之

恩

寵雖隆而鄉黨之思慕未已伏查咸豐四年間皖北遭粵匪蹂躪蒙城地處衝要岌岌可危其時故叅將黃大道年甫弱冠充當練長號召里民共籌抵禦匹馬先驅屢衝賊陣奮不顧身全境倚若長城是爲披甲立功之始旋經壽春鎮總兵黃鳴鋒調委帶隊疊破擒匪於霍邱鳳臺及正陽關程家圩史家嘴等處壽州之圍以解同治二年逆匪苗沛霖踞鳳潁二府之地故叅將於叛謀未露之先洞燭其奸與本邑練總原任汀州鎮總兵李南華預爲部署以孤城支柱其間苗逆令死黨易練董軍服混入蒙城意在內外夾攻以求必逞故叅將立即覺察盡數擒斬逆計既窮危機始弭忠親王僧格林沁援軍旋至極賞其守禦之堅四年管帶水師隨同壽春鎮解雉河集之圍五年追剿擒匪獲勝於郟城宿遷之間東南肅清直東肅清各案內遞保至花翎副將銜儘先即補叅將光緒二十一年奉派駐防京畿復調駐河南衛輝府觸發舊傷適值奉文遣散於二十二年回籍就醫是年正月十九日在籍病故綜計故叅將黃大道生平功績以守蒙城爲最著故蒙城士庶感不能忘查汀州鎮總兵李南華前已奏准於原籍蒙城縣建立專祠故叅將竭盡心力同時保守危城允宜共邀曠典籲懇奏請附祀忠親王僧格林沁專祠等情開具事實履歷冊結由縣加具印結轉詳經前撫臣馮煦批由署布政使沈曾植核明詳覆前來臣查已故花翎副將銜儘先即補叅將黃大道戰功卓著前在蒙城縣本籍力守孤城功在桑梓業經前撫臣誠勳奏准從優議卹在案今地方紳民等追念前勞欲伸馨香之報未敢壅於上 聞合無仰懇 天恩俯准將已故花翎副將銜儘先即補叅將黃大道附祀蒙城縣故忠親王僧格林沁專祠以彰忠盡而順輿情出自 逾格鴻慈除冊結咨部查照外謹會同兩江總督臣端方附片具陳伏乞 聖鑒訓示謹 奏宣統元年正月初七日奉 旨該部議奏欽此

西歷一千九百九年二月四號 星期四

本局設立北京東長安牌樓王府井大街

宣統元年正月十四日第肆百伍拾肆號

電話內城總局第二百零一號

政治官報

目

錄

●宮門鈔○交 官一遵○事由單●摺奏類一○禮部奏恭上 大行
 太皇太后尊證頒 詔禮節摺○又奏 閱視 冊 寶是否由 監國攝政王代詣行禮片○又會奏 大
 行皇帝梓宮奉移 山陵事宜摺○農工商部奏濟南省城設立商會請給關防摺○熱河都統奏整頓各州縣命盜詞訟考
 核章程摺併單●摺奏類二○度支部奏議覆御史涂國盛奏湖北賑捐請代收免保實銀摺○桂撫奏請將梧州原撥春字五營
 底餉再予展限片○熱河都統奏遵章考試候補各員分別去留摺併單○直督奏長蘆補欠積欠二款請照案推展五年摺○陝
 撫奏參滿城令李體仁擅押濫刑請革職不准捐復片●章程類○續吉林教育官報章程●廣告

政治官報 目錄

正月十四日第四百五十四號

宮門鈔

正月十三日 松公請假十日 洵貝勒等封奏一件 外務部代遞唐紹怡奏摺三

封

召見軍機

交旨

正月十三日

監國攝政王鈐章

軍機大臣欽奉

諭旨載洵等奏謹擬修理

西陵梁格莊行宮各處工程辦法繪圖開單呈覽一摺著依議圖留覽單併發欽此

軍機大臣署名奕劻世續張之洞鹿傳霖那桐

正月十三日外摺奉 旨事由單

徐世昌陳昭常奏吉林司道府密攷摺 知道了單留中○又奏大田收成分數摺 知道了○錫良奏請以
 刀樾椿襲南甸土職摺 該部議奏○又奏改設巡警學堂並教練所摺 該部知道○又奏請豁免阿迷州
 屬三十三年銀米片 著照所請該部知道○又奏雲州吏目王德恩俸滿撤回候升片 吏部知道○又奏
 可渡巡檢高占山俸滿候升片 吏部知道○又奏散放消防隊餉項片 該部知道○又奏請將雲騎尉許
 斌斥革片 著照所請該部知道○又奏雲貴提鎮司道府密攷摺 知道了單留中○呂本元奏巡洋往返
 日期摺 知道了○唐紹怡奏行抵美京呈遞 國書摺 知道了○又奏行抵日本調查財政事竣摺 知
 道了

摺奏類一

禮部奏恭上 大行太皇太后尊諡禮節摺

奏為恭進禮節事恭照正月二十二日午時恭上 大行太皇太后尊諡前期三日請

皇上御青長袍褂冠綴纓於 宮內致齋屆日禮部官同內務府官於 太和門階上正中

設黃案二 冊案在東 寶案在西鑾儀衛官同內務府官設黃亭二座於 太和

門階下正中 冊亭在前 寶亭在後禮部堂官二員自內閣豫捧絹 冊絹

寶連匣安設於黃亭內執事大臣侍衛官員等於 太和門階下東邊序立大學士二

員自內閣恭捧香 冊香 寶連匣由中階上安設於各案上自匣內請出行一跪

三叩禮退立於階下之左鑾儀衛官豫設拜褥於門之正中屆時禮部堂官奏請 皇上御

青長袍褂冠綴纓乘輿出 乾清門由 中左門至 太和門北階降輿禮部堂官二員導引

由 太和門左門出詣案前北面立恭 閱 冊 寶畢就拜位行三跪九拜禮

轉立東次大學士二員詣 冊 寶案前仍安於匣內各行一跪三叩禮興恭捧

冊 寶由中階下安奉於黃亭內復行一跪三叩禮興禮部堂官奏禮成 皇上

乘輿還 宮校尉由 太和門外昇黃亭啟行 冊亭在前 寶亭在後由中路出

導以 御仗二黃蓋一執提鑪侍衛二員禮部堂官二員同前引十大臣並引導侍衛二十員

禮部司官十員前行執豹尾槍侍衛並捧 冊 寶之大學士暨執事官在黃亭後

隨行王以下入八分公以上於 協和門外按翼排立俟 冊 寶亭至皆跪候過

輿隨行未入八分公以下四品官員以上豫集 錫慶門外按翼排立俟 冊 寶

亭至跪迎黃亭由 錫慶門入至 皇極門外止 御仗黃蓋俱止引導侍衛及執豹尾槍

侍衛等皆止所有大臣侍衛官員執事人等至此俱摘纓是日早鑾儀衛官豫設 僕駕

於 甯壽門外內務府官設祭品並添設果品十二色陳帛爵點香燭將現在供奉從前恭

上 徽號 冊 寶請入內庫尊藏原設兩旁二几案不徹豫備安供此次恭

進之香 冊香 寶再設一案於東旁豫備獻舉以前安供香 冊香

寶絹 冊絹 寶又設一案於東旁稍次豫備獻帛爵以前安供帛爵酒罇再設一

案於西豫備安供祝版讀祝官豫捧祝版安奉祝案上陳香案於 几筵前正中豫備點

香燭供獻帛屆時大學士二員禮部堂官二員各詣黃亭前行一跪三叩禮與大學士恭捧香

冊香 寶禮部堂官恭捧絹 冊絹 寶前引十大臣暨禮部堂官二

員前引捧香 冊香 寶大學士在前捧絹 冊絹 寶禮部堂官在後

由中門中路行至月台下前引十大臣止於階下排立禮部堂官二員仍引至 殿門外

止於檐下稍南排立大學士禮部堂官恭捧香絹 冊 寶入 殿中門併安

於東旁案上各行一跪三叩禮出立於東西兩邊檐下司拜褥官豫設 皇上拜褥於行禮

處欽天監官報時禮部堂官奏請 皇上服縞素乘輿出 宮至 錫慶門外降輿贊引官

對引官從 錫慶門恭導 皇上由 皇極門 甯壽門東門進入 殿至拜褥

前立序班官引王以下入八分公以上按翼由東西旁門入立於階下引未入八分公以下滿

漢文武四品官以上在 皇極門外按翼排立典儀官贊執事官各司其事贊引官奏就位

皇上就拜位立司香官恭捧香盒至香案前立贊引官奏詣上香位司香官豫跪贊引官

恭導 皇上至香案前立贊引官奏跪 皇上跪贊引官奏上香司香官恭進香盒

皇上接香盒拱舉仍授司香官興 皇上三上瓣香畢贊引官奏復位恭導 皇上復位

立贊引官奏跪拜興 皇上率羣臣行三跪九拜禮興贊引官奏跪 皇上跪羣臣皆跪

典儀官贊進 冊捧 冊大學士至 冊案前行一跪三叩禮興恭請香

冊連箱跪進於左 皇上受 冊拱舉授左旁禮部堂官禮部堂官跪接興恭捧安

設於東邊几案上行一跪三叩禮退典儀官贊進 寶捧 寶大學士至 寶

案前行一跪三叩禮興恭請香 寶連盞跪進於左 皇上受 寶拱舉授右旁

禮部堂官禮部堂官跪接興恭捧安設於西邊几案上行一跪三叩禮退典儀官贊宣

冊宣 冊官詣東旁案前行一跪三叩禮將絹 冊自匣捧出跪宣畢典儀官贊宣

寶宣 寶官詣東旁案前行一跪三叩禮將絹 寶自匣捧出跪宣畢同安

於匣內包裹畢俱行一跪三叩禮退贊引官奏拜興 皇上行三跪九拜禮衆隨行禮興典

儀官贊奠帛爵行初獻禮捧帛王自東旁案上捧帛匣跪供於正中香案上行三叩禮退獻爵

王自東旁案上捧爵立獻於 几筵前供案正中退讀祝官詣祝案前行一跪三叩禮興

從祝案上捧祝版於祝案之東跪贊引官奏跪 皇上跪衆隨跪贊引官贊讀祝官讀

祝文畢捧祝版跪安於帛匣內行三叩禮退贊引官奏拜興 皇上行三拜禮衆隨行禮興

典儀官贊行亞獻禮獻爵王捧爵立獻於供案上之左退典儀官贊行終獻禮獻爵王捧爵獻

於供案上之右退贊引官奏跪拜興 皇上行三跪九拜禮衆隨行禮興典儀官贊恭捧

冊 寶祝帛恭送燎位宣 冊 寶官捧祝文官捧帛王至各案前跪俱

行三叩禮恭捧絹

冊絹

寶祝帛與由中門出前引十大臣同禮部堂官二員仍

接引恭送燎位時贊引官對引官恭導

皇上轉立東旁司拜褥官跪起拜褥俟絹

冊絹

寶祝帛過畢司拜褥官仍跪鋪拜褥退贊引官對引官恭導

皇上還位立序

班官引王公百官避立於兩旁數帛官數帛畢贊引官奏禮成同對引官恭導

皇上由原

進門出乘輿還

宮衆皆退爲此謹具

奏

聞宣統元年正月十二日奉

旨知道了

欽此

禮部奏恭上

大行太皇太后尊諡頒

詔禮節摺

奏爲奏

聞事恭照正月二十二日恭上

大行太皇太后尊諡禮成次日頒發

詔書據欽天監選擇得二十三日巳時吉所頒

詔書預由內閣撰擬屆日執事官均素服

冠纓內務府官預設黃案於

太和門階上正中內閣學士預捧

詔書安設於

黃案上大學士詣黃案前行一跪三叩禮恭捧

詔書由中階左旁降授禮部堂官禮部堂

官行一跪三叩禮跪接興禮部司官捧雲盤跪接俟

詔書安置雲盤內興禮部官前引鑾

儀衛張黃蓋由中路出至

午門外安設於龍亭內行一跪三叩禮校尉昇行

御仗前引至

天安門外禮部官恭捧

詔書安設臺上張黃蓋讀祝官鳴贊官宣讀清漢

詔書王

公百官素服率耆老軍民等集外金水橋跪聽宣讀畢行三跪九叩禮各退禮部官仍捧

詔書安設於龍亭內校尉昇亭出

大清門至禮部禮部堂官率屬行三跪九叩禮畢恭鑄騰

黃頒發天下爲此謹具

奏

聞宣統元年正月十二日奉

旨知道了欽此

又奏

閱視

冊

寶是否由

監國攝政王代詣行禮片 再查光緒三十

四年十一月二十日內閣各部院等衙門會議奏准 監國攝政王禮節條款內開代行祀典

皇上未親政之前所有 壇 廟大祀及現在 喪祭均由 監國攝政

王代詣行禮等因在案今本年正月二十二日恭上 大行太皇太后尊諡是日 閱

觀 冊 寶恭上 冊 寶各典禮是否由 監國攝政王代詣舉行之

處謹附片請 旨宣統元年正月十二日奉 旨已錄

禮部會奏 大行皇帝梓宮奉移 山陵事宜摺

奏為會奏請 旨事光緒三十四年十二月二十一日內閣奉 上諭明年三月十二日

兼祧 皇考德宗景皇帝梓宮奉移 山陵暫安所有應行典禮並一切事宜著各

該衙門及直隸總督敬謹豫備欽此又宣統元年正月初六日內閣奉 上諭本年三月十

二日 大行皇帝梓宮奉移 山陵暫安朕本應親往恭送以盡哀忱茲奉

皇太后懿旨此次 大行皇帝梓宮係屬暫安皇帝尙在沖齡銜哀遠出實非所宜屆時

予當前往恭送用伸哀敬 皇帝不必同行欽此 慈命諄切敢不祇遵一俟數年後

陵寢工程告成再行諷吉舉行恭謁典禮此次應派近支王公恭代行禮及一切應行

禮節事宜著各該衙門直隸總督敬謹豫備欽此又初七日內閣奉 上諭三月十二日

大行皇帝梓宮奉移 西陵暫安所有經由道路著各該衙門及直隸總督敬謹豫

備是日 皇太后恭送 梓宮禮畢於十三日啟鑾乘坐火車行抵梁格莊 行

宮駐蹕勿庸另備 蹕路十四日恭謁各 陵十五日恭迎 大行皇帝梓宮暫

安禮成十六日仍乘火車回鑾其沿途地方一切應備事宜務從簡省所需經費著楊士驤核

實摺節辦理准其作正開銷絲毫不准攤派民間以免擾累欽此恭查

大行皇帝梓宮

於三月十二日由

觀德殿奉移至

西陵梁格莊行宮暫安沿途經過橋道並程

站處所應交嚮導處等衙門迅速詳查繪圖貼說開列清單知照禮部以憑辦理其按程安奉

梓宮蘆殿網城等項並週圍巡邏安設堆撥各事宜均交民政部等衙門敬謹豫備恭

俟 命下由禮部通行京外文武各衙門凡有應行應辦俱查照成案敬謹豫備爲此謹

奏請

旨宣統元年正月十二日奉

旨依議欽此

農工商部奏山東濟南設立商務總會請給關防摺

聖鑒事竊臣部接准山東巡撫

奏爲山東濟南設立商務總會援案請給關防恭摺仰祈

杏稱據山東勸業道蕭應椿詳稱濟南省城自奏設商務總局後飭令商人公舉總董分董仿

上海商業會議辦法設立商會公所期望會集講求利病彙冊上聞旋據二十四行商董以商

會設立有年頗著成效擬請遵照部章公舉總理等員當經開會公舉在籍江蘇候補道汪懋

現爲總理在籍江蘇候補道孟繼笙爲協理繕具履歷請咨部立案札委頒給關防等情合將

商會公所試辦章程暨總協理出身履歷咨行核辦等因前來臣等伏查濟南面山背河向爲

舟車輻輳之所自膠濟鐵路告成省城與濰縣周村同時奏開商埠中外商賈雲集南北轉運

省城實爲其中樞亟應設立商務總會以資聯絡茲商董等公舉總協理既據稱係歷辦地方

公益措置裕如鄉望素孚可期得力前呈該商會章程十二條亦屬簡明應即照准札委並援

照歷辦成案由臣部刊刻關防文曰濟南商務總會關防頒發鈐用俾資信守仍責成該總協

理等於奏定商會章程所載應辦各事悉心籌畫妥慎經理以期仰副 朝廷振興商務之至

意所有濟南商務總會援案請給關防緣由理合恭摺具陳伏乞
光緒三十四年十二月二十二日奉 旨依議欽此 皇上聖鑒訓示謹 奏

熱河都統廷杰奏整頓各州縣命盜詞訟考核章程摺 併單二件

奏爲整頓熱河府州縣命盜詞訟案件謹擬考核文武各員功過暫行章程繕具清單恭摺仰
祈 聖鑒事竊 奴才 欽遵寄 諭會同東三省督 臣 徐世昌直隸督 臣 楊士驤查明朝陽

守令被參各節據實覆奏並聲明熱河吏治由 奴才 廷杰妥議整頓辦法嚴定章程另摺會奏
於本年十一月二十一日奉 藍筆著照所請該部知道欽此伏查吏治以刑名爲先務刑

名以命盜爲大宗命案自相驗以迄招解皆有例限卽以能否依限辦理爲承審官功過盜案
應責成地方官巡防營綠營捕盜營認真緝捕當以獲盜遲速多寡爲承緝文武官功過至於

地方詞訟尤與百姓身家性命相關查有四川督 臣 趙爾巽在山西護撫任內奏定清理詞訟
日記册最爲簡當業經通飭熱河府州縣實力奉行茲謹酌擬命案功過暫行章程六條盜案

功過暫行章程八條詞訟日記册原章均札行熱河督飭清訟局委員分立命盜詞訟功過簿
逐案登註日考月計必詳必明年終三項彙核功過相抵者照舊供職供差功餘於過者酌量

調劑過餘於功者撤任撤差有功無過積功至九次以上或大功至三次以上者從優保獎有
過無功積過至九次以上或大過至三次以上者從嚴參劾各該文武自願考成當不至如又

蘇台一里拐兩案之積壓矣再查熱河民蒙交涉之案居多蒙古人證全恃該盟旗早爲傳送
方能依限審結 奴才 恭候 命下卽札行兩蒙旗一體遵照除分咨吏法陸軍理藩各部查

照外所有整頓熱河府州縣命盜詞訟謹擬考核文武各員功過暫行章程緣由謹繕具清單

會同東三省督臣徐世昌直隸督臣楊士驤恭摺具 奏伏乞 皇上聖鑒訓示再清理詞
訟日記册業經前山西護撫臣趙爾巽奏明有案此次不復重繕合併聲明謹 奏光緒三十
四年十一月二十四日奉 旨該部議奏單二件併發欽此

謹將承審命案核計功過暫行章程六條繕具清單恭呈 御覽 一定章相驗後五日通稟誠以當場勘

驗原形具在衆目所覩不能掩飾屍親兇犯以及見證鄰佑一千人等不及串通訟棍無所用其幫扛書役無

所用其教唆乘此得間而入最易識破真情即摘其緊要情形據實稟報立案以爲將來擬結地步乃上以實

求下不以實應其叙原報之詞非曰不知因何事被何人即曰因某事與某人爭毆致傷某人身死其叙屍親

鄉保之供率曰與報詞同其叙鄰證之供率曰訊供互異其叙兇犯之供率曰供詞狡展其叙屍傷率曰委係

因傷身死而於身受何傷在何部位之分寸寬窄淺深骨之破損碎裂概不叙明種種含混專爲自留餘地而

與立法本意實相刺謬嗣後稟報命案凡起衅情由務要詳盡供詞皆摘要點叙如有異同准以己意論斷屍

傷照單直書務執定下手致命要害之處如有疑誤仍准隨後更正至通稟日期因公逾限准於稟尾聲明不

准倒填坐日致干挨查以上各節一有違犯除嚴查外仍將該員記過一次 一命案詳賣格册各省通行之

定章也熱河各屬竟有因犯未弋獲不堪格實送者抑知人命以屍傷爲憑屍傷以格册爲准通稟時既不詳

叙屍傷通稟後又不填送格册延擱數年抵命之人尙未弋獲被殺之慘亦無考查是視人命爲草菅矣嗣後

一切命案除已經獲犯者仍歸初詳依限賣格外其未經獲犯者亦當遵照定例賣送屍格至遲不得逾兩月

之限如報案已兩月仍未賣送屍格者除札催外仍將該員記過一次三月以上遞加 一各省辦理命案初

詳備錄供招案而不斷獨熱河積習相沿多遲至分限屆滿纔發詳册即行解勘詳到未及批示而人犯已逕

解到省其中有情節支離引斷錯悞應駁飭另行審擬者若竟將犯發回則輾轉長途疏脫可慮若發局審辦

則日形擁擠清理愈難嗣後務於解犯之前一月先發初詳並將引用何例擬何罪名加單聲明請示奉批再

行審解如初詳屆限因而不候批示逕行解省不駁則已一或駁審惟將該員調至臬局會審審結後方飭回

任仍記過一次 一各省解勘供招皆有定式熱河辦理初報與招冊分爲兩截凡勘驗情形證佐供詞初報固備載矣而招冊內則將前半截不錄僅以通報在案四字了之及調初報與招冊比對常有前半與後半互異者如姓名更變傷痕錯亂日月顛倒供看不符等弊不勝枚舉此皆由於一案分爲兩截安得不一案辦成兩歧嗣後招冊內均宜先錄初報錄畢接叙招冊該道府於勘轉時若遇所屬來招未錄初報者詳請記過一次飭令補錄總期供看吻合再爲照轉並於正冊外隨賚毛冊一本毛冊係照正冊謄寫毋庸蓋印 一各屬命盜應以光緒三十四年十一月初九日恭逢 恩詔以前之案爲舊案事在 恩詔以後者爲新案舊案每府州縣每月應審解二起如能審解三起以上者每起記功一次不及二起者記過一次一起未解者記過二次新案兇犯在逃能於百日內緝獲者一名記功一次無獲者記過一次獲犯依限審解不准壓新積舊如逾限不解每案記過一次每月解審新案三起者記功一次三起以上以次遞加功過仍准相抵營汛無承緝命案之責如能緝獲逃兇每名審實亦准記功一次 一京控上控及命盜各案發交讞局委員審訊扣除提傳人証日期能於一月內審結者每起記功一次不能審結者每起記過一次功過仍准相抵 以上暫行章程如有應隨時變通之處仍請由奴才酌量增減咨部商權以便施行 光緒三十四年十二月二十四日奉 旨覽欽此

謹將承緝盜案核記功過暫行章程八條繕具清單恭呈 御覽 一各府州縣訪聞某鄉某牌出有盜案無論事主投報與否立即知照營汛捕弁星夜馳赴失事地方會勘被盜情形查問賊黨多少來蹤去迹選派兵役跟蹤捕拿於一個月內拿獲盜首及殺人夥盜每名記大功一次拿獲未經拒捕殺人之盜每名記功一次一月外拿獲盜首及殺人夥盜每名記功一次拿獲未經殺人夥盜三名記功一次 一地方盜案定限十日內通稟如有無故違逾不報者記過一次兩月記大過一次三個月以上撤叅其中有別項緊急事件應扣限者許其聲明至一月內拒捕殺人重案無獲記大過一次未殺人之案無獲記過一次疏防限滿無獲每案記過一次限外無獲每三月記過一次 一正印官既已議定功過則凡分州分縣分防巡檢均有地方之責

嗣後地方失事亦應照正印官捕盜章程核記功過 一熱河全境巡防營並綠營捕盜營弁兵嗣後於該管地方失事該管官哨官均與地方官一體依限核記功過亦准相抵其緝捕不力之兵丁責成該管官提比兵丁能於一月內拿獲首盜及殺人夥盜一名或夥盜三名均由地方官從優給賞若一月外獲盜者不賞但免提比倘兵丁妄拿無辜頂替圖功或誣良爲盜私刑嚇詐定即從重治罪失察之該管營弁一併議處如營弁知情故縱立予叅革歸案審辦 一盜犯拿獲到案除將上盜情形贓物下落有無殺人放火等事訊明外再將供出首夥逐一跟究某某年若干歲身材長短面色黑白有無疤痕操何口音係何處人某某現有父兄妻室子孫常在何處娼寮賭場游蕩或別有窩窠在深山破廟屯聚逐一切實訊明立單隨同供摺稟送一面懸立賞格開載姓名年貌不拘何人均許協緝解送到官領賞 一盜犯捕獲訊有確供隨時通報如遇狡供熬刑未能遽定罪名但須事主夥盜供指確鑿者即將該犯收禁不得僅押外封以免疏虞如有疏脫盜犯者定將管獄有獄官照例叅處 一平日未出盜案之先各府州縣文武官弁豫用空白印票與連界隣封文武官弁會銜會印彼此互換各若干張以備臨時緝盜之用一旦失事隨明盜跡逃在某界即選撥兵役發給會票持往協捕以免彼處兵丁團紳頭項人等觀望致盜遠颺但須各立會票號簿隨用隨銷隨時互相轉移稽查以防弊竇 一大股賊匪形同叛逆即應隨時飛稟以憑調兵勦辦偷地方文武貽誤事機致釀大患自應按律治罪不在此次捕盜章程之列 以上暫行章程如有隨時變通之處仍請由奴才酌量增減咨部商推以便施行 光緒三十四年十二月二十四日奉 旨覽欽此

摺奏類二

度支部奏議覆御史涂國盛奏湖北賑捐請代收免保實銀摺

奏爲遵 旨議奏事光緒三十四年十二月十五日軍機大臣欽奉

諭旨御史涂國盛奏湖北賑捐收

數有限請准代收免保實銀一摺著度支部議奏欽此欽遵由軍機處抄交到部查原奏內稱湖北原辦賑捐專收銜封貢監等項爲數本微本年交春以來水災之後繼以颶風釀之靈潦爲災江漢並漲隄圩潰決田廬

被淹災廣民衆工鉅款艱籌辦之難已可概見幸湖廣總督陳夔龍奏懇 天恩准予添收七項常捐均以一年爲限如有捐助賑款實銀在萬兩以上請援照江南賑捐成案專摺奏請優獎以示鼓勵等因於本年七月初四日內閣奉 上諭欽奉 諭旨著照所請辦理該部知道欽此欽遵在案惟自七月開辦以來將近半年之久不但捐助賑款實銀在萬兩以上者尙未見諸奏報即七項常捐聞其收數亦不見多良以捐局林立難望踴躍此固辦理賑捐之實情第思災廣民多米糧騰貴轉瞬春撫爲日方長誠宜寬籌的款俾免委填溝壑擬請援照江南廣東現辦賑捐成案 特准湖北賑捐一律代收免保實銀亦以一年爲限湊作工賑之資等語臣等伏查近年江南廣東等省被災經該督撫等先後奏請代收免保舉留省兩項常捐以一半解部一半留作該省辦賑之需均經奉 旨允准在案本年湖北地方被災曾經該督奏准添收七項常捐並捐助實銀萬兩以上者奏請優獎以資賑濟今御史涂國盛復以湖北災廣民多轉瞬春撫爲日方長奏請援照江南廣東成案代收免保實銀以一年爲限該御史自係因關懷桑梓寬籌賑款起見惟江南廣東直隸等省均係代收免保留省兩項銀兩以一半解部一半留備賑款湖北自應一律辦理臣等公同商酌湖北災區亟應預備春撫擬請援照江南等省成案由湖廣總督代收免保舉並留省兩項常捐實銀以一半解部一半留作湖北辦賑之需予限一年限滿即行停止恭候 命下即由臣部行知湖廣總督遵照辦理所有遵議緣由謹恭摺具陳伏乞 皇上聖鑒謹 奏光緒三十四年十二月二十三日奉 旨依議欽此

廣西巡撫張鳴岐奏請將梧州原撥春字五營底餉再予展限片

再准度支部咨核覆梧州關第一百九十結收支各款以該關原撥春字五營底餉改充親兵口糧銀十萬兩應截至三十三年十一月爲展限期滿此次第一百九十結支過三十三年十一月至三十四年正月一季銀二萬五千兩計已溢支兩個月咨令提還列收等因臣查梧州關原撥春字五營底餉改充親兵口糧銀十萬兩上年因截留期滿奏請展限經度支部議覆准其接支三十三年一年原冀期滿之後地方平靖即將各屬

親兵分別裁減以節餉需乃冬間適有兩關之變沿邊各州縣外防寬匿內杜勾結腹地各州縣嚴搜零匪預絕響應親兵皆斷不可無察看情形萬難裁汰故前項底餉雖已展限期滿而一年以來仍不能不用舊撥支以濟眉急現在邊塵雖靖越匪未清各州縣善後之事不止一端皆不能不用親兵之力本年桂林平樂梧州三府復被水災雖已加意撫循而餘孽奸民尙恐乘間竊發巡防緝捕尤未可稍鬆况綠營早已裁撤各州縣護解軍餉人犯看守倉庫城池無一不惟親兵是用原定額數實有萬難裁減之勢伏查桂省親兵薪餉歲需五十萬兩經前撫臣柯逢時奏明除截留春字五營底餉十萬兩及裁存綠營官兵俸餉約十萬兩分別抵支不敷甚鉅當此度支奇絀即使准留前項底餉協助已覺竭蹶不遑若竟少此來源更屬無從彌補惟有仰懇天恩俯念廣西情形異常艱窘准將梧州關每年原撥春字五營底餉改充親兵口糧十萬兩除三十四年分已經撥用外再予展限撥用出自 逾格鴻慈一俟地方大定財用稍充即行奏明停止謹附片陳請伏乞 聖鑒訓示謹 奏光緒三十四年十二月二十三日奉 旨該部議奏欽此

熱河都統廷杰奏遵章考試候補各員分別去留摺併單

奏為遵章考試捐保在省候補投効正佐各員取列等第分別去留恭摺具陳仰祈 聖鑒事竊查憲政編

查館咨行奏准考驗外官章程第五條載在省候補人員認真通行考試嚴定去留除正途出身及高等以上卒業學生及歷任重要差使各員無庸考試統歸考驗辦法外餘均由督撫率同司道嚴行考試一次分列五等其考試一二等者分別差委三四等者令入法政學堂分別速成長期兩班肄習俟得有卒業文憑再予差委其不列等者即飭令回籍至入學堂以後統按前條卒業考試辦理奏明咨部等因奴才伏查此次奏定考驗外官辦法取列一二等者分別差委三四等者令入法政學堂肄習不列等者飭令回籍是於澄清仕途之中仍寓造就人才之意奴才自蒞任以來每於接見寮屬無不考言詢事以覘其才具而察其賢愚茲奉奏定考驗新章奴才自當認真考試嚴加察核萬不敢虛應故事稍涉瞻徇致滋冗濫惟熱河候補人員無多向以投効各員兼充差委自應一併考試以定去留除正途出身及高等以上卒業學生暨任重要差事各員照章

免予考試仍歸考驗辦理外其捐納保舉候補投効正佐各員均經調齊督率熱河道謝希銓承德府知府管廷獻在奴才衙門嚴行面試各該員等文理通順頗見實學者尙屬不少取列一等者七員二等者七員三等者九員四等者十二員五等者二員遵將取列一二等者分別差委三四等者令入法政學堂分別速成長期兩班肄習俟期滿考試堪給卒業文憑再予差委五等者卽照不列等章程飭令回籍以期仰副 朝廷揚清激濁裁冗汰濫之至意除咨部查照外所有遵章考試捐納保舉候補及投効正印佐雜各員取列等第分別去留緣由理合繕具清單恭呈 御覽伏乞 皇上聖鑒謹 奏光緒三十四年十二月二十四日奉

旨該部知道單併發欽此

謹將遵章考試捐保在省候補投効正佐各員銜名取列等第繕單恭呈 御覽 謹開 一等 第一名

試用巡檢李宗元 第二名試用知縣王蓋臣 第三名投効候選縣丞張克俊 第四名投効補用知府榮

綬 第五名候補知縣呼延杰 第六名試用知縣王國治 第七名試用府經歷繆綸 二等 第一名投

効縣丞銜杜兆霖 第二名投効候選府經歷汪迪瀛 第三名投効州同銜曹濬 第四名候補縣丞郭宗

孟 第五名補用通判李樹南 第六名試用縣丞葛祥璐 第七名補用州判宣鴻烈 三等 第一名試

用府經歷陶秉璋 第二名試用府經歷張廉 第三名候補知縣竇人楨 第四名投効候選縣丞李澗培

第五名候補通判崇培 第六名候補同知陳楠 第七名補用知縣辛煒 第八名投効補用縣丞彭景

炎 第九名試用縣丞沈守璞 四等 第一名投効候選縣丞方雨田 第二名投効縣丞銜鐘格 第三

名試用巡檢康國鼎 第四名試用典史蔡世瑤 第五名試用巡檢康祖望 第六名投効候選州同王永

清 第七名試用巡檢徐顯章 第八名投効候選知縣徐復慶 第九名試用縣丞劉鐸 第十名候補巡

檢畢承祐 第十一名投効候選縣丞李文昱 第十二名試用典史梁聘儒 五等 第一名試用府經歷

郭家鼎 第二名補用縣丞張壽齡 光緒三十四年十二月二十四日奉 旨覽欽此

直隸總督楊士驥奏長蘆補欠積欠二款請照案推展五年摺

奏爲長蘆補欠積欠二款勢難補征仍請照案推展五年以舒商力恭摺仰祈 聖鑒事竊查長蘆應征補

欠積欠二款係嘉慶道光以前叅商欠項於道光二十八年清查案內議令現商按引攤交前因商累已深奏准自同治十三年起停征五年嗣於光緒四年九年十四年十九年二十四年二十九年六次奏准推展各五年在案扣至三十四年十二月限滿據長蘆鹽運使張鎮芳稱此項補欠雖係遠年叅商征欠之款究關課項現值時艱帑絀如果商力能完原難再准展緩雖自道光二十八年釐定科則以後加征各項加價均於領引時先行籌墊近復先課後鹽並新增加價等款運本增重領引維艱又值庚子兵燹元氣大傷本年水旱成災錢盤增漲商力已屬不支若再將遠年叅商舊欠責令代還轉恐擊動現年課款得不償失據通網商人瀝情籲請推展該司詳加體察確係實在情形請照案自宣統元年起展限五年俟限滿再行察酌核辦等情具詳前來臣查現課本較舊欠緊要必須先顧現課庶無誤京協各項餉需蘆綱自遭兵劫元氣未復兼以迭次加價運本愈增愈重商情艱窘異常完交現課已屬力盡筋疲勢難責令再還舊欠應懇 天恩准如所請辦理藉恤商艱所有長蘆補欠積欠二款仍難補征請照案再展五年緣由理合恭摺具陳伏乞 皇上聖鑒訓示謹 奏光緒三十四年十二月二十六日奉 旨著照所請該部知道欽此

陝西巡撫恩壽奏奏蒲城令李體仁擅押濫刑請革職不准捐復片

再值此振興學校研求教育之際凡有地方監督之責者宜如何提倡維持俾端風化卽有童蒙新進循矩越規亦應誘掖提撕繩之以正從未聞刑驅勢迫臨之以威者茲查有蒲城縣知縣李體仁褊急操切擅押濫刑始因教育會不明權限倚勢生非繼竟牽涉學堂藉端停課斥退解散自有定章乃李令體仁不辨是非輒卽差拿多人濫責擅押以致士論譁然事經藩學兩司先有所聞卽將李令稟請撤任委員查辦詳請奏參前來奴才覆查無異且查李體仁夙負虛聲此次辦事荒謬實有出於情理之外者若非查辦迅速幾至釀成重案僅予褫職不足蔽辜相應請 旨將蒲城縣知縣李體仁卽予革職不准援例捐復以爲貌飾誠篤欺世盜名者戒其蒲城教育分會及學堂另行招考並將管理教授各事宜應如何認真整頓之處由學司督飭地方官照章辦理所有查明蒲城縣知縣李體仁濫刑擅押從嚴叅辦各緣由理合附片陳明伏乞 聖鑒謹 奏光緒三十四年十二月二十九日奉 旨著照所請該部知道欽此

宣統元年正月十五日第肆百伍拾伍號

本局設立北京東長安牌樓王府井大街
電話內城總局第二百零一號

政 治 官 報

目 錄

●宮門鈔○
 預籌黃河辦法並添撥經費摺○交
 蒙債困苦向銀行息借銀兩片○署江北提督奏違章裁併更定巡防隊摺併單○又奏議覆東督奏
 巡警局經費等片○又奏核覆伊犁軍警察隊額兵餉乾另行開支片●摺奏類二○民政部奏請飭蘇撫
 造解金輒摺○又奏核覆伊犁軍警察隊額兵餉乾另行開支片●摺奏類二○民政部奏請飭蘇撫
 摺○直督奏查明霸州靜海淀地被災分別蠲緩摺○鄂督奏將軍奏佐領等任法專擅摺○東督等奏
 吉林銀圓廠第七屆用過銀銅等項並盈餘數目摺●章程類○續吉林教育官報章程●廣告

宮門鈔

正月十四日 吏部 呈進春季摺紳 吏部封奏一件

召見軍機

諭旨

監國攝政王鈐章

正月十四日內閣奉

上諭陝西延綏鎮總兵員缺著張定邦補授欽此

軍機大臣署名奕劻世續張之洞鹿傳霖那桐

交旨

正月十四日

監國攝政王鈐章

軍機大臣欽奉

諭旨度支部奏幣制重要宜策萬全請仍飭會議一摺著交會議政務處妥議具奏欽此

軍機大臣署名奕劻世續張之洞鹿傳霖那桐

正月十四日內閣傳 旨事由單

吏部奏翰林院撰文缺請

調補江甯府知府等缺事奉

月選山西甯武府知府李祖年調取引

旨依議○度支部奏宣統制錢呈

簡事奉

旨圈出趙士琛○又奏核議兩江總督奏淮安府知府楊鍾義等

見事奉

覽事錢樣五匣奉

旨知道了錢留○又奏各省舊案擬請截清

年分勒限開單報銷事奉 旨依議○又奏安籌湖北土稅仍請按月解撥並將溢收各款就案開除事奉

旨依議○又奏議覆知縣楊悅捐助湖北賑銀請獎事奉 旨依議○又奏議覆江西賑捐屆滿請再

展限一年事奉 旨依議○又奏核覆陝甘官電局並電報學堂常年收支經費暨大修線桿動用各款事

奉 旨知道了○又奏核明金銀庫上年十二月分收支各款事單一件奉 旨知道了○吏部陸軍部

都察院各奏陪祀單均奉 旨知道了○給事中御史查齋覆奏事奉 旨知道了○都察院奏二十日

祭 祈穀壇揀派給事中御史查齋事奉 旨知道了○又奏二十二日恭上 大行太皇太后

尊諡二十八日恭上 大行皇帝尊諡前期齋戒揀派給事中御史查齋事奉 旨知道了○理藩部

奏年班蒙古王公台吉及回子貝勒公等應得盜甲折 賞銀兩可否照例 賞給請 旨事奉

旨照例賞給○又代奏章嘉呼圖克圖因得 賞物叩謝 天恩事奉 旨知道了

正月十四日外摺奉 旨事由軍 張鳴岐奏請以董大培補醇林直牧摺 吏部議奏○又奏籌認派往日本學額經費片 該部知道○又奏

桂省產錫各處由富寶官礦局經理片 該部知道○又奏請以張德淵試署泗城守摺 吏部議奏○又奏

請以候守胡銘榮等充秘書員各差片 該部知道○又奏上年十月分雨糧情形摺 知道了○又奏請以

王履農試署北流令摺 吏部議奏○又奏同知和廷彪稽征不力暫行革職片 著照所請該部知道○又

奏升補永安牧茹沛禮請開缺修墓等片 吏部知道○又奏請將選用令陳廷傑等留桂差遣等片 著照

所請該部知道○王芝祥奏接印日期謝 恩摺 知道了○莖岫奏查明將軍連順等叅款覆奏摺 著

照所請該部知道

摺奏類一

度支部會奏議覆魯撫奏預籌黃河辦法購料培堤並添撥經費摺

奏為遵 旨議覆事內閣抄出山東巡撫袁樹勛奏預籌黃河辦法擬請增購石料加培堤

工並添撥經費一摺光緒三十四年十二月初二日奉 旨該部議奏欽此欽遵到部查原奏內稱山東河窄險多兩岸一綫沙隄專恃埽壩爲保障而埽壩悉資稽葺持久殊難經前升任撫臣周馥奏請常年磚石經費分撥三游連歲拋護四慶安瀾僉謂磚石之功居多臣前次巡閱河防周歷險要親見其足資抵禦仍宜抱定宗旨擴充石工則加廂稽料之資即可遞減以後每歲節省尤鉅況來歲非往年可比津浦橋工已定基於中游濼口該處河面連旱灘寬不過三里其橋柱矗立中洪恐冬令冰凌擁擠夏秋汎水抬高種種實多阻力臣前與督辦津浦鐵路大臣籌議凡緊靠鐵橋壩堤雖由鐵路局酌加修築然祇爲保護路工起見至距橋較遠之工責任三游總辦在水小時雖致病或不覺其重若驟來盛漲不惟中游受困在先卽上游盈槽懼溢下游積淤難容新險環生均所難免莫如增購石料加培堤工各按三游地段距山遠近分別運石燒磚又下游堤工以徒駭尾閘不暢較上中游尤形卑薄卽無鐵橋阻碍而加培亦難延緩當飭詳細履勘將購石培堤兩項核實確估除額撥續撥防汎搶險各經費外至少約共需銀十萬兩不動部撥年例各款就本省藩運兩司庫設法挪湊作正開銷等語臣等伏查山東黃河歲由本省籌撥防汎經費六十萬每年伏汎添撥搶險經費五萬嗣以河患頻仍光緒二十九年戶工二部議覆前撫臣周馥奏陳辦法五條案內准該撫自籌二百六十七萬兩分爲三年湊濟工需之用旋據奏稱疏築下口展寬大堤設立汎堡三條暫從緩議仍以加培堤身酌改石堤二條爲最要司道各庫加提盈餘一項每年收數不足二十萬連工捐屯價併計亦無八十萬可籌此後亦儘前三項收款察看工情緩急分年辦理經前戶部行令不得率挪別項以省軛轉自工捐停止之後前撫臣楊士驤奏撥三十三年培堤專案銀十五萬

署撫臣吳廷斌奏撥三十四年堤石各工銀十五萬均請由司道各庫挪湊亦經臣部核准咨行各在案今據該撫以磚石各工辦有成效預籌來年濼口修建鐵橋堤岸倍形緊要援案請撥經費銀十萬兩係爲先事預防起見指陳各節均屬實在情形估需銀數亦與歷屆成案有減該省如果無碍京協各餉臣部自應准其在於藩運兩庫動支仍飭河防局員認真辦理毋得草率偷減以重工需至前項工程自二十九年奏辦以後雖與臣部三年分辦原議款項多寡工程大小不同惟籌辦迄今初無閒斷如果已辦之工並皆堅久則逐漸增修全堤石工終有告成之日綜觀歷任撫臣治河各奏僉以堤身卑薄由於河底日高祇因費鉅工艱爲此急則治標之計通計前後六載用款已屬不貲究竟險要各工辦到十分之幾應令卽飭河防局員將該省全河形勢各按經管地段繪圖送部凡業經修築之處分別標識逐一註明使完缺情形部中皆有所稽核數年以後堤工一律鞏固卽可騰出款項宣濬下口疏濬中洪庶幾標本兼治永慶安瀾臣部亦得按期而責效實於財政河防兩有裨益如蒙 皇上聖鑒再此摺係行知山東巡撫遵照辦理所有臣等議覆緣由理合恭摺具陳伏乞 皇上聖鑒再此摺係度支部主稿會同農工商部辦理合併陳明謹 奏光緒三十四年十二月二十八日奉 旨依議欽此

度支部奏議覆晉撫奏察哈爾行銷蒙鹽加價摺

奏爲遵 旨議奏事山西巡撫寶棻奏察哈爾行銷晉省蒙鹽應完銷鹽省分加價一文仍由晉省自行抽收以資應用一片光緒三十四年十二月十四日奉 旨度支部議奏欽此欽遵由內閣鈔出到部據原片內稱查晉省口內外行銷青白蒙鹽既奉准加價所有晉省應

得銷鹽省分加價一文自應由晉稽收抵補藥稅之用今閱邸鈔察哈爾都統奏請將此項蒙鹽加價暫免分撥等因則晉省明年禁種土藥無可抵補查此項加價產銷省分各得一文係各省一律照辦該旗蒙鹽未便獨異相應請旨飭下度支部咨行察哈爾都統嗣後行銷

晉省蒙鹽應完銷鹽省分加價一文仍由晉省自行抽收其七月分起已收之款並即核數解晉以清界限等語臣等伏查本年十月據察哈爾都統奏請設局試辦蒙鹽並暫免分撥銷鹽各省一文加價等因當經臣部查以此次奏准通行鹽斤四文加價係一半解部一半劃歸產鹽銷鹽省分勻撥濟用該處咨請免撥銷鹽省分加價一文核與奏案不符碍難照准應令於一年截數時將應撥銷鹽省分加價錢各若干即行照數易銀分別報解等因咨行察哈爾都統及山西巡撫在案今山西巡撫請由臣部咨行察哈爾都統嗣後行銷晉省蒙鹽應完銷鹽省分加價一文仍由晉省自行抽收其七月分起已收之款並即核數解晉以清界限等因該撫自係尚未接到臣部前次咨文故有此奏應請飭下察哈爾都統轉飭鹽局查明本年七月分起至此次文到日止所有已收蒙鹽行銷晉省應完銷鹽省分加價一文共有若干如數解交晉省嗣後即照山西巡撫所奏由晉省自行抽收以免轉轄所有等遵議緣由理合

恭摺覆陳伏乞 皇上聖鑒謹 奏光緒三十四年十二月二十八日奉 旨依議欽此

●又奏議覆東督奏蒙債困苦向銀行息借銀兩片再東三省總督徐世昌奏蒙旗債累困苦所有前向大清銀行籌借節省之十萬兩仍向大清銀行息借另訂合同利息限期悉照前合同辦理專為東三省籌備接濟蒙旗之需等因一片本月十五日奉 旨度支部議奏欽此欽遵由內閣抄出到部當以所稱節省十萬兩不知指何項而言劄令銀行監督張允言查

明聲覆茲據覆稱東督因代還札薩克郡王債務所借銀行四十萬兩祇須用三十萬兩節省十萬故欲再向息借此項借款息微期久深慮受虧呈請奏明此後各省如向銀行借款須示限制惟此十萬兩之數仍在原借四十萬兩之內究與另行借用有別等語查此次該督奏請息借銀十萬兩既據查明在原借四十萬兩之內且由該督認明擔保應即准如所奏向該銀行息借另訂合同以昭信實至所稱將來借給何旗仍取具印文以所收荒價租賦抵償一節未免範圍太寬且大清銀行官商合辦係具商家性質斷非臣部所能強令借給現據該監督呈請限制此後接濟蒙旗如有向銀行借款之處應由該督自行向該銀行商酌毋庸由臣部轉飭俾清權限所有遵 旨議奏緣由理合附片陳明伏乞 聖鑒謹 奏光緒三十四年十二月二十八日奉 旨依議欽此

署理江北提督王士珍奏遵章裁併更定巡防隊摺并單

奏為江北巡防馬步隊及衛隊等營餉制參差名目繁瑣謹遵部章裁併更定繕具清單恭呈御覽仰祈 聖鑒事竊維江北毗連皖豫管鑰東南水陸交通久為盜匪出沒之區緝捕巡防為目前第一要務原設巡防步隊六隊馬隊二隊兵力單薄既已不敷分布而餉項發

銀發錢顯分優劣無以一軍心曾奉部咨飭令改定以限於財力致未照辦曾於三十二年經前署提臣劉永慶奏明在案奴才渥荷 厚恩忝膺重寄不敢不通籌全局勉為其難冀圖補救查江北提署舊設有衛隊小隊名目自前署提臣劉永慶將舊有衛隊併入警察另招衛隊兩哨精加訓練為標防各營模範數年以來頗有進步擬加添募一哨編成一營作為巡防第七營馬隊人數太少擬將第二隊馬隊改為步隊以馬乾抵兵餉餉不加多兵增一倍作為

巡防第八營合之原設六隊共改成步隊八營馬隊一營以之分防各屬庶足以建樹聲威惟查江北原設步隊六隊餉項舊章第一二三等隊餉由各省協解即以所解之銀發給正兵每名月餉三兩五錢第四五六等隊暨馬隊兩隊餉由釐金動支即以解收之錢發給正兵每名月餉四千八百文從前銀價平落之時每銀一兩易錢一千五百文上下銀餉錢餉相較尙無盈絀今則銀價漲至一千八九百文以錢扣銀四千八百文之餉僅合銀二兩五錢左右以視支領銀餉之兵少至一兩同爲防隊而餉制乃相懸殊當此百物昂貴之時支領錢餉之兵大有獨抱向隅之勢奴才以爲欲用兵力不能不固兵心兵丁各有身家必使無內顧之憂始足以作同仇之氣似應一律改爲銀餉以示均平且准兩江督臣咨到陸軍部奏定巡防隊章程亦應將江北名目繁瑣之營隊裁併改定以昭畫一擬自宣統元年正月初一日起改定新章一律辦理惟步隊三營馬隊一營均改發銀餉每年短解計在一萬四千七百餘兩而活支等款尙不在內查江北經費極其困難釐金復祇有此數奴才何敢議及加餉增兵而時勢相迫而來亦不敢沿襲因循貽誤大局祇得於無可籌展之中將各項可裁可減之款力加刪汰以濟餉源然以所減所裁之款抵撥所加之餉每年尙不敷銀約五千二百餘兩仍由奴才設法騰挪隨時覈入銷案造報總期餉不虛糜兵有實效仰副 朝廷整軍經武之至意除將更定防隊餉制及裁減各項名目銀數開列清單恭呈 御覽並分咨陸軍部支兩部外所有遵照部章裁併更定巡防隊各緣由理合繕摺具陳伏乞 皇上聖鑒勅部立案施行謹 奏

光緒三十四年十二月二十六日奉

旨該部議奏軍併發欽此

謹將江北巡防馬步隊遵照部章更定營制餉章並增兵加餉裁併各項數目繕具清單恭呈

御覽 計

開 統領項下 統領官一員月支統費銀一百四十兩江北限於經費擬令統領兼帶一營故統費從儉擬定 書記官一員月支薪水銀十二兩 會計官一員月支薪水銀十二兩 執事官一員月支薪水銀十二兩 司書生二名每名月支薪水銀六兩 馬弁二名每名月支餉銀四兩二錢馬乾銀三兩 護兵四名每名月支餉銀三兩六錢部章原設十四名江北限於經費今減設十名登明 伙夫二名每名月支餉銀二兩七錢 以上官弁兵夫十四員名每月薪餉統費馬乾共支銀二百二十二兩二錢統計常年十二個月共支銀二千六百六十六兩四錢左右路兩統領共支銀五千三百三十二兩八錢遇閏照加馬弁兵夫扣建 巡防步隊營制餉章項下營制照部章餉章照江北成案略為變通登明 管帶官一員月支薪水公費銀各六兩十兩統領兼帶之營不支薪水 哨官三員每員月支薪水銀十四兩公費銀六兩 哨長三員每員月支薪水銀十兩 書記長一員月支薪水銀十二兩 司書生五名每名月支薪水銀六兩統領兼帶之營減設一名 護目一名月支餉銀三兩九錢 護兵十六名每名月支餉銀三兩六錢 鼓號目一名月支餉銀三兩九錢 鼓號兵六名每名月支餉銀三兩六錢 什長二十四名每名月支餉銀三兩九錢 正兵二百十六名每名月支餉銀三兩三錢 伙夫二十四名每名月支餉銀二兩七錢 以上每營官弁兵夫計三百一員名每月薪餉公費共支銀一千二百十兩二錢統計常年十二個月共支銀一萬四千五百二十二兩四錢遇閏照加目兵夫扣建 查統領兼帶之營應刪去薪水銀六十兩司書生一名六兩每月共刪銀六十六兩巡防馬隊營制餉章項下營制照部章餉章照江北成案略為變通登明 管帶官一員月支薪水公費銀各六十兩馬乾在內統領兼帶之營不支薪水 哨官三員每員月支薪水銀十四兩公費銀三兩馬乾銀三兩哨長三員每員月支薪水銀十兩馬乾銀三兩 書記長一員月支薪水銀十二兩 司書生五名每名月支薪水銀六兩統領兼帶之營減設一名 護目一名月支餉銀三兩九錢馬乾銀三兩 鼓號兵六名每名月支餉銀三兩六錢 鼓號目一名月支餉銀三兩九錢馬乾銀三兩 什長十二名每名月支餉銀三兩九錢馬乾銀三兩 正兵一百八名每名月支餉銀三兩

三錢馬乾銀三兩 伙夫十二名每名月支餉銀二兩七錢 馬夫十二名每名月支餉銀二兩七錢 以上官弁兵夫一百八十一員名馬一百三十五匹每月薪餉公費馬乾共支銀一千二百兩統計常年十二個月共支銀一萬四千四百兩遇閏照加日兵夫扣建 查統領兼帶之營應刪去薪水銀六十兩司書生一名六兩每月共刪銀六十六兩 所有江北巡防隊馬步各營自宣統元年正月初一日起一律照此銀數支放造報以歸畫一所有活支等項仍照向章辦理 查江北舊設步隊統領項下每年支銀二千三百三十七兩又舊設馬隊統領項下每年支銀一千四百五十四兩四百文按江北時價約合銀八百餘兩今照章改發餉銀核計兩統領每年不敷銀約二千一百餘兩 又舊設第一二三步隊每隊每年支銀一萬五千三百十二兩今照改定之餉核計每隊每年節省銀七百八十九兩六錢三隊共節省銀二千三百六十八兩八錢舊設第四五六步隊每隊每年支銀二萬九百二十六千八百文按江北時價約合銀一萬一千六百餘兩今照章改發銀餉計每隊每年不敷銀約二千九百餘兩三隊共不敷銀約八千七百餘兩舊設馬隊二隊每隊每年支銀一萬八千七百八十四千八百文按江北時價約合銀一萬四百餘兩今改第一隊馬隊為銀餉每年計不敷銀約三千九百餘兩改第二隊馬隊為第八營步隊每年計不敷銀約四千一百兩舊設衛隊兩哨每年支銀一萬四千八百五兩六錢今添募一哨合成一營為第七營步隊照章核計每年節省銀二百八十三兩二錢又兩統領不支兼帶坐營薪水每年應扣銀一千四百四十兩又應扣兼帶之營司書生二名每年應扣銀一百四十四兩除將節省及應扣各款劃抵外總共不敷銀約一萬四千七百餘兩 江北裁減官弁勇丁薪糧項下 一裁舊設親軍小隊官二員每年節省銀二百六兩二錢八分又步勇八十名每年節省銀四千六百八千文按江北時價約銀二千五百餘兩 一裁親兵營步隊官二員每年節省銀二百七十九兩二錢三分又勇丁一百名每年節省銀五千七百六十千文按江北時價約合銀三千二百兩 一核減添製軍火器械工料約計每年節省銀三千二百餘兩 以上三項每年共裁減銀九千四百餘兩抵補新定餉銀之不足尚不敷銀五千二百餘兩仍由奴才續行設法登明光緒三十四年十二月二十六日奉 旨覽欽此

●又奏添設清江巡警局經費等片 再清江巡警局經前署提臣劉永慶暫行章程於光緒三十一年九月會同前兩江督臣周馥奏明開辦在案現准民政部疊咨奏定巡警各項章程飭令欽遵辦理自應先從清江巡警遵章添改以期逐漸推廣當即札行該局去後茲據總辦清江巡警局務署准揚海道吳學廉稟稱遵即參酌地方情形將應增應改各名目一律更定自本年十一月起遵照新章改辦每月約增各項額支經費銀七百餘兩活支衣履雜項等費向無的款即在江北防餉內設法籌挪從前暫行章程每月額支各局官弁兵夫薪餉錢二千五百餘千以時價核銀約在一千四百餘兩又活支衣履軍裝器械等銀四百餘兩今既遵照部章更定辦理有應行改良者有應行添設者規制擴充經費亦因而增益如才復核尙無浮冒除咨明民政度支二部併入奏銷案內列冊造報外謹會同兩江督臣端方附片陳明伏乞聖鑒飭部立案謹 奏光緒三十四年十二月二十六日奉 旨該部知道欽此

●又奏陸軍警察隊額兵餉乾另行開支片 再江北陸軍警察隊經前署提臣徐紹楨遵照部章擬定暫行試辦簡章並附設陸軍警察練習所奏明開辦在案查該隊正副目兵四十名及練習所學生四十名均由二十六標第一營學兵內挑選程度稍高者撥充原支餉數略爲加給並借用砲隊之馬二十七匹每月馬乾亦歸砲隊支給開辦之始原爲節省經費暫行試辦起見故目兵馬匹均由各營撥用數月以來頗著成效如才伏思設警察隊以維持軍紀爲陸軍應有之編設且係遵照辦理似未便因陋就簡永占他營兵額至數十名之多茲擬將所撥學兵四十名作爲警察隊額兵並馬二十七匹亦作爲該隊額設之兵所有兵餉馬乾銀兩自宣統元年正月起另行開支即將營撥之兵額馬匹購募補足並將警察練習所所撥學兵

四十名亦飭歸營今該局正副教員每日就學兵營講堂講授陸軍警察切要學術似此兵額既不容懸功課亦不至間斷而所增餉乾每月不過三百餘兩除咨明陸軍部外理合附片陳明伏乞 聖鑒謹 奏光緒三十四年十二月二十六日奉 旨陸軍部知道欽此

摺奏類二

民政部奏請 飭蘇撫造解金磚摺

奏為奏

聞請

旨事竊臣部接收前工部事宜內有金甌一項查例載金甌由江蘇燒造運至通州工部派員驗收入場交通水道敬謹管守凡行取金甌毋庸拘定年分於將次用竣時查明實在需用數目尺寸

奏明辦理歷經遵辦在案查臣部接收工部冊開計大小金甌七千八百餘塊迭經恭辦

普陀裕

定東陵大殿

明樓配殿暨

景陵

隆恩殿各要工先後共取用金甌四千餘塊現除啞

聲殘缺不堪應用外所存甌數無多茲值

欽派大臣於

東

西陵查勘

德宗景皇帝

陵寢地勢興工在邇需材孔亟且金甌一項製造需時非倉猝所能蒞事相應請 旨飭下江蘇巡撫轉飭承辦各員敬謹先期燒造二尺二寸金甌一千塊二尺金甌三千塊一尺七寸金甌四千塊務期質美工精堅潔如式於造成後照例派員妥運以備要工而免貽誤臣等為慎重要工起見理合恭摺具陳伏乞 皇上

聖鑒訓示謹 奏光緒三十四年十二月二十二日奉 旨依議欽此

民政部奏併案核覆伊犁歲修倉庫銀兩等摺

奏為併案核覆伊犁光緒三十二三十三兩年分歲修倉庫工料暨採買各項用款恭摺仰祈 聖鑒事據

署伊犁將軍廣福奏伊犁光緒三十三年分收支銀糧數目照案核銷一摺單一分光緒三十四年六月二十

二日奉

硃批該部知道單併發欽此欽遵由內閣鈔出到部嗣據該將軍將前項清冊咨送前來臣等

查該省三十二年分歲修倉庫等項支款各文冊未據咨送到部未便越案辦理正在備文催取間准陸軍部將接管劃分前工部卷內該省三十二年分歲修倉庫等項支款各文冊及三十一年分前工部核銷成案一

並咨送前來臣等督飭司員按冊詳核無異自應併案核銷以清案牘查冊開光緒三十二年分修理糧倉銀庫軍器局火藥庫四處支工料銀一百兩修整洋槍採用鋼鐵木炭等項支銀一百五十兩印房糧餉駝馬滿營務滿營糧房五處採買摺料紙張支銀五百兩共開支湘平銀七百五十兩又光緒三十三年分修理倉庫軍器局火藥庫四處支工料銀一百兩修整洋槍採買鋼鐵木炭等項支銀一百五十兩印房糧餉駝馬滿營務滿營糧房五處採買摺料紙張支銀五百兩共開支湘平銀七百五十兩以上兩案核與成案支用款目相符應請一併准銷除陸軍度支部應銷之款及以湘平折合京平扣儲候撥應由該部自行核辦外所有臣等併案核覆伊黎光緒三十二三十三兩年分歲修倉庫工料暨採買各項用款緣由理合恭摺具陳伏乞

皇上聖鑒謹 奏光緒三十四年十二月二十二日奉 旨知道了欽此

江甯將軍清銳等奏佐領等枉法專擅請交部分別議處摺

奏爲佐領徇情枉法專擅妄爲防禦驍騎校疎於覺察均應請 旨交部分別議處恭摺仰祈 聖鑒事竊查兵丁月缺挑放後卽札由該管官按照應領餉銀給放不得稍有含混此係各駐防定章茲據甯防鑲紅旗二甲孀婦王趙氏稟稱伊子林松自本年八月奉挑馬甲九十兩個月並未關領餉銀嗣查知係該管領催文保等挖改公事挪移糧缺卽赴本管佐領愛仁額處控告斷經兩次餉項仍未給領懇求訊究等情奴才等接閱來稟殊深詫異當卽發交左協領據實研訊勿稍瞻徇頃據署左司鑲藍旗協領吉林覆稱遵按原稟逐細傳案研訊緣王趙氏之子林松於八月挑放馬甲本應支領餉銀而領催文保因其子亦在挑途起意央託同事領催銀生將公事挖改挪在其子名下以便朦領馬甲餉銀生則因掌檔案時將牌冊上每口計銀錯算受其挾制允代挖移得以各遂其私現均供認不諱該管鑲紅旗二甲佐領愛仁額於九十兩個月放兵餉時聽其舞弊並不追查已屬顛預迨王趙氏稟控後初意尙擬秉公訊判及領催文保等自知罪重串遞息結求和該佐領既不會商本牛彙防禦驍騎校亦不嚴治領催文保等以挖改公事挪移糧缺之罪卽允其和解不辦實屬徇情枉法專擅妄爲該防禦懷清驍騎校如興雖不知情亦屬疏於覺察擬請將領催文保銀生均

革追錢糧嚴加責辦文保係起意舞弊於責辦後請仍拘禁三個月再行釋放至佐領愛仁額防禦懷清驍騎校如興等係屬職官應請 奏交陸軍部分別議處以示懲儆等情詳請核辦前來奴才等覆核該司所擬尙無不合除將挪改馬甲錢糧立即更正發給林松支領並將領催文保銀生照擬革糧責辦拘禁外其徇情枉法專擅妄爲之佐領愛仁額疎於覺察之防禦懷清驍騎校如興應請 旨交部分別議處以昭炯戒而肅官方謹繕摺具陳伏乞 皇上聖鑒訓示謹 奏光緒三十四年十二月二十四日奉 旨著照所請該部知道欽此

直隸總督楊士驥奏查明霸州靜海涑地被災分別蠲緩摺

聖鑒事竊查文安

奏爲查明本年霸州靜海二州縣涑地被水災歉請將租銀分別征抵蠲緩恭摺仰祈 大城霸州靜海四州縣涑泊地畝應征租銀前經奏明中稔之年照常征收若值災歉應照安州東北兩涑地畝成案分別豁減緩征歷經照辦在案茲據東涑水道局天津道齊耀琳詳稱本年文安縣大城縣涑地均已成熟並無災歉應征本節年租銀照常征收霸州涑地各項五十三畝二分額征租銀二十八兩五錢九分六釐秋禾被水成災請蠲免十成之五銀一十四兩二錢九分八釐尙應征蠲贖銀一十四兩二錢九分八釐已於上忙征起靜海縣涑地三百五十五頃五十九畝六分額征租銀五百三十三兩三錢九分四釐內除獨流一村共涑地二百四十六頃四十四畝七分因大清河漲淹澇勘明歉收三分請將應征租銀三百六十九兩六錢七分五毫援照成案蠲免十成之三銀一百一十兩九錢一釐一毫內有本年上半年忙花戶長完銀六兩一錢六釐應行流抵宣統元年租賦外尙應蠲贖銀二百五十八兩七錢六分九釐四毫照常征收其積欠十四至三十三等年未完涑地租銀二千九百六十五兩九錢九分一釐二毫請緩至宣統元年秋後啓征其餘洋芬港當城等二村共涑地一百九頃一十四畝九分均已成熟額征租銀一百六十三兩七分三釐五毫照常征收其節年民欠租銀一併帶征又靜海縣南北兩泊地均已成熟應征本節年租銀照常征收並造具冊結詳奏前來臣查係實在情形仰懇 天恩俯准將霸州靜海二州縣本年被水涑地租銀並節年民欠分

別征抵獨緩以蘇民困除將册結咨部外理合繕摺具陳伏乞
二月二十六日奉 旨著照所請度支部知道欽此 皇上聖鑒訓示謹 奏光緒三十四年十

湖廣總督陳夔龍奏考察屬員分別舉劾摺

奏為考查鄂省各員賢否據實分別舉劾以裨治理而肅官常恭摺仰祈 聖鑒事竊維吏治之隆污民生

之休戚因之當此時艱孔亟振興庶務之時恪奉 新綸更諄諄以察吏安民興學禁煙嚴申訓誡蓋地方

一切行政得失其責成首重當官治亂乘除捷如影響故惟有勤加甄叙冀成上理之規而要宜互用激揚作

起中材之策臣忝承 恩命奉職楚疆夙夜兢兢時虞曠墜每於考核屬吏不厭求詳半年以來既經確

有聞見固不敢蔽賢以滋疚亦何容長厚以沽名查有江漢關道齊耀珊才識宏遠精氣內斂理煩治劇因應

咸宜署武昌府事鄖陽府知府黃以霖篤實精明體用兼備署漢陽府事襄陽府知府曹允源老成練達表率

攸資署漢陽縣事長樂縣知縣李曾麟勤政愛民志趣不苟署黃岡縣事應補知縣熊賓勤明果斷辦事實心

署應山縣事漢陽縣知縣滕松政平訟理卓著循聲署保康縣知縣曹元鼎規畫學務秩然有條署天門縣事

前署興國州知州羅慶昌熱心興學士民愛戴以上八員均屬治行可觀允孚輿論自應仰懇 恩諭嘉獎

以表賢能候補知府丁柔克年力衰邁聲名平常公安縣知縣濟生庸懦無能難膺民社署通山縣事穀城縣

知縣陳思泉吏治廢弛罔知振作撤任竹山縣知縣陳瑜瑛聽斷不明才具竭蹶京山縣知縣張受中迂懦無

能翫視學務署麻城縣知縣劉炳南延勒學款意不在公署遠安縣知縣周旭昶庇丁役侮辱學界補用同知

黃申之戒煙不力巧為掩飾試用知縣譚文定行止不端聲名甚劣署漢陽縣蔡甸巡檢棗陽縣平林店主簿

楊岳芬不知自愛通城縣典史劉雲駒煙癮太重漢陽縣教諭李克欽病癯皆深襄陽縣雙溝巡檢劉廷枋性

情暴戾沔陽州鍋底巡檢王旭操守難信漢川縣劉家隔巡檢趙文寶委靡昏庸江陵縣沙市巡檢李德悅罔

識廉隅試用典史張忻行止有虧以上各員均屬庸劣不職未便稍事姑容丁柔克擬請勒令休致濟生陳思

泉陳瑜瑛三員文理尙優擬請開缺以教職改選張受中劉炳南二員擬請開缺另補周旭黃申之譚文定楊

岳芬劉雲駒李克欽劉廷枋王旭趙文寶李德悅張忻十一員擬請即行革職以儆效尤如蒙 俞允所遺

公安等缺鄂省現有應補人員應請扣留外補如尙有應舉應効人員容再隨時察明請 旨辦理庶幾勸懲兼用仕路廓清勉副 朝廷孜孜求治之至意所有考察賢否分別舉行緣由理合繕單馳陳伏乞 皇上聖鑒訓示謹 奏光緒三十四年十二月二十八日奉 旨另有旨欽此

東三省總督徐世昌署理吉林巡撫陳昭常奏吉林銀圓廠第七屆用過銀銅等項並盈餘數目報銷摺奏爲吉林銀圓廠重鑄銀圓謹將第七屆用過銀銅折耗工料等項銀兩並應得盈餘數目循案截期造冊報銷恭摺仰祈 聖鑒事竊查吉林銀圓廠庚子亂後重行開鑄業將自光緒二十七年二月十八日重鑄之日起至三十二年十二月底止所有鑄造銀圓用過銀圓折耗動支工料實存盈餘鑄本等項數目曾經六次分晰造報核銷先後奉部覆准各在案茲查第七屆自三十三年正月一起至十二月底止共鑄成五種銀圓四百六十七萬二千四百一十七圓計重八十八萬二千四百六十一兩九錢三分經本省官商陸續兌換發出共用寶銀七十五萬四千八百二十四兩九錢七分四釐六毫遵章配合初鎔重鎔銅珠十四萬二千八百五十二兩六錢三分五釐四毫內除各項折耗一萬五千二百五十五兩六錢八分廠中需用料件隨時價值銀四萬三千五百二十九兩九錢七分八釐一毫三絲員司匠徒夫勇等薪水工食暨心紅局費銀三萬八千四百五十九兩六錢一分八釐一毫二絲外淨得盈餘銀圓四萬五千六百四十七兩三錢五分九釐一毫五絲連上六屆所存盈餘鑄本兩項銀圓銀七十一萬四千三百二十四兩三錢五分三釐七毫五絲四忽共應存銀圓銀七十五萬九千九百七十一兩七錢一分二釐九毫四忽除先後奏准留局鑄本銀二十一萬一百七十五錢七分二釐一毫三絲八忽奉部指撥吉長路款銀五十萬四千二百六十六兩七錢八分一釐六毫一絲六忽外計盈餘項下實存銀圓銀四萬五千六百四十七兩三錢五分九釐一毫五絲等情據度支司轉據前代理銀圓局事收支委員吉林候補知縣劉銘鼎造具細冊呈請核銷前來 臣等督同度支司覆加詳核逐款勾稽委係實用實銷並無浮冒除將送到清冊咨送度支部查核外所有吉林重鑄銀圓第七屆支存盈餘等項銀兩數目截期造報緣由理合恭摺具 奏伏乞 皇上聖鑒 飭部核銷施行謹 奏宣統元年正月初四日奉 旨度支部知道欽此

西歷一千九百九年二月六號 星期六

本局設立北京東長安牌樓王府井大街

宣統元年正月十六日第肆百伍拾陸號

電話內城總局第二百零一號

政治官報

目

錄

●宮門鈔○事由單●摺奏類一○度支部會奏議覆直督奏永定河另案工程擬由本省撥款興辦摺○又奏郎中林景賢請開去殺虎口監督在本部參議上行走片○陝撫奏巡警經費請 飭立案片○東督等奏江省軍餉款緝懸撥常年經費摺○滇督奏改設巡警學堂併教練所摺●摺奏類二○度支部奏遵議滇督奏大員捐廉助賑請獎片○吏部奏議覆滇督奏前辦界務各員請獎摺并單○陝撫奏參庸劣不職各員摺○贛撫奏舉劾屬員摺○浙撫奏甄別屬員分別獎懲摺○東督等奏江省巡防制兵需過餉乾銀數摺○又奏呼倫貝爾副都統署設立文案處經費報銷片○豫撫奏黃河三屆安瀾循例彙保出力各員摺并單○滇督奏請將道員杜慶元留滇補用片○粵督奏拿獲革命黨出力員弁請獎摺●廣告

政治官報 目錄

正月十六日第四百五十六號

一

宮門鈔

正月十五日 祥普續假五日

召見軍機

正月十五日內摺傳 旨事由單

內務府奏加上 皇太后徽號應用玉 冊玉 寶呈 覽請 欽定事冊寶二分奉

旨喜字一號

正月十五日外摺奉 旨事由單

端方奏蘇皖贛三省提鎮司道府密考摺 知道了單留中○張鳴岐奏設立諮議局籌辦處情形摺 該衙門知道○又奏辦理農林試驗場片 該部知道○又奏訪聘勸修衡桂鐵路工程師片 該部知道○又奏請以廖葆真調補賀縣令摺 吏部議奏○又奏藩司余誠格交卸起程片 知道了○又奏委王芝祥等署藩臬各缺片 吏部知道○又奏審勸靈川昭平等縣命案彙奏摺 法部議奏單併發○又奏審勸臨桂永福等縣命案彙奏摺 法部議奏單併發

摺奏類一

度支部會奏議覆直督奏永定河另案工程擬由本省撥款興辦摺

奏為議覆直隸永定河另案工程擬由本省撥款興辦恭摺仰祈 聖鑒事內閣抄出直隸總督楊士驤奏永定河堤卑矮日甚請分年撥款加培土方一摺又奏估修求賢壩金門閘並挑挖減河請一併撥款興辦一片光緒三十四年十一月二十五日奉 旨該部議奏片併

發欽此欽遵到部查原奏內稱永定河近年河身日見淤墊兩堤日形卑矮今歲大汛之前履勘兩岸堤高灘面僅三四五六尺不等及八月十三日之夜漲水距堤頂不過尺餘兼有不及一尺之處現查兩岸灘面較大汛前又淤高二尺有餘倘來年再如本屆之盛漲則已高過隄頂尺許防無可防茲由廳汛核實勘估酌量加培統計兩岸四百餘里共估土二百萬一千一百餘方需銀三十七萬四千八百七十兩零分作三年籌撥懇准飭部自宣統元年起到三年止每年撥發加培另案銀十二萬四千九百五十六兩以濟要工又附片奏稱該河南北兩岸自蘆溝橋而下舊有減壩二十餘座漸次淤閉現在僅存北岸三工之求賢壩南岸二工之金門閘兩處一則壩身酥裂一則龍骨過低啓放爲難已同虛設據估該壩閘拆修工料並挑挖減河兩共需銀九萬二千九百八十九兩零懇准飭部一併照數撥發各等語臣等伏查永定河經費自同治九年督臣李鴻章奏准復額後年支歲搶修糶料運脚等款銀九萬四千七百兩光緒十九年又奏添拋辦磚壩銀二萬兩二十年東河督臣許振禕又奏准加撥歲修銀四萬兩浚船經費銀二萬兩自二十七年督臣袁世凱將拋磚浚船兩款奏明停止該河道等卽以就款修防時形竭蹶然現在各款併計每年尙有十三萬四千七百兩之多較之未經復額以前歲支五成工款祇有四萬七千三百餘兩已加增將近兩倍通計二十七年迄今該河額支以及堵口加撥各案用款已有一百六十餘萬兩之鉅而堤工仍不足恃論者多以桑乾之水源出晉邊山水暴發挾沙而下以致河日高而堤日卑然古人論堤本有束水刷沙之法如果將河身受病之處逐年詳細查勘就歲修款項認真挑修何至水去沙停日形淤墊且該處河堤自甲辰至丁未四年兩決雖曰天災究因人事今據該督奏陳堤高灘面不過數尺現在

灘面又高二尺請款培修分作三年舉辦並將求賢金門二處開壩減河一律拆修挑挖之處係爲先事預防起見工程險要自屬實在情形應准如所奏辦理至撥款一節臣部支應要需日不暇給各省關指定之項均已無可騰挪即上年合龍大工撥款多由藩運兩庫墊發自應仍就該省本有之款設法籌濟查臣部本年奏定鹽斤加價案內議令每斤通加四文以一半劃歸產銷省分勻撥濟用蘆鹽通行直豫兩省以每年銷引六十餘萬道核計該省所得總在三十萬兩以上應令該督將即此項培堤經費自宣統元年起至三年止每年應撥銀十二萬四千九百五十六兩暨修理開壩減河銀九萬二千九百八十九兩一併在於長蘆鹽斤加價劃歸本省留用一半款內核實動支仍飭該河道等認真修築毋得以水大之年仍無把握爲詞希圖諉卸並將河工積弊實力掃除飭該河道常川赴工查勘凡河流不甚通暢之處務就常年額支各款隨時修治免致灘面繼長增高以重工需而全民命是爲至要恭候 命下即由臣部行知該督遵照辦理所有臣等議覆緣由理合恭摺具陳伏乞 皇上聖鑒再此摺係度支部主稿會同農工商部辦理合併聲明謹 奏光緒三十四年十二月二十八日奉 旨依議欽此

●又奏郎中林景賢請開去殺虎口監督在本部系議上行走片 再臣部郎中殺虎口監督林景賢前經山西撫臣遵 旨保薦人才由臣部奏明暫行交卸來京聽候查驗當經查驗大臣覆奏奉 旨以道員記名簡放欽此現在該員由承修 崇陵欽工大臣溥倫奏充監督自應開去殺虎口監督差務來京當差竊查該員係臣部得力人員現臣部遵 旨清理財政正在需才該員精明幹練長於綜核合無仰懇 天恩准將該員林景賢開去

殺虎口監督以郎中 記名簡放道在 臣部叅議上行走如蒙 俞允所有殺虎口監督

一差再由 臣部揀員帶領引 見請 旨簡放以專責成理合附片陳明伏乞 聖鑒

謹 奏光緒三十四年十二月二十八日奉 旨依議欽此

陝西巡撫恩壽奏巡警經費請 飭立案片

再查陝省改設巡警道一司亟須遵章部署茲據詳稱遵照奏定官制應設警務總署一所就省城地方置分署七所劃爲二十一區自本年八月初一日起一律開辦所有需用員司薪水雜役口食辦公經費等項核計月需款二千一百兩全年除閏月照加外共用款二萬五千二百兩其預估巡警衣服靴帽器械等項全年活支之數約需款七千餘兩以上統計歲需庫平銀三萬二千二百餘兩均係樽節動支減無可減應准作正開銷懇請 奏咨立案前來 奴才復核無異合無仰懇 天恩准予飭部核准立案以符定制而重地方除仍督飭該道將巡警事宜認真整頓並將總分署及各區支用經費細數按年造具清冊咨部查核外理合會同陝甘總督 臣 升允附片具陳伏乞 聖鑒訓示謹 奏光緒三十四年十二月二十七日奉 旨該部知道欽此

東三省總督徐世昌署理黑龍江巡撫周樹模奏江省事繁款絀懇撥常年經費摺

奏爲江省事繁款絀謹瀝陳困難情形懇 恩飭撥常年經費以濟要需而維邊局恭摺仰

祈 聖鑒事竊維黑龍江地處極邊夙稱貧瘠從前置兵鎮守民事無多自創設府州縣而政務繁興自改建行省而規制益備新政待舉需用遂繁且野多未闢之荒地有蘊藏之寶農業礦務悉待經營若不坐規百年之計亟爲未雨之謀不惟地方無由振興亦恐邊事難於補

救無如財計空虛百端束手因循既慮坐認竭蹶無以圖功此臣等所由日夕焦思不得不詳切上陳者也伏查江省從前歲入全恃部省協款爲八旗官兵俸餉之需自前署撫臣程德全開辦荒務奏設道府廳縣一切支用各款遂以荒價爲大宗然荒價係暫時收入之款並非經久不涸之源故上年改設行省時疊經該前署撫臣將支絀情形上陳 宸聽臣世昌自奉

命總制三省

臣樹模自蒞任受事日念邊務之緊要庶政之殷繁而杆軸告空補苴無

術現在統算本省財政出入計部撥練餉邊防經費及本省捐稅大租稅契等項以積年歲入參考比較每歲不過共入銀八九十萬兩而現有之官俸兵餉邊務及各局處暨各項驛站學堂每歲計應開支銀一百九十餘萬兩其各項活支及建築工程款項尙不在內加以本年奏請新設之道府廳縣各費通盤籌計每年將入款抵用外約尙需銀一百三四十萬兩毫無的款可指比年庫儲乏竭發放各款全用紙幣周轉計度支司挪借廣信公司紙幣積欠已至百萬兩以外均指荒價償還而腹地腴荒已盡領戶欠款難清度支司虛指荒價之名墾務局實無收進之款騰挪周轉會有窮時萬難特爲持久之計臣等百計圖維開運官鹽舉辦屯墾清丈地畝收利均在三四年後不可以責近效而救目前且邊地苦寒不同內省之繁富人民新集尙待官吏之撫綏一切行政務存寬大不敢稍涉煩苛致成羅掘惟是增官設治修政籌邊均屬急切之圖萬不可緩之事亦不得以帑項支絀安坐失時查吉林上年請撥常年邊防經費銀六十萬兩荷蒙 特恩允准在案江省邊綫延長較吉邊尤關緊要且近日整理庶政需款更繁而庫款奇絀較吉省尤甚綜計現在每歲不敷銀百數十萬兩非有的款接濟萬難撐持再四熟思惟有奏懇 天恩俯念邊事艱窘 特准飭下度支部自明年始除

舊撥二十六萬兩外按年籌撥江省實銀六十萬兩以三十萬兩作爲補助舊有各官及新設各官經費以二十萬兩改發巡防兵餉以十萬兩合之上年部撥十萬兩專供沿邊卡倫要需此外如有不敷無論如何爲難應由_臣等竭力設法籌補應用俟數年後諸事辦有端倪荒地逐漸升科捐稅押租亦較現在情形充裕即將此款隨時奏請停撥庶於_{國帑}邊情可期兼顧_臣等實因江省地處邊瘠施設萬難故不得不切實陳明所有懇_恩飭撥江省常年經費緣由除咨部外謹恭摺瀝陳伏乞_{皇上}聖鑒訓示謹_奏宣統元年正月初七日奉

旨度支部詳議具奏欽此

雲貴總督錫良奏改設巡警學堂並教練所摺

奏爲滇省改設巡警學堂暨酌設巡警教練所恭摺具陳仰祈_{聖鑒}事竊准民政部咨奏定各省巡警學堂章程內開高等巡警學堂各省城須設一處限三個月內設立巡警教練所府廳州縣須設一處限六個月內設立其各省已設有巡警學堂者均按照此次奏定辦理各等因當經轉行遵辦去後伏查巡警爲內治之基警學尤爲施行警察之本滇省警察學堂設於光緒三十二年原定章程文武學生各二十名外附團練學生六十名三個月畢業派充教習經前督_臣丁振鐸奏明在案上年_{奴才}到任查原設學堂專係造就警官因於省城設立巡警營挑選土著良民及原設警兵電調四川得力警員來滇管帶教練畢業之後分段站崗旋查警兵程度太低復據前總辦警察局調滇試用道李鏡清會同臬司詳請將原設警察學堂暫行停辦改巡警營爲警士學堂提高警格羅致俊秀於是投考者類皆文理通順之人計上年十二月開堂本年四月畢業共得頭班畢業警士四百一十七名爰於省城內外劃分九區

區設巡官二員司法一員庶務長一員又分設派出所六十三處每所用長巡六名即以畢業警士派充各該警士分區當值之後多能勤供職務掃除積習頓改舊觀此奴才去今兩年編設巡警營暨改辦學堂之情形也茲奉通行章程釐訂極爲明晰既有以示率由之準昭劃一之規自應將省城現設警士學堂改爲高等巡警學堂另行設立教練所招選學生以備巡警之用惟定章高等巡警學生至少須滿五十名應以本省舉貢生員及中學堂以上畢業者考選滇省風氣尙未大開中學堂又甫經開辦斟酌現時情勢不能不略寬成格稍展限期而現有警官又實不敷派用擬先辦高等巡警學堂應行附設之簡易科暫定學額五十名一年畢業俟選有能合高等程度之人再行開辦三年畢業之完全科以期深造至於省城巡警現在警士學堂二班學生亦經畢業合之頭班僅共四百八十餘名除隨時斥退病假外人數亦已無多若待新設教練所一年畢業則缺額填補需人實屬緩不濟急擬請於省城教練所招足百名先開一班暫以六個月爲畢業以後即行遵章辦理惟省外各廳州縣地方困苦財用拮据按照定章有不能不量予變通者滇本邊瘠之區年來新政繁興地方公款羅掘已盡各屬現辦巡警每處多者五六十名少者止二三十名經費已萬分竭蹶若遵定章府廳州縣各設一教練所額限百名目前不特無此多數教員而財力實有不逮蓋瘠苦州縣往往有城內居民不滿百戶鄉間數十里寂無人煙者情形既有不同辦理自難一致擬請於各府直隸州先設教練一處調集所屬合格學生教練其並無屬邑之直隸廳卽酌量送至附近府州附習開辦之始亦請暫勿拘定一年畢業之限俾得因地制宜其各廳州縣有力能籌款自行設所者仍聽其按章設立以廣造就據署雲南巡警道楊福璋具詳請 奏前來除飭將章程名冊詳

請咨部查核外理合恭摺具陳伏乞 皇上聖鑒敕部立案施行謹 奏宣統元年正月十

三日奉 旨該部知道欽此

摺奏類二

度支部奏遵議滇督奏大員捐廉助賑請獎片

再據雲貴總督錫良奏稱滇省上年被災甚重胥賴各省捐助賑款陸續撥濟災民獲慶更生茲查有調任倉場侍郎林紹年去年在河南巡撫任內因聞滇省災重捐助廉銀一千兩滙解到滇當飭司局照數兌收分別散放在案查該侍郎慨捐鉅款全活甚衆未便沒其好善之忱應如何優予 恩施之處出自 逾格鴻

慈等因附片一件光緒三十四年十一月二十五日奉 旨該部議奏欽此欽遵由內閣抄出到部臣等查

各省官紳士民捐助賑款向准按照賑捐章程請給獎叙今雲貴總督錫良以調任倉場侍郎林紹年去年在

河南巡撫任內因聞滇省災重捐助廉銀一千兩奏請 恩施奉 旨交部議奏臣部查照成案擬令按

照現辦各省賑捐章程移獎子弟銜封貢監翎枝等項應俟該侍郎聲明請獎到日再由臣部照章核辦所有

遵議緣由謹附片陳明伏乞 聖鑒 奏光緒三十四年十二月二十日奉 旨依議欽此

吏部奏議覆滇省前辦界務出力人員請獎摺併單

奏爲遵 旨議奏事內閣抄出雲貴總督錫良 奏稱前雲貴總督丁振鐸因滇緬交界孟連南壘江江洪

涓江一段與洋員照約修立界碑礙事奏懇將出力員弁保獎於光緒三十三年五月初五日奉 硃批

准其酌保數員毋許冒濫欽此欽遵札行洋務局查核辦理茲據詳稱是案在事人員較多現經核實一再刪

減擇其尤爲出力文職七員武職三員詳請具奏給獎等情前來查滇省從前勸辦界務出力人員曾經按照

異常勞績保准有案該員等歷著勤勞事同一律懇 恩照擬給獎用昭勸勵等因於光緒三十四年十一

月初五日奉 旨該部議奏單併發欽此欽遵到部查滇省勸辦界務前於光緒十三二十三等年均由前

該督將出力各員按照異常勞績請獎歷經臣部核准具奏在案此次滇緬界務在事人員經前雲貴總督丁振鐸奏請擇尤酌保奉 硃批著准其酌保數員毋許冒濫欽此今該督遵保文職七員武職三員請照

異常勞績給獎自應謹遵前

旨並查照成案辦理除武職人員應由陸軍部議覆外其單開文職各員

臣等謹按定章悉心核議敬繕清單恭呈

御覽所有遵議緣由謹繕摺具陳伏乞

皇上聖鑒謹 奏

光緒三十四年十二月二十五日奉

旨依議欽此

謹將雲貴總督錫良 奏滇省前辦界務出力人員按照定章悉心核議敬繕清單恭呈

御覽 計開

署雲南鎮邊直隸廳同知請補東川府知府劉成良請以道員在任儘先補用 開缺雲南思茅同知李同壽

請免補同知以知府仍留原省歸候補班前先用 雲南趙州知州吳耀奎請以同知直隸州在任前先用

用 四川補用知縣吳珣請免補知縣以直隸州知州仍留原省歸候補班前先用 雲南試用府知事石

家鏐請免補府知事以府經歷仍留原省歸候補班前先用 以上五員所請獎叙均核與定章相符應請

照准 在任補用同知准補雲南彌勒縣知縣周沆請免補同知以知府用 該員所請獎叙核與定章不符

應改爲俟離知縣任免補同知以知府用 已革分省知州陳鼎樞請開復原官仍分省補用並免繳捐復銀

兩 查定章內開私罪降革人員得有異常勞績准其奏保開復仍分別加五加倍補繳捐復銀兩俟銀兩繳

清給咨送部引 見等語查陳鼎樞由分省補用知州於光緒三十一年間被雲南補用鹽大使駱樹蒸稟

控經雲貴總督丁振鐸查叅以該員不知檢束罔恤聲名奏請革職係屬私罪今得有異常勞績准其開復原

官仍應照章補繳加倍捐復銀兩俟銀兩繳清再行給咨送部引 見

陝西巡撫恩壽奏叅庸劣不職各員摺

奏爲特叅庸劣不職各員以肅官常恭摺仰祈 聖鑒事竊維陝省仕習疲惰固陋相安現值百廢待興勸

善必先懲惡乃能振奮其精神奴才於各廳州縣以下各員中平日留心考查其能勝任有爲者固居多數而

曠職乖方者正所難免奴才既有所見應卽據實 奏叅請 旨分別示懲以肅官常查有准補佛坪廳同

知申應樞性情褊急縱役虐民於署理甯陝廳同知任內苛罰濫刑屢被控訐查有實據漢中府經歷楊增春嗜好不除故違功令韓城縣教諭鄒宗魯品行不端被控有案隴州學正程學孔聲名平常不堪司鐸靖邊縣典史許英敢濫用非刑酷虐自詡宜君縣巡檢童藻任意妄爲性非安靜中部縣典史李鑑清挾私妄稟不守官箴臨潼縣縣丞徐本枝輕率任意久曠職守以上八員應請一併革職以示懲儆管帶巡防第一隊花翎補用游擊焦仁常紀律不嚴爭賭釀案袒護哨弁逃匿抗延焦仁常應請暫行革職仍責令將哨長何質彬交出歸案質訊如再違延另行叅辦留壩廳同知王懋昭精力就衰難期振作汧陽縣知縣裴作則年老有疾事多廢弛洋縣知縣朱祖綬懦弱顛預不勝煩劇試署平利縣知縣劉璋毓衰邁頹唐辦事迂緩陽平關州同牟炳南小有才能不知檢束署佛坪廳訓導阮大振聲名平常署甘泉縣訓導王棣榮性情懶惰以上七員應請一併開缺留省察看此外如再查有泄沓不職各員仍由奴才隨時考察指名嚴叅奏明辦理所開各缺陝省現有應補人員應請扣留外補所有據實特叅庸劣員弁各緣由理合恭摺具陳伏乞 皇上聖鑒 奏光緒三十四年十二月二十九日奉 旨另有旨欽此

江西巡撫馮汝駉奏舉劾屬員摺

奏爲考查屬員賢否據實舉劾恭摺仰祈 聖鑒事竊江西近日吏治懈弛習於酣嬉自非秉公甄別無以挽救頹風臣到任以來留心考查雖賢否未能盡悉其尤爲出色暨庸劣不職各員亟應分別舉劾以資激勸茲查明所屬各員內廣饒九南道文炳條理精密卓著政聲署吉南贛甯道俞明震勇於任事不避艱難署鹽法道南昌府知府徐嘉禾篤實廉明勤求民隱兩康府知府朱錦操履謹嚴辦事切實署餘干縣知縣俞省三務屏浮華辦事核實署臨川縣知縣毛宗澄任事實心不憚勞瘁署豐城縣知縣王濬道才具開展辦事精勤署宜春縣知縣王慶大聽斷平允輿論翕然署贛縣知縣金保權治事有力學務尤勤署上猶縣知縣張元義樸實耐勞力矯積習以上各員均係實有政績懇 恩傳 旨嘉獎以資鼓勵前署定南廳同知候補通判夏濟安工於鑽營大滋物議候補通判高維陳不知自愛聲名平常與國縣知縣秦鎔不治輿情擅離職守

署廣豐縣試用知縣王萬育乖戾任性苛暴擾民試用知縣梁世綸不知檢束有玷官箴試用知縣許大綸習為浮滑性耽樛藩候補府經歷李長泳謬妄糊塗罔知禮法署萍鄉縣蘆溪司巡檢黃德祜屢經被控民怨甚深樂安縣招携司巡檢莫明鎬信用丁役不知自愛以上各員應請 旨一併革職上猶縣知縣陳壽琳辦事迂緩難勝邊要應請 旨開缺另補以肅官方臣仍當隨時隨事認真考核仰付 朝廷澄清吏治之至意所有分別舉劾屬員緣由謹會同兩江督臣端方恭摺具陳伏乞 皇上聖鑒訓示謹 奏光緒三十四年十二月三十日奉 旨另有旨欽此

浙江巡撫增韞奏甄別屬員分別獎懲摺

奏為甄別屬員請 旨分別獎懲以勸賢能而儆庸玩恭摺仰祈 聖鑒事竊維人材升降恒視風氣為轉移吏治澄清端賴激揚之悉當現值時艱孔亟所在需材必彰瘴克公賞罰有信其賢者迺益知振拔不肖者亦爭自濯磨觀感奮興人才不難輩出奴才自履浙以後每於接見僚屬輒諄諄誥誥以期共勉循良又於每月呈期輪派在省候補人員收受呈狀訊供擬批藉以覘其才識凡現任正佐各員則復詳稽文牘旁證與評數月以來見聞較確其名實相符者自應擇尤保獎庸闇不職者亦未便稍事姑容茲查有杭州府知府卓孝復廉潔自持才猷練達講求新政綱舉目張嘉興府知府楊士燮廉幹有為襟期宏遠風聲所樹吏畏民懷署湖州府本任嚴州府知府錫綸潔己愛民整躬率屬頌聲洋溢眾口皆同署甯波府本任湖州府知府夏孫桐踐履篤實器識恢宏率屬清勤體用兼備署台州府同知試用同知吳世欽潔清自好辦事認真於學務頗能實力提倡署海甯州知州棟縣知縣張懷信曉暢治體寬猛兼施下車之初即能整頓庶政物望交孚署龍游縣大挑知縣馮金恩廉靜寡欲樸實耐勞龍游舊多積案該縣到任後節次斷結釐然有當於人心常山縣知縣王社松識遠才俊通澈民隱地方政治皆能認真推行署奉化縣試用知縣王蘭芳治事安詳操守端潔勤於聽斷輿論翕然署鎮海縣昌化縣知縣鄒鎔志慮明通案無留滯於警監工藝等事均能悉心規畫次第觀成署象山縣西安縣知縣程蘇才猷敏折獄有聲整飭地方尤能力任勞怨天台縣知縣杜光佑勤政愛

民清操拔俗證之紳商學界無不異口同稱泰順縣知縣程濟瀛操行純篤聽斷公平辦學熱心最爲士民稱頌以上各員均屬有用之才在浙省尤爲傑出相應請 旨嘉獎以示鼓勵又查有玉環廳同知范慶頤才力竭蹶聲名平常署臨安縣卽用知縣蕭逢源剛愎自用民怨沸騰每於酒後聽訟用刑失常署太平縣試用知縣羅濟美辦事操切不洽輿情歸安縣知縣林基遠嗜酒任性不理公事商民嘖有煩言正任長興縣知縣丁惟晉性情躁戾措置乖方前在該縣任內濫刑釀命匿不報案物議譁然龍泉縣知縣陳海梅操守難信懶性成細行不矜聲名尤爲狼藉署縉雲縣山陰縣知縣葉大章信任丁胥事權旁落民生疾苦直若漠不相關署慶元縣候補知縣涂道康聽斷無才罔知民隱一味因循敷衍習氣已深署宣平縣甯海縣知縣張煊才庸識闇事多廢弛差役弄權怨聲載道候補知縣李如金貪鄙近利懦弱無能辦理海門釐局縱子苛擾商民怨謗試用府經歷歐珽任性妄爲前充巡警局差擅作威福桐鄉縣青鎮巡檢趙惟清聲名甚劣正任歸安縣埭溪巡檢朱爲章老而務得署太平縣松門司巡檢試用從九品程鵬萬濫差滋擾仁和縣典史方奎元辦事粗疏臨安縣典史陸榮被控有案淳安縣典史熊維翰貪贖無厭遂安縣典史范宗蓮肆行無忌樂清縣典史張廷藻受賄有據均擬請卽行革職又署定海廳同知石浦廳同知龔泰對年力就衰辦事竭蹶甯波府通判兼署鄞縣知縣蕭福清嗜好甚深難期振作均請以原品休致青田縣調補蕭山縣知縣李彥銘才具平庸難勝煩劇擬請開缺另補安吉縣知縣鍾大焜居心近厚吏事未諳惟文理尙優擬請以教職歸部銓選署孝豐縣候補知縣陳壽彤識短才庸難膺民社擬請以府經歷縣丞降補以上諸員皆迭經訪查並據各該管上司密稟前來實屬難以寬容致滋民害此外如再有應行舉劾之員容俟奴才查明隨時具陳以清吏治以仰副聖明澄叙官方之至意所有甄別屬員並請 旨分別獎懲各緣由是否有當理合恭摺具 奏伏乞 皇上聖鑒訓示再所有各缺應咨應留請俟奉 旨後咨部分別辦理合併陳明謹 奏光緒三十四年十二月三十日奉 旨另有旨欽此

東三省總督徐世昌署理黑龍江巡撫周樹模奏江省演練巡防制兵需過餉乾銀數摺

奏爲黑龍江省演練巡防馬步制兵需過餉乾等項銀兩數目請 旨飭部核銷恭摺仰祈 聖鑒事竊查江省上年請由裁撤各城制兵歸併官缺截出俸餉等項改練巡防馬步各營參仿中西左右巡警軍餉章變通辦理迭經具奏並咨部查核各在案茲查江省所屬各城先後起練巡防制兵馬隊四營三哨步隊兩營三哨共七營一哨計自光緒三十二年四月初一日陸續挑練成軍之日起至三十三年年底止統共需過餉乾等項二兩平銀二十六萬六千八十一兩五錢一分均由官兵俸餉項下隨時籌撥現據各城副都統總管協領等造冊呈請核銷前來臣等詳加查核委屬照章實用實銷至所動銀款仍俟歸併俸餉核銷案內再行聲明開除並先造具巡防官兵收支銀兩各冊咨部查核以昭核實所有江省演練巡防制兵需過餉乾等項銀兩數目緣由理合恭摺具陳伏乞 皇上聖鑒謹 奏宣統元年正月初七日奉 旨該部知道欽此

●又奏呼倫貝爾副都統署設立文案處經費報銷片 再前准暫護呼倫貝爾副都統宋小濂咨稱倫城遠處興安嶺外三面鄰俄邇來邊務新政日見繁多而該城辦公員不獨不通漢文卽通漢語者亦屬寥寥無幾現既創辦一切自應另設行政機關除例行各蒙旗公事仍由司中照舊辦理外其規畫新政各事擬另設文案處揀派員司悉心經理所有開辦以及常年額支活支銀兩開單咨請核覆前來臣等伏查呼倫貝爾地處西邊關係最屬緊要該副都統咨請設立文案處自爲鄭重邊務整理行政起見業經照准所需之款應請作正開銷除將開支數目咨部外謹附片陳明伏乞 聖鑒謹 奏宣統元年正月初七日奉 旨該部再議具奏欽此

河南巡撫吳重憲奏黃河三屆安瀾循例彙保出力各員摺併單三件

奏爲黃河三屆安瀾循例彙保歲修河防兩案尤爲出力文武員弁謹繕清單籲懇 恩施獎勵恭摺仰祈

聖鑒事竊照豫省黃河兩岸修防及經理河防另款辦工尤爲出力各員定例兩年彙保一次歲修河防兩案定數各准保獎文職二十員二共准保文職四十員武職則擇尤酌量請保並無定額前於光緒三十二年經政務處會同各部嚴定限制保舉新章將河工例保改爲三年一次每案文職不得過十員武職奏咨併

計不得過十員奏明行令遵照辦理因河工自光緒三十一年奏獎以後本年已屆三年應保之期當於奏報霜降安瀾摺內聲明擬請將歲修河防兩案向保四十員者援照山東彙保四十員准保二十員之例減半列保合計兩案不逾二十員之數較之舊額業已大為減少與新章每案十員仍屬相符其武職人員亦當遵照新章辦理於光緒三十四年十月初一日具奏欽奉

上諭著照所議辦理等因欽此欽遵在案伏維河工修守關繫國計民生至為重大必須羣策羣力上下防範周密方能保護無虞三年以來每當伏秋大汛河水異常盛漲兩岸險要環生均經在工文武員弁及河防辦工各員隨時酌度機宜分投竭力搶護奔走於風雨黑夜泥淖赤日之中皆能不避艱危力與水爭洵屬異常勤奮近年各廳一遇險工無不立即保護平穩未至釀成巨患實賴各員迅赴事機搶護得力之所致其勞績殊不可泯即地方沿河州縣亦皆不分畛域幫同催料集夫克勤其事均屬著有微勞據開歸河北二道分別繕具銜名清摺稟請奏保前來臣查保獎為鼓舞人材之具河工重在用人昔年保案並無定額且係一年奏保一次嗣後改為兩年一保復各定以額數限制本屬綦嚴今新章改為三年方准奏保一次年限愈久則在事出力各員人數愈多惟有從嚴切實刪減擇其實在尤為始終勤勞卓著者遵照奏定減半之數計歲修河防兩案統共彙保文職二十員武職則僅保九員均按尋常勞績擬給獎叙實已毫無冒濫謹分繕清單恭呈 御覽合無仰懇 天恩俯准照擬給獎以示鼓勵出自 逾格鴻慈除循例飭取各該員弁履歷咨部查核外理合恭摺具陳伏乞 皇上聖鑒謹 奏宣統元年正月初七日奉 旨該部議奏單三件併發欽此

謹將豫河三屆安瀾辦理兩岸歲修工程及防守大汛尤為出力文職各員繕具清單恭呈 御覽 計開
過班河南補用知府開缺鄭中河通判陳均請俟補知府缺後以道員用 在任候補知府上南河同知黃家駒請俟補知府後以道員用 鄭州直隸州知州葉濟請以知府在任候補 知府用在任候補同知中河通判文銓請俟補同知離任歸知府班後加三品銜 署祥符縣知縣調補准甯縣知縣舒樹基請以直隸州知州在任候補 知府用豫河候補同知王廓請以同知本班前補用 知府用在任候補同知署祥河同知

豫河裁缺即用通判薛爾安請俟補同知離任歸知府班後加鹽運使銜 在任候補知府下北河同知李湘請俟補知府後以道員用 豫河試用同知孔昭慈請俟補缺後以知府用 同知銜代理陽武縣事優貢知縣郝增祜請俟補缺後以同知直隸州補用宣統元年正月初七日奉 旨覽欽此

謹將豫河三屆安瀾辦理歲修河防各工及防守大汛尤為出力武職員弁彙繕清單恭呈 御覽 計開
在任候補都司豫河營上南河守備李明遠請加游擊銜 四品銜懷河營黃沁協守備衡萬清請 賞

給四品 封典 歸德左營守備松濤請俟補都司後以游擊用 鄭上汛把總朱文明請以千總在任候補 武榮汛把總苗恩錫請俟補千總缺後加四品頂戴 中牟下汛額外委朱玉忠請俟補分防後以把

總用 記名驍騎校蘊瑄請俟補缺後以防禦即補 目兵李金鐸請以外委補用 目兵路鴻年請以外委補用宣統元年正月初七日奉 旨覽欽此

謹將豫河三屆安瀾經理河防另款辦工防險尤為出力文職各員繕具清單恭呈 御覽 計開 在任候補知府下南河同知姚詩富請俟補知府後以道員用 在任候補通判試用州同准借補鄭州直隸州州判林履坦請俟補通判後以同知用 試用縣丞鈕彝庚 試用縣丞邵繼鑿 試用府經歷鹿學湘 豫河

試用縣丞金璫 豫河試用縣丞李汝寅 以上五員均請俟補缺後以知縣用 布庫大使職銜任善均請以布庫大使不論雙單月儘先選用 縣丞職銜趙壽奇 縣丞職銜童杰 以上二員均請以縣丞不論雙

單月儘先選用宣統元年正月初七日奉 旨覽欽此

雲貴總督錫良奏請將道員杜慶元留瀕補用片
再查奴才前次奏請將調滇差委廣西補用道杜慶元以道員留瀕補用並免繳離省改指等項銀兩於光緒

三十四年七月二十三日奉 硃批著照所請該部知道欽此旋准吏部咨該員係開復知府未經引

見人員應令給咨赴引俟奉 旨後方准作為道員過班日期等因當經轉行遵辦茲據該員杜慶元稟稱該員由刑部郎中保准俟補知府後在任以道員用補授廣西思恩府知府光緒二十九年經前任兩廣督

巨岑春煊以赴任遲延奏參革職留營効力旋經查明該員赴任未能迅速實係在省委查要案所致會同前
廣西撫臣李經羲奏請開復原官升階免繳捐復銀兩並免送部引 見三十二年二月奉 硃批著

照所請該部知道欽此准補泗城府知府報捐離任以道員補用調滇差委復奉奏留補用雖開復知府未經
引 見惟曾經奏准有案懇請照案免予給咨送引等情前來奴才覆查該員杜慶元開復知府原案業經

奏准免予送部引 見旋由道員調滇奏留補用復蒙 諭旨允准該員現充總辦雲南兵備處要差

正值新軍添練成鎮之時事務紛繁未便遽易生手相應仰懇 天恩俯准將該員杜慶元仍以前次奏准

留滇奉 旨行文按限計算作為道員到省日期並俟補缺後再行送部引 見出自 逾格鴻慈除

咨部外謹附片具陳伏乞 聖鑒訓示謹 奏宣統元年正月初八日奉 旨該部議奏欽此

兩廣總督張人駿奏拿獲革命黨出力員弁請獎摺 旨擇尤請獎恭摺具陳仰祈 聖鑒事光緒三十

四年十月二十七日恭閱電鈔欽奉 上諭邦家不造連遭大喪仰賴 大行太皇太后暨 大

行皇帝廟謨宏遠規畫周詳得以官府又安朝野翕服有約各國亦咸盡情盡禮益篤邦交乃近有不逞之徒

造言生事煽惑愚蒙更有海隅匪黨潛謀內渡妄思擾亂若不從嚴查禁深恐擾害治安著民政部步軍統領

順天府各省督撫督飭所屬文武多派偵巡重懲賞格一體嚴密訪拿勿稍疎縱遇有緝獲上項匪犯立即訊

明就地正法出力員弁准其擇尤請獎以靖地方而肅國紀等因欽此遵即通飭查拿去後旋准署廣東水師

提督李準咨報十一月間密查得匪黨嚴樹豐等在親軍衛隊散放保亞票當選派員弁在省城東門外燕塘

地方將嚴樹豐拿獲訊出匪票係由譚馥葛謙所給即究明寓所馳往圍拿適譚馥外出未歸拿獲葛謙一名

又查有羅澍滄係屬同黨錢占榮曾傳範亦與匪往來經先後拿解到案會同督練公所營務處司道提訊據

葛謙嚴樹豐供認以革命為宗旨與譚馥即文炳同來廣東運動軍隊乘國喪起事不諱並稱譚馥即文炳專

煽惑軍界學界中人已散票數千張交伊嚴樹豐保亞票五十張至親軍衛隊散放因廣東軍隊開通者少勢

力薄弱不如長江易於辦事現長江人數甚多廣西邕龍亦有黨二千餘疊詰其分匿何地頭目何人作何舉動堅不供明據稱已拚一死同黨斷不能供據羅澍滄供認與譚馥葛謙結交知情謀逆書信來往縱迹甚密據錢占榮會傳範供認與譚馥等往來認識並未入會知謀各等情錄供咨請核辦前來查核供詞葛謙曾游學東洋嚴愷豐等亦入武備學堂或充各營兵丁均身受教育知有法律乃竟倡言革命來粵散票運動軍隊希圖乘國喪起事實屬悖逆已極當飭營務處提該犯葛謙嚴愷豐二名先行正法羅澍滄知情謀逆亦罪無可道惟譚馥在逃將來獲案須備質證飭暫行監候俟獲譚馥質明併辦錢占榮會傳範二名以軍人學生與匪往來亦有應得之罪並飭各遞解回籍監禁察閱匪票上書保亞二字中書憑票發洋銀一元整右書某字第某號左書光緒年月日及中部保亞銀票等字旁繞七言四句語極悖謬當即懸賞銀一千圓購緝譚馥並出示解散脅從凡無知領票者但經繳銷或自行銷燬概不追究人心始定軍隊以安一面分電各省督撫巨一體防範伏查粵省地接港澳匪黨最易潛蹤省垣為根本重地城廂內外係商務繁盛之區更為匪所覬覦值此 國家多難 臣深慮變出意外即與署水師提督李準熟商密調營隊扼要屯紮並暗派偵巡四路確探乃該匪黨竟乘機潛來分投散票運動軍隊以圖一逞幸託 朝廷威福及早覺察查辦乃能消除巨患否則難保不為安慶之續該在事員弁不露聲色赴機迅速罪人始得大局賴安而又不事株連禁止騷擾更屬難能可貴自應遵 旨擇尤請獎所有最出力之降補府經歷縣丞廣東補用直隸州知州伍秉誠擬請開復原官仍留原省補用免繳捐復銀兩分省試用縣丞周禮擬請免補縣丞以知縣仍分省補用並 賞加同知銜副將銜補用游擊水師提標中營揀發都司林國祥擬請免補都司游擊以叅將仍留原標儘先補用督標中營儘先守備潘鎮藩新會營崖門千總梁朝彝均擬請免補守備以都司仍留原標儘先補用並 賞加游擊銜相應仰懇 天恩俯賜照准給獎以示鼓勵除干總以下咨部核獎並飭取各員弁履歷照錄犯供分咨各部外所有拿獲革命黨將出力員弁請獎緣由謹恭摺具 奏伏乞 皇上聖鑒訓示謹 奏宣統元年正月初八日奉 旨該部議奏欽此

西歷一千九百九年二月七號 星期日

本局設立北京東長安牌樓王府井大街

宣統元年正月十七日第肆百伍拾柒號

電話內城總局第二百零一號

政 治 官 報

目 錄

●宮門鈔 ○論旨二道 ○交旨四道 ○事由單 ●摺奏類一 ○陸軍部奏酌擬綠營補缺
 ●員缺酌定養廉數目摺 ○烏里雅蘇台將軍奏查明連順等叅款據實覆陳摺 ○御史常徽奏叅大
 臣朋比用事玩視地方摺 ○桂撫奏桂省產錫各處由富賀官礦局經理片 ●摺奏類二 ○陸軍部
 奏覆覆科布多叅贊大臣奏洋務局員請獎摺 ○又奏考察屬員分別獎懲摺 ○江督等奏南贛剿匪案
 將咨調投効各員請照原保給獎摺 ○又奏考察屬員分別獎懲摺 ○江督等奏南贛剿匪案
 內武職各員請照原保給獎摺 ○又奏考察屬員分別獎懲摺 ○江督等奏南贛剿匪案

政治官報 目錄

正月十七日第四百五十七號

一

宮門鈔

正月十六日 蘇瞻岱到京請 安 克王續假十日 文熙請假十日 孫中堂

等封奏一件 吳緯炳封奏一件 禮部奏派告祭 天壇 地壇

太廟 社稷壇 先師孔子廟

派出豫王 櫛貝子 毓岐 毓璋 葵公 內務府奏派告祭 奉先殿

派出慶麟

召見軍機 孫中堂那中堂 蘇瞻岱

諭旨

監國攝政王鈐章

正月十六日內閣奉

上諭二月初八日祭

社稷壇由

監國攝政王代詣行禮欽此

軍機大臣署名奕劻世續張之洞鹿傳霖那桐

監國攝政王鈐章

正月十六日內閣奉

上諭前因御史謝遠涵奏參陳璧虛糜國帑徇私納賄各款當經派令大學士孫家鼐那桐秉公查辦茲據查明覆奏陳璧於訂借洋款秘密分潤開設糧行公行賄賂各節雖屬噴

有煩言究未指有確據惟開支用款頗多糜費前後所調各員不免冒濫等語方今時事艱難該尙書責任綦重自應整躬率屬於用人理財力求實際現據查明各節實屬有負委任郵傳部尙書陳黼著交部嚴加議處郵傳部員外郎金恭壽候補小京官王守爵庸鄙委瑣迹近營私均著卽行革職民政部員外郎丁惟忠以曾經被叅奉旨撤差人員未及數年復至今職較前尤招物議著卽行革職永不叙用餘著照所議辦理該部知道欽此

軍機大臣署名奕劻世續張之洞鹿傳霖那桐

交旨

正月十六日

監國攝政王鈐章

軍機大臣欽奉

諭旨本月二十八日恭上

大行皇帝廟號尊謚閱視

冊

寶及恭上

廟號

尊謚各典禮均由

監國攝政王代詣行禮欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨鑾儀衛奏

監國攝政王下鑾儀使一缺可否帶領引見抑或歸入驗放請旨摺著帶領引見欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨一等威勇侯三等侍衛奎元著一併帶領引見欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨御史吳緯炳奏置買奴婢惡習請嚴行禁革一摺著憲政編查館知道又奏尋常盜犯

請一律照例解勘等語著法部議奏欽此

軍機大臣署名奕劻世續張之洞鹿傳霖那桐

正月十六日內摺傳 旨事由單

內閣奏恭上

大行太皇太后尊諡禮成

恩詔詔式呈

覽事詔式二道奉

旨知道了○又

奏恭上

大行皇帝尊諡禮成

恩詔詔式呈

覽事詔式二道奉

旨知道了○禮部奏恭上

大行皇帝尊諡請 派員恭捧香 冊香 寶事奉 旨派出那桐 榮慶○又奏恭

上 大行皇帝尊諡請 派員捧帛獻爵事奉 旨派出莊親王載功 載潤○又奏恭上

大行皇帝尊諡告祭 大行太皇太后几筵前請 遣員行禮事奉 旨派出毓朗○又奏恭上

大行皇帝尊諡禮節事奉 旨知道了○又奏恭上 大行皇帝尊諡頒 詔禮節事奉

旨知道了○又奏恭上 大行皇帝尊諡 几筵前執事各官事單一件奉 旨知道了○又奏

恭上 大行太皇太后尊諡前期齋戒無庸恭進銅人事奉 旨知道了○又奏擬改職司署門字樣

事奉 旨依議○步軍統領衙門奏餉鞘進城數目事單一件奉 旨知道了

正月十六日外摺奉 旨事由單

陳夔龍奏江漢關百八十九結收支華洋稅鈔摺 該部知道單併發○又奏楚境長江水師各營三十二年

支放俸餉等款銀數摺 該部知道單併發○聯魁奏上年五月分各屬雨糧情形摺 知道了○又奏筆帖

式崇本請以知縣留新差委片 著照所請該衙門知道○又奏伊塔道慶秀請暫緩赴引片 著照所請該

部知道○又奏新疆防營弁勇及台卡義學數目摺 該部知道單二件併發○又奏新疆各屬被災查辦情

形摺 該部知道○又奏編練陸軍辦理情形片 陸軍部知道○又奏協餉抵解賠款片 該部知道○又

奏揀選佐領防禦騎校各缺摺 佐領圈出慶祥防禦圈出春山驍騎校圈出拴桂

摺奏類一

陸軍部奏酌擬綠營補缺彙奏辦法摺 併單

奏為核覆綠營補缺摺件過多酌擬按月彙奏辦法恭摺仰祈 聖鑒事竊查各省新軍逐

漸成立應行籌備事宜頭緒日繁奏件日多而綠營武職請補員缺由 部核覆者綜計此項

奏牘每月多至數十件似不足以昭簡易 臣等公同商酌嗣後此項奉 旨交議摺件擬請

按月核覆分別准駁繕單具奏並比照月選官缺成案以每月二十日爲截止日期自二十一日以後卽歸入下月核辦庶於簡明之中仍寓限制之意謹擬辦法七條另繕清單恭呈御覽如蒙 俞允擬自宣統元年正月爲始遵奉施行其有奉 特旨交議之件仍遵照定例隨時專摺議覆勿庸歸入彙奏辦理所有 臣等酌擬綠營補缺彙奏辦法緣由謹恭摺具陳是否有當伏乞 皇上聖鑒訓示謹 奏光緒三十四年十二月二十六日奉 旨依議欽此

謹將酌擬綠營武職補缺彙奏辦法繕具清單恭呈 御覽 計開 一擬自宣統元年正月起實行辦理彙奏如以前尙有未結之件擬仍另摺辦理不在本月彙奏之內俾免前後混淆 一每月由初一日至二十日所有接到閣鈔擬作一案彙奏自二十一起接到閣鈔或候履歷或查核保案卽歸於下月辦理以每月三十日爲辦結期限以便易於稽核 一每月彙奏一次無論件數多寡擬分兩摺辦理核准之員爲一摺核駁之員爲一摺均隨摺繕單以清眉目 一各省奏補員缺往往並不隨摺咨送履歷除實缺升補及曾經送到履歷之員均可隨時核議外其有必須候履歷者卽併入彙奏議駁稿內催取 一補官之員如該省漏叙考語名次或年歲名字不符等項擬仍隨時行查 一奏催履歷之員該省於某月咨到履歷卽併入某月彙案辦理如係二十一日以後咨到尙須查核則併入下月辦理 一水師補缺摺件亦擬照此辦理仍分別各項水師隨時核覆彙案具奏

科布多辦事大臣錫恒奏試收哈薩克租馬請作爲定額摺

奏爲試收哈薩克租馬已屆兩年尙無窒礙擬請作爲定額恭摺仰祈 聖鑒事竊查阿爾

泰哈薩克性情剽悍謠詐異常迥非伊塔屬哈之比塔城初辦租馬尙有藉口災疫交未足額情事是以奴才於光緒三十二年八月 奏請歲收租馬四百匹時曾經聲明試辦在案竊幸

兩年以來該哈目等尙知喁喁向化野性漸移感荷 朝廷豢養之恩如數爭先交納雖其中不無老弱疲瘦然察其情出至誠殊非奴才初料所及茲據行營營務處呈報計光緒三十二三十三兩年共收租馬八百匹內除照章分撥土爾扈特親王一成馬八十四匹新設南路驛站馬九十匹變賣口老疲瘦馬一百二十四匹報倒馬二百三十一匹餘四釐外實存租馬二百七十八匹餘六釐其兩年變賣馬匹每匹按例價八兩共收湘平銀九百六十兩又三十二年報倒馬匹內以三分定例核算計逾額倒斃馬四匹責令該管人員賠繳例價銀三十二兩兩次共收銀九百九十二兩內除照章動支兩年收馬員役津貼銀七百二十兩外實存湘平銀二百七十二兩另款存儲等因並由該處分年造具清冊呈請核辦前來當經奴才批飭將所存馬匹酌撥牧場妥爲收放以備撥補驛站例倒之馬其報倒馬匹擬照塔城辦法飭令繳驗皮張存備各屯補修農具之用藉杜弊竇伏查此項租馬現已試收兩年毫無窒礙應懇 天恩俯准作爲定額 飭部立案嗣後應否加增隨時酌量情形 奏明辦理每年均限於八月內收齊扣至次年八月底屆滿一年核計例倒並撥賣數目造冊報部並照伊犁章程每年由奴才派員稽查勤惰倒斃不逾定額者官員議叙兵丁記名若疲瘦倒斃逾額者著照數賠補外官員叅處兵丁責懲以重馬政而歸畫一除清冊前已咨部外所有試收租馬情形並懇作爲定額緣由理合恭摺具陳伏乞 皇太后 皇上聖鑒訓示謹 奏光緒三十四年十二月二十六日奉 旨該部知道欽此

雲貴總督錫良奏新設交涉司員缺養廉等款酌定數目摺

奏爲新設雲南交涉使司員缺應支養廉等款酌定數目恭摺仰祈

聖鑒事竊查雲南交

涉司一缺欽奉

諭旨以高而謙補授當經奏明飭赴新任並飭司局將應支養廉等款

酌議詳辦去後茲據雲南布政使沈秉堃等詳稱查滇省界連緬越交涉極繁設立專官自宜規畫久遠應請於俸薪廉役之外優給公費及外交經費俾辦公不虞竭蹶兼得延攬人才藉資臂助並擬照章設立交涉公所選派專員分科辦事惟當試辦之始籌款維艱人才難得暫定爲總務界務工務三科各科應設之僉事一項暫從緩設擬每科設立正副科長並科員各一員亦請暫作差使不作實缺另設英法文頭等繙譯各一員繪圖生二員薪水均量加優給俾得盡心辦事現經會同商酌擬定交涉司養廉每年額支銀七千五百兩照章以八成實支銀六千兩由司庫公件項下開支又俸薪銀一百三十兩酌設門子二名快手十二名皂隸十二名轎傘扇夫七名鋪兵二名每年支工食銀六兩共銀二百一十兩按八成實支銀一百六十八兩均由條丁項下動支又每年酌給該司公費銀六千兩外交經費銀一千二百兩正科長三員每員月支薪水銀一百兩副科長三員每員月支薪水銀六十兩科員三員每員月支薪水銀四十兩頭等繙譯二員每員月支薪水銀二百兩繪圖生二員每員月支薪水銀二十兩應用書手雜役及公所一切經費每月額定銀三百兩遇閏照加由善後局照數實支入冊造報並聲明各科僉事俟酌定有員再行議定薪水等情具詳前來奴才覆核無異除咨部外謹恭摺具陳伏乞 皇上聖鑒敕部立案施行謹 奏宣統元年正月初八日奉 旨 該部知道欽此

烏里雅蘇台將軍堃岫奏查明將軍連順等叅款據實覆陳摺

奏爲查明將軍連順等被叅各款據實覆陳恭摺仰祈

聖鑒事竊准軍機大臣字寄光緒

三十四年六月初十日奉

上諭有人奏參原任將軍連順等朋比用事玩視地方請飭

查辦一摺著堃岫按照原參各節秉公確查據實具奏毋稍徇隱原摺著抄給閱看欽此奴才於到任後密派妥慎司員調集歷年稿案逐一檢查並飭傳烏梁海總管等面加質訊證以卷宗參諸輿論按之原奏所參連順之貪黷奎煥之廢弛車登索諾木之專擅或傳聞有因或事無實據謹將所查實在情形爲我

皇上詳晰陳之如原奏內稱烏梁海爲烏城轄境通商印憑連順等不敢自用印信則以參佐印信爲之等語查烏梁海凡五部落惟唐努烏梁海庫布蘇庫諾爾烏梁海奇木奇克河烏梁海三處總管掌有印信其他扎蘭章蓋等皆微末員弁均無印信戳記亦無參佐名目當將掌有印信之各總管密調前來反復詳詢該總管等僉稱本屬游牧西北邊界與俄地接壤俄人來此經商雖携帶家屬均行止靡定並無在本游牧內久居住戶從未聞將軍連順有售地與人之事總管亦未出過此等印憑等語再三窮詰矢口不移已取具該總管等切結存案備查原奏又稱烏城台站隨丁等項差務光緒三十年五月暨本年四月迭經理藩部議覆請照二十二年各盟會定章程均勻分派不得假藉災歉債務推託諉卸奏准立案理宜永遠遵守乃車登索諾木補授參贊之後以三音諾彥係其部落仍然捏報災情假借應備親王那彥圖駐京當差裁汰佐領開除一百二十餘戶該盟應派差使不遵奏章商同連順等勒派他盟代充爲損人肥己地步等語查烏屬四部落原定各項隨丁差務舊章遇有偏枯不勻飭各該盟長會議擬定後由將軍參贊大臣等酌核公允據情轉奏辦理光緒三十年前將軍連順等亦以各盟差務加增輕重互異擬仿二十二年各盟會定章程奏請由部核發是年奉到部咨以該將軍等所擬甚爲平允卽照所請辦理會經欽遵札辦

在案迨至三十一年三音諾彥部落駐京當差親王那彥圖旗請裁佐領所遺差戶於接准部文時經護理將軍奎煥等札飭該盟遵照趕緊由本盟各旗均勻分派按期接當均有案可稽並非該叅贊車登索諾木捏報災情商同連順等勒派他盟代充爲損人肥己地步也且此案係 欽奉之件昭昭在人耳目豈該叅贊一人所能專主惟聞該叅贊本旗充當各項差

戶或有以遠調近避重就輕該旗管理旗務官員不無稍專之處原奏所指勒派之事或卽因此原奏又稱札薩克圖汗盟公蘊敦多爾濟台吉圖佈多爾濟等屢以差重逃避等語查札薩克圖汗部落公蘊敦多爾濟上年因病與哲布尊丹巴胡圖克圖就近在庫倫地方醫病已經該盟長呈報有案本年六月該盟長續報該旗被災蘊敦多爾濟又未在牧呈請飭令該公回旗藉資整頓當經護理將軍奎煥等據情轉咨庫倫大臣查詢該公現居何處迅卽回牧倘再延遲逗留定行懲辦業已飭屬屢催在案決非因差勒逼所致至台吉圖佈多爾濟現查仍在游牧並未移住他處所奏差重逃避悉屬子虛原奏又稱車登索諾木補缺時因懇求連順薦舉曾私賄數千金是以言聽計從等語查車登索諾木係原任叅贊大臣錦丕勒多爾濟之子當同治九年狃匪擾亂該叅贊錦丕勒多爾濟維持蒙衆收復城垣頗著勞績至今蒙民思之因遂欽其後裔連順之保薦車登索諾木堪勝叅贊之任尙非無因至謂連順必索賄而後薦舉人才係出揣度之詞無從究其實據原奏又稱各旗丁向有赴邊防守之差其赴防與否以賄爲定甚有並不赴防亦可得獎差缺多委私人而尤以三音諾彥部落占其多數供差委之他盟獲益先儘本部以致蒙民愈形不服咸有戒心等語查內邊各卡倫原設防守官兵向係三年更換一次照例駐管台吉得有議叙其餘卡兵別無給獎之條每值該官兵輪換之期例

由各盟盟長等派往尙非該叅贊所能干預原奏又稱牧廠未報地界任令開荒駝馬捏報倒斃孳生以多報少等語查烏里雅蘇台將軍叅贊尙有草廠地各一區前經前護將軍志銳於光緒二十四年間奏明年來秋季藉地取草專備餵養 貢馬之用奉 旨允准在案遵行歷有年所此項草廠地界並未開荒此外無別項牧廠至於駝馬兩廠每年應報倒斃皆有定額例取孳生亦有定數檢閱屢年報部冊籍並未逾額原奏所言未免訛誤惟查前將軍連順賦性偏執識見陋隘遇事師心自用罔恤人言卽同官與之協商亦每不能相洽且於其子約束不嚴難免在外生事雖無貪黷確據其致誘招尤莫不由此茲該將軍連順業已病故應請毋庸置議至護理將軍叅贊大臣奎煥原奏糾叅一則謂其昏弱無能嗜酒廢事再則謂其形同聾瞶貽誤地方查自光緒三十一年正月連順升任遺缺奉 旨簡放奎煥該將軍未經到任改授京職遺缺又奉 旨簡放馬亮該將軍亦未經到任改授京職該叅贊護理將軍印信四年之久於應行應辦事件毫無廢墮交涉和平地方安謐謂爲廢弛殊非定評蓋烏里雅蘇台距京六千餘里地處極邊電報所不通郵信所不及轄境遼遠蒙民語言文字重譯始達凡事輒轉傳聞最易失實至蒙古叅贊大臣車登索諾木自補斯缺辦理蒙古事件尙屬公允並無偏袒本盟苦累他盟之事其於本旗管理旗務官員互調他旗差使畸輕畸重未能覺查似難辭咎但該叅贊駐居任所與本旗相距千里兼顧難周該旗既無管理旗務之員應辦一切統歸本盟盟長節制實非該叅贊所能主持自無所謂專擅亦擬請免其置議惟該旗管理旗務之札齊魯克齊於對調差使時竟不稟承該叅贊又不報明該盟長朦混自專實屬罪有應得未便稍事姑容擬請將該札齊魯克齊阿莫爾卽行革職以示懲儆所有查明

原任將軍連順等被叅各款緣由謹恭摺據實覆陳伏乞 皇上聖鑒訓示謹 奏宣統元年正月十四日奉 旨著照所請該部知道欽此

掌浙江道監察御史常徽奏叅大臣朋比用事玩視地方摺

奏爲大臣朋比用事玩視地方據實利叅請 飭嚴行查辦以維邊要而恤蒙艱恭摺仰祈

聖鑒事竊維烏里雅蘇台地方界連俄境蒙情困苦該將軍等身膺重寄宜如何宅心忠正慎重圖維以仰體 朝廷固圉安民至意乃原任將軍連順貪黷無厭玩地虐蒙署將軍奎煥昏弱無能嗜酒廢事蒙古叅贊大臣車登索諾木徇庇行私罔知大體傳言嘖嘖有令人不勝憤懣者查烏梁海爲烏城轄境通商印憑連順等不敢自用印信則以叅佐印信爲之夫當日頒給叅佐印信豈專爲該將軍等私行賣地用乎朦混掩飾莫此爲甚所得地價又多侵吞肥己貪飽囊橐而棄地利於弗顧營私誤國不知是何居心若任久久朦蔽釀成交涉伊誰之咎烏城台站隨丁等項差務光緒三十年五月暨本年四月迭經理藩部議覆請照二十二年各盟會定章程均勻分派不得假借災歉債務推託諉卸奏准立案理宜永遠遵守乃車登索諾木補授叅贊之後以三晉諾彥係其部落仍然捏報災情假借應備親王那彥圖駐京當差裁汰佐領開除一百二十餘戶該盟應派差使不遵奏章商同連順等勒派他盟代充爲損人肥己地步各蒙代輸甚鉅始云暫替一年迄今三年之久仍未歸復各盟屢以遵照奏章爲請置若罔聞勒派如故以致札薩克盟公蘊端多爾濟台吉圖布多爾濟等屢以差重逃避聖朝二百餘年以來各盟人丁日見繁盛何以該盟獨稱減少合之情理似不相符人丁既有增無減則佐領自不能議裁該盟朦裁佐領違悖奏章推諉差使其爲自便私圖無可疑議風

聞該叅贊補缺之時因懇求連順保舉曾私賄數千金是以言聽計從奎煥則坐受指揮而已近年各部落迭被災荒自顧尙且不暇何能代人任差誠如理藩部所奏此項差務不但鄰盟勢難遽接更恐展轉周折於差務必多貽誤既非慎重之道尤非 國家撫綏藩屬一視同仁之意蒙性素愚推托誤差事猶小激成事端事實大也各旗丁向有赴邊防守之差其赴防與否以賄爲定甚有並不赴防亦可得獎者差缺多委私人而尤以三音諾彥部落占其多數供差諉之他盟獲益先儘本部以致蒙情愈形不服咸有戒心他如牧廠未報地界亦任令開荒駝馬捏報倒斃孳生以多報少種種弊混不可枚舉該將軍等於烏梁海賣地則爲輕棄守土於勒派各盟代差則爲遺失蒙心均爲大局緊要關鍵其餘各情無一爲大臣所應爲弊端百出幾與瑞洵貽穀相等似此朋比爲奸棄地虐下若不嚴行究治何以固邊防而安蒙衆擬請 飭令公正大臣秉公查辦以肅治體再前任將軍馬亮未及赴任復經內調新任將軍壘

帥到任尙須時日年餘以來烏城不但無官辦事且有官甚於無官政治混淆不堪聞問地控極邊非有資望素著實心任事大員不足以資鎮懾而清積弊現在該叅贊車登索諾木諸事專擅署將軍奎煥形同鸞贖貽誤地方實非淺鮮籬籬重要未容玩忽亟宜設法整頓於邊務蒙情方有裨益該將軍等缺分瘠苦此後亦宜量籌津貼俾自愛者得以肅官箴而宏展布如才爲綏邊恤蒙起見是否有當伏乞 皇太后 皇上聖鑒謹 奏

廣西巡撫張鳴岐奏桂省產錫各處由富賀官礦局經理片

再富川縣屬產錫之地頗多前撫 臣林紹年曾經奏明招致駐紮檳榔嶼領事官梁廷芳來桂前往勘辦嗣梁廷芳以礦場散漫不願承辦旋據分省補用道周平珍集股設立寶亨公司稟

請辦理節經 臣 咨部查照並請發開礦執照在案目下辦礦風氣尙未大開寶亨公司股本無多僅止收買錫砂並未自開新井以故無甚起色大利闕藏殊爲可惜富賀煤礦前已由 臣 籌撥的款收回官辦茲查產錫各處多與煤礦相連擬卽一併收回於宣統元年正月起由富賀官礦局一手經理需用資本暫在辦煤專款項下通融籌撥以興地利除咨部查照外謹附片具陳伏乞 聖鑒謹 奏宣統元年正月十四日奉 旨該部知道欽此

摺奏類二

陸軍部奏議覆科布多叅贊大臣奏洋務局員請獎摺

奏爲遵 旨議奏事內閣鈔出科布多叅贊大臣連魁奏光緒二十八年間經前大臣瑞洵奏請將科布

多原設之稽察俄商局改爲洋務局承辦章京改爲總辦筆帖式改爲委員並聲明保案一節查吏部定章專辦洋務出力人員自奉委之日起扣滿三年請獎以十員爲率等語經外務部議奏奉 旨允准在案嗣

以期屆開保該大臣瑞洵開缺回京未及辦理伏查科布多洋務局總辦委員等辦理交涉案件均臻妥洽及今六年未經保獎自應遵 旨酌保擬將該總辦六品銜升用縣丞不論雙單月遇缺卽選縣主簿包文

峰請 賞給該員父母以五品 封典四品頂戴補驍騎校後卽以防禦遇缺儘先坐補委員溥湧請俟

補防禦後以佐領卽補五品頂戴不論雙單月選用府經歷委員包恩駮請俟補府經歷後以知縣補用等因一片光緒三十四年十月初六日奉 硃批該部議奏欽此欽遵到部查 臣 部奏定章程內開嗣後凡有

辦理教案及交涉事件三年無過准照尋常勞績酌保一次等語此案洋務局總辦委員等辦理蒙俄交涉案件均臻妥洽計期已逾三年按照尋常勞績奏請獎叙核與定章均屬相符除文職應由吏部辦理外茲據該

大臣將此案請獎武職溥湧一員履歷咨送到部 臣 等悉心核議該員底銜係四品頂戴補驍騎校後卽以防禦遇缺儘先坐補此次所請係補防禦後以佐領卽補核與尋常勞績亦屬相符應請照准所有違議緣由是

否有當謹恭摺具陳伏乞 皇上聖鑒訓示遵行謹 奏光緒三十四年十二月二十六日奉 旨依議 欽此

陸軍部奏議改科布多軍營保獎年限摺

奏為議改科布多軍營保獎年限事內閣鈔出科布多參贊大臣連魁奏循案酌保科布多軍營章京筆帖式一摺光緒三十四年十月初六日奉 硃批該部議奏單併發欽此欽遵到部原奏內稱光緒二十六年

經科布多參贊大臣瑞洵奏請將部院額缺章京筆帖式等按照邊省軍營勞績擇尤保獎並定三年為期數員為度等情奉 旨允准嗣經該大臣於二十七三十一等年遵 旨開單保獎均蒙 恩施

照准在案本年適屆三載開保之期該章京筆帖式等勤事赴功始終罔懈洵屬有勞可錄謹遵 旨酌

保仍按尋常勞績繕單請獎等因查臣部於光緒三十二年會議嚴定保舉限制章程內開嗣後沿邊各軍及各省駐防練軍統以五年為限列保一次等語此案科布多軍營章京筆帖式三年期滿循案酌保核與奏定新章年限不符自應核改除所保員數應仍准其循案核實開列外所有該處三年期滿獎案擬請亦應改以五年為限列保一次俾與奏定新章得歸一律至此三年期滿請獎之處應毋庸議所有議改科布多軍營保獎緣由是否有當謹恭摺具陳伏乞 皇上聖鑒訓示遵行謹 奏光緒三十四年十二月二十六日奉 旨依議欽此

東三省總督徐世昌奏請將咨調投効各員擇尤留省補用摺 伊單

奏為奉省政務殷繁續將咨調及投効得力之正佐各員擇尤留省以資任使恭摺仰祈 聖鑒事竊維為政以得人為要而用人以取材為先奉省舉辦新政正在規模粗備之時須為循序擴充之計實事求是端賴得人近來分發來省與歷年奏調留奉各員除應送法政學堂肄業及因事故准回原省任差者外尙屬不敷應用臣當即續行咨調京外各員並擇取投効人員之辦事較有成績者酌量差委藉期集事各該員既經明試以事其有成效可稽者自應擇尤留省以資任使查有候選道王崇文等四十員或熟諳政務或著有成績

均經巨逐一考察尙屬得力人員以之留奉補用庶於吏治民生兩有神益謹繕清單按名加考恭呈 御覽合無仰懇 天恩俯念奉省政務日繁需人佐理准將王崇文等四十員各以本班及對品相當之缺留奉補用並懇緩引 見驗看統俟補缺後再行給咨送部以符定制暨援照吉江兩省成案免交離省及班次分發各項銀兩之處出自 逾格鴻慈除將各員履歷咨部查照外理合恭摺具 奏伏乞 皇上聖鑒謹 奏光緒三十四年十二月二十八日奉 旨著照所請行惟該督須隨時考核以免濫竽該部知道 單併發欽此

謹將調奉暨投効正佐各員擇尤留省繕單恭呈 御覽 計開 候選道王崇文 嫻習兵學心細才長

花翎廣西補用知府程道元 志慮精純長於交涉 升用同知直隸州分省補用知縣楊葆鈞 通達政

事 湖北候補知縣金維楸 幹練有為 江蘇補用知縣沈學昌 辦事認真 江蘇試用知縣鹿學厚

綜核精詳 開復四品銜直隸州用直隸候補知縣王維墉 辦事穩練 分省補用知縣孟昭增 精通法

律 分省補用知縣趙增祺 才識明通 分省補用知縣沈壽莊 處事精詳 分省補用知縣趙沛 明

白事理 分省委用知縣王彬 操行謹慎 揀選知縣盛孚泰 實心任事 揀選知縣翟伯恒 樸實耐

勞 揀選知縣韋榮齡 年壯才明 揀選知縣王濟輝 法政專長 揀選知縣蕭仲祁 熟悉法政 候

選知縣汪鳴鶴 才具開展 候選知縣邵樹棠 局度安詳 分省鹽大使韓其楫 辦事奮勉 分省鹽

大使賈耕 學有根柢 掣用鹽大使曾學仁 講求時政 分省試用府經歷文順 強幹有為 貴州試

用縣丞陳驥 心地明白 分省試用縣丞祝炳鑿 趨公勤慎 議叙縣丞劉佐 誠實無欺 候選縣丞

高象森 留心吏治 候選縣丞單恩禧 熟悉警務 候選縣丞程廷恒 操守可信 候選縣丞魯兆銳

治事敏捷 候選直隸州判田寅俊 趨向純正 候選直隸州判范炳淵 講求法律 分缺先選

用訓導陳澤寰 踐履篤實 湖北補用巡檢林鴻 真實不浮 江蘇候補巡檢孫葆青 年富力強 江

蘇試用巡檢王襄 精於總核 候選吏目葉蓁 才堪器使 候選從九陳謀治 樸實動能 候選從九

林仰喬 留心時務 鴻臚寺記名序班全治 志趨端正光緒三十四年十二月二十八日奉 旨覽欽此

東三省總督徐世昌署理吉林巡撫陳昭常奏考察屬員分別獎懲摺

奏爲考察屬員據實甄別請 旨分別獎懲以肅吏治恭摺仰祈 聖鑒事竊查吉省地處邊陲初改行省仕習類多泄沓吏治向不講求迭經 臣世昌會同調任撫 臣朱家寶隨時舉劾在案 臣昭常蒞任後亦詳加攷詢知官方之整飭必情面之先除望風氣之轉移在舉措之各當故每接見僚屬語諄誥誠不厭求詳總期辦一事收一事之效用一人盡一人之長乃數月以來覺廉隅自勵者固不乏人而庸劣難容者亦尙未絕迹茲查賓州直隸廳同知李樹恩年壯才明勇於任事前在農安縣任內興辦各項新政成績斐然署延吉廳同知奉天興仁縣知縣陶彬勤政愛民才長心細隨辦邊務因應咸宜伊通佐領保英阿伊通佐領連科均能留心時事從善如流曾將該署辦公各款提倡新政以上四員擬請 旨嘉獎以資激勸五常廳同知田葆綬聽斷輕率撤省察看尙無別項劣跡准補綬芬廳同知前署榆樹縣知縣廉慈馭下無方致滋物議現調省供差尙能實心任事署磐石縣知縣准補大通縣知縣劉贊棠素有能名因不治輿情屢被紳民控告以上三員擬請 旨開缺另補以觀後效留吉試用知縣韓勳貌似有才操守難信前辦禁烟事宜屢多滋擾候補知縣張維棣聲名狼藉劣蹟顯著留吉補用知縣聶履中年少輕浮供差舞弊升用直隸州知州候補主事文哲環縱容丁役通同作弊榆樹縣司獄巡檢郭元孝庸懦無識擅受民詞署五常廳司獄巡檢試用州同金渭原舉止輕率遇事生風署五常廳蘭彩橋巡檢本任長壽縣一面坡巡檢朱縉樞縱差勒索致釀人命署一面坡巡檢候補巡檢吳金鑑任役私押斃命有案長壽府教授李喬年年老昏庸縱子聚賭烏拉協領全吉藉端攤派訪查屬實以上十員擬請 旨革職以儆官邪似此分別舉劾懲勸兼施庶使明強者益自奮興愚懦者亦自儆惕 臣等爲整頓吏治起見不敢不據實上陳至此外任事各員除再隨時攷察外理合恭摺具陳伏乞 皇上聖鑒訓示謹 奏宣統元年正月初四日奉 旨另有旨欽此

兩江總督端方江西巡撫馮汝駉奏南贛剿匪案內武職各員請仍照原保給獎摺

奏為江西南贛剿匪案內請保武職各員未逾定章籲懇 恩施仍照原保給獎恭摺仰祈 聖鑒事竊

准陸軍部咨覈議兩江總督端方等奏辦理南贛匪徒滋事出力人員擇尤酌保一摺此案欽奉 硃批

准其酌保數員毋許冒濫欽此據該督單開請獎文武共保二十餘員已逾限制應請駁回覈實刪減等語覆

奏奉 旨依議欽此鈔摺咨會前來臣等伏查光緒十九年吏部會同前兵部奏定章程內開嗣後凡奏

准酌保數員之案每案文武各計至多均不得過十員二十年吏部奏定章程又聲明奉 旨准其酌保

數員之案請獎文職不得過十員各等因遵奉在案今南贛剿匪一案所保文職已經吏部議准十員奏覆咨

行在案原保武職僅李瑞袁坦劉清泰李振鏞陳錦堂蔡世衡六員似未逾各計限制該武職等身履行間勤

勞懋著且與文員同功一體未便獨令向隅合無仰懇 天恩俯准將南贛剿匪案內列保武職各員

敕部仍照原單分別覈明給予獎叙以勵戎行而昭平允出自 鴻慈逾格謹合詞恭摺具 奏伏乞

皇上聖鑒再此摺係臣汝驤主稿合併陳明謹 奏宣統元年正月初五日奉 旨該部議奏欽此

雲貴總督錫良奏請將石宸鼎案更正等片

再查雲南在任候補通判按察司經歷石宸鼎於永北釐金差次經升任雲南臬司沈秉堃電委查辦廳員楊

國棟捏報監犯病故案卷久不查覆詳經奴才於甄別庸劣不職各員案內以委查要案瞻徇宕延據實奏參

光緒三十四年三月初三日奉 旨開缺以府經歷縣丞降選當經轉行遵辦去後旋據該員以前項電

飭臬司係於上年十一月二十日電據署大理府知府明祿專差遞送永北明祿未經專送遲至十二月二十

七日始行遞到該員當即查覆並未宕延等情稟經藩臬兩司查明屬實具詳前來奴才覆查該員石宸鼎查

案遲延既係由大理府轉電遲延所致則原參不無冤抑自應據實更正相應請 旨將降選府經歷縣丞

前雲南在任候補通判按察司經歷石宸鼎開復升階原官仍以按察司經歷留於雲南歸應補班補用前署

大理府知府候補知府明祿於轉寄緊要電報並不專差遞送致遲月餘之久實屬遲延事件應請 敕部

照例議處以彰公允除咨部外理合附片具陳伏乞 聖鑒訓示謹 奏宣統元年正月初八日奉 旨

著照所請該部知道欽此

西歷一千九百九年二月八號 星期一

本局設立北京東長安牌樓王府井大街

宣統元年正月十八日第肆百伍拾捌號

電話內城總局第二百零一號

政 治 官 報

目

錄

- 宮門鈔
- 諭旨三道○交 旨六道○事由單
- 摺奏類
- 大學士孫家鼐等奏查覆郵傳部尙書陳璧榮款摺
- 御史謝遠涵奏大員虛糜國帑徇私納賄據實糾參摺

政治官報 目錄

正月十八日第四百五十八號

一

●宮門鈔●

正月十七日 紹英等由

東陵回京請

安 佶公由

西陵回京請

安 薩廉續假五日

無封奏

內務府奏二十一日祭

奉先殿富康行

禮

又奏派致祭

宣仁廟

派出榮公

召見軍機

●諭旨●

監國攝政王鈐章

正月十七日內閣奉

上諭禮部奏擬請舉行

升祔典禮一摺本年三月十二日

德宗景皇帝梓宮奉移

西陵梁格莊行宮暫安距永遠奉安之期為時尙遠若俟永安

山陵後始行

升祔歲月稽遲殊無以妥

先靈而昭誠敬朕心實有未安

德宗景皇帝神牌卽於

奉先殿神庫內擇吉恭製先行

升祔

奉先殿俟將來

山陵永遠奉安禮成後再行

升祔

太廟該衙門其詳查典禮敬謹遵行欽此

軍機大臣署名奕劻世續張之洞鹿傳霖那桐

監國攝政王鈐章

正月十七日內閣奉

上諭現在時事艱難需才佐治國家原不惜重祿以勸士破格以用人乃近來京外各衙門於舉辦要政奏調人員及請加經費往往未能綜覈名實或以微員而膺不次之擢或以一人而兼多處之差究之所薦者未必皆奇特之士所用者實不免奔競之人近年新設衙門新建省分往往多坐此弊冒濫虛糜實爲惡習嗣後各部院堂官及各省督撫奏調咨調各員均由吏部切實攷核官階履歷相符再准發往其所得薪金有多至數處者亦應由該管長官切實裁汰至各衙門官員薪費并著核實釐定毋得漫無限制用副朝廷循名覈實餼廩稱事之至意欽此

軍機大臣署名奕劻世續張之洞鹿傳霖那桐

監國攝政王鈐章

正月十七日內閣奉

上諭湖北勸業道員缺著鄒履和補授欽此

軍機大臣署名奕劻世續張之洞鹿傳霖那桐

交旨

正月十七日

監國攝政王鈐章

軍機大臣欽奉

諭旨

大行太皇太后几筵前行三滿月禮由

監國攝政王代詣行禮欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨

大行皇帝几筵前行三滿月禮由

監國攝政王代詣行禮欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨紹英等奏估修

普陀峪

定東陵

神路營房工程錢糧數目摺單著依議欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨紹英等片奏估修

普陀峪

定東陵

神路營房工程應派監督等駐工所需盤川由平餘支發等語著依議欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨理藩部奏本年來京之蒙古王貝勒公等應於何日何處跪安一摺著於二月初三日

在養心殿跪安欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨理藩部片奏值班來京之蒙古王貝勒公等回游牧請安之日所有恩賜食品貫跋技藝應否停止等語著一律停止欽此

軍機大臣署名奕劻世續張之洞鹿傳霖那桐

正月十七日內摺傳

旨事由單

內閣奏三月十二日

德宗景皇帝梓宮奉移

山陵暫安請

派員恭送事奉

旨派出榮

慶 統隆 楊佩璋

李聯芳○禮部會奏

大行太皇太后三滿月禮事宜事奉

旨知道了○又

奏 大行太皇太后三滿月禮節事奉

旨知道了○又會奏

大行皇帝三滿月禮事宜事

旨知道了○又奏二月初一日

奉上請髮事奉

旨知道了○又奏原任吏部右侍郎溥頤請

賜卹事奉

旨依議○又奏補用道

浙江候補知府李文慧請

賜卹事奉

旨依議○內務府奏拿獲偷竊磁庫磁器賊犯李德兒等請交

大理院審辦事奉

旨依議○翰林院代奏新授撰文趙士琛謝

恩事奉

立春風占事奉

旨知道了○壽者奏估修

昭西陵

明樓方城西南角石荷葉溝嘴工程開

工日期事奉

旨知道了○理藩部片奏各旗吉喇嘛等應令其仍於十九日各回游牧奏

旨知道了

聞事奉

正月十七日外摺奉

旨事由單

陳夔龍奏奉到

遺詔

遺詔日期摺

禮部知道○又奏解甘肅新餉片

該部知道○又奏解

新案賠款片

該部知道○又奏上年二稻收成數片

知道了○又奏請以道員杜愈署郎陽鎮片

該

部知道○又奏耆儒萬斛泉請宣付史館摺

著照所請該衙門知道○又奏委鄒履和署勸業道片

吏部

知道○又奏提督夏毓秀任滿請暫緩

陛見片

著照所請○又奏前署通山令趙震東虧短奏追摺

知道○又奏提督夏毓秀任滿請暫緩

陛見片

著照所請○又奏前署通山令趙震東虧短奏追摺

知道○又奏提督夏毓秀任滿請暫緩

陛見片

著照所請○又奏前署通山令趙震東虧短奏追摺

知道○又奏提督夏毓秀任滿請暫緩

陛見片

著照所請○又奏前署通山令趙震東虧短奏追摺

著照所請該部知道○又奏施南協副將賀廷貴請開缺片 著照所請陸軍部知道○又奏撥長江探訪經費片 該部知道○又奏解籌備餉需片 該部知道○陳啟泰奏三十三年分錢漕案內未完一分以上職名摺 該部知道單併發○又奏奉到 遺詔 遺詔日期摺 禮部知道○又奏解固本京餉摺 度支部知道○又奏上年十月分兩糧情形摺 知道了○馮汝駮奏解固本兵餉片 該衙門知道○又奏解新案賠款片 該部知道○又奏解上年第四批京餉片 度支部知道○又奏上年十月分兩糧情形摺 知道了○又奏巡檢謝承勳俸滿保薦摺 吏部知道○又奏設立諮議局籌辦處情形摺 該衙門知道○又奏解大學堂經費片 該部知道○又奏監生梅秋山之祖母捐資助學請獎片 允行該部知道○廷杰奏保奉天候守張翼廷摺 著照所請該部知道○又奏官銀號續屆一年期滿派員盤查摺 該部知道○又奏年老革兵扣補養贍錢糧等片 該部知道

摺奏類

大學士孫家鼐等奏查覆郵傳部尙書陳璧奏款摺

奏爲查明大員系款據實覆陳恭摺仰祈 聖鑒事竊 臣等承准軍機大臣字寄光緒三十

四年十二月二十三日奉 上諭有人奏大員虛糜國帑徇私納賄一摺著派大學士孫家

鼐那桐秉公查辦毋稍徇隱據實具奏等因欽此仰見 朝廷澄叙官方嚴剔弊竇之至意 臣

等當即遴派內閣委署侍讀殷濟外務部郎中恆文會述榮吏部郎中李紹烈調閱卷宗嚴密

察訪並將有關此案人證按名傳問隔別研求冀免遁飾隱匿之弊兼旬以來始克就緒謹將

咨取郵傳部及各衙門所有案卷逐條查明並參以 臣等訪聞所得分別加註爲我 皇上

一一陳之 一原叅如梁士詒每月一千九百兩關冕鈞每月八百兩龍建章關廣麟葉恭綽

等各六百兩所分鐵路電政餘利猶不在內耗此巨款能勿疚心一節臣等查該部鐵路總局薪水册開局長梁士詒薪水公費每月銀一千六百兩總科員關廣麟葉恭綽每月津貼各銀一百兩又查京張鐵路局薪水表會辦關冕鈞每月月薪公費銀八百兩又查該部公費檔承叅上行走梁士詒每月銀三百兩龍建章每月銀三百兩又四十圓路政司科長關廣麟葉恭綽每月各銀二百四十兩是梁士詒每月合計銀一千九百兩關冕鈞每月銀八百兩龍建章每月銀三百兩又四十圓關廣麟葉恭綽每月各銀三百四十兩與原叅銀數大致相符惟鐵路電政餘利訪聞現已歸公所分當亦無幾 一原叅該部又奏保丞叅上行走十餘人到差者已十人每月薪水各支三百兩有以順天府府丞兼充者有以北京電政局兼充者有以鐵路局長兼充者有以鐵路總辦兼充者其餘或累月兼旬不到署或間日一到署而循例供職月得三四百金者尙不在此數別署有差缺人員兼支該部津貼者又不在此數一節臣等查該部官員履歷薪水等簿丞叅上行走到差者十員每人皆月薪三百兩阮忠樞係以署順天府府丞兼充連甲係以電話局總辦兼充梁士詒係以鐵路局局長兼充王孝繩係以京漢鐵路局提調兼充其累月兼旬不到署之說並無册籍可稽唯每月公費檔內各司局均有他人代收字樣甚至有一司之中均由一人代收者是卽不能常川到署之明證又查各司司長以及科員薪水多寡不等有多至三百兩者有少至三十兩者凡係咨調劄調未經奏留之員均屬有差缺人員兼支該部津貼綜計該部官册實缺候補及已未奏留各司員共一百十餘員每月堂司薪水共計約一萬七八千兩不等原叅各節均非無因 一原叅現在全部已積

有百數十人之多復向京外衙門紛紛調取要差優缺盡易私人葉恭綽以未經驗看之通判留部未及一歲五遷其官龍建章由吏部主事於光緒三十二年七月調部本年五月卽升僉事賞不稱公恐難自解一節_臣等查該部丞叅上行走者十人林炳章王孝繩皆福建人爲該尙書任內所調用者司員中已補實缺者三十九人內有福建七人如陳應濤何啟椿曾毓嵩林蔚章陳宗蕃陳壽彭亦該尙書任內所調用者此原叅所謂盡易私人也又查葉恭綽履歷係廣東番禺縣人光緒三十二年十一月以雙月選用通判經該部劄調任差三十三年七月奏留以主事補用八月借補七品小京官九月派署主事三十四年四月補路政司主事五月補路政司員外郎九月初一日補路政司郎中十五日補承政廳僉事此原叅所謂一歲五遷也又查龍建章係廣東順德縣人光緒三十二年九月以吏部文選司主事經該部咨調三十三年七月補電政司主事八月補電政司員外郎三十四年正月署電政司郎中二月署叅議廳僉事六月補承政廳僉事七月派在丞叅上行走此原叅所謂驟進官階也 一原叅至如王守爵者向爲該尙書家司帳舊夥卽以小京官奏留候補一節_臣等查王守爵係山東日照縣人由監生鹽大使職銜經該尙書於承修 惠陵工程案內奏保以鹽大使選用嗣由北城與善水會協拿人犯案內奏保補缺後以知縣用光緒三十三年七月經該部劄調在庶務司七品小京官上行走八月奏留以七品小京官候補旋派充支應科科員至司帳舊夥之說無從查悉惟傳到該員所具親供據稱於光緒二十八年經友人丁汝彪荐到五城學堂司帳陳尙書家帳並未知曉等語查五城學堂前係該尙書管理其濫保調部實所難免 一原

叅丁惟忠者嘗爲刑部書吏舞文弄法無所不至今學部左丞喬樹枏在刑部時斥革有案該尙書取其辯給調部當差丁惟忠亦時時效忠於該尙書以求固寵如臨清宮該尙書住宅後空曠民地卽係丁惟忠經手賤價勒售其平日之逢迎取媚可知一節臣等查丁惟忠現充民政部員外郎郵傳部官册並無其名是並未調部當差惟咨查法部覆稱前據查辦大臣鹿傳霖咨查東城副指揮丁惟忠是否已革書吏經本部查明丁惟忠卽係湖廣司書吏丁厚田早經自行告退出署並無過犯被革情事茲復查該書吏係光緒二十三年十二月告退原咨所稱經前司員喬樹枏斥革之處查無案據等語查光緒二十八年六月御史徐德沅奏叅順天府尹陳璧信任東城副指揮丁惟忠派充練勇工藝等局差徒滋糜費該員貪污卑賤尙謂操守可信一片經升任尙書鹿傳霖查覆奉

上諭陳璧被叅各節或事出有因或查無確據卽著毋庸置議前東城副指揮丁惟忠雖無劣迹實據既招物議卽著撤去工藝局監工差使勒令出局等因欽此且訪詢臨清宮左近居隣據稱該尙書所買房產約有三十餘家新蓋房屋約在百間內外西由八寶坑迤北至東斜街東由皇城根迤北至穿堂門均係陳宅用圍牆圈界或作爲花園或租與人住聽說從前是丁惟忠經手現歸同春木廠經理本胡同內祥姓房已賣與陳宅止差六天未經搬家卽經該尙書飭匠拆房硬將祥姓逐出又有連姓住宅修蓋門樓該尙書因其高過圍牆強令拆去過半各等語當經密咨民政部轉傳同春木廠掌櫃安正平到案訊據供稱替該尙書做工已有十五六年現在郵傳部前後工作每日有千餘人該尙書後房上年蓋有五十餘間並爲經手買過住房三處等語原叅謂丁惟忠逢迎取

媚勒買民房不爲無因 一原叅林壽熙者木行夥計前天津縣知縣廖秉鈞在任時曾受笞刑四十該尙書因與合股貿易調部以郎中候補屢欲保升丞叅爲鄉人攻擊而止其信任仍復如常一節_臣等查林壽熙係福建閩縣人由直隸試用縣丞捐升同知經該尙書於工程案內兩次奏保洊至道員光緒三十三年十月札調到部業於三十四年十二月二十一日身故至廖秉鈞任內有無笞責木行夥計林壽熙之案咨准直隸總督復稱天津縣各項案卷自遭庚子亂後全被毀失無從查考其合股貿易之說原叅並無字號礙難遍查致涉牽累 一原叅該部本有郵電兩司今乃別立郵電派辦處揆諸設司之意已同贅瘤况電政一司尙有例行公事郵政則向歸稅務司兼辦部中司員二十餘人有同虛設復從京外各衙門續調多人入派辦處有名爲議員者月俸皆數百金一節_臣等查該部設二廳曰承政曰叅議五司曰船政曰路政曰電政曰郵政曰庶務二局曰鐵路總局曰圖書通譯局三處曰統計曰公債曰郵電派辦一所曰承值各廳司局所人員多少不等電政司則有十九人郵政司則有十二人郵電派辦處亦有十二人其中名爲議員者四人月薪自一百四五十兩至二百兩不等郵政向歸稅務司兼辦隸於外務部自光緒三十二年六月改歸稅務處統轄現在一切事宜尙未併入該部雖爲籌備接辦起見另立一處不知該司人員平日所司何事此原叅所謂揆諸設司之意已同贅瘤也且以_臣等所聞該部船政司應行管轄之事久爲北洋大臣兼管該司亦只有虛名並無實事可辦 一原叅該尙書到任甫及一年分司分處分局所用福建同鄉已至三十餘人之多而位置於各路局電局者更不可指數一節_臣等查該部丞叅上行走以下各

員隸福建籍者計二十九人他項路局電局頭緒紛繁無從檢查惟京漢鐵路一局自總監督以至司事約計三百人福建則七十餘人其薪水之優者總監督外以提調副總管爲最月薪四五百元不等所有該局總監督提調副總管如鄭清濂盧學孟鄭誠李大受王孝繩各員莫非福建人其他局所已可概見此原叅之所由來也 一原叅與農工商部尙書溥頌互調子姪該尙書之子陳絨由陸軍部調至農工商部而溥頌之子毓彤同時卽由宗人府調至郵傳部派在電政司當差續又調其姪毓厚到部在承政廳行走一節 臣等咨取農工商部司員陳絨履歷內開係陳璧之子並准該部覆稱於光緒三十四年六月札調到部工務司行走等語查郵傳部官册毓彤一員名下則註有光緒三十四年五月咨調到部字樣至毓厚一員據郵傳部開送履歷係溥善之子該部官册內亦註有光緒三十四年五月咨調到部字樣數計時日均甚相近形迹可疑此該尙書等不能遠嫌之故無怪原叅謂爲互調子姪也 一原叅與度支部侍郎紹英互用親戚該尙書之壻黃曾勛由正陽門樓等工程攬名列保度支部侍郎紹英爲之補授員外郎而紹英之舅覺羅同林由度支部主事迴避調郵傳部該尙書卽爲驟補郎中倍稱爲償有同市道一節 臣等咨取度支部司員黃曾勛親供稱係該尙書之姪女壻其履歷則由刑部筆帖式於光緒二十九年九月因 西陵工竣經承修大臣景灃陳璧奏保免補本班以主事無論咨留遇缺卽補簽分戶部三十三年九月經承修正陽門樓工程大臣陳璧奏保以本部員外郎遇缺卽補三十四年五月補筦權司員外郎咨查吏部所覆亦同至覺羅同林一員咨取該員親供據稱度支部侍郎紹英係該員胞姊夫檢查郵傳部官

冊該員係由戶部主事於光緒三十二年十月因迴避姻親改掣吏部是月咨調到部三十三年七月補庶務司主事三十四年四月升郵政司員外郎九月升郵政司郎中原系所謂倍稱爲儻者亦卽該尙書等不能遠嫌之過也况黃曾助既係該尙書之姪女壻一再列保尤爲不合 一原系該部員外郎潤璋係倉場侍郎桂春之子毫無知識該尙書初到部時已欲斥去旋因其子陳綸海運差使託桂春照應遂以潤璋補員外郎缺一節臣等咨取潤璋履歷據稱係桂春之子復查郵傳部官冊該員係光緒三十二年十一月由 東陵工部員外郎咨調到部三十四年五月補電政司員外郎至陳綸一員咨准倉場衙門覆稱係由江蘇試用知府派充海運會辦於光緒三十一年奏保免補本班以道員留省歸候補班補用等語兩相形實有不能遠嫌之處原系事屬有因 一原系員外郎光裕係閩浙總督松壽之子該尙書因其才無可用不與差缺嗣光裕具呈赴閩省親該尙書欲見好本省總督乃令少緩行期卽日點補員外郎缺一節臣等查郵傳部官冊該員光裕由法部候補郎中於光緒三十二年十一月咨調到部三十三年十月奏留三十四年九月初一日借補船政司員外郎初四日卽請假一月省親迹涉嫌疑無怪原系以見好本省總督責之 一原系近時訂借洋款該尙書與二三私人秘密商略分潤之數無從確查一節臣等咨取該部節次借款合同查得該尙書任內共借洋款四次計英福公司銀一百萬兩滙豐銀行銀一百萬兩滙豐匯理兩銀行英金五百萬磅日本南滿洲鐵路公司二百四十七萬元均係三堂會同飭令鐵路總局局長梁士詒奏議廳廳長龍建章繙譯趙慶華林振耀袁長坤司員葉恭綽科員吳尹全張鴻藻京奉提調

盧祖華總帳房洋員韓德森等分別在署晤商並與丞叅詳細討論由各堂官覈定奏明辦理
其有無分潤之處事關秘密斷非他人所得聞知 一原叅該尙書起家進士來自田間至今
擁貲百萬均歸農工商部員外郎力鈞一人經理 德宗景皇帝誤服力鈞之藥其後力
鈞畏罪託病經年迨 龍馭上賓力鈞卽到署銷假該尙書奉 命派往 東

西陵勘地乃調力鈞爲隨員爲異日開保地步實因該尙書所入贓私悉交力鈞之手有
所挾制得肆要求一節 臣等咨查農工商部該員力鈞係於光緒三十四年正月二十六日因
病呈請開缺經該部批准給假兩月是年四月初八日呈請續假一月五月初八日到署銷假
九月二十二日呈請給感冒假半月十月初九日銷假回署十一月初一日經查勘 陵
寢地勢大臣咨調派充隨員是月十五日隨同查勘 陵寢地勢大臣溥倫前往

東 西陵差遣十二月初十日差竣回署傳到該員取具親供稱與該尙書係屬同鄉雖
有往來並未代該尙書經手銀錢該尙書有無貲財不得而知亦無經營商業之事等語原叅
所謂所入贓私交力鈞之手事屬暗昧難以確查 一原叅力鈞爲該尙書在前門外開設糧
食行棧所有糧食從落堡運載來京漏稅抗捐道塗側目一節 臣等遍加訪查惟聞有永定門
外德興糧棧係該尙書正東另有林姓等亦算股東所有糧食係由關東河南等處採買轉運
落堡分莊亦係德興字號近畿糧食係在昌平州屯積正掌櫃係胡書田等情當卽密咨步軍
統領衙門將胡書田傳到研訊再三據稱與該尙書熟識惟該行棧係有該尙書股本之說則
堅不承認 臣等竊維合股買賣必係暗中交涉雖人言藉藉究無確實憑據未便臆斷 一原

叅金恭壽者以縣丞調部與該尙書家丁結爲兄弟串通木廠因緣爲奸該部庶務司向設支應綜核兩科以杜專擅冒濫之弊該尙書以金恭壽一人兼充兩科科長數目遂無從稽查有心朦混以飽私橐一節等查該部官册金恭壽係由江西豐城縣縣丞捐升同知雙月選用經山海關內外鐵路大臣袁世凱等奏准免選本班以知府選用於光緒三十二年十一月奏調到部現官庶務司員外郎充支應科兼綜核科兩科科長實與原奏相符至與家丁結爲兄弟及串通木廠各情形該員親供雖稱並無其事而同壽木廠掌櫃安正平供內却有郵傳部工價都從金恭壽手裏領之語則該員之工於夤緣與該尙書之徇私任用皆所難免一原

叅嵩秀文理不通曾經該尙書考驗終場曳白由司員降爲錄事旋即斥退乃未幾而劄調分司現在已得優差一人之身前後判然謂無苞苴誰則信之一節等查該部官册惟郵電派辦處職名表內行走嵩秀銜下係分部筆帖式月薪五十兩當即將該員傳到命題面試雖文理並不優長尙無不通之處至詢以因何降爲錄事則據該員親供稱原係員外郎銜分部筆帖式於光緒三十二年十一月奏調到部在電報股當差經該尙書改派在承值所當差每月薪水皆八十兩三十三年六月因病不能到署未領薪水原係筆政應歸錄事處管轄故銜名列於錄事單內三十四年十二月派在郵電派辦處月薪五十兩等語原奏由司員降爲錄事殆即指此一原叅納銀一萬元保丞叅上行走三千兩調部五千兩補缺一節等查此等暗昧之事斷不令外人聞知是以無從查悉以上各節均係等按照原叅詳細訪聞並證以該部及各該衙門所送案卷暨連日訊取供詞之實在情形也等竊維原摺所奏如訂借

洋款秘密分潤攤資百萬託人經理以及開設糧行公行賄賂雖屬曠有煩言究未指有確據固覺難於查究亦不必因此牽連唯用人理財爲當今要務統計該部出入款項奚啻幾千萬兩苟非國家擔任之借款卽爲商民附入之股金應如何慎重開支涓滴皆歸實用乃竟意爲增損迹涉報酬甚至一鐵路局長月薪至一千九百兩而各局總辦亦有多至千兩者以管理局務之員其薪水優厚至於如此等而上之又將如何然使所用之人果皆奇才異能實心爲國則優給廩餼以養其廉亦未始非興利除弊之一道乃綜觀前後所調各員雖不無可用之才而冒濫實所不免私門干謁暮夜營求等亦何從查悉惟耘苗必先於除莠畜馬當去其害羣查郵傳部員外郎金恭壽候補小京官王守爵庸鄙猥瑣迹近營私擬請 旨卽行革職民政部員外郎丁惟忠以曾經被參奉 旨撤去差使勒令出局之人未及數年復至今職較前尤招物議擬請 旨卽行革職永不叙用以儆官邪其林壽熙一員品行卑污亦與金恭壽等相同惟業經身故應免置議此外所調各員爲數衆多賢否不等擬請暫免深究

飭下郵傳部堂官自丞系上行走以下無論實缺候補及已未奏留之員一律留心查看於辦事得力者仍准留部其冗濫充數庸劣不職之輩卽行切實甄別則從前濫調之弊可以澄清至於津貼過多亦由該部堂官切實核減量其事之繁簡奏立定章以免任意高下陳璧之子江蘇候補道陳綸咨調農工商部候補主事陳絨及陳璧之姪女婿度支部員外郎黃曾勛等三員其才具是否可用應請 飭下該省督撫及各該部堂官隨時查看另行辦理至該尙書陳璧才氣素優勇於任事前在御史及順天府府尹任內甚有能名惟德不勝才往

往失之操切輿情不治聲名頓減遂致謗議橫生此次所系賊私各節或未免人言之過然濫費公帑濫用私人檢查該署官冊皆所難免徇情見好殊愧公忠職守有虧實難辭咎應如何懲處之處恭候 聖裁所有遵 旨查明大員系款據實覆奏各緣由謹合詞恭摺具陳 是否有當伏乞 皇上聖鑒訓示謹 奏宣統元年正月十六日奉 上諭已錄

掌四川道監察御史謝遠涵奏大員虛糜國帑徇私納賄據實糾參摺

奏爲大臣虛糜國帑徇私納賄謹據實列款糾參以肅 朝綱而維政體事竊維 朝廷大政分理在於各部各部大政統轄在於尙書現當立憲預備之期全賴在事諸大臣潔已奉公正身率屬孜孜求治猶恐不遑不意如 臣所聞之郵傳部尙書陳璧辜 恩溺職貪冒妄爲實有出於尋常之外者敢以聞見所及列舉條款謹爲我 皇上陳之其最鉅者曰虛糜國帑時至今日財用之貧匱至矣而以內外交迫之故乃不得不設官籌款以謀全國之交通無論官款民資同是國家膏血孤注一擲全在於茲當其事者應如何仰體時艱力求撙節使涓滴皆歸實用乃該部取之盡錙銖用之如泥沙即以部員薪水之最鉅者言之如梁士詒每月一千九百兩關冕鈞每月八百兩龍建章關廣麟葉恭綽等各六百兩所分鐵路電政餘利猶不在內夫行政官吏非若路礦工師有專門之學耗此鉅款能勿疚心該部又奏保丞系上行走者十餘人到差者已十人每月薪水各支三百兩有以順天府府丞兼充者有以北京電政局兼充者有以鐵路局長兼充者有以鐵路總辦兼充者其餘或累月兼旬不到署或間日一到署皆隨衆畫諾一無事事掛名坐食行路周知而循例供職月得三四百金者尙不在此數

別署有差缺人員兼支該部津貼者又不在此數薪水如此他項之糜濫可知司員如此堂官之飽饜可知部中如此各路各局之輾轉效尤侵公肥己又可知所以郵傳一部人人皆視如銅山金穴趨之若鶩其實此等款項非得諸公家之息扣即取之各局之分肥隱隱之中必受其虧耗者官款虧耗期限屆而償本不清必有損失國權之慮商款虧耗成本重而贏利無著尤失國民信用之心大局所關實非淺鮮惟該部現在經理之款爲數甚多上下相蒙一時驟難澈究迨至情見勢絀即明正其罪以謝天下而事已不可收拾遙遙後顧隱患無窮此該尚書誤國之罪一也其次曰濫引私人該部前尚書張百熙雖以用人不當奉

旨申飭

但其時設部伊始勢不得不借材他處雖遴選或欠詳慎情理尙屬可原現在全部已積有百數十人之多該尚書自當恪遵

前旨量材器使何患不敷乃復向京外衙門紛紛調取

要差優缺盡易私人葉恭綽以未經驗看之通判於光緒三十三年八月間留部未及一歲五遷其官龍建章由吏部主事於光緒三十三年七月調部本年五月即升至僉事該部設立二年究竟有何成效而司員人等既已重其薪俸又復驟進官階賞不稱功恐難自解至如王守爵者向爲該尚書家司帳舊夥即以小京官奏留候補丁惟忠者嘗爲刑部書吏舞文弄法無所不至今學部左丞喬樹枏在刑部時斥革有案該尚書取其辯給足供奔走調部當差丁惟忠亦事事效忠於該尚書以求固寵如臨清宮該尚書住宅後空曠民地即係丁惟忠經手賤價勒售甘爲怨府其平日之逢迎取媚不問可知又林壽熙者本行夥計前天津縣知縣廖秉鈞在任時曾受笞刑四十爲福建同鄉所不齒該尚書因與合股貿易調部以郎中候補屢欲

保升丞叅爲鄉人攻擊而止而其信任仍復如常該部本有郵政電政兩司今別立郵電派辦處揆諸設司之意已同贅瘤况電政一司尙有例行公事郵政則向歸稅務司兼辦部中司員二十餘人有同虛設現在甫議接手復從京外各衙門續調多人入派辦處有名爲議員者月俸皆數百金夫郵司人員既慮不能勝任則應秉公汰除若果其人可留何又另行調取推其用意無非安置私人起見曠官糜費皆所不問故該尙書到任甫及一年分司分處分局所用福建同鄉已至三十餘人而位置於各路局電局者更不可指數矣其尤駭人聽聞者則莫若與農工商部尙書溥頌互調子姪及與度支部侍郎紹英互用親戚一端該尙書之子陳絨由陸軍部調至農工商部尙書溥頌之子毓彤卽由宗人府調至郵傳部派在電政司當差續又調其姪毓厚到部在承政廳行走又該尙書之姪壻黃曾勛才識卑陋由正陽門樓工程撥名列保度支部侍郎紹英爲之補授員外郎而紹英之舅覺羅同林由度支部主事迴避調郵傳部該尙書卽予驟補郎中倍稱爲價有同市道其他如該部員外郎潤璋係倉場侍郎桂春之子乳臭小兒毫無知識該尙書初到部時已欲斥去旋因其子陳綸海運差使託桂春照應遂以潤璋補員外郎缺員外郎光裕係閩浙總督松壽之子粗識之無該尙書亦因其才無可用不與差缺嗣光裕具呈赴閩省親該尙書欲見好本省總督乃令少緩行期卽日點補員外郎缺此皆瞻徇之事尤屬紙不勝書以 朝廷之爵祿爲僚友之報酬藐法妄爲於斯已極此該尙書徇私之弊二也該尙書前經查辦各省銅元又承辦正陽門樓工程外間名聲頗爲不潔但往事不足深論卽以近時借洋款言之該尙書與二三私人秘密商略分潤之數無從確查

惟查該尙書起家進士來自田間至今擁資百萬均託農工商部員外郎力鈞一人經理福建同鄉無不知之 德宗景皇帝在時誤服力鈞之藥其後力鈞畏罪託病經年屢傳不到

迨 德宗景皇帝龍馭上賓骨肉未寒力鈞即到署銷假揆之臣子之義實屬全無心肝

該尙書此次奉 命派往 東 西陵勘地乃調力鈞爲隨員以爲異日開保地

步夫當時醫生陳秉鈞等均得處分力鈞獨逍遙事外已屬漏網該尙書但徇私誼罔恤人言推厥由來實因該尙書所入賊私悉交力鈞之手爲力鈞者有所挾制得肆其要求且查力鈞爲該尙書在前門外開設糧食行棧所有糧食從落堡運載來京漏稅抗捐道塗側目至於公行賄賂尙有確徵如金恭壽者以縣丞調鄭與該尙書家丁結爲兄弟串通本廠因緣爲奸該部庶務司向設支應綜核兩科分任支發採辦以杜專擅冒濫之弊該尙書以金恭壽一人兼充兩科科長而數目遂無從稽查有心蒙混以飽私橐又嵩秀者文理不通曾經該尙書考驗終場曳白由司員降爲錄事旋即斥退乃未幾而劄調分司行走現在已得優差一人之身前後判然謂無苞苴誰則信之總之該尙書嗜利無耻嘔比匪人證以外間所傳納銀一萬元保丞參行走三千兩調部五千兩補缺之說劣跡昭著萬口一辭此該尙書納賄之弊三也方今時勢艱難人才缺乏各部尙侍丞參亦多未能稱職怠忽因循所在皆是第如陳璧之貪劣謬妄聲名狼藉實爲溺職之尤 臣 既有所聞自不敢安於緘默謹將郵傳部尙書陳璧虛糜國帑徇私納賄各節據實糾參請 旨特派公正大臣澈底澄究以儆官邪而肅吏治伏乞

皇上聖鑒謹 奏

宮門鈔

正月十八日 林紹年前往

東陵請

訓

溥頤假滿請

安

增祺假滿

請 安 岐公請假十日

吳士鑑

李灼華

陳慶桂各遞封奏一件

陸軍部奏

派查齋大臣

派出秦綬章

恒順 慶綿

誠全

岳樑

玉璋

都凌阿

色楞額

召見軍機

諭旨

監國攝政王鈞章

正月十八日內閣奉

上諭吏部奏遵旨嚴議處分一摺郵傳部尙書陳璧著照部議卽行革職欽此

軍機大臣署名奕劻世續張之洞鹿傳霖那桐

監國攝政王鈞章

正月十八日內閣奉

上諭郵傳部尙書著李殿林暫行署理欽此

軍機大臣署名奕劻世續張之洞鹿傳霖那桐

交旨

正月十八日

監國攝政王鈞章

軍機大臣欽奉

諭旨給事中李灼華奏國文將廢中學就湮擬請暫復歲科兩試一摺又片奏學堂腐敗請量為變通以除積弊等語均著學部議奏欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨大理院奏接收旗地控案酌擬辦法開單呈覽一摺知道了欽此

軍機大臣署名奕劻世續張之洞鹿傳霖那桐

正月十八日內摺傳 旨事由單

內閣奏撰擬頒給達賴喇嘛等 敕書文底呈 覽事文四道奉 旨知道了○陸軍部奏休致驍騎校雙連等可否 賞食全俸請 旨事奉 旨均著賞食全俸○又奏休致驍騎校桂祥可否 賞

食全俸請 旨事奉 旨賞食全俸○又奏議覆兩廣總督奏張金發借補副將事奉 旨依議○又

奏議覆閩浙總督奏陳維翰等襲職分別准駁事單一件奉 旨依議○又奏議覆陝甘總督奏馬繼賢請

襲土司議駁事奉 旨依議○又奏遵章奏報春季季首所用人員職名事單一件奉 旨知道了○又

代奏趙國賢等得獎謝 恩事奉 旨知道了○內務府奏太監劉林發等毆傷人命請交大理院審辦

事奉 旨依議○步軍統領衙門奏拿獲迭次圖財害命暨買賣贓物人犯蕭華等交大理院審辦事奉

旨依議○又片奏拿獲搶劫盜犯劉際汝等請交大理院審辦事奉 旨依議○又奏拿獲搶劫盜犯李

廷柱等請交大理院審辦事奉 旨依議○又片奏拿獲搶劫盜犯葛二格等請交大理院審辦事奉

旨依議

正月十八日外摺奉 旨事由單

岑春煇奏司道府密考摺 知道了單留○又奏試用令彭繩祖等期滿甄別片 該衙門知道○又奏試用令黎啟勳等期滿甄別片 該衙門知道○又奏茶陵州判等缺均極閒冗即行裁撤等片 該部議奏○又奏楊糧仔等命案彙奏摺 法部議奏○又奏蔣唐氏因姦謀殺親夫案審擬摺 法部議奏○又奏楊家藁故殺一家二命案審擬摺 法部議奏○岑春煇陳夔龍柯逢時方碩輔奏土販持械自衛流弊滋多籌設保商緝私勇隊摺 該部知道○陳啟泰奏監候人九張三等案彙奏摺 法部議奏○又奏立決人犯于川等案彙奏摺 法部議奏○又奏前新陽令王熙宇欠解庫款請革職勒追片 著照所請該部知道○又奏前署桃源令張應銘欠解庫款請暫行革職押追片 著照所請該部知道○又奏總捕同知黃家珍請開缺修墓片 著照所請該部知道

摺奏類一

禮部奏恭上

大行皇帝尊謚禮節摺

奏為恭進禮節事恭照正月二十八日午時恭上

大行皇帝尊謚前期三日請

皇上於 宮內致齋屆日禮部官同內務府官於 太和門階上正中設黃案二

册案

在東 寶案在西鑾儀衛官同內務府官設黃亭二座於 太和門階下正中

册

亭在前 寶亭在後禮部堂官二員自內閣豫捧絹

册絹

寶連匣安設於

黃亭內執事大臣侍衛官員等於 太和門階下東邊序立大學士二員自內閣恭捧香

册香 寶連匣由中階上安設於各案上自匣內請出行一跪三叩禮退立於階下之

左鑾儀衛官豫設拜褥於門之正中屆時禮部堂官奏請 皇上乘輿出 乾清門由 中

左門至 太和門北階降輿禮部堂官二員導引由 太和門左門出詣案前北面立恭

閱 册 寶畢就拜位行三跪九拜禮轉立東次大學士二員詣 册

寶案前仍安於匣內各行一跪三叩禮興恭捧 册 寶由中階下安奉於黃亭內

復行一跪三叩禮興禮部堂官奏禮成 皇上乘輿還 宮校尉由 太和門外昇黃亭啟

行 册亭在前 寶亭在後由中路出導以 御仗二黃蓋一執提鑪侍衛二員禮

部堂官二員同前引十大臣並引導侍衛二十員禮部司官十員前行執豹尾槍侍衛並捧

册 寶之大學士暨執事官在黃亭後隨行王以下入八分公以上於 協和門外

按翼排立俟 册 寶亭至皆跪候過興隨行出 東華門未入八分公以下四品

官員以上豫集 景山東門外按翼排立俟 册 寶亭至跪迎黃亭至 觀

德殿大門外止 御仗黃蓋俱止引導侍衛及執豹尾槍侍衛等皆止所有王大臣侍衛官員

執事人等至此俱摘纓是日早變儀衛官豫設 法駕鹵簿於 觀德殿大門外內

務府官設祭品並添設果品十二色陳帛爵點香燭設香 册香 寶几案於

梓宮前 册案在東 寶案在西設香案於 册 寶案稍前正中設

祝案於右再設豫供香 册香 寶絹 册絹 寶案於東旁又設豫供

帛爵案於東旁稍次讀祝官豫捧祝版安奉於祝案上屆時大學士二員禮部堂官二員各詣

黃亭前行一跪三叩禮興大學士恭捧香 册香 寶禮部堂官恭捧絹 册

絹 寶前引十大臣暨禮部堂官二員前引捧香 册香 寶大學士在前捧

絹 册絹寶禮部堂官在後由中門中路行至月台下前引十大臣止於階下排立禮部

堂官二員仍引至 殿門外止於檐下稍南排立大學士禮部堂官恭捧香絹 册

寶入

殿中門併安於東旁案上各行一跪三叩禮出立於東西兩邊檐下司拜

褥官豫設

皇上拜褥於行禮處欽天監官報時禮部堂官奏請 皇上乘輿出 宮至

觀德殿大門外降輿贊引官對引官恭導

皇上從大門東門進入 殿至拜

褥前立序班官引王以下入八分以上按翼由東西旁門入立於階下引未入八分公以下

滿漢文武四品官以上在大門外按翼排立典儀官贊執事官各司其事贊引官奏就位

皇上就拜位立司香官恭捧香盒至香案前立贊引官奏詣上香位司香官豫跪贊引官恭導

皇上至香案前立贊引官奏跪

皇上跪贊引官奏上香司香官恭進香盒 皇上

接香盒拱舉仍授司香官興

皇上三上瓣香畢贊引官奏復位恭導 皇上復位立

引官奏跪拜興

皇上率羣臣行三跪九拜禮興贊引官奏跪 皇上跪羣臣皆跪典儀

官贊進

冊捧

冊大學士至

冊案前行一跪三叩禮興恭請香

冊

連箱跪進於左

皇上受

冊拱舉授左旁禮部堂官跪接興恭捧安設於

東邊几案上行一跪三叩禮退典儀官贊進

寶捧

寶大學士至

寶案前

行一跪三叩禮興恭請香

寶連盞跪進於左

皇上受

寶拱舉授右旁禮部

堂官禮部堂官跪接興恭捧安設於西邊几案上行一跪三叩禮退典儀官贊宣

冊宣

冊官詣東旁案前行一跪三叩禮將絹

冊自匣捧出跪宣畢典儀官贊宣

寶宣

寶官詣東旁案前行一跪三叩禮將絹

寶自匣捧出跪宣畢同安於匣

內包裹畢俱行一跪三叩禮退贊引官奏拜興

皇上行三跪九拜禮衆隨行禮興典儀官

贊奠帛爵行初獻禮捧帛王自東旁案上捧帛匣跪供於正中香案上行三叩禮退獻爵王自

東旁案上捧爵立獻於

几筵前供案正中退讀祝官詣祝案前行一跪三叩禮與從祝

案上捧祝版於祝案之東跪贊引官奏跪

皇上跪衆隨跪贊引官贊讀祝讀祝官讀祝文

畢捧祝版跪安於帛匣內行三叩禮退贊引官奏拜興

皇上行三拜禮衆隨行禮與典儀

官贊行亞獻禮獻爵王捧爵立獻於供案上之左退典儀官贊行終獻禮獻爵王捧爵立獻於

供案上之右退贊引官奏跪拜興

皇上行三跪九拜禮衆隨行禮與典儀官贊恭捧

册

寶祝帛恭送燎位宣

册

寶官捧祝文官捧帛王至各案前跪俱行

三叩禮恭捧絹

册絹

寶祝帛興由中門出前引十大臣同禮部堂官二員仍接

引恭送燎位時贊引官對引官恭導

皇上轉立東旁司拜褥官跪起拜褥俟絹

册

絹 寶祝帛過畢司拜褥官仍跪鋪拜褥退贊引官對引官恭導

皇上還位立序班

官引王公百官避立於兩旁數帛官數帛畢贊引官奏禮成同對引官恭導

皇上由原進

門出乘輿還 官衆皆退爲此謹 奏宣統元年正月十六日奉

旨知道了欽此

禮部奏恭上

大行皇帝尊諡頒

詔禮節摺

奏爲奏

聞事恭照正月二十八日恭上

大行皇帝尊諡禮成次日頒發

詔書

據欽天監選擇得二十九日巳時吉所頒

詔書預由內閣撰擬屆日執事官均素服冠纓

內務府官預設黃案於

太和門階上正中內閣學士預捧

詔書安設於 太和門黃案

上大學士詣黃案前行一跪三叩禮恭捧

詔書由中階左旁降授禮部堂官禮部堂官行

一跪三叩禮跪接興禮部司官捧雲盤跪接俟

詔書安置雲盤內興禮部官前引鑾儀衛

張黃蓋由中路出至

午門外安設於龍亭內行一跪三叩禮校尉昇行 御仗前引至 天

安門外禮部官恭捧 詔書安設臺上張黃蓋讀祝官鳴贊官宣讀清漢 詔書王公百官素服率耆老軍民等集外金水橋跪聽宣讀畢行三跪九叩禮各退禮部官仍捧 詔書安設於龍亭內校尉昇亭出 大清門至禮部禮部堂官率屬行三跪九叩禮畢恭鐫膾黃頒發天下爲此謹 奏宣統元年正月十六日奉 旨知道了欽此

禮部奏擬改職司署門字樣摺

奏爲敬避

御名擬改職司署門字樣恭摺仰祈

聖鑒事光緒三十四年十月二十二

日奉

上諭道光二十六年三月

宣宗成皇帝特降

諭旨以二名不偏諱將

來繼體承緒者上一字仍舊毋庸改避亦毋庸缺筆其下一字應如何缺筆之處臨時酌定以是著爲令典等因欽此今朕敬遵 成憲將御名上一字仍舊書寫毋庸改避下一字敬

缺一撤書作儀其奉旨以前所刻書籍俱毋庸議欽此欽遵在案查 臣部所屬四司首日儀制

專司一切典章制度職務繁重實合周禮大宗伯所屬典命典同典瑞諸職而集於一司謹擬

改爲典制司從前郎中員外郎主事等缺隸於該司者悉改今名並改鑄司印又恭遇

大祀

皇帝親詣行禮例應 臣等侍儀謹擬敬避改爲侍禮又太常司例有典儀官考前漢

書儒林傳善禮樂者謂之容謹擬敬避改爲典容又衙署之儀門爲五祀之一考漢劉熙釋名

云儀宜也得事宜也謹擬改爲宜門以存舊制如蒙 俞允卽由 臣部咨行京外各衙門一

體敬避遵改其各衙門有應敬避者應由各衙門自行改定奏明辦理所有 臣等擬改職司署

門字樣緣由是否有當伏乞

聖鑒訓示謹

奏宣統元年正月十六日奉

旨依議欽

此

禮部會奏

大行太皇太后几筵前行三滿月禮事宜摺

奏為奏 聞事恭照正月二十二日

大行慈禧端佑康頤昭豫莊誠壽恭欽獻崇熙

太皇太后

几筵前行三滿月禮致祭據欽天監選擇得寅時吉是日

儀駕全設

衆皆齊集此祭用金銀鏢二萬錠紙錢一萬張連飯桌十一張燒黃酒五瓶羊五隻其果桌豫先送入安設之處交領侍衛內大臣派出領班侍衛帶領入 內所有紙鏢桌張羊酒沽桌臺盞燎牀鋪袱蓋袱涼棚等項交各該衙門敬謹豫備其禮節由禮部另行恭進為此謹 奏宣統元年正月十七日奉 旨知道了欽此

禮部奏

大行太皇太后几筵前行三滿月禮禮節摺

奏為恭進禮節事恭照正月二十二日寅時

大行慈禧端佑康頤昭豫莊誠壽恭欽獻

崇熙太皇太后

几筵前行三滿月禮致祭是日內務府設幕於

甯壽門外之西置

奠几陳燎牀於燎所具楮幣官校陳

儀駕內監陳

冠服篚於供牀恭辦喪禮王

大臣內務府大臣等率執事官陳果筵於

几筵前列饌筵於階下兩旁列羊酒於幕內

王公百官等各辨位集竣屆時禮部堂官奏請

皇上詣

几筵前東立西向舉哀衆

咸舉哀尙茶跪進茶衆皆跪

皇上舉茶奠於案行一拜禮衆隨行禮尙茶徹茶次尙膳進

膳揭巾幕

皇上親上食畢執事官進奠几

皇上於几前跪衆皆跪奉爵大臣跪進爵

皇上祭酒三爵每祭一拜與衆隨叩興

皇上復位立乃徹饌內監恭請

冠服

篚宮殿侍監二人前引由中門出

皇上豫出

几筵殿左門

冠服至跪候過

興還翼室

冠服由中門出前引大臣十員前引齊集之王公大臣官員等按翼排立俱

跪候過興皆退避齊集之福晉命婦等咸出隨行至紙堆處候

冠服恭安於燎牀畢

派出奠酒之福晉夫人於燎所跪衆皆跪女官遞酒杯祭酒三爵每祭行一叩禮衆隨行禮跪哭哀止興各退爲此謹 奏宣統元年正月十七日奉 旨知道了欽此

禮部會奏

大行皇帝几筵前行三滿月禮事宜摺

奏爲奏

聞事恭照正月二十一日

大行皇帝几筵前行三滿月禮致祭據欽天監

選擇得辰時吉是日

法駕鹵簿全設衆皆齊集此祭用金銀鏤二萬錠紙錢一萬張連

飯桌十一張燒黃酒五瓶羊五隻其果桌豫先送入安設之處交領侍衛內大臣派出領班侍

衛帶領入 內所有紙鏤桌張羊酒沽桌臺蓋燎牀鋪袱蓋袱涼棚等項交各該衙門敬謹豫

備其禮節由禮部另行恭進爲此謹 奏宣統元年正月十七日奉 旨知道了欽此

禮部奏

大行皇帝几筵前行三滿月禮禮節摺

奏爲恭進禮節事恭照正月二十一日辰時

大行皇帝几筵前行三滿月禮致祭是日

內務府設幕於

殯宮二門外之西置奠几陳燎牀於燎所具楮幣官校陳

法駕

鹵簿內監陳

冠服篋於供牀恭辦喪禮王大臣內務府大臣等率執事官陳果筵於

几筵前列饌筵於階下兩旁列羊酒於幕內王公百官等各辨位集竣屆時禮部堂官奏

請 皇上詣

几筵前東立西向舉哀衆咸舉哀尙茶跪進茶衆皆跪

皇上舉茶

奠於案行一拜禮衆隨行禮尙茶徹茶次尙膳進膳揭巾幕

皇上親上食畢執事官進奠

几 皇上於几前跪衆皆跪奉爵大臣跪進爵

皇上祭酒三爵每祭一拜興衆隨叩興

皇上復位立乃徹饌內監恭請

冠服篋宮殿監侍二人前引由中門出

皇上

豫出 几筵殿左門 冠服至跪候過興還宮 冠服至階下前引大臣十員

前引由中門出齊集之王公大臣官員等按翼排立俱跪候過興隨行至紙堆處俟 冠

服恭安於燎牀畢 派出奠酒之王公祭酒三爵禮部堂官遞酒杯每祭行一叩禮衆皆隨

行禮舉哀畢各退爲此謹 奏宣統元年正月十七日奉 旨知道了欽此

禮部奏 大行皇帝神牌先行 升祔 奉先殿摺

奏爲請 旨事恭查光緒元年六月二十二日奉 上諭軍機大臣會同禮部奏擬請

舉行 升祔典禮一摺本年九月十八日 穆宗毅皇帝 孝哲毅皇后梓宮

奉移 山陵距永遠奉安之期爲時尙遠若俟永安 山陵後始行 升祔歲

月稽遲殊無以妥 先靈而昭誠敬朕心實有未安 穆宗毅皇帝 孝哲毅

皇后神牌卽於 奉先殿神庫內擇吉恭製先行 升祔 奉先殿俟將來

山陵永遠奉安禮成後再行 升祔 太廟該衙門其詳查典禮敬謹遵行欽

此欽遵在案今本年三月十二日 大行皇帝梓宮奉移 西陵梁格莊行宮暫安

距永遠奉安 山陵爲時尙遠擬請遵照光緒元年成案擇吉恭製 大行皇帝神

牌先行 升祔 奉先殿俟將來 山陵永遠奉安禮成再行 升祔

太廟恭俟 命下 臣部行文各該衙門敬謹遵照辦理爲此謹 奏宣統元年正月十

七日奉 上諭已錄 禮部奏 皇上請髮日期摺 大行太皇太后 大行皇帝几筵前行百日禮據欽天監

政治官報 摺奏類 正月十九日第四百五十九號 十一

選擇得二月初一日辰時

大行太皇太后几筵前致祭吉同日午時

大行皇帝

几筵前致祭吉未時

皇上請髮吉應如所選於二月初一日辰時

大行太皇太后

几筵前行百日禮同日午時

大行皇帝几筵前行百日禮即於是日致祭後未時

皇上請髮王公大臣官員軍民人等俱行薙髮所有穿百日孝人員於致祭後均釋編素此後

王公百官詣

几筵前時仍服青長袍褂帽摘纓其應行事宜由臣等另行具奏為此謹

奏宣統元年正月十七日奉

旨知道了欽此

民政部奏各省欠解額木請

飭催趕解以備要工摺

奏為各省欠解額木亟應飭催趕解以備要工恭摺仰祈 聖鑒事竊臣部接收前工程劃

分事宜卷查江蘇浙江湖南江西等省每年例有額辦木植俱應年清年款解部查收以備各

工取用乃近查各省應解額木既未按年清解其積欠數目尙多歷經備文咨催在案至今迄

未照解查此項額木係為恭備 欽工之需所關至為重要近年恭辦

兩陵工程暨

各處

欽工並年例

宮殿等處要工行取木植甚多發放已形支絀現欽奉

諭旨以

附近

西陵之金龍峪謹定為

崇陵

欽辦大臣擇吉敬謹承修興工在邇需

材孔亟倘臨時不敷發放貽誤匪輕相應請

旨飭下江蘇浙江湖南江西各該省巡撫迅

飭承辦之員將現年應解木植按照額數趕即採辦解部其歷年欠解額木亦應陸續解清勿

再仍前延緩以備要工而免貽誤所有各省欠解額木亟應飭催趕解恭備要工各緣由理合

恭摺具陳伏乞

皇上聖鑒訓示謹

奏光緒三十四年十二月二十二日奉

旨依議

欽此

湖廣總督陳夔龍奏請將湖北造紙廠機器材料免稅三年片

再造紙一項利用最廣爲官民商賈所必需上年升任督臣張之洞選定武昌省城外白沙洲地方飭建造紙專廠遴委候補道程頌萬會同官錢局候補道高松如議章稟辦該廠地工續已一律築就房屋次第造成訂購機器業已到廠所有開辦大概情形曾經具摺奏報在案茲據該廠詳稱造端伊始官商資本頗費經營非將一切用款極力減輕無以昭董勸而宏實業查廠中所有機器等件均須購自外洋其將來造紙所用竹木棉草各種原料亦須購自鄰省若經過各省關卡概行照章完稅勢必成本加重收效較難於創興實業之初不無窒礙湖北開辦水泥氈呢等廠購置機器及一切材料均准免稅三年俟成貨銷售祇完正稅一道無論何處沿途概免重徵造紙廠事同一律援案詳請奏咨等情前來合無仰懇天恩俯准將湖北造紙廠所購機器材料免稅三年成貨銷售祇完正稅概免重徵以輕成本而利行銷出自逾格鴻施除分咨查照外謹附片具陳伏祈聖鑒敕部立案施行謹奏光緒三十四年十二月十九日奉旨該部議奏欽此

●又奏薦舉試用道高松如等片再鄂省據長江上游事務殷繁平時已不易治近日新政絡繹財源困難全賴佐治得人庶可相助爲理臣渥荷天恩忝膺重寄於興辦各項要政遴派辦事各員隨時留心考核遇有人才出衆體用兼備自應擇尤薦舉以勵其餘茲查有湖北試用道高松如志慮精密識力堅定任重致遠經濟通才湖北候補道代理巡警道金鼎志不苟同才足幹事任勞任怨爲守俱優前湖北候補府陳樹屏器局淵涵才猷老練通達治體卓著循聲以上三員經臣歷委要差無不實心整頓各著成效均爲有用之才臣未敢壅於

上聞其應如何量子錄用之處出自逾格

鴻施臣未敢擅擬是否有當伏乞

聖鑒

訓示謹 奏光緒三十四年十二月二十八日奉

旨高松如等均著交軍機處存記欽此

東三省總督徐世昌奏改編巡防隊應添器械銀兩請作正開銷片

再奉省各軍遵照新章改編巡防隊曾經奏明於奉軍舊中路舊前路內抽撥年力精壯嫻習操法之目兵編成陸軍步隊一標另行奏報又其所節奉軍餉項即為新編陸軍步隊一標經常各費及製備巡防隊軍裝車馬川資犒賞一切之用等因在案查此項目兵業經照格調撥所有一切章制均經遵照陸軍部奏定成案改編成軍飭令在錦州常川駐紮以資鎮懾仍一面督飭認真訓練加意研求務使技藝嫻熟藉成勁旅其餉乾銀數及各項津貼等費即由奉軍節餉項下改編自改編點驗相符之日起支至改編伊始應添各項器械需用銀兩請作正開銷核實造報除將改編清冊咨部備案外謹附片具陳伏乞 聖鑒謹 奏光緒三十四年十二月二十九日奉 旨該部知道欽此

摺奏類二

民政部奏彙查各省城垣情形摺

奏為彙查各省城垣情形循例具奏仰祈

聖鑒事竊查乾隆四十五年十二月據雲南巡撫奏修元江

峨他郎二處城垣案內請嗣後年底彙奏摺內報修城垣如需費無多即著地方官黏補於次年彙奏若工費繁鉅例應動款修理者照例題估興修不得頻年列入應修項下致成具文經工部駁議請於每年各省彙報齊全日按款覈對恭摺具奏儻有上年已入急修次年彙奏時仍未估辦者即將辦理遲延之督撫交部議處等因奏准通行各直省將軍督撫等歷經遵照辦理在案嗣於咸豐二年七月十六日欽奉 諭旨著直省各督撫轉飭所屬凡有應行修理各城垣務須隨時設法籌辦欽此欽遵在案茲光緒三十三年分各省所

屬城垣該督撫等已陸續咨報到部臣等查各省咨稱山西完固六十三座已修未竣二十七座應修十一座陝西省完固五十九座應修七座浙江省完固二十七座應修四十座江西省完固五十二座已修未竣十二座應修十五座湖南省完固六十四座已修未竣二座應修二座四川省甑城完固者十八座石城完固者八十一座土城完固者一座已修未竣者共十六座應修者二十一座廣東省完固八十八座已修未竣三十一座廣西省完固四十七座已修未竣二十六座應修二座等因咨報前來又查奉天福建山東等省三十一年三十二年三十三年分城垣情形尙未咨報到部其直隸江蘇安徽河南甘肅湖北雲南貴州等省屢經查催迄未咨報伏查城垣之設保障攸關雖泰西各國不以城垣爲重而中國各省城垣所以稽奸宄而重關征者在在均關緊要應請 旨飭下各省將軍督撫等務將所屬應修城垣已興工者趕緊繕完未興工者設法籌辦按年分晰造冊送部不得頻年列入應修項下延不報竣致干查議所有彙奏光緒三十三年分各省城垣情形恭摺具陳伏乞 皇上聖鑒謹 奏光緒三十四年十二月二十二日奉 旨知道了欽此

直隸總督楊士驥奏查明本年順直災歉州縣來春分別調劑摺

奏爲查明本年順直災歉州縣來春應分別調劑恭摺陳仰祈 聖鑒事竊臣欽奉十月初三日

上諭本年直隸等省會報偏災先後諭令該督撫等籌辦急賑妥爲撫恤小民諒可不至失所惟念來春青黃不接之時民力未免拮据著該督撫等體察情形如有應行接濟之處查明據實覆奏候旨加恩等因欽此當經轉行遵照茲據藩司崔永安查明具詳前來臣查本年順直地方自春徂夏雨澤稀少二麥歉收嗣幸雨水調勻秋禾得以佈種滿冀普慶豐登咸歌大有詎因五月以後兩澤又復愆期秋禾漸有旱象迨至七八月間節次大雨河水漲發漫溢出槽加以瀝水滙注濱臨各河窪地禾稼均多被水並因天時不齊各屬有被水被蟲被旱之處災重之區經臣率同司局籌措款項派員查放急賑辦理平糶暨將查明災歉分數奏奉 恩旨蠲緩糧租減免差徭以資調劑順屬成災州縣由府尹臣籌款辦理冬撫直屬賑州縣經臣督同司道按災分之重輕戶口之多寡撥給銀兩棉衣違委委員分投運往會同各該牧令認真確查核實散放並於津郡

設立平糶局及保定省城建設暖廠將極貧男女分處收養俾附近窮黎藉資糊口被淹民地已多涸出種麥暫可不致失所惟查順直各屬地瘠民貧荒歉頻仍元氣未復來春青黃不接之時必當妥籌補助刻下預請春撫者已有十四州縣且各河隄埝應培河身應濬者甚多酌撥官款以工代賑需款亦鉅屆時當再督飭司道設法籌濟至各屬地畝既被災歉來春應完糧賦若照成熟村莊一律征收民力殊形竭蹶合無仰懇

天恩俯准將武清薊州霸州東安保定樂亭獻縣阜城交河吳橋東光甯津天津南皮鹽山開州東明長垣豐潤饒陽圍場廳等二十一州縣廳成災五六七八九分各村莊應完宣統元年春賦地丁錢糧並各項旗租緩至宣統元年秋後啓征其歉收三四分村莊應完宣統元年春賦地丁錢糧並各項旗租緩至宣統元年麥後啟征又勘不成災之通州三河寶坻香河大興灤州清苑蠡縣雄縣安州景州故城青縣靜海滄州肥鄉大名玉田冀州棗強等二十一州縣歉收三四分村莊應完宣統元年春賦照常征收其原緩至宣統元年麥後啟征之歉收四分村莊應完光緒三十四年並節年地丁錢糧各項旗租均請緩至宣統元年秋後啓征又鉅鹿縣麥收減色應完本年上半年忙民欠錢糧並固安縣上年被水歉收三四分村莊應完糧租原緩至來年麥後啓征均請展緩至宣統元年秋後啓征凡有應征屯米穀豆草束竈課學租通津二幫屯租旗產錢糧海防經費河道錢糧儲庫軍餉廣恩庫租永濟庫租陸軍部馬館租鑾儀衛租代征租暨出借倉穀籽種口糧牛具等項隨同正項糧租分別緩征津軍廳葦漁課納糧地畝內有坐落天津武清二縣地方歸入該二縣災歉村莊一併查辦以舒民力而廣 皇仁所有順直州縣來春應分別調劑緣由理合會同兼管順天府府尹臣陸潤庠順天府府尹臣凌福彭恭摺馳陳伏乞 皇上聖鑒訓示謹 奏光緒三十四年十二月二十五日奉 旨候旨行欽此

兩江總督端方江蘇巡撫陳啟奏奏江甯等屬秋禾被災請將新舊錢糧分別蠲緩摺
奏爲江甯等屬光緒三十四年秋禾被旱被淹勘不成災並拋荒地應征新舊錢糧蠲懇 恩施分別蠲緩恭摺仰祈 聖鑒事竊照江甯各州廳縣衛本年入夏以後連得大雨湖河泛漲低區積水甚深蹂躪宜

洩所種禾豆雜糧多被淹浸受傷其高阜田地長發本屬暢茂惟正值揚花結穗之際亢晴日久又遭狂風摧
撼以至結實稀疏顆粒細收成均形歉薄迭據各屬先後稟報當批司遵照部章移行該管道府州親往各
該州廳縣衛督同履勘據實稟辦茲據江甯布政使樊增祥據該管道府州督飭各州廳縣衛逐細查勘僅有
溧水泰興二縣收成尙稱中稔應行照常征解其上元江甯句容高淳江浦六合等縣已墾成熟復被歉收田
地並山陽阜甯清河桃源安東鹽城高郵泰州東臺江都甘泉儀徵興化寶應銅山豐縣沛縣蕭縣碭山邳州
宿遷睢甯海州沐陽贛榆通州如皋海門等二十八州縣廳及淮安大河揚州徐州四衛屯田歸併各該州縣
經征被早被淹歉收田地均係勘不成災應請照例緩征又江甯府屬上元等七縣未墾荒田同江都縣及揚
州衛營壘壓廢尙未墾復坍荒民屯田地應征錢糧請照例一律蠲免由司體察無異請將應征新舊錢糧分
別蠲緩等情詳請具 奏前來臣等伏查江甯等屬各州廳縣衛本年被早被淹勘不成災並拋荒壓廢等項
田地據該管道府州親往逐一履勘明確除溧水泰興二縣秋成尙稱中稔外其餘各州廳縣衛應征新舊錢
糧例應分別蠲緩合無仰懇 天恩俯准將上元江甯句容高淳江浦六合等六縣已經墾熟被歉田地並
山陽阜甯清河桃源安東鹽城高郵泰州東臺江都甘泉儀徵興化寶應銅山豐縣沛縣蕭縣碭山邳州宿遷
睢甯海州沐陽贛榆通州如皋海門二十八州縣廳同淮安大河揚州徐州四衛屯田歸併各該州縣經征被
早被淹歉收田地應征光緒三十四年地丁等項錢糧概請緩至宣統元年秋成後分作二年帶征又上元江
甯句容溧水高淳江浦六合七縣未墾荒田同江都縣及揚州衛營壘壓廢民屯田地應征光緒三十四年上
下忙錢糧仍予蠲免其坐落各州廳縣衛屯糟蘆課學租湖河灘租雜辦雜稅津貼漕租並江甯府屬公費關
租油麻地租南屯恤孤米豆新漕地畝蘆葦牧馬草場復賦籌餉等款以及抄案入官地畝並鎮江衛坐落江
都泰州甘泉泰興四處屯田均錯雜民田之內俱照坐落地方一律查辦其鹽場竈地應由鹽政衙門辦理淮
安揚州等屬減則蘆葦田地並海州屬一水一麥減則田地應征本年錢糧請照歷屆成案一體緩征至被歉
各屬無力貧民貧軍應否酌借籽種口糧統俟來春察看情形辦理所有江淮等屬勘不成災並江甯府屬未
墾荒田同江都縣及揚州衛營壘壓廢田地應征宣統元年上忙新賦均請緩至該年秋成後察看情形再行

取征其成熟田地及秋成尙稱中稔之溧水泰興二縣應征現年錢糧仍令照常征解又江甯等屬未完光緒三十三年熟田民欠軍欠錢糧本年仍坐熟區不得謂之積歉應令照常征解至光緒十四年至三十三年歉田原緩遞緩錢糧除高淳縣光緒二十七年被歉田地原請遞緩錢糧現經全數帶征外其餘各州縣各年原緩遞緩並光緒二十四年成災之邳州宿遷睢甯海州沐陽贛榆六州縣及大河衛坐落沐陽縣屯田又二十七年江都縣蘆課成災並光緒三十二年山陽阜甯清河桃源安東銅山蕭縣邳州宿遷睢甯海州沐陽贛榆等十三州縣及淮安大河徐州三衛坐落各該縣屯田成災蠲剩緩征暨勘不成災各款銀米以及不在豁免案內之津貼增租銀兩實因頻年積歉戶鮮蓋藏本年秋成又形歉薄完納當年新賦已屬竭蹶若將新舊錢糧責令同時並納民力實有未逮當經飭據該管道府州督同會勘明確由司覆查屬實並懇 聖恩俯准將上元江甯句容溧水江浦六合山陽阜甯清河桃源安東鹽城高郵泰州東臺江都甘泉儀徵興化寶應銅山豐縣沛縣蕭縣碭山邳州宿遷睢甯海州沐陽贛榆通州如皋海門三十四州縣廳並淮安大河揚州徐州四衛未完光緒十四年至三十三年及高淳縣未完十五年至二十六及二十八二十九三十三三十一三十二三十三等年歉田原緩遞緩各款並邳州宿遷睢甯海州沐陽贛榆六州縣及大河衛坐落沐陽縣屯田光緒二十四年成災又江都縣蘆課二十七年分成災並山陽阜甯清河桃源安東銅山蕭縣邳州宿遷睢甯海州沐陽贛榆等十三州縣及淮安大河徐州三衛坐落各該縣屯田三十二年成災蠲剩緩征暨勘不成災各款銀米及不在豁免案內之各年未完津貼增租銀兩均請緩至宣統元年秋成後再行分別帶征以紓民力再蘇州藩司所屬之鎮江衛坐落泰州江都甘泉泰興四州縣屯田並請隨同民田一律辦理應呈清單遵奉部飭不另隨摺繕呈以省繁牘此外如有未盡事宜由江甯藩司另行詳辦蠲緩漕糧另行專摺具 奏除將區圖村莊頃畝應緩銀兩米豆各款清單同近三年災緩銀米比較數目清單咨部查核外所有江甯等屬光緒三十四年秋禾勘不成災並拋荒地新舊錢糧蠲緩緣由謹合詞恭摺由驛具陳伏乞 皇上聖鑒訓示再秋災情形例於九月內詳辦今屆因各該管道府州親詣督同勘報甫經到齊是以稍稽時日合並陳明謹 奏宣統元年正月初二日奉 旨另有旨欽此

西歷一千九百九年二月十號 星期三

宣統元年正月二十日 第肆百陸拾號

本局設立北京東長安牌樓王府井大街

電話內城總局第二百零一號

政 治 官 報

目 錄

●宮門鈔 ○諭旨三道 ○電
 甘督奏甘省高等學堂肄業生進宜統通寶新錢摺 ○又奏編輯國民必讀課本簡易識字課本摺 ○理藩部代奏蒙藩王公等創設
 殖邊學堂摺 ○度支部奏呈試驗場人員摺 ○又奏庫倫辦事
 處摺 ○又奏辦理農林試驗場人員摺 ○又奏庫倫辦事
 大臣奏保開辦庫倫金礦出力人員摺 ○又奏庫倫辦事
 分片 ○又奏請以候守胡銘榮等充秘書員各差片 ○咨札類
 片 ○又奏請以候守胡銘榮等充秘書員各差片 ○咨札類
 文 ○廣告
 通各省刊印答覆詢問諮議局章程分咨備攷文 ○又咨取各部院現行官制奏案文 ○又咨各省辦處詳細查事件應隨時編訂送館

政治官報 目錄

正月二十日第四百六十號

一

宮門鈔

正月十九日 李殿林署郵傳部尙書謝 恩 達公續假五日 希朗阿假滿請

安

召見軍機 李殿林

諭旨

監國攝政王鈞章

正月十九日內閣奉

上諭郵傳部尙書著徐世昌補授欽此

軍機大臣署名奕劻世續張之洞鹿傳霖那桐

監國攝政王鈞章

正月十九日內閣奉

上諭錫良著授爲欽差大臣調補東三省總督兼管三省將軍事務雲貴總督著李經羲補授

未到任以前著沈秉堃暫行護理欽此

軍機大臣署名奕劻世續張之洞鹿傳霖那桐

監國攝政王鈞章

正月十九日奉

旨正黃旗漢軍都統著載振署理欽此

軍機大臣署名奕劻世續張之洞鹿傳霖那桐

電旨

監國攝政王鈐章

正月十九日奉

旨錫良現已調補東三省總督著迅速來京陛見欽此

軍機大臣署名奕劻世續張之洞鹿傳霖那桐

監國攝政王鈐章

正月十九日奉

旨李經羲現已補授雲貴總督著迅速來京陛見欽此

軍機大臣署名奕劻世續張之洞鹿傳霖那桐

正月十九日內摺傳 旨事由單

內閣奏恭上

孝欽顯皇后尊諡

德宗景皇帝尊諡

廟號

恩詔用

寶牌奉

旨知道了

正月十九日外摺奉 旨事由單

增韞奏來春毋庸接濟摺

知道了○又奏委署州縣各缺片 吏部知道○又奏鎮海口砲台仍飭甯紹台

道兼理片 知道了○又奏前任湯溪令袁玉煊解清虧款請開復原官摺 允行該部知道○又奏上年分

禾收分數摺 知道了○又奏上年十一月分雨糧情形摺 知道了○又奏上年十一月分海塘沙水情形

摺 農工商部知道單圖併發○朱家寶奏密陳司道府考語摺 知道了單留中○錫恒奏恭慰 大孝

摺 覽奏知道了

電報類

●正月十八日晚撫致軍機處請代 奏電 家寶昨奉鈞電探知前廣西巡撫李經羲僑寓金陵遽即馳電傳知刻據復稱經羲馳戀 闕廷聞 命感悚痼疾幸已滿除宿恙尙未大愈又因體弱易招外感去臘復患瘡痢近稍暫減遵即趕緊醫治准於二月初間恭詣 闕廷跪聆 聖訓等語謹請代 奏朱家寶肅篠

摺奏類一

學部奏議覆甘督奏甘肅高等學堂肄業生援照中學獎勵摺

奏爲遵

旨議奏恭摺仰祈

聖鑒事內閣鈔出陝甘總督升允具奏甘肅高等學堂

肄業生擬請援案暫照中學獎勵一摺奉

硃批學部議奏欽此欽遵到部茲准該督將

該學堂學生履歷分數各項表冊咨送前來原奏內稱甘肅文高等學堂係光緒二十九年四月開辦閱時已屆五年上年冬間該堂頭二班學生畢業係查照中學章程督飭該學司分日考驗應得最優等九名優等十五名中等二十名下等三名一律給予中學畢業文憑查山東河南福建等省高等學生請照中學給獎均由部議覆准各在案該堂此次畢業諸生所歷時日皆在三年以上據署甘肅提學使詳請奏咨前來合無仰懇 天恩俯准飭部照案核議等語查 臣部歷屆辦理山東河南等省高等學堂豫科按照中學畢業獎案皆以各該學堂設立奏章未頒以前雖該生等肄業僅閱四年均經先後議准其不滿四年者但准升學茲查甘肅文高等學堂係二十九年四月開辦維時奏章尙未頒行該堂頭二班畢業學生共計四十七名魯效祖談鳳翼謝國翰李秉彝董之翰王兆麟施國楨王密張庭燎牟中連趙元貞胡心如張鴻士苗虛一李鈞劉錫銘蔣森秀李象德等十八名入學較早肄業均在八學期以上

自應援照 臣部歷屆辦理高等豫科成案議准所有考列最優等之魯效祖談鳳翼二名擬請
作為拔貢考列優等之謝國翰李秉彝董之翰王兆麟施國楨王密張庭燎牟中連等八名擬
請作為優貢考列中等之趙元貞胡心如張鴻士苗虛一李鈞劉錫銘蔣森秀李象德等八名
擬請作為歲貢以示鼓勵其趙學普等二十九名係三十年或三十一年到堂均在奏章頒布
之後應毋庸給獎准應升學考試以示限制所有 臣等遵議緣由謹恭摺具陳伏乞 皇上
聖鑒謹 奏光緒三十四年十二月二十七日奉 旨依議欽此

學部奏編輯國民必讀課本簡易識字課本大概情形摺

奏為陳明編輯國民必讀課本簡易識字課本大概情形恭摺仰祈 聖鑒事竊本年八月

初一日內閣奉 上諭朕欽奉

慈禧端佑康頤昭豫莊誠壽恭欽獻崇熙皇太后

懿旨憲政編查館資政院王大臣奕劻溥倫等會奏憲法議院選舉各綱要暨議院未開以前
逐年應行籌備事宜一摺將來編纂憲法及議院選舉各法即以此作為準則至單開逐年應
行籌備事宜即責成內外臣工依限舉辦每屆六個月將籌辦成績臚列奏聞等因欽此謹按
單開第一年 臣部籌辦之事為編輯國民必讀課本簡易識字課本仰見 朝廷以道覺民興
學成俗之至意欽佩莫名竊維編定此項課本其宗旨在使人人皆知人倫道德及應用之知
識為主宗旨必須純正事理亦期通達要在簡而不陋質而不俚始為合用 等受 命
以來先集坊間所出各本詳加核閱綜其大端蓋有數弊事多假設不能徵實其弊一也雜列
名詞無復抉擇其弊二也方言訛語不便通行其弊三也文義艱深索解不易其弊四也危言
異說惑亂人心其弊五也今茲編定課本必先祛此五弊前經派令 臣部圖書局審定科各員

本此宗旨酌擬辦法先編凡例各抒所見以備採擇旋據各員先後呈稿_臣等審籌熟計至於再三竊以爲簡易識字課本所以教年長失學之愚民與寒峻之家力不能入初等小學堂者之子弟期於日用尋常可以應用其文字淺深次序大致由單字進於短句短文所選教材無取精深卽就倫常日用易知易行之事物教授之俾其卒業以後能再入學校固善卽無力更求深造亦可藉以謀生不至流於邪僻惟是寒峻之家肄學年限不能預定勢難以一種識字課本限之謹擬編爲三種其第一種識字課本凡道德知能之要象數名物之繁詳徵約取備著於篇約三千二百字期以三年畢業第二種識字課本則於第一種課本中去其理解稍高深事物非習見者約減爲二千四百字期以二年畢業其第三種識字課本但取日用尋常之字目前通行之文約之再三定爲一千六百字實屬無可再減期以一年畢業令小民自爲付度擇其力所能至者肄習之庶可免半途自畫之譏漸致凡民入學之盛此編定簡易識字課本之大略也至於國民必讀課本較簡易識字尤爲重要顧名思義似應敬輯

列聖諭

旨及聖賢經傳以示標準而資遵循擬謹編爲二種課本一種理解較淺範圍較狹徵引書史較少其天資較高者期以一年畢業遜者一年半畢業一種理解較深範圍較廣徵引書史較博其天資高者期以二年畢業遜者三年畢業其編輯之法擬各分上下二卷上卷慎采經傳正文以大義顯明者爲主兼采秦漢唐宋諸儒之說以證明之正文之下附以按語凡羣經大義切於修身之要者前史名論益於涉世應事之宜者以及諸子文集外國新書於今日國家法政世界大局有相關合者皆爲今日應用之知識均可擇要採取推闡發揮以瀹其智慮拓其心胸下卷敬輯

列聖諭旨凡有關於制度典章之大者慎爲輯錄仿

聖諭

廣訓直解之例敬附解釋俾易領會蓋有 聖訓及經傳大義以堅定其德性復有解釋

發明以開濬其知識既合古人正德厚生之教更符近世德育智育之法庶幾鄉曲愚氓皆明

於忠君報國之義而識字較多智識較靈並可藉以為謀生學藝之資矣此編輯國民必讀之

大略也竊維此項課本關係極重為人心風俗之本原教育普及之樞紐實不可稍緩之舉而

稽之載籍古無其書采諸異方未適於用深恐稍有疏舛貽誤全國人民惟坊間所編既多流

弊臣衙門各員所擬亦未能遽臻精善用是稍稍時日未能速成現經臣等博訪通人多考成

式手定體例隨時商榷本月內甫經商定辦法此全國學術初基所係臣部職任所關不敢不

再三審慎務求妥善適用一俟編輯成書先在京師地方教授數月如果易簡理得士林稱便

再由臣部奏明請 旨頒行各省一體遵用是否有當伏祈 皇上聖鑒謹 奏光緒三

十四年十二月二十八日奉 旨依議欽此

理藩部代奏蒙藩王公等創建殖邊學堂摺

奏為蒙藩王公等創建殖邊學堂懇為代 奏恭摺具陳仰祈 聖鑒事竊據 御前大臣

喀爾喀扎薩克和碩親王那彥圖科爾沁輔國公博迪蘇扎薩克和碩博多勒噶台親王阿穆

爾靈圭奈曼扎薩克多羅達爾漢郡王蘇珠克圖巴圖爾科爾沁多羅貝勒阿勒坦鄂齊爾喀

拉沁多羅貝勒熙凌阿土默特固山貝子棍布扎布科爾沁輔國公達賚喀爾喀公銜頭等台

吉祺誠武等聯名呈稱竊維防邊之策以周知情勢為先禦侮之方以未雨綢繆為亟蒙古遠

在藩服藏衛僻處西陲俗異中華未嘗考究然其間山川物產歷史風俗非竭數年稽古之力

加以實地調查未能得其要領上年學部奏設滿漢文高等學堂蓋亦體察邊情儲材備用而

滿蒙文高等學堂本科修業年限五年學生成就稍遲似應設一專校以較短之時日養成多數之人才庶足以應急需而敷分布爰函商沿邊將軍都統督撫等擬在北京設一學堂竊取殖民籌邊之意名曰殖邊學堂堂中分蒙部藏衛兩科除授以蒙藏語言文字及擇要教以法政理財科學外其蒙藏地理歷史學部現無審定課本擬延聘通才就兩處古今沿革情勢利害關係編爲講義並授以農工商各實業大意使知蒙藏有極大利源應從速相機規畫殖邊學堂創始之際需款浩繁業經察哈爾都統認助開辦經費銀四百兩庫倫辦事大臣認助開辦經費銀五百兩山西巡撫認助開辦經費銀二千兩直隸總督認籌常年經費銀二千兩東三省總督認籌常年經費銀二千兩四川總督認籌常年經費銀一千兩綜計不敷尙鉅仍當隨時設籌已於宣武門內闢才胡同擇地建築講堂學舍計房三十餘間聘定教員商訂課程堂中分蒙部藏衛兩科每科擬招學生一百名不分京外滿蒙漢凡年在十八歲以上三十二歲以下考取漢文清順身體強健之人如能滿文蒙文尤爲出色入學肄業限以三年畢業此項學堂專爲蒙藏取才起見係屬特別辦法不在奏定學堂章程統系之列將來畢業獎勵並無專條可否由理藩部考覈學行如屬可取酌量奏予獎勵或歸理藩部錄用或由沿邊將軍大臣督撫調用實於蒙藏邊務不無裨益敬乞代奏俟奉 旨後卽招生開學以期早開風氣培育通才所有認助常年經費之直隸奉天吉林黑龍江四川五省並乞鈔奏咨明俾得按年接濟庶足以廣甄陶而維久遠並請發給鈐記以昭信用等因呈報前來查該蒙古王公等首先提倡創立殖邊學堂代籌鉅款力任其難洵屬熱心教育知慮閎深開辦之初規模已具畢業之後成效可期覈其內容與 臣部奏請擴充之蒙古學同爲教養邊才栽培部員之意該

學所擬三年卒業由臣部考覈錄用一節等公同商酌事尙可行擬於三年卒業調部大考優取者給以文憑其中如有學業出羣志趣超邁之士或由臣部酌量咨留或由沿邊各路將軍都統大臣督撫咨調量材器使俾實學之人不致向隅而各路將軍都統大臣督撫亦可收得人之效如蒙 俞允一俟 命下卽由臣部咨劄遵行並刊刻殖邊學堂木質鈐記一顆頒給以昭信用所有蒙藩王公等創建殖邊學堂請頒鈐記並俟畢業擬由臣部大考給以文憑各緣由理合恭摺代陳伏乞 皇上聖鑒訓示謹 奏宣統元年正月初九日奉 旨依議欽此

度支部奏呈進宣統通寶新錢摺

奏爲呈進宣統通寶萬選制錢恭摺仰祈 聖鑒事伏查同治十三年十二月二十六日大學士李鴻章等奏准鼓鑄錢文應遵用光緒通寶字樣移交戶工二部在案嗣於光緒元年鑄造光緒通寶制錢壹萬文恭呈 御覽今恭逢 皇上御極改元宣統自應欽遵舊案鑄造宣統通寶制錢揀選壹萬文恭備進 呈當卽督飭寶泉局局長加緊鑄造輪廓肉好必期勻淨字畫形式務極精良以昭慎重而備 進用現據該局長將應鑄新錢壹萬文呈交前來 臣等公同查驗均尙合格謹備黃箱壹個分裝五匣隨摺恭進外理合恭摺具陳伏乞 皇上聖鑒謹 奏宣統元年正月十四日奉 旨知道了欽此

吏部奏遵 旨嚴議郵傳部尙書陳璧處分摺

奏爲遵 旨嚴議具奏事宣統元年正月十六日內閣鈔出奉 上諭前據御史謝遠涵奏參陳璧虛糜國帑徇私納賄各款當經派令大學士孫家鼐那桐秉公查辦茲據查明覆奏

陳璧於訂借洋款秘密分潤開設糧行公行賄賂各節雖屬噴有煩言究未指有確據惟開支用款頗多糜費前後所調各員不免冒濫等語方今時事艱難該尙書責任綦重自應整躬率屬於用人理財力求實際現據查明各節實屬有負委任郵傳部尙書陳璧著交部嚴加議處等因欽此欽遵到部_臣等查定例官員溺職者革職私罪又大臣爲小臣之表率若屬員失職者多卽上司失職該科道查實題叅將該上司革職私罪註云虧空錢糧者多卽上司不能以清儉爲率又官員有奉 特旨交部嚴加議處者查照本例酌量加等等語此案郵傳部尙書陳璧以現任大員當此時艱寄茲重任宜如何慎重周詳乃用人理財不能力求實際以致冒濫糜費有負委任擬以溺職革職私罪實屬罪有應得係欽奉 特旨嚴加議處例應加等惟_臣部處分例止革職無可再加應請將郵傳部尙書陳璧照溺職革職私罪例議以革職所有_臣等遵 旨嚴議緣由理合恭摺具陳伏乞 皇上聖鑒謹 奏宣統元年正月十八日奉 旨另有旨欽此

廣西巡撫張鳴岐奏設立諮議局籌辦處摺

奏爲遵

旨創辦諮議局先行設立籌辦處謹將籌辦情形恭摺詳陳仰祈

聖鑒事

竊_臣於光緒三十四年八月二十日承准憲政編查館王大臣咨會奏各省諮議局並議員選舉章程一摺欽奉 諭旨卽著各督撫迅速舉辦實力奉行自奉到章程之日起限一年內一律辦齊等因欽此咨行欽遵辦理前來當經查照憲政編查館來咨先行設立諮議局籌辦處檄委藩學臬三司充當總辦遴派在籍陸軍部主事唐鍾元在籍四川候補道陳智偉並奏調編修唐尙光陳樹勳揀選知縣蔣繼伊回籍先後派充叅議於九月初八日開辦在案桂

省僻遠奉到章程較遲加以風氣未開人才極乏交通不便文報多延雖距諮議局成立爲期尙有一年而籌備極繁急起直追已形迫促數月以來經臣常川蒞處親加督飭粗有頭緒謹將籌辦情形爲 皇上詳陳之一曰變通初選復選日期照章正月十五日爲初選期三月十五日爲復選期而選舉人名冊應於選舉期六個月以前告成此次奉到館章已在八月下旬由省轉行各屬至速又須月餘始能徧及調查資格編造名冊卽在熟手已覺委曲繁重況事係創舉官紳均未素習無論如何趕辦勢難一如定期現經督飭處員詳立期限清單定於宣統元年五月十五日行初選舉七月十五日行復選舉但求不誤九月初一日諮議局成立之期至宣示名冊選舉訴訟等期限均不免稍爲減縮情勢使然良非得已俟諮議局成立以後第二屆辦理選舉仍遵奏定期限以符定章一曰派員司選自調查以至投票開票其間層累曲折極繁極難在事官紳苟不通曉章程辦理卽無從著手自設籌辦處後卽已招集稍習法政之士紳令將章程詳加討論俾咸瞭然於心然後每屬選派兩員令會同該屬之地方官召集本屬士紳再開一選舉研究會研究畢業卽幫同地方官督飭各士紳從事調查猶慮派出司員之未必盡能得人也更派總司選員駐府以指揮之猶苦總司選員之不敷各府分派也更遣叅議駐道以督率之總期僻壤遐陬皆可依期集事一曰宣講章程桂省除桂平梧潯各屬風氣較爲開通此外各屬士民多有不知選舉爲何事者調查資格既難下手愚民觀望亦在意中故不能不於調查資格之先令各屬選派士紳廣爲宣講詳述 朝廷庶政公諸輿論之意俾去愚民疑誤之心宣講之文均由省城編發以免歧誤以上三端大綱畧舉此外一應條目亦經督飭處員詳加規畫次第設施卽各屬應用之票冊表冊均係由處備辦頒發冀

免藉口遲誤現在議派司選等員均已啓程分赴各屬籌辦各事大致粗定所慮者人民放棄公權者太衆明習選舉者仍稀將來不滿票額或選舉無效均屬意中之事斯則關於人民程度無可如何者也臣惟有督飭全省官紳認真經理以期仰答 朝廷天下爲公殷殷求治之至意至籌辦處經費預算截至明年八月底止約共需銀九萬六七千兩應請 飭部立案作正報銷除分咨查照外所有設立諮議局籌辦處緣由理合恭摺具陳伏乞 皇上聖鑒訓示謹 奏宣統元年正月十五日奉 旨該衙門知道欽此

●又奏辦理農林試驗場片 再廣西開辦農林試驗場經臣於光緒三十三年七月 奏報在案惟廣西交通既艱民智尤陋試驗所得無由家喻戶曉萬室一陶難收大效詳加體察爲振興全省農業計非改辦農業學堂不可現擬於明年起開辦中等農業學堂先設豫科而以試驗場入學堂俾資實習通飭各屬選送學生暫以一百六十名爲額各項學科遵照奏定學堂章程教授一面派委委員前赴德國選聘優等教習以期取法乎上查奏定直省新官制勸業員一項可用本籍人中等農業學生畢業照章以直州判府經歷等獎勵擬俟此項學生畢業後即專用爲勸業員期之甚殷教之故不得不備此爲治本至計需用經費由臣督飭司處竭力籌措冀底於成應請 天恩飭部立案除分咨查照外謹附片具陳伏乞 聖鑒謹 奏宣統元年正月十五日奉 旨該部知道欽此

摺奏類二

山東巡撫袁樹勛奏補行軍政薦舉卓異營員摺

奏爲補行軍政堪膺薦舉卓異營員遵章改題爲奏恭摺仰祈

聖鑒事竊照光緒三十二年十二月二十

六日准陸軍部咨開定例綠營武職五年一次軍政今自光緒二十八年軍政以後至光緒三十三年又屆軍政之期各省副將以下千總以上官員堪膺卓異者查照定額山東省准薦守備以上三員千總一員如合例人員不敷不准勉強濫保足額其應劾官員確核實蹟詳細登註各爲一本分別保題奏其不入計典照常留任者填註考語造冊送部辦理等因咨行到東當經前撫臣楊士驥循照舊章將各營副將以下千總以上各官次第檄調來省逐加考驗未及核辦卸事前署撫臣吳廷斌到任後因爲期較迫奏明展緩亦未及核辦卸事移交到臣當因軍政爲激揚 大典黜陟攸關臣甫經到任各營將備未知梗概奏請將東省軍政再行展限半年俾得從容考核奉 旨允准在案臣隨於各員弁因公晉省接見之時留心體察虛衷密訪並准充登曹三鎮出具切實考語先後造冊移送督臣標左右兩營開報前來臣復將前撫臣楊士驥考驗原冊確加查核互相考證優劣均尙符合除有干八法人員另摺具 奏外查有東昌營參將德祿樸誠穩練辦事認真講求營務懋著勤勞濟南城守營守備王庚午勤樸勇敢營務認真以上二員歷俸已滿堪膺卓異之選謹會同兗州鎮總兵臣張宗本登州鎮總兵臣李安堂曹州鎮總兵臣陸建章合詞恭摺具陳伏乞 皇上聖鑒敕部核覆施行謹 奏光緒三十四年十二月十五日奉 旨陸軍部知道欽此

山東巡撫袁樹勛奏補行軍政叅劾營員摺

奏爲補行軍政列入計典營員遵章改題爲奏恭摺仰祈 聖鑒事竊照光緒三十二年二月二十八日准陸軍部咨開定例綠營武職五年一次軍政今自光緒二十八年軍政以後至光緒三十三年又屆軍政之期各省副將以下千總以上官員堪膺卓異者查照定額山東省准薦守備以上三員千總一員如合例人員不敷不准勉強濫保足額其應劾官員確核實蹟詳細登註各爲一本分別保題奏其不入計典照常留任者填註考語造冊送部辦理等因咨行到東當經前撫臣楊士驥循照舊章將各營副將以下千總以上各官次第檄調來省逐加考驗未及核辦卸事前署撫臣吳廷斌到任後因爲期較迫奏明展緩亦未及核辦卸事移交到臣當因軍政爲激揚 大典黜陟攸關臣甫經到任各營將備未知梗概奏請將東省軍政再行展限半年

俾得從容考核奉

旨允准在案臣隨於各員弁因公晉省接見之時留心體察虛衷密訪並准充登曹

三鎮出具切實考語先後造冊移送暨臣標左右兩營開報前來臣復將前撫臣楊士驥考驗原冊確加查核互相考證其優劣均尚符合除將薦舉各員另行恭摺具奏循分供職不入計典者照例逐一填註考語造冊送部外所有各鎮標營內貪酷浮躁罷軟有疾及才力不及者查無其人查有年老官一員文登營都司楊榮陞精力就衰難期振作不謹官一員實任高唐營都司署壽樂營守備葉朝棟性情浮滑聲名平常以上二員均未便留營致滋貽誤自應據實糾參請旨敕部分別辦理以整營務而肅戎政謹會同兗州鎮總兵

臣張宗本登州鎮總兵臣李安堂曹州鎮總兵臣陸建章合詞恭摺具奏伏乞皇上聖鑒敕部核覆施行謹奏光緒三十四年十二月十五日奉旨陸軍部議奏欽此

庫倫辦事大臣延祉綳楚克車林奏保開辦庫倫金礦出力閩學沂等摺奏為遵旨酌保恭摺仰祈聖鑒事竊奴才等於光緒三十四年十月十五日具奏庫倫試辦金礦

所有開辦時出力各員懇請恩准獎叙一摺於十一月十六日由驛遞回原摺奉旨准其擇尤酌保數員毋許冒濫欽此奴才等恭讀之下欽感莫名伏查光緒三十二年柯樂德旋回庫倫仍請接辦庫倫金礦

經奴才等督飭委員花翎即選同知閩學沂蒙古六品官車林多爾濟與柯樂德妥為商辦舉凡查勘地勢商定章程安緝蒙民劃開交涉均能悉心籌議勞怨不辭嗣經派委閩學沂為特勒濟河監辦官派車林多爾濟為珠爾琿珠監辦官該員等尤能和洽中外潔己奉公洵屬異常出力合無仰懇天恩俯准將花翎不論

雙單月儘先即選同知閩學沂免選本班以知府不論雙單月遇缺儘先即選藍翎四品頂戴蒙古六品官車林多爾濟賞換花翎並加三品銜出自恩施逾格除飭取該員等履歷造冊咨部外所有遵旨酌保緣由謹恭摺具陳伏乞皇上聖鑒訓示遵行謹奏宣統元年正月初八日奉旨該部議奏片

一件併發欽此

又奏庫倫金礦總辦柯樂德請賞換頭品頂戴片再查二品頂戴奏派總辦官柯樂德前於光緒二

年

年

十四年承辦庫倫金礦屢經作輟迄無成效迨至三十二年柯樂德復來庫倫據稱前集股本賠累過重不能停工仍請接辦前來當經奴才等曉以大義限以章程一面電達外務部農工商部往返咨商始定試辦之議隨經 奏奉 諭旨允准並奏派柯樂德為庫倫金礦總辦官在案該總辦官柯樂德自任事以來舉凡

踏勘金苗報効稅款以及蒙民貿易均能恪守定章毫無越範且於深山大澤之中冰雪嚴寒之候稽察各廠勞瘁不辭每年所得金砂上於 國課無虧下於蒙民有濟該總辦官柯樂德辦理礦務實屬認真不無微勞足錄合無仰懇 天恩准將二品頂戴庫倫金礦總辦官柯樂德 賞換頭品頂戴之處出自 鴻施逾格是否有當謹附片具 奏伏乞 聖鑒訓示謹 奏宣統元年正月初八日奉 旨覽欽此

湖南巡撫岑春煊奏田房稅契照鄂章徵收六分片

再湘省財政素極窘乏近復舉辦各項新政及練兵興學需費尤鉅多方騰挪幾於無米為炊而地方水旱不時物力艱難亦實無可另籌之款惟查田房稅契徵自有力之家並不累及貧民各業民置產納稅亦其常分河南湖北等省稅章均係六分徵收湘省現止五分收稅較為輕減茲擬改照湖北章程凡民間田房賣契典契每價銀一兩統按六分收稅仍照舊章分別提留湊解償款撥充兵餉以及本地學堂警務等項之需先期出示曉諭通飭遵辦責成各廳州縣認真稽徵不許民間稍有隱瞞並嚴杜吏胥從中包攬額外需索各廳州縣如有私稅匿報等弊即行從嚴叅辦似此辦理所加於民間者甚少有裨於要需者實多其於各屬辦理一切政務亦均無窒礙據湖南布政使莊慶良會同善後釐金兩局司道詳請 奏咨前來臣覆核無異除咨度支部查照外理合會同湖廣總督臣陳夔龍附片具陳伏乞 聖鑒謹 奏宣統元年正月初十日奉 旨度支部知道欽此

又奏侍衛楚鎮南作惡多端請斥革等片 再前據湘陰縣職員胡重璋等以該縣侍衛楚鎮南健訟漁利欺官虐民等情控經 臣批司飭縣查覆去後茲據湘陰縣知縣李光卓查明該侍衛控案疊疊劣蹟素著且與已革貢士左欽敏係兒女姻親彼此狼狽相依無惡不作稟由布政使莊慶良署提學使吳慶坻按察使陸鍾琦會同詳請叅革歸案審辦前來查楚鎮南光緒甲午科武舉已未科武進士 欽點侍衛竟敢恃為護

符與已革貢士左欽敏狼狽相依作惡多端實爲衣冠敗類相應請 旨將楚鎮南侍衛斥革以便歸案除咨部查照並飭縣勒傳楚鎮南到案調核被控卷宗澈訊究辦暨出示招告外謹會同湖廣督臣陳夔龍附片具陳伏乞 聖鑒訓示再貢士左欽敏前因被人控告委查屬實經臣奏革歸訊現尙避匿不到合併陳明謹 奏宣統元年正月十一日奉 旨著照所請該部知道欽此

廣西巡撫張鳴岐奏解清游學日本各生經費片

再日本高等五校廣西省奉派學額六名前經將籌認經費情形 奏明在案茲查光緒三十四年分桂省應解首年經費日幣三千九百元業已分次解清據派辦政事處司道具詳前來除咨學部度支部查照備案外理合附片陳明伏乞 聖鑒謹 奏宣統元年正月十四日奉 旨該部知道欽此

又奏同知和廷彪稽征不力暫行革職片 再廣西抽收釐金光緒三十年間改辦統稅嚴定比較長收五成以上者保獎短收五成以上者叅劾當將章程咨部開辦以來長收五成以上各員迭經前撫臣柯逢時李經羲並臣先後 奏獎均蒙 恩准各在案惟非信實無以示勸亦非必罰無以示懲前查有辦理平塘江鹽務奏留補用同知和廷彪於三十三年六月十六日到差計至十二月十五日半年期滿短收比較五成有奇計銀二萬三千餘兩實屬稽征不力據統稅總局司道詳請 奏叅前來臣覆核無異惟查該同知在桂多年治軍尙稱得力相應請 旨將該同知和廷彪暫行革職留營効力以重考成而觀後效除分咨查照外謹附片具陳伏乞 聖鑒訓示謹 奏宣統元年正月十四日奉 旨著照所請該部知道欽此

又奏請以候守胡銘榮等充秘書員各差片 再查核定官制王大臣奏定直省官制內開督撫衙門應設秘書員一人承督撫之命掌理機密摺件函牘等因現在新政日多亟應遵章設立幕職分科治事以資提挈秘書員事煩責重非得才長心細之員弗克勝任查有奏派總理富賀官礦局候補知府胡銘榮堪以調充遞遺富賀官礦局總理一差查有候選同知張繼龍堪以派委該礦工程運銷諸事日漸煩多並增設副總理一員俾資襄助查有揀選知縣蔣仁堪以派委除檄飭遵照外謹附片具陳伏乞 聖鑒謹 奏宣統元年正月十四日奉 旨該部知道欽此

月十四日奉 旨該部知道欽此

西歷一千九百九年二月十一號 星期四

本局設立北京東長安牌樓王府井大街

宣統元年正月二十一日第肆百陸拾壹號

電話內城總局第二百零一號

政 治 官 報

目

錄

●宮門鈔○交 旨一道○事由軍●摺奏類一○稽察守衛事宜大臣奏遊擬詳細稽察章程摺併單○度支部奏議覆直督等奏濟南等處商埠經費請 飭撥借摺○吏部奏酌擬稽察期滿獎叙辦法摺併單○豫撫奏請以英山令王青選留辦礦務片○察哈爾都統奏查辦口外蒙漢要匪分別懲治等摺○東督等奏江省添設府廳州縣交代暫行免扣例限一律報部片○粵督奏前侍讀學士梁誠服闋仍留辦路事片○新撫奏編練陸軍辦理情形片○贛撫奏設立諮議局籌辦處摺●摺奏類二○東督等奏江省應進貢貂額懇緩免採捕摺○又奏請以黃維翰補綏化守片○豫撫奏機器局用款請由減平項下籌撥片○滇督奏請將沈秉旂等從優議叙片○又奏請將降匪之黃體良等革職嚴辦等片○又奏請 賞給高而謙等頭品頂戴片●廣告

政 治 官 報

目 錄

正 月 二 十 一 日 第 四 百 六 十 一 號

一

宮門鈔

正月二十日 外務部 欽天監 侍衛處值日 侍衛處引 見四名 慶王因子

署正黃旗漢軍都統謝 恩 振貝子署都統謝 恩 溥倬 吉陞各請假十日

祥普假滿請 安 外務部封奏三件 趙炳麟封奏一件

召見軍機 梁敦彥聯芳鄒嘉來

交旨

正月二十日

監國攝政王鈞章

軍機大臣欽奉

諭旨

監國攝政王府第著派奎俊核實估修欽此

軍機大臣署名奕劻世續張之洞鹿傳霖那桐

正月二十日內摺傳 旨事由單

宗人府進 星源集慶奉 旨留○御前乾清門吏部陸軍部各奏月摺均奉 旨換出○嚮導處奏三

月十二日 德宗景皇帝梓宮奉移 山陵暫安沿途 蘆殿地盤及橋梁道路請 派員

前往查勘事奉 旨派出禮親王世鐸○張之洞奏開用改鑄鐵路大臣關防日期事奉 旨知道了○

理藩部代奏 御前行走喀爾喀親王剛達多爾濟因病請假回游牧請 旨事奉 旨准其回游牧○
又代奏 御前行走青海頭等台吉多銳差竣恭請 聖安回游牧事奉 旨知道了

正月二十日內外摺奉 旨事由單

外務部奏譯呈日國國書並恭擬答復 國書摺 依議○又奏譯呈德國國書摺 知道了○又奏中美公斷專約請 旨批准摺 依議○增蘊奏杭關百九十二結藥釐收數摺 該部知道單併發○又奏浙關百九十結華洋稅鈔數目摺 該部知道單併發○又奏浙關百九十結洋藥釐捐銀數摺 該部知道單併發○又奏上海中國公學經費立案片 該部議奏○又奏解第五批直隸協餉摺 該部知道○又奏撫運兩署公費仍於提存庫款動支片 該部知道○又奏蘇杭甬鐵路借款虧耗請由鹽飭加價內提撥片 度支部議奏○又奏杭州關百九十二結收支稅鈔銀兩摺 該部知道單併發

摺奏類一

稽察守衛事宜大臣奏遵擬詳細稽察章程摺 併單

奏爲遵擬詳細稽察章程繕單具陳恭摺仰祈 聖鑒事竊 奴才等奉 命總司稽察守

衛當經酌擬暫行辦法奏蒙 俯允遵照辦理在案原奏聲明詳細稽察章程及人員執掌

薪津數目續行擬訂奏明辦理連日以來督飭章京委員等分班進 內晝夜周巡凡各營守

衛處所承值官兵漸皆知所儆畏較前略覺改觀出入門禁漸形整肅各該管大臣等亦皆能

仰體 朝廷慎重宮禁之意董誠所屬旋有 東華門 大清門等處拿獲闖門人犯之案尙

屬辦事認真獨是爲治之道不惟其暫惟其久不惟其貌惟其心禁兵承累年積習之餘整頓

維持形式固貴整齊精神尤宜貫注務令人人知責任所在必期齊一心志日起有功入供翊

衛之班出司警蹕之職所謂環拱 宸極上應勾陳者胥恃乎此查各營之執掌雖異撮其

大要不外守衛扈從兩端 奴才等謹案 會典所載詳加參考擬訂稽察章程三十條均係申

明舊制未敢率議更張事必求其可行法貴嚴而不擾隨時隨事實力稽察 奴才等渥荷

聖恩萬不敢故邀寬厚之名稍涉疏縱謹將所擬章程並人員執掌薪費數目分繕清單恭呈御覽如蒙 俞允遵卽行文各該衙門暨督飭各員遵照辦理所有釐訂稽察章程緣由是否有當理合恭摺具陳伏乞 皇上聖鑒訓示謹 奏光緒三十四年十二月十八日奉 旨依議欽此

謹將酌擬稽察守衛詳細章程繕具清單恭呈

御覽

一親軍前鋒護軍內務府三旗護軍驍騎宿衛等

營凡應在 禁城內值班當差關係守衛者均應遵照例章所定執掌恪守舊規統由總司稽察認真考核以重羽衛 一 禁城內外圍及 紫禁城馬道以上凡有值班處所皆在應行稽察之列 一親軍前鋒護

軍內務府三旗護軍驍騎等營應將所轄地段劃清界址並於該管界內註明管理處所若干咨報總司稽察以免遇事互相推諉 一定制每日 景運門統領一人 隆宗門協理統領事務叅領一人 順貞門內務

府護軍統領一人嗣後每日何人值班應將銜名開報總司稽察由駐 內章京接收 一定制 闕左門司

鑰長日則隸於 景運門值日統領夜則以前一日下班之統領稽查此項稽查統領應每日將銜名開報稽

察守衛事宜處 一 景運門 闕左門司鑰長及各門處各堆汛值班叅領弁兵應每日將職名花名開報

公所倘有遲延遺漏當日查究 一各項他坦人類不齊應由內務府查問明確將人數開報以備抽查 一

稽察出入門籍最關緊要凡應設門籍之處例派識字護軍專司其事如不認真檢閱登記查出究辦 一定

制每門設紅杖二以護軍二人更番輪執坐於門下親王以下經過者不起立有不報名擅入者撻之此項紅杖各門如有殘缺者應由該管趕緊設備派兵輪執 一傳籌之制 紫禁城內五籌 紫禁城外八籌應按例定汛段絡繹遞傳倘有積壓遲誤查出叅辦 一啟閉 禁門各門值班叅領有每夕驗視扇鑰之責驗畢納鑰於司鑰長司鑰長受鑰彙存於篋復加扇鑰詰朝各門領鑰啟門嗣後如有叅領不實行驗視扇鑰及司鑰長不扇鑰鑰篋或納鑰領鑰不以時者查出叅辦 一 景運等門各執有例定陰文合符此大 特製雙龍陰文合符俟祇領後如遇夜間啟門值日統領次日具奏後應知照總司稽察 一定制 紫禁城內

外各門堆撥排列之軍器應隨時磨礪有應修整者行文武備院修整現在各處所設長槍間有欵斜應由該管行文武備院辦理並飭官兵妥爲留心看守防備風雨交班時互相查驗交代如查有棄擲傷損嚴行叅辦

一值班官兵交替時刻員數名數均有一定如查有不當面交接或缺少人數者嚴行叅革 一進 內當差之人皆應執有門照腰牌惟日久弊生難保無通融借用情事應由內務府 景運門通咨各衙門凡係進內當差之人各於門照腰牌粘貼本人相片一頁嗣後如無門照腰牌及有門照腰牌而未粘貼相片並相片與本人不符者不准擅行出入違者查究擬自明年三月初一日起實行此項相片每屆一年更換一次

一抬負物件出入各門須由承管之處預行知照到門後仍詳細檢驗倘夾有違禁之物立即追究如未經知照而各門擅許出入者查出究辦 一官兵值班處所及各他坦如有賭博酗酒放縱喧譁情事查出交該管治罪 一 東華門 西華門 神武門 闕左右門 東西長安門爲當差人員往來經行之地應由該值班官兵隨時稽查登記次日開報公所不得遺漏 一除值日稽察章京委員外仍不時派員密查此項密查人員均發有鈐蓋關防執照經過各門驗照放行 一值班官兵遇有章京委員往查均須立正致敬宿衛營兵仍行軍禮均不得傳呼下段並免去請安以省繁文 一夜間自二更以後天明以前如遇章京委員往查除值更之人照常排班外其睡歇者勿庸起立以示體恤倘缺短人數朦稱睡歇查出究辦 一 內廷重地理宜肅靜值班官兵所轄段落內應隨時掃除潔淨如有污穢不堪任意作踐者查出究辦 一前鋒護軍宿衛等營兵丁均有官發一色服裝三旗護軍驍騎營亦有應穿官服倘有衣帽不整或便服站班者查出究辦

一每日應由前鋒護軍三旗護軍輪撥強壯兵十名赴公所跟隨稽察以資協助 一駐 內之章京委員等每日掩門後不克出外巡查擬酌派下班之委員赴外圍抽查以期周密 一前鋒護軍官兵由學堂學兵營畢業者應每日照常操練宿衛營兵常川駐紮亦應照常操練如不按時出操查出究辦 一守衛重要處所繁多似須權限分明又能聯絡一氣方無散漫隔閡等弊應由總司稽察隨時會商該管大臣統領等妥籌整飭有必須重訂章程者奏明請 旨辦理 一各處守衛官兵除查有曠誤疏懈情事隨時奏咨懲辦外

至各該營成績應按平日稽察情形隨時登記統爲計算比較優次按年奏報最優者核請獎叙中等者免議次者請 旨量予懲儆 一恭值 大行皇帝暫安 觀德殿所有 景山周圍之護軍宿衛等

營官兵擬不時派員抽查以昭嚴肅 一凡遇 壇 廟祭祀及 陞殿之日並 聖駕巡幸

謁 陵各差各營官兵均有例定執掌規制甚詳屆時應照 會典所載嚴行稽察倘查有疏懈及不能盡職情事卽予叅辦 以上各條謹舉大概其餘應隨時咨明辦理如有應行變通之處另行奏明更訂

度支部奏議覆直督等奏濟南等處商埠經費不敷請 旨撥借摺

奏爲遵 旨議奏恭摺仰祈 聖鑒事直隸總督楊士驤等奏山東濟南等處商埠經費

不敷請飭撥借以濟要需一摺光緒三十四年十二月初四日奉 旨度支部議奏欽此欽

遵由內閣抄出到部原奏內稱據辦理濟南商埠總局候補道朱鍾琪詳稱伏查濟南商埠開

辦已屆三年界內工程各商埠總局巡警局審判公所汽機房市房存貨行棧迎賓館及馬路

等均次第建設此外如購回德領事房屋地基及置辦碾路機器招練巡警開掘井泉雖亦略

具端倪然猶亟宜推廣現在貨品轉輸日見暢旺洋商之訂租地畝者固不乏人其資本淺薄

者每以埠界無屋可租雜居城市茲值嚴定新章照會各國領事凡外國商人概不准在城隍

居貿易此後一律遷徙則市房行棧均宜添造此建築之宜推廣也大馬路歲久失修重車碾

壓漸多窪陷若再不修他日需費應多將同另築二馬路雖經修竣應添修橫馬路數條以便

往來此修路之宜推廣也津浦鐵路已漸次興工車站亦設埠內他日洋商行旅皆出其塗其

繁盛情形無待著卜則公園菜市衛生院等工非特視聽所關要亦主權所屬不得不先時籌

度則續購地畝三分之一續遷墳塚五分之四需款尤殷此購地之宜推廣也種種急需省無

可省而先後兩次奉撥膠關稅銀二十九萬餘兩已將次用罄萬不能輟工待款惟有仍請於膠海關六成洋稅項下再行撥借銀十萬兩一俟設關後收有稅捐即便如數歸還等情查濟南商埠事關重要經費異常支絀待用孔迫且與蘇杭長沙等埠情形不同亟須籌撥自係實情仰懇 敕部再由膠關六成洋稅項下撥解銀十萬兩一俟收有稅捐再行如數撥還仍由臣等督飭局員隨時核實動用分晰造報等語臣等伏查濟南開辦商埠前經臣部於第一次請撥經費案內在膠海關征收稅款撥給銀十九萬一千餘兩嗣又於第二次請撥經費案內在膠海關六成洋稅撥給銀十萬兩均經先後奏咨在案合計兩次共撥過銀二十九萬一千餘兩誠以濟南雖已開埠一時尙不設關無稅捐可收其情形核與蘇州長沙等處開埠設關同時並舉者微有不同所需各項經費自難比照蘇州長沙開埠成案概令本省自行籌墊是以量予變通除常年經費仍令本省自籌外其有關乎開辦時所用者一經請撥無不勉爲應付俾濟要需茲復據直隸總督等奏陳前撥經費將次用罄並懇舉建築行棧添修馬路以及購地遷墳在在均宜推廣請再由膠海關六成洋稅項下撥解銀十萬兩意在次第經營俾要工日臻完美自應准如所奏在膠海關六成洋稅再撥給庫平銀十萬兩統俟該埠設關後由所收各項稅捐照數提還歸款仍由該督等嚴飭局員撙節動用核實報銷以重款項至前項所撥經費原以開辦時需用者爲限其有用款應歸入常年經費者便當照案由本省籌措卽如馬路一項建造工程應動支開辦經費若歲修工程卽當另籌常年經費不得再由開辦經費內動支始不至與原案相歧原奏以大馬路歲久失修亦列入此次推廣各項工程之內界限殊未劃清仍應令各歸各款分別支用庶有條不紊將來全案報銷亦覺便於稽核所有

臣等遵議緣由理合恭摺具陳伏乞 皇上聖鑒訓示遵行謹 奏光緒三十四年十二月二十八日奉 旨依議欽此

吏部奏酌擬騰錄期滿獎叙辦法摺 并單

奏為酌擬 臣部期滿騰錄獎叙辦法先行具奏請 旨事竊 臣部前於裁吏案內奏明繕寫

宜用士人擬招考騰錄專用滿漢舉貢生員出身者每月酌給薪食三年擇尤保獎一次等因

於光緒三十一年三月十二日奉 旨依議欽此又准政務處咨寬籌舉貢生員出路章

程內開凡各部門衙門均令考用騰錄幫繕公牘舉人五貢生員分為三等酌給津貼三年後

分別獎叙准以實官分發其舉人拔貢優貢當差期滿並由該堂官擇尤奏請改用七品小京

官在部行走俾昭激勸等因於光緒三十二年二月十五日具奏奉 旨依議欽此先後

欽遵在案 臣等查兩項定章均有三年給獎之文惟所稱專用舉貢生員則與 臣部現辦情形

有未能符合者緣 臣部裁吏之後急於招考各省士人來京不易多不免雇倩頂替等弊迨本

身報到或又字跡一無足觀是考取之員已不盡屬可用嗣以官制遞更各衙門既多設供事

書記錄事等員政務處復推廣揀選就職各法凡在一衿以上效用之途日寬致此項取

材之數復因之日乏一日 臣部常年應繕文牘累萬盈千其各項陳奏摺件關繫尤要勢均無

可遷就不能不兼訪生監俊秀中之確有士行字畫端好者權宜並用以輔招考之不足又查

政務處原奏僅稱舉人暨優拔貢騰錄准用七品小京官其 恩副歲貢廩增附生應予何

項實官俾分發効力之處並未分晰指定竊思舉人優拔貢僅以繕寫之勞三年即授七品京

官既不免過優即 恩副歲以下概予分發亦恐期滿之後得力者均相率去部而續招考

又未必得力年更月替長此生手亦與部事無裨凡此均係實在情形正不獨臣部爲然臣等不得不據實先行聲明或推廣出身或限制用法以期事理可資經久現計臣部自三十一年裁吏之日起截至上年十二月底止所有陸續傳充暨同時另募各臚錄多已有期滿之人自應將如終在事者一體分別等次酌予獎叙以勵勤勞而資觀感其濫竽充數者雖舉貢出身亦應隨時淘汰俾於體恤寒畯之中仍寓慎重名器之意謹參考各館議叙定例並近年准獎新章酌擬辦法八條另繕清單恭呈 御覽如蒙 俞允再由臣等將期滿各臚錄分別奏明辦理未盡事宜並容隨時具奏所有 臣部擬獎臚錄先陳辦法緣由謹繕摺具陳是否有當伏乞 皇上聖鑒訓示遵行謹 奏宣統元年正月十四日奉 旨依議欽此

謹將酌擬 臣部期滿臚錄獎叙辦法八條繕具清單恭呈 御覽 計開 一臚錄自任差之日起扣滿三年方准核給獎勵初次截至光緒三十四年十二月三十日止以後再有報滿者仍以每年年終截止一次陸續給獎 一給獎爲授職之始所有籍貫出身不容稍有含混應令該臚錄等各將出身履歷及任差日期詳

悉開明並取具五名互結暨同鄉京官印結聲明實係親身並無假冒再行核辦 一臚錄平日當差之勤惰書法之工拙責令各該司查明復由臣等面加考試分別等次列爲最優等若干員優等若干員中等若干員酌量錄用 一最優等概行留部查釐定官制草案吏部應設八九品錄事員缺今擬設八品錄事二十缺九品錄事三十缺就最優等臚錄中擇其尤者補八品錄事其次補九品錄事再其次以九品錄事候補凡留部之員以後按次酌量升補不再列入獎叙至八品錄事任內扣滿三年舉貢出身者准以七品小京官用他項出身者准其比照司務定章辦理 一優等給予外官分發除舉貢揀選就職原有應得分發官階應分別酌加獎勵外其餘生員出身以縣主簿州吏目分省歸議叙班試用俊秀出身以從九品未入流分省歸議叙班試用 一中等給予外官候選除舉貢揀選就職原有應得候選官階應分別酌加獎勵外其餘生員出身以

縣主簿州吏目歸雙月升選二缺後選用俊秀出身以從九品未入流歸雙月升選二缺後選用一優等中等外用之員如先經捐有職銜准其比照各館優叙及尋常議叙定例照銜議給實官分別選用惟不准再給分發至因別項勞績先已得有官階在此大應得議叙官階之上者應按當差等次分別酌加班次或給予加銜加級以上外用各員俟得獎勵後即節令離差 一本部裁吏之後繕寫需人先係廣募善書摺件之供事人等繼始考取謄錄雖名目不一効力則同此次獎叙應統歸一律分別等次辦理

河南巡撫吳重熹奏請以英山令王青選留辦礦務片

再據在籍紳士法部主事李時燦等呈稱部選安徽英山縣知縣王青選河內縣人於光緒三十四年二月選授今職四月初十日經 欽派王大臣驗放堪以准其補授奉 旨

依議欽此二十日領憑出京自應依限赴任惟該員前曾在籍創辦憑心煤礦公司集股數十萬並領有官款銀二十萬兩事體重大全恃該員經理一旦遽易生手恐於實業前途大有阻碍所領官款正議提還尤非該員留豫妥為經理難期早日完結查部選直隸南樂縣知縣景啟驥因豫省自辦鐵路曾經前撫 臣林紹年奏留在籍襄辦路務奉 旨允准在案今該員事同一律擬請暫留豫省辦理礦務以資熟手原領憑照應先繳銷等情由商務農工局司道核明詳請 奏咨前來 臣查憑心公司之設原為保全礦利起見該公司領有官款銀兩現

議提還事體極為重要所請將該員王青選留豫辦礦之處核與景啟驥留辦鐵路成案相符合無仰懇 天恩俯念礦務緊要准將安徽英山縣知縣王青選暫留豫省辦理憑心公司

礦務一俟經手事竣再行給咨赴任出自 鴻慈除俟奉 旨後再將該員憑照咨銷並

分咨外理合附片具陳伏乞 聖鑒訓示謹 奏光緒三十四年十二月二十五日奉

旨著照所請該部知道欽此

察哈爾都統誠勳奏查辦口外蒙漢要匪分別懲治等摺

奏爲查辦口外蒙漢要匪分別懲治並探明賊巢設法擒拿妥籌擬辦以衛商旅而清盜源恭摺 聖鑒事竊照張家口外地方遼闊當四塞之衝東接遼熱西連歸綏延數千里蒙漢雜居治權不一又地多山險素爲奸宄之藪比以污萊漸闢民族日蕃醜類不齊盜賊益屬居其間躍馬縱橫槍械堅利四出剽掠甚或盤踞深谷召集亡命或支搭帳篷攔路截擊且有冒充官軍狡謀百出平時莫辨良莠事發動係巨案爲害商旅形同化外正在飭拿適奉 命協剿什巴爾臺山之賊未遑兼顧匪膽愈熾迨東路事竣即派委員酌帶馬步各隊鼓行而西購線置諜四面查拿該匪黨且拒且逃經官兵奮力窮追直達界連山西之魁騰越梁大山之下先後擒獲歷次夥劫拒捕傷人之要犯趙佐李錫海董先崧趙荃德王崧李恩等二十餘名並獲住行劫洞闊爾呼圖克圖財物之魁騰梁匪首韓登成一名暨賊魯普桑巴雅爾蟒鼈等多名搜出賊物起獲槍械押解來口餘匪聞風遠颺或竄入山內當將已獲各匪發司嚴鞠訊取確供照章正法另案彙奏其情節較輕者分別遞解原籍原旗酌予監禁一面傳集事主認贓給領而已獲洞闊爾呼圖克圖之賊物亦交該喇嘛認明具領其未獲賊犯檄飭興和廳勒限追緝此數月以來緝獲要匪分別懲辦之情形也惟是除暴所以安良而擒渠必先掃穴雖經陸續獲辦究未淨絕根株復經遴派幹弁帶隊往偵迭據報稱零星賊股出沒無定而老巢則在魁騰梁魁騰者譯言冷也該梁當察哈爾右翼昆連晉邊周圍三百餘里西抵陶林四五十里南抵豐鎮六七十里東距正紅旗北距鑲藍旗各百餘里山勢崢嶸層巒迴抱巉巖陡壑形殊險惡有一夫當關萬夫莫開之勢崖洞數十皆可容匪梁頂建土房十餘間

如建瓴然燦內大小諾爾百有八處諾爾者譯言水泊也賊就其處開荒爲蔬圃又於廳屬置田產若良民所居而行旅經此則出而劫奪飽輒匿去故人無知者又中分爲二曰東燦即韓登成等負隅之地曰西燦乃羣賊所聚多則千餘少亦數百更時與圍場一帶土匪暗中結納等語並訪聞著名蒙漢匪目多名奴才查該處爲蒙古屬地夙稱險要藉非蒙賊窩藏即兇悍亦難深入是欲辨漢賊必先清蒙賊爲入手蓋淵藪既清則黨羽自散議者謂非調集大兵合圍雕剿不能盡殲然竊思蒙民素稱謹愿今乃甘於稔惡必有所迫而然因飭詳細考查推究原委復調集各總管面加詢察僉稱蒙民向恃牧畜爲命迨墾政旣行旗地盡闢有水草處悉爲阡陌今晉邊諸廳皆右翼地窮民無處牧放年復一年流而爲匪不早爲計愈聚愈多後患叵測各等語核之訪聞所得大致相同詳加察度均係實情伏思墾牧兩事不易兼全棄地不治固不可棄民不治尤不可蝟蟻苟有生機誰肯挺而走險今蒙衆以飢寒之故迫爲強梁其罪固不容誅其情不無可憫現值嚴寒山賊皆散處民間若猝然掩捕旣恐玉石俱焚若置爲緩圖更恐養癰成患奴才等仰體 朝廷軫念蒙艱之意深惟罔民不仁之文何忍不教而誅上悖 聖天子好生之德籌思至再與其待焦頭爛額有興師動衆之勞孰若先曲突徙薪爲正本清源之計查從前右翼開墾曾經墾務大臣爲蒙旗酌留隨缺地畝及每畝隨征四釐私租原係體恤貧蒙留備善後之用立意未嘗不厚惟蒙人不習耕田畝是否親耕收成能否自贍至四釐之租定章須升科後方有著落現在已否收有成數歲共可得若干奴才衙門無案可稽均須切實調查擬即選派公正大員分投考察並俟飛咨山西巡撫及綏遠城將軍轉沿邊各廳將以上各節詳細查覆再行酌定章程出示曉諭寬其既往俾各安生一面

設法撫馭籌款練兵巢穴既清漢賊自無所容庶免釀成大患似此教撫兼施倘再冥頑梗化即予嚴行痛剿統俟辦理就緒另行 奏咨立案至現在各案逸匪仍飭竭力嚴拿務獲究辦並隨時嚴密巡緝以衛地方此探明賊巢另籌善後以冀一勞永逸之辦理情形也奴才責任籌邊既不敢姑息養奸亦未敢操切從事惟當化大爲小化有爲無庶稍分 宵旰北顧之慮至此大出口辦賊各員弁躬冒鋒鏑備極辛勤雖無大股攻殺之勞實亦肉薄相從之事擬請由奴才隨時酌給外獎以示鼓勵所有查辦口外要匪並探明賊巢另籌辦法各緣由除分咨查照外謹繕摺具陳伏乞 皇上聖鑒訓示謹 奏光緒三十四年十二月二十六日奉 旨該部知道欽此

東三省總督徐世昌等奏江省添設府廳州縣交代暫行免扣例限一律報部片

再江省未設郡縣以前僅有呼蘭綏化二廳每年正供亦祇大租雜稅二項如遇交代向止冊報戶司存查並不咨部亦無期限從前邊地政事率皆簡略自近年陸續添設府廳州縣并改建行省以來正雜款目逐漸加增交代關係考成自應嚴行查核免滋弊竇惟是地方新闢州縣次第添設界址隨時勘劃清查熟地撥放生荒輾轉轉轉釐定實非易易又兼邊圍吏才難得若事事拘以成例勢必窒礙難行自應量爲變通擬請自宣統元年起遇有府廳州縣交代暫行免扣例限一律報部查核庶於權宜之中仍寓稽核之意俟數年後規模大定再行按例依限辦理並請將光緒三十四年以前各案交代免其補報以省繁牘理合附片陳明請 旨飭部立案伏乞 聖鑒訓示謹 奏宣統元年正月初六日奉 旨該部議奏欽此

兩廣總督張人駿奏前侍讀學士梁誠服闋仍留辦路事片

再在籍頭品頂戴前內閣侍讀學士梁誠籍隸廣東廣州府番禺縣先於光緒三十二年八月二十五日在出使美國大臣任內聞訃丁嫡母憂嗣經交卸使事回京覆

命經臣奏奉

諭旨派充商辦廣東粵漢鐵路公司總理回籍接辦茲准梁誠以自聞訃丁憂之日起扣至光緒三十四年十一月二十五日不計閏二十七個月服闋例應起復晉京供職咨請

奏報前來臣查梁誠總理路事以來措置有方成效卓著擬請留籍辦理免其扣資以孚衆望而重要政先經臣電請軍機處代奏欽奉

諭旨允准咨行欽遵在案除將該員起復日期分咨內閣暨吏部查照外謹附片具陳伏乞

聖鑒再梁誠實於光緒三十四年十一月二十五日服闋臣前次電請聲叙扣至宣統元年二月服滿係屬傳說錯誤合併聲明謹

奏宣統元年正月初八日奉旨該衙門知道欽此

新疆巡撫聯魁奏編練陸軍辦理情形片

再上年九月准陸軍部咨行奏定全國陸軍應編鎮數章程內開自奉旨之日起新疆

應限三年編足一鎮等因當經奴才飭令督練公所參議官兼兵備處總辦布政使王樹枏等

按限次第籌辦在案茲據詳稱新省前因餉力奇絀就原有續備等營改編步隊三營馬隊二

營礮隊一營暫名陸軍減成協於光緒三十二年八月奏咨有案去冬遵飭設法騰挪籌備

餉項添募壯丁編工程隊一隊於上年十一月成軍續編馬隊一營於本年三月成軍分別揀

派員弁管帶並增設馬隊標統一員俾專責成馬隊營制餉章悉如其舊工程隊亦參照定章

辦理等情奴才逐加查驗此項添募馬隊工程隊均係招自關內亦屬一律精壯現計礮隊尙

虛第二第三兩營容俟籌有的款即當按限陸續添足以符定章除咨陸軍部查照外謹會同

伊犂將軍臣長庚陝甘總督臣升允喀什噶爾提督臣焦大聚附片陳明伏乞
奏宣統元年正月十六日奉 旨陸軍部知道欽此 聖鑒謹

江西巡撫馮汝驤奏設立諮議局籌辦處摺

奏爲設立江西省城諮議局籌辦處謹將現辦情形恭摺具陳仰祈 聖鑒事竊查接管卷

內前撫臣瑞良遵奉

上諭先於省城設立諮議局創辦所遴派藩學臬三司暨紳士吏

部主事陳三立禮部主事劉昌熙爲總協理嗣由前護撫臣沈瑜慶遵照憲政編查館通咨就

原設之創辦所改爲諮議局籌辦處飭令原派官紳次第辦理業經 奏明在案伏念諮議局

爲議院之始基籌辦處又爲諮議局之豫備前奉 諭旨既限以明年九月爲諮議局成

立之期則此一年中豫備事宜非先爲之統籌全局挈領提綱藉官吏督促之實權收士紳輔

助之能力而又破除一切吏胥文牘濡滯拘牽之舊習必不能急起直追剋期竣事臣八月到

任後查悉原派紳士吏部主事陳三立已赴江甯禮部主事劉昌熙現在九江總理鐵路事宜

均未能駐省辦理藩學臬三司亦皆各有職任未遑專司其事是非另派專辦員紳駐處任事

不足以赴期限而專責成當經臣悉心參酌手訂籌辦處簡明章程派委藩學臬三司爲總辦

候補道吳慶燾在籍前浙江甯紹台道喻兆蕃爲會辦分選舉文牘庶務三科派在籍郵傳部

主事賀贊元江西候補知府王以懋席業爲三科科長各委科員實行籌辦並照會吏部主事

陳三立等爲各屬名譽參議以備隨時諮詢現已擬定選舉調查規則條文通飭各屬趕設選

舉事務所劃分選舉區查造選舉人名冊其初復選舉日期應請按照蘇浙辦法稍爲展寬仍

遵於宣統元年九月初一日成立諮議局一面設立司選員研究所廣選員紳先將奏定章程

悉心講習以備派往各屬幫同教導切實調查又慮民智未開或多阻滯由臣飭處剴切示諭編纂白話演說分布城鄉使人無智愚皆曉然於朝廷咸與維新之至意其餘一切應行事宜均經臣體察地方情形酌定籌辦次序分別月日按期催辦不敢稍涉因循臣更當隨時督率員紳振刷精神切實研究務集衆思而廣忠益以宣上德而通下情其一切籌辦經費力從樽節酌量核定飭由藩司撥放濟用應請作正開銷除將諮議局籌辦處章程並辦事員紳銜名分咨憲政編查館暨民政部查核外所有現辦情形理合會同兩江督臣端方恭摺具陳伏乞 皇上聖鑒訓示謹 奏宣統元年正月十七日奉 旨該衙門知道欽此

摺奏類二

東三省總督徐世昌署黑龍江巡撫周樹模奏江省應進貢貂鬚懇緩免採捕摺

奏為江省應進貢貂委因無從採捕籲懇緩免以恤兵艱恭摺仰祈 聖鑒事竊查本省貢貂向由布特哈墨爾根黑龍江呼倫貝爾等城各官兵按年入山採捕照額輸納以備 上供自近年各處招墾山荒榛蕪日闢山虞歲產日就星稀蒐獵既窮購索匪易然以品關 御用黼冕是供歲獻有常豈容或曠該官兵等世承 恩象誼應輸將自十數年來因捕獵之基難特購辦以足額其購買之價出自俸餉較之內地採辦騰貴轉為過之而各省協濟之餉積欠久屬虛懸迭次奏催會無一應故兵丁日形困苦供億實屬艱難歷經前任將軍據實瀝陳所有光緒二十四年短進貂貢暨二十六年應納貂貢均經先後欽奉 硃批飭令緩納自二十八年以後緩進之 諭年復一年是其艱苦情形已蒙 聖明洞鑒本年遭際大變迭告國哀特布 綸音除祭品外悉予停罷仰見 聖懷篤孝敦崇節儉為天下先竊維此項貢物既非祭品合無仰懇 天恩俯准暫行緩納一俟休養數年採捕確有把握再行遵依向例貢納以廣 皇仁而示體恤出自 逾格鴻慈所有懇 恩緩免歲進貂貢緣由是否有當伏乞 皇上聖鑒訓示謹 奏

宣統元年正月初七日奉 旨著准其暫行緩免呈進俟三年後仍著照常呈進毋誤欽此

●又奏請以黃維翰補綏化守片 再綏化府知府多祿呈請開缺出洋游歷當經 旨等以要缺難久懸批准開缺在案惟查該府處東荒隴區地方繁要萑苻出沒無常非得精明幹練之員不足以資治理臣等公同詳酌查有現署呼蘭府知府記名直隸州知州陸軍部主事黃維翰樸實廉勤盡心民事在呼蘭任內推廣學堂緝捕盜匪庶政修舉卓著循聲其治行實爲通省之最著以補授綏化府知府員缺實能有裨地方查本省近年出有要缺如選有得力人員均經奏請補授懋蒙 恩准各在案該員黃維翰以之補授綏化府雖銜缺稍有未合而人地實在相需合無仰懇 天恩俯念邊疆員缺重要特予照准以重民治出自 逾格鴻慈臣等爲因地擇人起見是否有當謹附片具陳伏乞 聖鑒訓示謹 奏宣統元年正月初七日奉 旨吏部議奏欽此

河南巡撫吳重熹奏機器局添購料件經費照案由減平項下籌撥片

再河南機器製造局向無的款每年製造鎗砲子彈供應陸軍暨防練各營應需材料款項隨時由司於減平項下籌撥歷經照辦在案茲據布政使朱壽鏞詳稱該局現造各種鎗子日多兼仿造新式鎗砲估計應購小口徑鎗筒料鋼彈頭鋼皮子袋軟鋼生鐵及造各種鎗子共需華魯魯銅白鉛青鉛暨零星雜料約銀三萬餘兩撥節核減亟須先籌銀二萬兩以免貽誤茲經照案於新章減平項下籌撥懇請 奏咨前來 臣覆核無異除分咨外謹附片陳明伏乞 聖鑒謹 奏宣統元年正月初七日奉 旨該部知道欽此

雲貴總督錫良奏請將沈秉堃等從優議叙片

再此次邊亂猝起征調紛繁滇省瘠遠之區餉械兩缺經雲南布政使沈秉堃精心擘畫設法分路勻濟並竭力督催用是前敵得以匱乏無虞膚功迅奏又奴才出省視師時電調前署雲南提督臨元鎮總兵劉銳恒專願省防並調昭通鎮總兵張嘉鈺在省募練新兵以備策應該總兵等短衣草履晝夜督率訓練巡防不遺餘力省城根本之地得以安堵如常前勞亦有足錄合無仰懇 天恩俯賜飭部將雲南布政使沈秉堃臨元

鎮總兵劉銳恒昭通鎮總兵張嘉鈺從優議叙以勸勳事理合附片具陳伏乞
年正月初八日奉 旨著照所請該部知道欽此 聖鑒訓示謹 奏宣統元

●又奏請將降匪之黃體良等革職嚴緝等片 再查河口一役當革匪初至之時各防營及對汛員弁或潰
或降幾至匪勢披猖不可收拾幸仰賴 朝廷威福剋日蕩平而各員弁之喪心昧良損師失律實難寬宥當
經奴才奏奉 諭旨從嚴叅辦即經分飭該管各官據實查覆去後茲據查明南防巡防隊第十營管帶補

用守備黃體良第三營管帶補用千總李美文案選用巡檢徐壽松收支候選從九游瀛洲哨弁補用千總何
有才把總區鴻標黃體金何品章外委游永富或駐河口或駐壩泗均先後甘心降匪現尙在逃罪無可道相
應請 旨先行一併革職由奴才嚴拿治罪又鐵路第三營管帶補用千總胡得勝幫帶補用守備賽寶光

第二營管帶補用守備岑得貴哨弁選用巡檢胡錦泰補用千總林勝安把總巫昌熾外委黃振威河口對汛
候選從九張澤林龍騰對汛補用都司韋金筆那發對汛選用巡檢張廷桂老卡對汛補用都司黃光祿新店
對汛拔補把總歐陽福或失守要隘或棄汛潛逃亦應併請斥革除張澤林已提案訊明應予監禁十年韋金

筆已據報病故其餘各員弁均已電飭該管各官嚴密拿解分別訊辦惟岑得貴一員雖失守防地無可辭咎
而臨時獨能手刃叛弁奮志拒賊情尙可原應請留營効力以觀後效除通飭並分咨各省一體認真嚴緝該
叛將黃體良等務獲究辦外是否有當理合附陳伏乞 聖鑒訓示謹 奏宣統元年正月初八日奉

旨著照所請該部知道欽此
●又奏請 賞給高而謙等頭品頂戴片 再雲南交涉使高而謙按察使世增先後由京航海赴任適值
河口匪警暫留越南奴才當以該司等熟諳交涉電飭與越督晤商一切要工並一面查探匪情隨時電稟商

辦軍務始能順手嗣又奏明暫留河口會同辦理善後交涉事宜該司等始終相機布置均臻妥協大於軍情
邊務有裨事後論功未便沒其勞勩合無仰懇 天恩俯准將二品銜雲南交涉使高而謙布政使銜雲南
按察使世增 賞加頭品頂戴以示鼓勵理合附片具陳伏乞 聖鑒訓示謹 奏宣統元年正月初八
日奉 旨著照所請該部知道欽此

宣統元年正月二十二日第肆百陸拾貳號

本局設立北京東長安牌樓王府井大街
電話內城總局第二百零一號

政 治 官 報

目 錄

●宮門鈔○
 皇太后几筵前行百禮事宜摺○又奏
 奏督辦土藥統稅大臣等會奏土販持械自衛流弊滋多籌設保商緝私營隊摺○湘撫茶陵州
 州判等缺均極開冗即行裁撤等片摺奏類二○禮部彙奏議覆各省奏請入祀名宦鄉賢祠摺
 ○江督奏兩淮泰州海州場鹽被災分別緩徵摺○皖撫奏查明各屬被災輕重辦理賑耀情形摺
 ○黔撫奏恭庸劣不職各員摺○廣告

●旨三道○事由單●摺奏類一○禮部會奏
 大行太皇太后几筵前行百禮節摺○又會
 大行皇帝几筵前行百禮節摺○又會
 大行皇帝几筵前行百禮事宜摺○又奏
 大行太皇太后几筵前行百禮事宜摺○又奏
 大行皇帝几筵前行百禮事宜摺○又奏

宮門鈔

正月二十一日 吏部 翰林院 廂黃旗值日 奎元 存鍾授委散秩大臣謝

恩 汪榮寶假滿請 安 內務府奏二十三日祭 奉先殿德茂行禮

吏部奏派驗看月官

派出陳邦瑞 王埏 熙彥 吳郁生 恩順 張英麟 伊克坦 劉若曾 茹泰 徐

謙 王金鎔 崇興 史履晉 貴秀 江春霖 涂國盛

召見軍機 肅王 陸潤庠 唐景崇 瑞良

諭旨

監國攝政王鈐章

正月二十日奉

旨奎元存鍾均著加恩賞給委散秩大臣恩特和圖偉功均著加恩賞給頭等侍衛在大門
上行走欽此

軍機大臣署名奕劻世續張之洞鹿傳霖那桐

交旨

正月二十一日

監國攝政王鈐章

軍機大臣欽奉

諭旨二月初一日

大行太皇太后几筵前

大行皇帝几筵前行百日禮均由

監國攝政王代詣行禮欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨吏部奏

大行皇帝梓宮奉移

山陵是否請派隨

駕之滿漢文職大臣一摺著毋庸請派餘著照所請辦理欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨民政部奏整頓京師內外城警政酌改廳區開單呈覽一摺依議欽此

軍機大臣署名奕劻世續張之洞鹿傳霖那桐

正月二十一日內摺傳 旨事由單

內閣奏請修

實錄事奉

旨依議○吏部奏各省補知縣等缺彙奏事單一件奉

旨依議○又

片奏勞績人員予限領照事奉

旨依議○又片奏供事邱咸海保案核准事奉

旨依議○又會奏翰

林院編修杜巖等免扣資俸事奉 旨依議○又奏知縣黃震等調長垣縣知縣等缺分別准駁事奉

旨依議○又奏候補知縣朱枚試署銅山縣知縣議駁事奉 旨依議○又奏前河南武安縣知縣莊鍾濟

誤被參揭改議事奉 旨依議○又片奏試用州判榮永清驗照覈給獎敘事奉 旨依議○又片奏已

革知縣滕春等奏保開復請 旨飭查原案事奉 旨依議○禮部會奏 大行太皇太后几筵前

行百日禮事宜事奉 旨知道了○又奏 大行太皇太后几筵前行百日禮節事奉 旨知道

了○又會奏 大行皇帝几筵前行百日禮事宜事奉 旨知道了○又奏 大行皇帝几筵前

行百日禮節事奉 旨知道了○又奏二十七月內 皇上詣 几筵前仍服縞素事奉 旨

知道了○翰林院奏撰擬 孝欽顯皇后 德宗景皇帝百日禮祭文呈 覽事祭文各一道奉

旨知道了

正月二十一日外摺奉 旨事由單

馮汝驤奏九江關百九十二結藥釐數目摺 該部知道單併發○又奏請以宋承綬署新淦令摺 吏部議

奏○又奏司道府密考摺 知道了單留中○又奏請以左秉鈞補宜春令摺 吏部議奏○又奏解新案賠

款片 該部知道

摺奏類一

禮部會奏 大行太皇太后几筵前行百日禮事宜摺

奏為會奏請 旨事恭照二月初一日辰時 大行太皇太后几筵前行百日禮讀文

致祭此祭用金銀鏤五萬錠紙錢四萬五千張五色紙二萬張連飯桌二十五張燒黃酒十三

瓶羊九隻陳設 儀仗衆皆齊集祭文由翰林院撰擬祭文內恭書 御名其果桌豫

先送入安設之處交領侍衛內大臣派出領班侍衛帶領入 內除應焚化之 冠服篋

交宮殿監侍預備外所有紙鏢羊酒桌張站桌臺盞燎牀鋪袱蓋袱涼棚等項交各該衙門敬
謹豫備爲此謹 奏宣統元年正月二十一日奉 旨知道了欽此

禮部奏

大行太皇太后几筵前行百日禮節摺

奏爲恭 進禮節事恭照二月初一日辰時

大行太皇太后几筵前行百日禮讀文致

祭是日內務府設幕於

甯壽門外之西置奠几陳燎爐於燎所設祭文案於

殿內

稍西官校陳

儀駕內監設

冠服篚於供床恭辦喪禮王大臣內務府大臣率執

事官陳果筵於

几筵前列饌筵於階下兩旁設羊酒於幕內讀祝官捧祭文禮部堂官

二員前引由中門入陳於案出王公百官等各辨位集候禮部堂官奏請

皇上詣

几筵前東立西向舉哀衆咸舉哀尙茶跪進茶衆皆跪

皇上舉茶奠於案行一拜禮衆隨

行禮尙茶徹茶次尙膳進膳揭巾幕

皇上親上食畢讀祝官恭奉祭文於案左跪禮部堂

官二員左右跪恭展祭文執事官進奠几

皇上於几前跪衆皆跪哀暫止讀祝官讀文畢

復於案退舉哀如初奉爵大臣跪進爵

皇上祭酒三爵每祭一拜興衆隨叩興 皇上

復位立乃徹饌讀祝官恭奉祭文禮部堂官前引由中門出至燎所首領太監接奉恭安於燎

牀內監恭請

冠服篚宮殿監侍二人前引由

殿中門出

皇上豫出

殿門

冠服至跪候過興還翼室

冠服由中門出前引大臣十員前引齊集之王公大

臣官員等按翼排立俱跪候過興皆退避齊集之福晉命婦等咸出隨行至紙堆處俟

冠服恭安於燎牀畢

派出祭酒之福晉夫人於燎所跪衆皆跪女官遞酒杯祭酒三爵每

祭行一叩禮衆隨行禮跪哭哀止興各退爲此謹具 奏

聞宣統元年正月二十一日奉

旨知道了欽此

禮部會奏

大行皇帝几筵前行百日禮事宜摺

奏為會奏請

旨事恭照二月初一日午時

大行皇帝几筵前行百日禮讀文致祭

此祭用金銀鏤五萬錠紙錢四萬五千張五色紙二萬張連飯桌二十五張燒黃酒十三瓶羊九隻陳設 法駕鹵簿衆皆齊集祭文由翰林院撰擬祭文內恭書 御名其果桌豫

先送入安設之處交領侍衛內大臣派出領班侍衛帶領入 內除應焚化之

冠服篋

交宮殿監侍預備外所有紙鏤羊酒桌張坵桌臺燻燎牀鋪袱蓋袱涼棚等項交各該衙門敬謹豫備為此謹 奏宣統元年正月二十一日奉 旨知道了欽此

禮部奏

大行皇帝几筵前行百日禮節摺

奏為恭 進禮節事恭照二月初一日午時

大行皇帝几筵前行百日禮讀文致祭是

日內務府設幕於

觀德殿二門外之西置奠几陳燎爐於燎所設祭文案於

殿內稍

西官校陳

法駕鹵簿於大門外內監陳

冠服篋於供牀恭辦喪禮王大臣內務

府大臣等率執事官陳果筵於

几筵前列饌筵於階下兩旁設羊酒於幕內讀祝官恭

奉祭文禮部堂官二員前引由中門入陳於案出王公百官等各辨位集竣屆時禮部堂官奏

請 皇上詣

几筵前東立西向舉哀衆咸舉哀尙茶跪進茶衆皆跪 皇上舉茶

奠於案行一拜禮衆隨行禮尙茶徹茶次尙膳進膳揭巾幕

祭文於案左跪禮部堂官二員左右跪恭展祭文執事官進奠几

皇上親上食畢讀祝官恭奉

哀暫止讀祝官讀文畢復於案退舉哀如初奉爵大臣跪進爵

皇上於几前跪衆皆跪

皇上祭酒三爵每祭一拜

皇上祭酒三爵每祭一拜

興衆隨叩興 皇上復位立乃徹饌讀祝官恭奉祭文禮部堂官前引由中門出至燎所恭
安於燎牀內監恭請 冠服篋宮殿監侍二人前引由 殿中門出 皇上豫出

殿左門 冠服至跪候過興還倚廬 冠服至階下前引十大臣前引由中門出

齊集之王公大臣官員等按翼排立俱跪候過興隨行至紙堆處俟 冠服恭安於燎牀

畢 派出奠酒之王公祭酒三爵禮部堂官遞酒杯每祭行一叩禮衆皆隨行禮舉哀畢各

退爲此謹具 奏 聞宣統元年正月二十一日奉 旨知道了欽此

督辦土藥統稅事務柯逢時湖廣總督陳夔龍湖南巡撫岑春煇幫辦土藥統稅事務方

碩輔等奏土販持械自衛流弊滋多籌設保商緝私營隊摺

奏爲湘邊過境土販持械自衛流弊滋多籌設保商緝私隊勇丁以順商情而重稅務恭摺仰
祈 聖鑒事竊照湖南省西路邊境與四川貴州廣西等省毘連爲雲貴土藥出境所必由
之路川土亦間出其途該處境地甌脫山徑紛歧民苗旣屬雜居匪盜復多出沒各路商販挑
運土藥經過湘邊往往結伴同行持械隨護在正商大賈不過因資本重鉅藉爲預防劫盜之
圖而私販奸商卽自恃夥伴衆多得有繞越漏稅之地以致私土結成幫販不避險峻百計繞
漏迨經局卡緝獲強者不服究詰弱者亦求減免錮習相沿勢成積重 臣等迭據湖南土稅分
局稟報探有幫販希圖繞漏情事均經電檄該地方印委各員會同防營嚴查堵緝務獲根究
用杜偷漏至携帶槍械有干禁令並經 臣春莫飭屬示諭嚴禁各在案惟是山陬僻壤盜賊堪
虞若僅嚴緝私之令不兼籌保商之策則正商之擔負銀貨者將視爲畏途私販之携帶器械
者轉有可藉口殊不足以恤商艱而肅禁令 臣逢時前在廣西巡撫任內因古宜一帶土販持

械走私特設保商營勇以保爲緝凡遇土商過境均派勇護送行之一年商賈稱便稅課溢收裨益實非淺鮮今湘邊情形與古宜正復相同亟應仿照辦理查湘省邊界遼闊路徑叢雜保商緝私兩事併計兼籌頗形煩棘原駐之巡防隊各有防地專責勢難兼顧其洪江土稅總卡附設之緝私隊勇額太少更屬不敷分佈必須另編營隊方期得力而湘省餉項支絀異常臣春冀督同司道再四籌計委無應付之方迭與臣逢時夔龍電商均以此項營隊爲整頓土稅而設將來稅收起色經費有餘卽爲餉源之所在需費稍鉅部局亦所弗辭當經臣逢時電咨度支部覆核照准爰仿巡防隊規制另編兩隊分駐湘省西路邊境往來梭巡長司保衛土商無論大幫小販但係正經商賈均責成該隊派員遞送私販之繞路越卡者亦責成該隊隨時隨地嚴密探查照章緝拏送究原有洪江緝私營應改併該隊以一事權該兩隊卽名爲保商緝私第一第二隊營制餉章悉照湖南巡防隊編定計共設員弁勇夫六百五十四名設統領官以總其成第一隊由統領兼帶第二隊另設管帶歸統領節制調遣業經臣逢時春冀碩輔會委原辦洪江土藥統稅總卡熟悉兵事稅務情形之湖北候補知府吳本植充兩隊統領兼帶第一隊分省補用縣丞金季鼐充第二隊管帶檄飭該統領等遴選哨弁暨將第一隊什勇就原有緝私營勇汰弱留強添募補足第二隊卽在遼近之邵陽武岡等州縣招募均以年富體強壯丁挑選足額並飭刊木質關防札發鈐用去後旋經該統領先後電稟兩隊勇丁募齊卽經飭委湖南土稅分局總辦道員鄧貞琳馳往點驗具報於十月間一律成軍所需軍裝槍械由湖南省發給領用其薪公餉項每年約需銀三萬餘兩現湖南土稅分局已移駐洪江卽由該局就近支撥造報至該隊統領有統轄兩隊之責應駐紮洪江居中策應並遇事與土稅

分局協商辦理第一第二兩隊卽於沅州靖州晃州一帶地方擇要扼守分段巡緝並議擬辦事規則俾資遵守臣等仍當督飭該統領管帶等切實經辦一面飭令該處地方文武互相協助用資聯絡一面由臣春莫咨會貴州撫臣龐鴻書轉飭界連湘境各營縣協同防衛巡緝並經分別會銜出示曉諭俾湘黔商民曉然於編設營隊注重保商而禁帶槍械嚴緝私土卽寓於保商之中庶幾正商克期又安利且咸知儆懼以期於商情稅務兩有裨益除咨部查照外謹合詞恭摺具 奏伏乞 皇上聖鑒謹 奏宣統元年正月十八日奉 旨該部知道欽此

湖南巡撫岑春煇奏茶陵州州判等缺均極閒冗卽行裁撤等片

再光緒三十三年六月准總司核定官制考察政治館王大臣咨 奏定續訂直省官制清單第二十八條內開從前各省直隸州直隸廳及各州縣所設佐貳雜職應卽一律裁撤酌量改用咨行查照等因自應遵照辦理茲查湖南長沙府屬茶陵州州判瀏陽縣縣丞二缺均與知州知縣同處一城並無應管公事名爲佐貳實同贅旒又永綏廳茶峒知事乾州廳河溪巡檢二缺當巖疆甫定之時深虞苗性難馴故設立佐雜分防俾資巡緝自咸豐同治以迄於今六十年來峒苗涵濡 聖澤均已化爲循良無殊內地卽無佐雜在彼彈壓亦不虞滋生事端又澧州直隸州順林巡檢桃源縣鄭家巡檢所駐之地均隔各州縣城祇五六十里與印官相隔匪遙俱屬地瘠事簡該員等名爲兼管驛務其實遞送文件均由各印官派人經理巡檢多不預聞以上六缺均極閒冗似應卽行裁撤至裁缺各員內有報捐升階者卽令請咨赴引未捐升階者照例歸裁缺卽用班補用懸缺未補者卽行停補又府屬州判湖南祇有一缺現

有候補試用數員茶陵州州判缺分既裁該員等卽無補缺之望應請照例以正八品之府經歷縣丞借補俟接准部覆再行分別辦理據湖南布政使莊廣良署提學使吳慶坻按察使陸鍾琦會詳請 奏前來 臣覆核無異除咨部查照外理合會同湖廣總督 臣陳夔龍附片具奏伏乞 聖鑒訓示謹 奏宣統元年正月十八日奉 旨該部議奏欽此

摺奏類二

禮部彙奏議覆各省奏請入祀名宦鄉賢祠摺

奏爲議覆名宦鄉賢事內閣鈔出江蘇巡撫陳啓泰奏已故江蘇上元縣知縣唐淪功參戎幄惠撫瘡痍已故四川夔州府知府署江蘇太倉州知州蒯德模宅心寬大遺愛在民護理安徽巡撫沈曾植奏已故安徽舒城縣知縣羅河嶽勤求民隱力除積弊署山東巡撫吳廷斌奏已故山東海豐縣知縣江繼爽勤政愛民興利除弊已故山東益都縣知縣署恩縣知縣梅續高惠政多端循聲卓著四川總督趙爾巽奏已故四川眉州直隸州知州毛隆恩實政實心有爲有守貴州巡撫龐鴻書奏已故貴州仁懷縣知縣朱毓文愛民如子教養兼施均請入祀名宦祠江蘇巡撫陳啓泰奏已故河南汝州直隸州知州史秉直有爲有守可法可師署山東巡撫吳廷斌奏已故翰林院侍講學士楊紹和孝友成家詩書勵志已故山東費縣教諭升任廣西昭平縣知縣朱桂丹天性孝友品節端凝已故山東陽信縣訓導靳春泰經術湛深性情敦篤已故山東禹城縣教諭保升山西試用知縣李清濂砥礪廉隅匡扶名教已故江西萬載縣知縣劉恆泰立品端方飭躬純正已故候選兵馬司副指揮高赤城孝友性成品行素著已故山東觀城縣教諭張在辛學行兼優鄉評允協前河南巡撫林紹年奏已故河南浙川廳教諭余夢齡經明行修品端學邃陝西巡撫恩壽奏已故署長蘆鹽運使直隸大順廣道祝壇持躬淑慎作吏廉平閩浙總督松壽奏已故四川中江縣知縣林振榮學問淵深德行純篤四川總督趙爾巽奏已故福建漳州府知府童宗顏幼敦孝友長勵操修已故雲南永平縣知縣趙雙元品端學粹治潔

行清均請入祀鄉賢祠先後奉

硃批禮部議奏欽此欽遵各到部查定例崇祀名宦鄉賢由該督撫每

年八月前具題並將事實冊結送部查核於歲底彙題又崇祀名宦鄉賢應確核事蹟倘名實不能相副及僅以人品學問空言譽美者卽行指駁各等語又光緒五年奏准各省名宦鄉賢須俟其人身歿三十年後方准題請等因在案今據該督撫送到事實冊結內開已故江蘇上元縣知縣唐淪浙江蘭谿縣監生署上元時賊踞金陵故員隨官軍駐雨花臺舉行團練助勦募間諜窺探賊情賊勢日蹙克復後設難民勸農等局凡有關於休養生息者無微不至清訟獄鑿河渠閭閻賴以乂安兵燹後民多廢學振興文教舉行縣試弊絕風清已故四川夔州府知府署江蘇太倉州知州長洲縣知縣蒯德模安徽合肥縣附貢生夔州政績已由四川總督奏請入祀四川名宦祠茲考其在太倉州任內除暴安良平反訟獄興水利築城垣建學宮兵燹後鄉賢名宦忠義等祠及明倫堂等處尙在闕如故員以典禮攸關一律建復如制任太倉甫二年去之日沿途祖餞者幾數千人其感民如此知長洲縣時審結大小案八百餘件無不平允昭雪者亦多同治四年淮揚水師在江西巡哨被盜拒傷副將一案誤拿張開大等五名訊明開釋相驗命案差役川資捐廉核給並不貽累民間又恆存感化之心捐廉立化莠堂凡竊犯情輕者入之令其習藝蒞任四年民懷其惠立蒯公亭勒碑頌德已故安徽舒城縣知縣羅河嶽福建上杭縣拔貢久任學官升授邑宰下車伊始卽手書條教誥誦諄恐吏舞弊堂懸巨鉅令愬冤者鳴之因有青天羅之日舒邑好訟訪訟棍懲治七門堰被水沖汜故員修築不費民間一文至今過堰者猶頌德弗置龍山書院倡捐千金優給膏火文風爲之一變濟災民省徭役諸善政尤多去任後民建生祠以誌不忘已故山東海豐縣知縣江繼爽安徽霍邱縣舉人治邑十一載臨民慈愛事必躬親蒞任伊始當外患內訌同時交迫練軍絡繹於道嚴爲訓飭不令少擾民間有遊擊滑鵬飛滋擾故員與之捍搏卒令就範武定一帶鹽梟蠶起築圩周環幾二十里厥後馬賊直探縣城賴此擊退又率勇巡緝海盜嚴定保甲之法並講求商務集股造船以開利源整頓書院創設義塾以其經史功深故能辦理盡善已故山東益都縣知縣署恩縣知縣梅續高江蘇江甯縣附生光緒三年已由撫臣題准入祀益都縣名宦祠其任恩縣時值馬

賊初平辦理善後以勸農桑爲急務接收城工餘銀五千兩交典生息以三千爲書院膏火及鄉會試之資以二千兩歲修城垣當捻匪張總愚肆擾時有開畝捐築圍之議故員不允民咸感涕萬衆畢集築圍七十里八晝夜而成旌獎孝子不遺寒微嘉惠士林慨捐廉俸捕盜賊建石闡設義倉諸善政民至今感戴不已故四川眉州直隸州知州毛隆恩江西豐城縣監生任鹽源縣善政頗多鹽源緊接滇境向多伏莽該員以固邊圉爲急務民得安堵書院義塾辦理盡善鋤靖匪源誅縣差田榮嚴憚之中仍寓慈祥之意因臨刑時欲得吉語故員曰願汝生生世世爲好人因感而泣慰而斬之厚恤其家其他惠政指不勝屈清介之操尤令人景仰所樹德政碑巋然時立雖牧豎猶愛護焉已故貴州仁懷縣知縣朱毓文浙江海鹽縣進士學有本源持躬清正仁邑

文廟素稱簡陋捐廉興修文風日盛歲徵向多浮收故員減價一時踴躍輸將爲從來所未有邑無城濠僅城甬一井有火警奔救不及捐置大桶容二百斛及百二十斛者甚多民賴其利有水災捐廉賑濟民感其恩欲樹碑記故員却之以其資修山徑衆咸樂從已故河南汝州直隸州知州史秉直江蘇陽湖縣進士早年入泮授徒頗多有課徒草刊行里中天性純篤母歿痛不欲生父歿哀禮交進從伯祖妣吳氏苦節優禮留養請 旌入祠又置祭田充祠產愛護幼弟督率成人常割廉俸以潤戚族其孝友可風如此歷任各州縣所至有聲任伏羌請平糶民賴以蘇任崇信百端策畫絕不累民任涇源土司抗租單騎入山諭以利害任西華濬淤培隄勸農積穀施賑濟貧弭盜安良凡有益於民生之事辦理不遺餘力由撫臣奏准入祀西華名宦祠辛丑祥汛河決星夜築隄倡捐乞賑至十九萬有奇其任汝州也革除屬邑供應大憲稱其實心爲民州縣第一在任病故紳民痛哭泣送數十里已故翰林院侍講學士楊紹和山東聊城縣進士生有夙慧七歲能賦詩林則徐奇其才錄爲高第弟子博極羣書尤邃漢學名物訓詁研究精密於毛詩公羊皆有劄記其父海源閣藏書甲一郡故紳克承先志嘉惠後學天性純孝事親能得歡心咸豐甲寅其父以增治軍江北卒於軍奔喪哀浦一痛幾絕維時案牘紛繁爲之清釐有裨公家撫臣丁寶楨保奏有體國急公堪膺大任之稱厥後襄辦團練保衛鄉里僧忠親王分馬軍五百命將之殲賊數千以書生將兵以籍紳立效掃除境內保全數

縣至今父老猶稱述不衰已故山東費縣教諭升任廣西昭平縣知縣朱桂丹山東聊城縣附生喜讀程朱諸書身體力行天性孝友事父母色養承歡無間孺慕宰昭平時愛民勤政法立令行其澤周桑梓誠信交孚本地土匪蜂起辦理團練散放粟米貧民感激衆志成城保衛城池謀勇兼施同治元年司鐸費縣賊據山寨故員曰事岌矣出學田粟米散諸難民匪數圍城設伏兵擊賊甚衆目不交睫者七晝夜城賴以安又出祕計使賊自潰賊首伏誅民間遭亂有散失婦女幼孩者亦必行文訪詢送還其家至今費邑人士言之感佩不置已故山東陽信縣訓導靳春泰山東聊城縣歲貢性純孝雙親早亡未葬泣日久厝非禮典質而葬叔父文銳典試陝甘疾革扶枕對撫臣曰母老子幼兄弟遠官惟兄子春泰在京倘惠及泉壤寄書此子可也故紳星夜至扶柩而歸先塋在易州距山東二千里族人典賣幾泯其迹積館穀數百金贖歸墳地復如其舊周急濟貧樂善好施雖傾囊無吝色皓首窮經嗜學不厭嘗語人曰聖賢之道雖極高遠然按之皆有級可尋內敬外誠敬可消百邪誠可消百僞主講溫州陽信等書院皆遵程朱條規執筆坐堂諸生以次請業終日無倦容門外之履交錯夜分始息撰有孝經補註讀書隨錄等編又有璞堂贍稿世之爲古文者咸稱善本已故山東禹城縣教諭保升山西試用知縣李清濂山東新泰縣舉人天性純篤讀書灤源書院時一夕心悸卽命駕歸途遇家人言父病危惶恐奔馳深以遠遊爲恨道光元年瘟疫流行朝夕不忍去母側居喪痛不欲生苦塊之所鼻涕交洩胥生虫蚋而身猶不覺生平不輕結納所交皆知名士待義兄堂濂無異同胞司鐸禹城重修敷文書院擇學有根柢者以爲主講禹人賴之成就甚夥教授生徒必先器識凡所造就必重節義著述有飯山堂詩集文集行年集博古淵源邑誌有傳詩文採入藝文已故江西萬載縣知縣劉恆泰山東沂水縣拔貢天性純孝親老見背喪葬參用古禮不延僧道有異母弟二人友愛始終無間故紳篤志好學取法程朱造就人才孜孜不倦都昌萬載文風素優書院月課必親加評點寒士有苦志者使赴署內讀書厚給膏火署大庾卓著循聲土匪首犯蔡大熊年餘未獲控案久懸到任八日卽將蔡大熊拿獲並要犯數十名按律懲辦閭邑靜謐旋署贛縣受事甫七閱月斷結本縣及外縣發審數百案由是豪強屏息盜風寢衰家居敦宗睦族修族譜設義塾

次第辦成每勸族衆恪守家法永爲良民已故候選兵馬司副指揮高赤城山東章邱縣監生幼承家教愛敬過人居父喪悲哀之中事事盡禮母歿哀毀幾不欲生家素封親族憂戚無不相關尊師重友喜文墨如性命續山東通志章邱縣志繡水詩鈔高唐齊音等集皆自出賞刻之 文廟明倫堂並書院考棚以及修隄

築壩無不捐資修葺又念學校所以育人才節孝更以維風化因訪舉苦節四百餘名請邑令上詳以舊書院爲祠由是窮簷嫠婦無或湮沒咸豐年間辦理團練不辭勞瘁僧忠親王追賊至持牛酒犒師極蒙嘉勉及其卒也無少長聞之莫不咨嗟太息已故山東觀城縣教諭張在辛山東安邱縣拔貢博覽羣書尤留心國故朝常康熙己丑辛丑兩修郡志皆所編纂經史之外兼精六書其隸書蒼嚴古秀以兩漢爲宗澹於榮利授教諭辭不赴三舉鄉飲大賓亦謝不出惟以文史自治著有青州志漢隸奇字隱厚堂詩集隸法瑣言篆印心法行世隨父遊燕趙吳越寢處服食無不曲當父意母沒適父患疽奉侍湯藥經營喪葬均無遺憾其純孝性成如此已故河南浙川廳教諭余夢齡河南寶豐縣舉人居家孝友性慷慨好施予違慈命修節孝祠每春冬有阨窮到門者給麪二合咸同間瘟疫流行捐施醫藥尤喜提拔寒畯義塾諸生擇文理優長者捐資給獎道光丁未歲大禮有鬻女妻以求食者出粟百五十石以賑濟之賴以全活者甚衆其他賴舉火者數十家村南二溪爲便道所經人多病涉因於夏秋間設筏濟人至冬則徒杠成焉相土宜棉勸人種植至今一方猶利賴之其爲文力追先正嘗手鈔先正格言語錄朱子家訓訓子姪曰此聖賢切實教人處所著有聖門封爵考孔氏三世出妻辨待梓已故署長蘆鹽運使直隸大順廣道祝壇陝西磚坪廳進士品行端方自幼厚重簡默七歲失怙哀毀如成人讀書自塾歸誦習以取母歡事母至孝友恭倍篤自出宰以迄監司皆有政績任新鄉縣時值會匪滋事履任未三日匪入城擁至官廨曉以大義衆感動散去任大順廣道時部民陳某陰蓄異志羽黨不下萬人誘陳至止法衆瓦解其他捐廉發穀籌款瘞骨延醫施藥諸善舉頗多同治壬戌髮逆竄陝鄉人因兵燹父子逃亡屢寄金周濟己已奏調來陝總理行營營務入關伊始布置防勦尤懇懇於撫卹善後之謀桑梓由是漸臻奠定已故四川中江縣知縣林振榮福建侯官縣進士咸豐七年補行計典前四川總督吳振械薦

稱人品端方通達治體少卽篤學孝友性成名播鄉里讀名臣傳正襟危坐如對古人及清俸稍餘卽以購書雖盛暑不廢披閱平生尤好濡須汪子史外一書謂能搜括前明一代名人忠肝義膽以少傳本捐廉重梓宰中江時增補瓣香詞合編皆採有益倫理之言故其聽訟每以倫理爲重蜀地獄繁勸人忍耐榜其門曰未訟之先理剖以化既訟之後理論以息任中江久文武並重捐修

文廟文風日盛捐士子賓興之資立案

勒碑以垂永久已故福建漳州府知府童宗顏四川新津縣進士孝友性成操履廉潔家雖貧無妄干求官御史益勵風節在道府任亦如之清俸所入急公好義漳州產穀無多倡捐二千五百元創建義倉芝山書院及漳郡考棚歲久將圯捐三千餘緡修葺完固漳郡瀕海號稱難治獲海盜鄭心鄭虎等不下百名洋面肅清附近各屬賴以安堵家傳醫學遇人疾苦卽爲診視常以濟世爲心教子義方本身垂訓舉動循禮俾諸子則效歸里後以忠恕名其所居遂作忠恕堂家訓垂示子孫居鄉里樂育爲懷文行並昂平生講學著爲成書者三卷忠恕堂古文詩集五卷文章學術矜式鄉閭今猶有承其澤者已故雲南永平縣知縣趙燮元四川射洪縣舉人至性純篤事父母曲得歡心出宰永平政績卓著興學校課農桑勸審判嚴緝捕建橋梁民咸悅服及卒留葬永平士民卽募立祠以祀家居親睦宗族創建宗祠置祭田修宗譜孤寡老弱隨時撫卹其學術純正以四書小學爲宗旨精研經史諸子百家無不披覽酷好宋儒性理講論至忘寢食著作宏富尤潛心於易著讀易管見二卷規畫時事著屯田遏盜海運三策備荒要覽二卷其他著述尙多皆膾炙人口等語臣等公同酌核該督撫等請將唐淪蒯德模羅河嶽江繼爽梅纘高毛隆恩朱毓文入祀名宦祠史秉直楊紹和朱桂丹靳春泰李清瀛劉恆泰高赤城張在辛余夢齡祝壇林振榮童宗顏趙燮元入祀鄉賢祠之處均屬名實相副身歿年例亦符擬請准其入祀名宦鄉賢祠再朱毓文一員前經臣部行查身歿年限上年彙奏時奏明歸入次年駁辦今已聲覆到部合併聲明所有臣等遵議名宦鄉賢緣由是否有當伏乞

皇上聖鑒謹 奏光緒

三十四年十二月十七日奉

旨依議欽此

兩江總督端方奏兩淮泰州海州場竈被災分別緩徵摺

奏爲兩淮泰州海州二屬各場竈地被風被潮收成減色擬請分別緩徵折價錢糧恭摺仰祈 聖鑒事竊查泰州分司所屬富安豐梁垛東台何垛丁溪草堰劉莊伍佑新興廟灣十一場地近海濱民竈雜處僅賴耕煎餬口生計本歲頻年災歉竈困未舒本年入夏復久晴不雨五六月間又復陰雨連綿積潦無從宣洩加以風潮上湧田蕩淹漫禾草受傷收成因之減色閭屬牽算統計五分有奇尙屬勘不成災惟積歉之區素鮮蓋藏若令新舊並完竈力實有未逮自應援案分別徵緩俾舒積困所有富安等十一場除本年二月啟徵之光緒三十四年壓徵三十三年分折價及來年二月應徵之宣統元年壓徵光緒三十四年分折價均應照常徵收外應請將上年二月啟徵之光緒三十三年壓徵三十二年分折價及本年秋成後各應帶徵之光緒十三年分並未屆帶徵之十四年起至三十一年止各年分屬緩折價一併緩至來年秋成後由遠而近每年帶徵一年又海州分司所屬板浦中正臨興三場地勢低窪逼近海隅歷年均有潮患本年入夏後旱澇不均復被風潮淹侵以致所種秋禾雜糧均受損傷閭屬牽算統計收成六分尙屬勘不成災除隨淹隨復無誤晒掃之鹽池本年應徵光緒三十四年壓徵三十三年分折價及來年二月應徵之宣統元年壓徵光緒三十四年分折價均仍照常啟徵不計外應請將板浦中正臨興三場光緒三十四年麥熟後帶徵之三十二年分蕩地折價照例徵收其本年秋成後應帶徵之光緒三十三年分蕩地折價緩至來年麥熟後徵收又來年二月應徵之宣統元年壓徵光緒三十四年分蕩地折價緩至來年秋成後啟徵以示體恤據各該分司稟經兩淮鹽運使趙濱彥等派員查勘明確會商請 奏前來奴才復查無異合無仰懇 天恩俯准將泰州海州二屬各場折價錢糧分別徵緩以舒竈力除飭趕緊查造徵緩折價年款銀數及勘不成災各冊結咨送度支部核復外謹會同江蘇巡撫臣陳啟泰恭摺具陳伏祈 皇上聖鑒謹 奏光緒三十四年十二月三十日奉 旨著照所請該部知道欽此

安徽巡撫朱家寶奏查明皖北各屬被災輕重辦理賑糶情形摺

奏爲遵

旨查明安徽省皖北各屬被災輕重酌撥款項辦理賑糶恭摺覆陳仰祈

聖鑒事竊臣承准

軍機大臣字寄光緒三十四年九月二十八日奉

上諭有人奏皖南北災情並重一摺著朱家寶查明

情形據實覆奏原摺著鈔給閱看欽此等因前來遵經由臣遵派委員分往被災各屬會同印官確切查明據實稟辦並行藩司一體確查去後茲據署布政使沈曾植轉據各印委等查明各屬被災情形先後稟經該司彙詳前來查安徽省本年入夏後雨水過多山洪暴發江淮並漲徽州府屬之歙縣休甯婺源三縣田廬多被衝毀人畜間有淹斃安慶府屬之懷甯潛山太湖三縣滁州屬之來安縣及六安州均有衝決圩堤淹沒田廬情事被災情形輕重不等前據該州縣等陸續稟報即經前撫臣馮煦飭司體察輕重情形酌撥銀款委員分投查勘並派義紳攜帶銀款前往查明被災戶口分別散放急賑開辦平糶妥爲撫恤或修築隄壩以工代賑並將辦理大略情形先行電奏欽奉

諭旨著督飭所派官紳速放急賑認真撫恤勿任蕩析失所欽此欽遵一面分電各省撥款協濟各在案嗣因皖北沿淮一帶州縣亦有被災之處又經委員往查具覆濱淮各州縣先澇後旱以五河盱眙懷遠三縣爲重鳳陽鳳台泗州壽州泗州縣次之其餘尙無被災之區年內糧價尙平來春青黃不接亟須預籌接濟正當酌量災情輕重撥款辦理賑糶欽奉前因復經飭據該印委查明稟覆前來臣按照所稟逐加覆核本年皖南被災各屬前已分撥銀款委派官紳分途查勘賑糶兼施或辦理工賑幸在事員紳查辦認真各處災黎咸沾實惠尙無流離失所現在徽屬辦理賑糶事宜早已一律蒞事且有賑餘義款移作修理道路之需其懷甯潛山等州縣津貼工賑之處已將被沖圩堤次第修築完固察看目下情形尙可支持毋須另行籌濟惟皖北鳳陽泗州二府州屬先澇後旱災情雖比三十二年爲輕而地方瘠苦來春青黃不接貧民乏食堪虞自須量爲接濟先經飭司會同賑捐局酌撥五河盱眙懷遠三縣各銀一萬兩鳳陽鳳台二縣各銀三千兩壽州泗州各銀二千兩臣詳加考查各屬窮黎衆多應辦賑糶爲日方長原撥各數尙恐不敷散放雖皖省財政支絀待用孔多而事關賑撫自宜勉爲其難寬籌接濟俾免艱食之虞復批飭司局除原撥外五河盱眙懷遠各加撥銀五千兩鳳陽鳳台各加撥銀三千兩壽州泗州各加撥銀二千兩以上各款均由賑捐項下動撥遴委委員分赴各處會同地方官確查戶口擇尤辦理春撫或動用倉穀設局平

糴以濟民食其餘各屬被水田畝及遭風受旱處所應征錢糧銀米已於秋成案內查勘明確酌量輕重奏請分別征緩以紓民力現在糧價尙屬平減民情亦甚安靖倘來年籌辦春撫各處賑款或有不敷容俟屆時體察情形再行酌量辦理以廣 皇仁總期 澤惠普霑窮黎得所不致乏食無依以副 朝廷子惠元元之至意謹恭摺覆 奏伏乞 皇上聖鑒訓示謹 奏宣統元年正月初七日奉 旨知道了欽此

貴州巡撫龐鴻書奏參庸劣不職各員摺

奏爲特參庸劣不職各員請

旨分別懲處恭摺仰祈

聖鑒事竊臣於光緒三十三年六月將考察所

及不職各員據實奏參仰蒙

諭旨允准欽遵在案自是而後各屬吏頗知儆省有素本樸誠益加勤奮

者有向少著實力圖改行者邊省積習稍深亦竟有屢加誥誡而仍蹈前轍者方今 朝廷舉行新政無一事可任其敷衍巨於一年以來接見屬僚批答公牘殷殷誘掖冀能同爲良吏勉求一方之治以資贊助之功而其成績既無可觀舉動每多荒謬各員若竟事姑容則劣者無所懲即善者亦無所勸殊不足以除汙染而肅官方茲查有候補知州張椿顛頑成性聽斷不明試用知州李大森恃才自用辦案草率甕安縣知縣曹履中性近苛暴不洽輿情即用知縣施汝欽蒙昧無識不諳治理普安縣新城縣丞張斯行行止不謹爲人指摘安順府羊場塘巡檢雷世繼縱差釀事聲名甚劣普安縣典史王嘉謨違例擅受被控有案試用典史范用烜舉動乖張不知檢束均擬請 旨卽行革職鎮遠縣知縣余應雲迂緩無能事多廢弛開泰縣知縣王乃霖習

染已深不知振作天柱縣柳霽縣丞李煒年老多病均擬請 旨卽予原品休致鎮甯州知州趙一鶴遇事

因循多涉敷衍清鎮縣知縣李建章才具塌蹶不勝繁劇均擬請 旨開缺另補凡此各員或案件顯有証

據或聞見得其真確經臣反覆推求務期的當如蒙 允准於吏治必有裨益此後仍當隨時查考等其功

過分別保劾以仰副 朝廷激濁揚清之至意所遺各缺容俟奉到部文後遴選合例之員分別 奏咨請補

合併聲明所有甄別黔省庸劣不職各屬吏緣由謹會同雲貴總督臣錫良恭摺具陳伏乞 皇上聖鑒訓

示謹 奏宣統元年正月初八日奉

旨另有旨欽此

宣統元年正月二十三日第肆百陸拾叁號

本局設立北京東長安牌樓王府井大街

電話內城總局第二百零一號

政 治 官 報

目 錄

●宮門鈔 ○諭旨一道 ○交旨一道 ○事由單 ○摺奏類一 ○學部奏議覆福建高等學
堂豫科畢業獎勵摺併單 ○又奏奉天海城縣簡易師範畢業請獎摺 ○湘撫奏江防兵輪擬換快
砲分為五標操練片 ○鄂督奏耆儒萬斛泉請宣付史館摺 ○摺奏類二 ○度支部會奏核議奉省
光緒三十一年二兩年各局卡溢征請獎摺併單 ○陸軍部奏議覆省勘辦界務出力人員請獎摺
○新撫奏伊塔道慶秀請暫緩赴引片 ○鄂督奏請以道員杜俞署鄖陽鎮片 ○浙撫奏鎮海口砲
台仍飭甯紹台道兼理片 ○咨剴類 ○憲政編查館各項章程請憲政編查館立案文 ○廣告
會辦選舉事宜文 ○晉撫咨呈諮議局籌辦處各項章程請憲政編查館立案文

●宮門鈔●

正月二十二日 民政部 都察院 正黃旗值日 秀吉請假十日 薩廉假滿請

安 洵貝勒封奏一件

召見軍機 奎元存鍾

●諭旨●

監國攝政王鈐章

正月二十二日內閣奉

上諭科爾沁貝子銜輔國公博迪蘇著加恩賞戴雙眼花翎欽此

軍機大臣署名奕劻世續張之洞鹿傳霖那桐

●交旨●

正月二十二日

監國攝政王鈐章

軍機大臣欽奉

諭旨載洵等奏

陵工重要擬遴派監修各員一摺又片奏調廣東高雷陽道英俊派充監修請將該員暫緩開

缺等語均著依議欽此

軍機大臣署名奕劻世續張之洞鹿傳霖那桐

正月二十二日內摺傳 旨事由單

民政部奏頒發出洋華僑時憲書事奉 旨依議○內務府奏恭上 大行皇帝尊諡二十七日告祭

奉先殿後殿恩輝行禮事奉 旨知道了○吏部陸軍部都察院各奏陪祀單均奉 旨知道了

○給事中御史查齋覆奏事奉 旨知道了○領侍衛內大臣代奏恩特和圖等 賞給頭等侍衛謝

恩事奉 旨知道了

正月二十二日外摺奉 旨事由單

端方陳啟奏奏上年分應征漕白二糧起運本折約數等摺 度支部知道○馮汝驤奏新昌令朱鴻儒開缺
終養等摺 吏部議奏○又奏知縣周衍祐等虧短銀兩叅追摺 該部知道○又奏奉到 遺誥

遺詔日期摺 禮部知道○錫良奏騰越關第一百八十九結至一百九十二結收支稅銀數目摺 該部

知道單併發○又奏盜犯就地正法等案彙奏摺 法部知道○又奏命犯張家興等案彙奏摺 法部議奏

○又奏請以秦發慶借補黑鹽井提舉摺 吏部議奏○又奏石膏井提舉李慶恩烟瘴俸滿候升摺 吏部

知道○又奏准補元江牧蘇天爵病故開缺片 吏部知道○又奏試令賈昌銘到差期滿甄別片 吏部知

道○又奏開化守彭繼志等助學請獎片 吏部知道○又奏收四川等省撥解銅本銀兩片 該部知道○

又奏河口邊局被匪擄去鹽斤課銀請豁免片 該部知道○又奏普惠等因姦謀殺本夫案審擬摺 法部

議奏

摺奏類一

學部奏議覆福建高等學堂豫科學生畢業獎勵摺 併單

奏為議覆福建高等學堂第二班豫科學生畢業獎勵恭摺具陳仰祈 聖鑒事前由內閣

鈔出閩浙總督松壽奏福建高等學堂第二班豫科學生考試畢業暨在事出力員紳分別照

章獎勵一摺奉 硃批該部議奏單併發欽此欽遵到部並先准該督將該學堂學生分

數表冊送部在案除教員管理員獎勵俟會同吏部核辦外其學生獎勵應先行核議查原奏內稱閩省高等學堂第二班豫科學生係於光緒癸卯年選錄入校肄業已經五年本屆與考除平均分數不及格不列榜二名外其及格學生實得四十九名內九十分以上六名八十分以上三十名七十分以上十三名所有評定分數按照定章均應列入前二等立格似覺稍寬轉失激揚之意惟該堂於學期學年試驗成績素尙嚴核若援第一期畢業成案以八十五分爲優等七十五分爲中等則甄核過嚴又恐無以慰劬學之望就中參酌變通擬仍以滿九十分以上爲最優等滿八十分以上爲優等滿七十分以上爲中等按照中學獎勵定章分別給以拔貢優貢歲貢於鼓勵之中仍寓慎重之意等語臣等查奏定中學堂獎勵章程五年畢業考試合格者分別等第作爲拔貢優貢歲貢歷經辦理在案此次福建高等學堂第二班豫科畢業援照中學獎章請獎據該督所稱該學生肄業年限既已滿足五年其按照分數擬定等第按之部章亦能符合自應援照臣部歷辦成案准其給獎以示鼓勵所有原奏應列最優等之余翔麟等六名擬請獎給拔貢應列優等之馬如飛等三十名擬請獎給優貢應列中等之謝允銓等十三名擬請獎給歲貢謹將等第姓名另繕清單恭呈 御覽如蒙 俞允卽由臣部咨行該省遵照辦理除表冊由部存查外所有核議福建高等學堂第二班豫科畢業獎勵緣由謹恭摺具陳伏乞 皇上聖鑒謹 奏光緒三十四年十二月二十七日奉 旨依議欽此

謹將福建高等學堂第二班豫科畢業學生姓名等第清單恭呈 御覽 計開 余翔麟 曹福鈞 鄭義琛 梁泰年 景和 黃大莊 以上最優等六名擬請獎給拔貢 馬如飛 張則哲 林心烜 鄭

莖 林友龍 王贊奇 林家注 紀壽圖 濟煦 魏錫康 周鼎彝 鄭禮端 陳兆鑿 永綸 高登
艇 高錫九 邱鍾焯 陳履賢 林壽仁 雷霆 陳維鑑 葉大梓 邱鍾信 陳器 金峯 黃廷佐
陳葆貞 陳秉炎 奎鳳 林超揚 以上優等三十名請獎給優貢 謝允銓 邵志仁 蔡翊龍 詹
兆鵬 饒芝瑞 魏錫榮 蘇亮寅 唐堪霖 張廣杜 陳壽嵩 林岱雲 葉大榕 陳樹藩 以上中
等十三名擬請獎給歲貢

學部奏奉天海城縣簡易師範畢業照章請獎摺

奏爲核准奉省海城縣簡易師範學堂畢業照章請獎恭摺具陳仰祈 聖鑒事竊准奉省
督撫咨稱據提學司呈稱海城縣簡易師範學堂於光緒三十一年二月開辦原定爲初級完
全師範學堂旋以小學林立急求師範完全科年限較長不得不量爲變通因仿照簡易辦法
定爲三年畢業開辦以來成效頗著現屆第三年期滿自應准其畢業當經本司遴派專員前
往會同該縣及各教員按照各生所習科目嚴加考試並將各生試卷及各科成績呈送前來
計最優等張紹先等七名優等祝庚心等十三名中等馬耀春等十名下等劉文瀾等二名最
下等雷秉誠等二名本司詳加覆核成績尙屬可觀自應照章請予獎勵以資鼓舞除飭該堂
按照等第發給文憑外理合呈請察核咨部奏獎等情相應咨請查核辦理等因並將冊籍試
卷咨送到部查 臣部奏定初級師範簡易科畢業獎勵章程內載由官設立年限在二年以上
成績優著之初級師範簡易科其畢業考列最優等者比照初級師範中等獎勵辦理考列優
等者比照初級師範下等獎勵辦理均令充小學堂及程度相當之各項學堂副教員考列中
等者准充小學堂及程度相當之各項學堂副教員考列下等者給及格文憑考列最下等者

給修業文憑又查初級師範學堂畢業獎勵考列中等者作為師範科貢生以訓導用俟義務年滿以應升之階儘先補用考列下等者俟義務年滿作為師範科貢生獎給訓導銜此次海城縣初級師範簡易科學生肄業既已三年與初級簡易科請獎之例相符查閱最優等優等試卷亦尙合格自應准其請獎所有考列最優等之張紹先范傳升趙文煥解芳洲高光錫周政歧全福澤等七名均擬請作為師範科貢生以訓導用俟義務年滿以應升之階儘先補用考列優等之祝庚心陳樹善羅海濱李心榮孫鳳樓董恩溥陳熙廷康蔭叔丁萬銓王海泗常榮先范光琳張寶賢等十三名均擬請俟義務年滿作為師範科貢生獎給訓導銜以資鼓舞而勵師資其考列中等之馬耀春等十名准其充當小學堂及程度相當各學堂之副教員下等之劉文瀾等六名最下等之雷秉誠等二名即由提學司轉飭該學堂分別給予及格修業文憑以符定章如蒙 兪允即由 臣部咨行奉省督撫轉飭提學司欽遵辦理所有核准奉天海城縣簡易師範學堂畢業請獎緣由謹恭摺具陳伏乞 皇上聖鑒謹 奏光緒三十四年十二月二十七日奉 旨依議欽此

湖南巡撫岑春煊奏江防兵輪擬換快砲分爲五標操練片

再長江水師提督 臣程文炳奉 旨常川巡緝因本年秋間江鄂大操防務緊要迭次周歷巡查茲准咨稱十月二十七日聞安慶兵變乘輪赴皖彈壓查拿十一日初四日由皖上駛直達武昌行抵岳州旋即折回仍歷湖北江西安慶各省先後會商兩江督 臣端方湖廣總督 臣陳夔龍妥擬江防辦法復由鎮江江陰進發於二十八日駛回太平計自七月初間由太平巡江迄今數月上達鄂岳下抵甯滬來往週歷五六次前換快砲擬分爲五標操練一遇有警無

論何處隨同調用賞功罰罪力戒始勤終惰之習且無分晝夜督率校巡必期江流安靜防患無形等因咨請附 奏前來理合會同長江水師提督臣程文炳附片具陳伏乞 聖鑒謹

奏宣統元年正月十一日奉 旨知道了欽此

湖廣總督陳夔龍奏耆儒萬斛泉請宣付史館摺

奏爲已故耆儒學行純正懇 恩宣付史館立傳以順輿情而資矜式恭摺仰祈 聖鑒

事竊維輔世翼教之方莫先於重道崇儒之典凡闡揚潛德卽將以牖勸士林茲查有已故五品卿銜萬斛泉係湖北興國州布衣幼敦孝友篤守程朱樂道安貧不求聞達當道光咸豐之際寇亂幾半天下興國爲江西入楚門戶迭被大股粵匪往來蹂躪人心岌岌羣盜滿山該故紳戢影一廬弦歌不輟賊至時正襟危坐竟不敢迫旋卽逡巡引去咸豐九年經前撫臣胡林翼專疏奏 聞蒙 文宗顯皇帝賞給七品頂戴先後歷主漢陽之崇正武昌之勺

庭黃州之河東上海之龍門江蘇之紫陽及本州疊山諸書院講席該故紳遂於經史兼究心性理諸書其講學力崇正軌痛抑歧趨教法悉本鹿洞遺規及讀書分年日程又刊弟子規近思錄集解近思續錄北溪字義等書與諸生窮年矻矻轉相研悅並時勉以忠孝大節學務歸於實用後進翕然信服光緒九年前督臣涂宗瀛又專疏稱其講學進脩老而彌篤蒙

德宗景皇帝賞給國子監博士銜至光緒二十八年該故紳年已九十有三尙能日課諸生教思不倦及其門者類皆廉隅自勵不入公門復經升任督臣張之洞會同升任撫臣端方疏稱其學行端純一鄉感化續蒙 德宗景皇帝賞給五品卿銜該紳以布衣之微疊荷

先朝恩禮益勵潛修於光緒三十年九月在本籍病故行年九十七歲居恆纂述惟以羽翼

經傳扶植名教爲要義所著有春秋四傳詁經十四卷通鑑綱目前編辨誤正編正誤補共五卷童蒙須知韻語重訂新三字經各一卷遺稿十四卷門人張鼎元編述年譜一卷該故紳任重致遠一息不懈造詣精純大略如此伏查 國史館續辦儒林文苑循吏孝友傳咨行直省督撫學政核實訪察將應行編入列傳諸人履歷事實造具清冊并本人著述書籍一併咨送以憑查覆等因該故紳人品學術均與定例相符據在籍陝西候補道黃嗣東御史銜吳兆泰內閣中書楊守敬翰林院庶吉士湖南候補道劉鳳綸等三十七人公懇請奏前來 臣覆查該故紳萬斛泉詣精學粹堅卓不磨仰承 先朝寵賚之榮洵堪模範後學合無仰懇 天恩俯准將已故五品卿銜萬斛泉學行事實 宣付史館立傳列入儒林以資矜式而順輿情之處出自逾格 鴻施除將該故紳履歷事實咨部查核外理合恭摺具陳伏乞 皇上聖鑒訓示謹 奏宣統元年正月十七日奉 旨著照所請該衙門知道欽此

摺奏類一

度支部會奏核議奉省光緒三十一二兩年各局卡稅捐溢征續請獎叙摺併單

奏爲核議具奏恭摺會陳仰祈 聖鑒事竊查奉天省自光緒三十一年七月起至三十二年六月底止各局卡稅捐溢征續請獎叙一案前經 臣部會同吏部陸軍部議覆以該省奏保出力各員請免另造比較細冊核與政務處奏定限制保舉章程不符奏准仍令造具各該局卡經征銜名年月征收比較數目細冊送部到日再行核議嗣據該省按照政務處奏定章程將不合獎例及請獎後另案革職各員悉行刪除開具合例各員銜名及征收比較數目清單咨送到部並聲明各該員到差均在三十一年七月以前任差年月均在一年以後且有至二三年之久者應請會核照案給獎等語復經 臣部核因該省稅捐名目甚多此次單開各局卡征收及比較銀數均係籠統開一總數並未將某局卡所收某項稅捐銀各若干詳細開列仍屬碍難核辦駁

令務遵 臣部會議原奏分晰另造細冊送部茲據將應造前項細冊咨送前來 臣等伏查政務處奏定限制保舉章程凡稅釐溢征請獎者應以溢征銀數比較向征倍數如一卡一口向征七八萬兩及三四萬兩之數能溢征至半倍以上者准照異常勞績給獎向征一萬數千兩者能溢征半倍以上與向征數千兩能溢征加倍者准照尋常勞績給獎此案稅捐溢征請獎該省係以收數最旺之二十八年分作爲比較詳核原冊所開各局卡內惟柳河稅捐局二十八年尙未開辦及省城木稅局先歸旗民地方經征本年始改委專員均未列有比較核與此案溢征請獎之例微有不合且柳河一局究係何年開辦冊內亦未詳叙擬令查明該局開辦年月及三十一年七月以前有無開征稅捐銀數足資比較其省城木稅局向歸旗民地方經征者亦即查明旗民地方向征銀數比較是否溢征統由該省另行奏明辦理此外冊開各局卡人員經征比較各銀數及應列爲異常尋常等項勞績核與政務處奏定新章尙屬符合其財政鹽務等局辦事人員並據冊開均係省局經收釐稅尤爲出力之員其勞績實與一卡一口經征人員無所區別富亦實在情形擬請一概准其給獎至各該員應得獎叙應卽由吏部陸軍部分別按章核議謹另繕清單恭呈 御覽所有 臣等核議具奏緣由理合恭摺會陳伏乞 皇上聖鑒訓示遵行再此摺係度支部主稿會同吏部陸軍部辦理合併聲明謹 奏

光緒三十四年十二月二十八日奉

旨依議欽此

謹將奉天省自光緒三十一年七月起至三十二年六月底止稅捐溢征續保出力人員分別核議繕具清單恭呈 御覽 計開 省城稅局征收銀二十五萬八千六百七十八兩零比較二十八年分征收銀八萬九千七百六十一兩零溢征將及二倍應保異常一員尋常二員本局幫辦揀選知縣羅振方請仍照原保免選本班以同知直隸州知州不論雙單月儘先選用委員分省試用通判敬銘請仍照原保俟補缺後以直隸州知州補用吏部查定章異常勞績候補候選各官准保免補免選本班以升階補用選用尋常勞績准保補缺選缺後以升階用等語查羅振方係舉人就據知縣未經考列一等奉 旨錄用並無實在官階所請獎叙核與章程不符且此案係自光緒三十一年七月起至三十二年六月底止該員履歷內開係於三十三

年十月經前將軍趙爾巽奏調奉省委用已在此案截止之後因何得有勞績應由該省查明該員是否先行在奉當差並任差年月詳細聲覆到部再行核辦敬銘所請獎叙核與章程相符應請照准委員防禦成麟請仍照原保以佐領補用陸軍部查該員所請佐領升階核與尋常勞績定章相符應請照准海龍稅局征收銀八萬一千三百七十五兩零比較二十八年分征收銀一萬七千十七兩零溢征三倍以上應保異常一員本局委員分省試用同知楊傑請仍照原保免補本班以知府仍分省補用吏部查政務處會奏限制保舉章程內開嗣後經征稅釐並將經征銜名年月隨案報明不得籠統含混等語查該員履歷係直隸試用縣丞光緒三十二年始捐同知分省試用並無奏調奉省委案據何由經征該省稅捐應由該省查明該員何年月日奏調奉省委用並於何年月日派委海龍稅局詳細聲覆到部再行核辦開法稅局征收銀七萬三千六百二十九兩零比較二十八年分征收銀二萬八千一百七十六兩零溢征一倍以上應保異常一員尋常一員本局委員分省儘先補用知縣黃澂請仍照原保免補本班以直隸州知州補用吏部查該員所請獎叙核與異常勞績請獎章程相符應請照准委員候補佐領馬鴻業請仍照原保俟補缺後以協領補用陸軍部查該員所請補缺後升階核與尋常勞績定章相符應請照准岫巖稅局征收銀四萬四千零二十二兩零錢二千五百一十四兩零比較二十八年分征收銀二萬六千一百四十六兩零錢一萬一千九百八十九兩零溢征將及一倍應保異常一員本局委員分省試用府經歷石秉鐸請仍照原保免補本班以知縣仍分省補用吏部查該員所請獎叙核與異常勞績章程相符應請照准新民稅局征收銀三十二萬九千零八十八兩零比較二十八年分征收銀五萬七千零二十二兩零溢征四倍以上應保異常一員本局委員浙江候補知縣濟斌請仍照原保免補本班以直隸州知州仍留原省補用吏部查該員履歷係浙江試用知縣三十一年十一月經前將軍趙爾巽咨調到奉三十二年五月始委新民斗秤局此案征收稅捐係自三十一年七月至三十二年六月底止該員任差僅止兩月核與該省咨明任差年月均在一年以後原案不符惟該員是否先行在奉當差應由該省詳細查明供差年月聲覆到部再行核辦錦州稅局征收銀十九萬三千八百五

十七兩零比較二十八年分征收銀五萬二千三百一十一兩零溢征二倍以上應保異常一員本局幫辦候補班前補用知縣韓寶濂原保免補本班以直隸州知州仍留原省補用該員現已准補遼中縣知縣請改以同知直隸州知州在任補用吏部查該員業補遼中縣知縣所請改獎亦核與章程相符應請照准 昌圖稅局征收銀十萬零六千一百七十九兩零比較二十八年分征收銀三萬二千七百七十兩零溢征二倍以上應保異常一員本局委員湖北補用知府程學恂原保列入尋常請仍照原保俟補知府後以道員用吏部查該員係湖北試用知府於三十一年十二月十九日奏調奉省差委惟於何年月日派委昌圖稅局履歷內未經詳細聲明應由該省查明聲覆到部再行核辦 新賓稅局征收銀二萬四千三百五十二兩零比較二十八年分征收銀一萬零九百一十八兩零溢征一倍以上應保尋常一員本局委員已革浙江臨海縣知縣秦觀榮原保係照異常應改照尋常請開復原銜吏部查該員係由甄別案內私罪革職在奏定十三條不准捐復之列尋常勞績不准開復所請開復原銜應毋庸議 奉化稅局征收銀四萬九千零三十九兩零比較二十八年分征收銀二萬六千七百七十四兩零溢征將及一倍應保尋常一員本局委員已革安徽候補通判左植原保係照異常應改照尋常請開復原銜吏部查該員亦係由甄別案內私罪革職所請開復原銜仍應毋庸置議 遼康稅局征收銀五萬三千九百一十六兩零比較二十八年分征收銀一萬五千一百七十三兩零溢征二倍以上應保尋常一員本局委員分省試用府經歷蓋觀光請仍照原保俟補缺後以知縣補用吏部查該員履歷係直隸試用巡檢光緒三十二年始捐府經歷三十三年經前將軍趙爾巽奏留奉省核其捐升到奉已在此案之後惟該員是否先行在奉當差應由該省查明該員供差年月聲覆到部再行核辦 財政局稅務科主稿委員同知候補筆帖式李勝任原照異常請免補本班以同知留於奉天補用財政局稅務科核算委員分省試用府經歷李聯慶原照異常請免補本班以知縣仍分省補用省城鹽務總局主稿委員 盛京裁缺刑部筆帖式遇缺即選主事程玉桂原照異常請免選主事以直隸州知州不論雙單月選用省城鹽務總局委員候選縣丞許象謙原照異常請免選本班以知縣不論雙單月選用財政局稅務科委員

浙江候補知縣譚錫瓚原照尋常請俟補缺後以同知直隸州知州用 財政局稅務科委員山西試用府經歷許光鶴原照尋常請俟補缺後以知縣補用 財政局稅務科委員河南試用縣丞譚家禮原照尋常請俟補缺後以知縣用 財政局稅務科委員候選筆帖式德岳原照尋常請俟補缺後以知縣補用 財政局稅務科辦事官府經歷職銜金錫慶原照尋常請以府經歷歸部選用查該員於賑撫案內已保府經歷歸部選用擬改請俟補缺後以知縣用 財政局稅務科辦事官候補外郎吳世馨原照尋常請俟補缺後以州同用 財政局庶務科辦事官府經歷職銜谷正清原照尋常請以府經歷歸部選用 財政局稅務科字識補用筆帖式錫庚原照尋常請俟補缺後以通判補用 財政局稅務科字識候補筆帖式文祥原照尋常請俟補缺後以知縣補用 財政局稅務科字識候補外郎榮辰原照尋常請俟缺後以州同用 省城鹽務總局委員山西試用縣丞黃壽棠原照尋常請俟補缺後以知縣補用 省城鹽務總局委員五品軍功府經歷職銜楊巨芳原照尋常請以府經歷歸部選用 省城鹽務總局委員縣丞職銜陸永恒原照尋常請以縣丞歸部選用 財政局收支所辦事官遇缺即選外郎王富春原照尋常請俟缺後以州同用 財政局收支所辦事官縣丞職銜毓文原照尋常請以縣丞歸部選用以上異常四員尋常十五員應請仍照原保給獎吏部查以上十九員既據度支部聲明一概准其給獎自應分別核議李勝任李聯慶程玉桂德岳金錫慶吳世馨谷正清錫庚文祥榮辰楊巨芳陸永恒王富春毓文十四員各履歷內均未詳細聲明於何年月日到奉並於何年月日派委稅局應由該省詳細查明聲覆並許象謙一員履歷未經送部應俟補送到日再行分別核辦譚錫瓚履歷內開係浙江補用知縣於三十二年八月咨留在奉許光鶴係山西試用府經歷於三十二年二月咨調到奉譚家禮係河南試用縣丞於三十二年二月奏留在奉該三員到省及任差日期均核與原案不符黃壽棠由山西試用縣丞於三十三年三月奏留奉省係在此案截止之後惟該員等是否當差在先應由該省詳細查明供差年月聲覆到部再行核辦再查原保清單共計文職四十員除以上羅振方等三十員業經分別核議外其餘原單內開分省試用通判陳亮功遼源州知州許彭齡既經度支部查明經征柳河稅捐及省城木口均未列有比較令該省

另行奏明辦理該二員所請獎叙自應暫停核議又留奉補用知府忠駿候選縣丞張元龍均由該省咨明列保後另案革職咨請撤銷又候選同知胡鑒唐候選鹽大使李承怡縣丞職銜劉炳麟內務府催長永安文童嵩祿王錫侯亦經該省咨明均與限定保舉部章不符應行核減各該員原請獎叙自應毋庸置議合併聲明陸軍部再查原保清單共計武職五員除防禦成麟候補佐領馬鴻業等二員業經分別核議外其原單內開記名防禦驍騎校澤恩領催景泰德陞泰等三員現經該省咨明均與限定保舉部章不符應行核減該員等原請獎叙自應毋庸置議合併聲明

陸軍部奏議覆滇省勸辦界務出力人員請獎摺

奏為遵 旨議奏事內閣鈔出雲貴總督錫良奏酌保滇省前辦界務出力人員請獎一摺光緒三十四年

十一月初五日奉 旨該部議奏單併發欽此欽遵到部除文職應由吏部辦理外查滇越勸辦界務完竣

曾於光緒二十三年經雲貴總督將出力人員按照異常勞績請獎在案此次滇緬交界孟連南壘江江洪涓江一段與洋員照約修立界碑蔽事該員等歷著勤勞與前案事同一律懇准給獎光緒三十三年五月初五日奉 硃批准其酌保數員勿許冒濫欽此茲經該督將出力各員奏請獎叙並將履歷咨送前來臣等

詳查此案既與從前勸辦界務相同自應查照成案准照異常勞績核議查定章異常勞績准保免補免選又加銜限制四品不得逾三品五六品不得逾四品各等語今單開孟連宣撫司刀派永請加宣慰司銜角董土千總罕華相請加都司銜均核與定章相符應請照准惟罕華相尚未承襲土千總應俟准襲後再加都司銜留滇儘先叅將楊清請免補叅將以副將儘先補用該員履歷內開河西夷匪肅清案內於光緒二十九年由儘先遊擊保以叅將留滇儘先補用查此案經 臣部議覆改為俟補遊擊後以叅將留滇儘先補用該員遊擊既未補缺自不得遽照叅將升階請獎應改為免補遊擊以叅將留滇儘先補用所有滇省勸辦界務請獎緣由理合恭摺具陳伏乞 皇上聖鑒訓示遵行謹 奏宣統元年正月十二日奉 旨依議欽此

新疆巡撫聯魁奏伊塔道慶秀請暫緩赴引片

再伊塔兵備道慶秀係光緒二十五年奉 旨補授斯缺二十六年四月初一日到伊任事二十八年二月調署鎮迪道兼按察使銜篆務四月初七日接印任事茲據該道稟稱計自初次到任之日起連署鎮迪道篆兩年食俸已有八年懇請照俸滿例送部引 見等情查新疆自設省以來向無道員俸滿赴引成案可循惟查例載陝西甘肅道員定期七年俸滿調取引 見等語新省自應比照辦理第伊塔地處極邊緊接俄壤道員以守兼巡督理水利屯田錢糧刑名稽查卡倫諸務兼管通商事宜非幹練有爲之員難期勝任該道慶秀自蒞任以來辦理一切悉臻妥協凡遇交涉事件尤能不辭勞怨和衷商辦現在期屆俸滿未便遽易生手合無仰懇 天恩俯准暫緩給咨赴部引 見藉資治理出自 鴻施除咨部外謹會同伊犁將軍臣長庚陝甘督臣升允附片具陳伏乞 聖鑒訓示謹 奏宣統元年正月十六日奉 旨著照所請該部知道欽此

湖廣總督陳夔龍奏請以道員杜俞署鄖陽鎮片

再湖北鄖陽鎮總兵鄧正峯因病染有煙癖經 臣勒限戒斷自應調省住所考驗以徵信實查鄖陽鎮遠在鄂邊素多伏莽近擬改練營隊控制操防均關緊要鄂省在標武職人員頗難其選茲查有奏調湖北差委江蘇存記道杜俞曉暢韜鈴練達老成堪以署理鄖陽鎮總兵伏查近年鎮將要缺多有以道員署理者如直隸大名鎮總兵以道員言敦源署理江南壽春鎮總兵以道員陶森甲署理均經 奏明有案鄂省事同一律應即援照辦理 臣爲因地擇人起見除檄飭遵照并咨部外理合會同湖北提督臣夏毓秀附片具陳伏乞 聖鑒謹 奏宣統元年正月十七日奉 旨該部知道欽此

浙江巡撫增韞奏鎮海口砲台仍飭甯紹台道兼理片

再浙江甯波府屬鎮海口南北兩岸砲台事宜向由甯紹台道總理茲新授甯紹台道桑寶已飭赴任所有鎮海南北兩岸砲台應歸該道循舊兼理以專責成除飭遵外謹附片陳明伏祈 聖鑒謹 奏宣統元年正月十九日奉 旨知道了欽此

西歷一千九百九年二月十四號 星期日

宣統元年正月二十四日第肆百陸拾肆號

本局設立北京東長安牌樓王府井大街

電話內城總局第二百零一號

政 治 官 報

目 錄

●宮門鈔 ○恩詔一道 ○電 旨一道 ○交 旨四道 ○事由單 ●摺奏類一 ○學部奏
 直隸師範學堂初級簡易科畢業請獎摺併單 ○東督等奏江省沿邊荒務酌擬變通辦法摺併單
 ●摺奏類二 ○度支部奏議覆黔撫奏舉人樂嘉藻捐助圖書館銀兩請獎片 ○又奏議覆贛撫奏
 請將賑捐展限一年摺 ○江督等奏蘇屬秋收歉薄應徵錢糧分別蠲緩摺 ○桂撫奏請以張德淵
 請將泗城守摺 ○滇督奏請以秦發慶補黑鹽井提舉摺 ○又奏河邊局被匪擄去鹽斤課銀請
 試署泗城守摺 ○又奏開化守彭繼志等助學請獎片 ●咨劄類 ○續晉撫咨呈諮議局籌辦處章程請憲
 豁免片 ○又奏開化守彭繼志等助學請獎片 ●咨劄類 ○續晉撫咨呈諮議局籌辦處章程請憲
 政編查館立案文 ○附籌辦處選舉期限清單 ●廣告

政治官報 目錄 正月二十四日第四百六十四號 一

宮門鈔

正月二十三日 度支部 宗人府 正白旗值日 洵貝勒等前往 西陵請

訓 博公 賞戴雙眼花翎謝 恩 洵貝勒等 占鳳 史履晉各遞封

奏一件

召見軍機 洵貝勒倫貝子澤公鹿中堂

恩 詔

奉

天承運

皇帝詔曰朕維有妣太妃聲詩詠於商周明德宣仁史筆徵諸漢宋莫不導揚駿烈祇奉鴻

稱矧偉業邁乎古今令聞播乎中外緬懷德範同深愛戴之誠勉盡孝思爰備追崇之禮

隆名允受鉅典肆彰欽維

皇祖妣大行太皇太后

撰合乾元

道符坤厚

型垂雍肅普德教於六宮

績奏隆平播恩膏於四海

啟累洽重熙之運

宏光前裕後之模

秉錄綏猷一二月幾康用教

垂簾訓政五十年宵旰維勤用羣賢則輔弼得人明符日月誅元惡則奸回畏法威震雷霆既肅

朝綱遂伸

天討整戎行而雄揚貔虎邊圉肅清穢醜類而孽掃豺狼河山鞏固中原底定咸慶中興寰海

交通益求上理農桑並課本計先籌道藝兼包人才廣育

慎刑章以恤訟獄

嚴警政以衛閭閻

文德覃敷

闕里肅明禋之典

武功丕振全營儲有備之兵立園法而財政以修興鑛務而利源日闢訂商約則法稽列國五方之貿易偕來振工業則制補周官萬物之菁華畢獻舟車所達胥蒙樂利之休版籍所登咸沐涵濡之澤蓋統

兩朝之

謨訓實綜六合以經營乃猶以道貴化裁法宜通變

宸謀獨斷示憲政之頒行衆議僉同期國會之召集而且

推恩仁以綏藩服

講信義以睦鄰封整飭紀綱以修吏治敦崇禮教以正人心觀大業之平成邦基永奠秉詒謀

之深遠世祚孔長朕自維幼冲仰蒙

覆育追思

美善彌切推崇是用博采羣言詳稽彝制昭告

天

地

宗廟

社稷

先師於宣統元年正月二十二日率諸王貝勒文武羣臣謹奉

冊

寶恭上

皇祖妣大行太皇太后

尊諡曰

孝欽慈禧端佑康頤昭豫莊誠壽恭欽獻崇熙配天興聖顯皇后既鏤文而紀實宜錫類以頌

恩所有事宜開列於後

- 一 嶽鎮海瀆廟宇傾頽者該地方官奏明修葺以致誠敬
- 一 內外大小各官除各以現在品級已得封贈外著照新銜封贈
- 一 在京滿漢文武大小官員俱各加一級
- 一 在京王公文武官員任內有革職留任及降級罰俸者咸與開復又在京官員現在

議降議罰者悉行豁免

- 一 外藩蒙古王公以下台吉以上有罰俸住俸者咸與開復其現在議罰者悉行豁免
 - 一 滿漢孝子順孫義夫節婦該管官細加咨訪確具事實奏聞禮部覈定以憑旌表
 - 一 各省道路橋梁間有損壞者著地方官查明修理以利行旅
 - 一 各處養濟院所有鰥寡孤獨及殘疾無告之人有司留心以時養贍勿致失所
 - 一 現在內外監候質審及干連人等俱著准其保釋
 - 一 軍流人犯有本人身故其妻子情願回籍者該管官報明該部准令各回原籍
- 於戲垂萬年之顯號慶錫孫曾翔八表之仁風澤施臣庶布告天下咸使聞知

宣統元年正月二十三日

電 旨

監國攝政王鈐章

正月二十三日奉

旨錫良電奏悉該督向來辦事認真即當力任其難所請收回成命之處著毋庸議仍遵前旨迅速來京陛見欽此

軍機大臣署名奕劻世續張之洞鹿傳霖那桐

交 旨

正月二十三日

監國攝政王鈐章

軍機大臣欽奉

諭旨載洵等奏

崇陵工程恭照

惠陵規制前赴

西陵之金龍峪地方相度形勢察看規模一摺知道了欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨理藩部代奏喀爾喀圖什業圖汗達什呢瑪車臣汗德木楚克多爾濟各差人於

梓宮前可否呈進貢物一摺著於本月二十四日呈進又代奏喀爾喀圖什業圖汗部落署盟

長鎮國公察克都爾札布等差人於

梓宮前可否呈進貢物一摺著於本月二十四日呈進欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨理藩部代奏喀爾喀圖什業圖汗達什呢瑪車臣汗德木楚克多爾濟等差人請安可

否准其呈進貢物一摺又代奏喀爾喀圖什業圖汗部落署盟長鎮國公察克都爾札布

等差人請安可否准其呈進貢物一摺均著准其呈進欽此

軍機大臣署名奕劻世續張之洞鹿傳霖那桐

監國攝政王鈐章

軍機大臣欽奉

諭旨內閣侍讀學士占鳳奏預備立憲請從整飭學務辦起一摺著學部議奏欽此

軍機大臣署名奕劻世續張之洞鹿傳霖那桐

正月二十三日內摺傳 旨事由單

宗人府奏陪祀單奉 旨知道了○度支部奏議覆湖廣總督奏知縣杜鼎元捐助湖北賑銀請獎事奉

旨依議○又片奏議覆山東省青州滿營兵米撥案折銀發給事奉 旨依議○又奏議覆東三省總督

等奏請撥奉天黑龍江已酉年的餉並請催各省歷年欠餉事單二件奉 旨依議○又奏議覆浙江官錢

局改設銀行事奉 旨依議○又奏議覆淮安關光緒三十四年征收稅鈔擬請以三屆收數平均數目暫

作比較事奉 旨依議○又奏核覆北洋陸軍各學堂收支各款事奉 旨知道了○內務府奏請

派隨扈帶豹尾槍大臣事奉 旨派出增崇○恭辦喪禮王大臣奏 大行皇帝梓宮前每日三奠時

刻事奉 旨知道了○又奏 大行皇帝大事百日後內務府三旗等官停止齊集事奉 旨知道

了○又奏 大行皇帝大事圓滿日念檢拾銀兩經七日事奉 旨依議○理藩部奏議覆徐世昌奏

蒙邊剿匪出力蒙員照案核獎事奉 旨依議○又奏議覆徐世昌奏代籌扎薩克圖郡王旗借款還債情

形事奉 旨依議○又奏青海扎薩克台吉多銳等照例馳驛回旗事奉 旨知道了

正月二十三日外摺奉 旨事由單

松壽奏古田令盧家駒三年期滿請銷試俸摺 吏部議奏○又奏督標中營雲騎尉甘聯森行同無賴請革

職片 著照所請該部知道○又奏游擊李殿起請留閩浙補用片 允行該部知道○又奏守備王鳳岐請

歸於水師班序補片 允行該部知道○又奏光緒三十三年分武職養廉摺 該部知道單併發○又奏福

鼎令黃鼎翰三年期滿請銷試俸摺 吏部議奏○又奏前署甯德令周墩縣丞曹祖蔭繳清欠款請開復革職處分片 允行該部知道○又奏前代理漳平令黃鼎瑞繳清欠款請開復革職處分片 允行該部知道○又奏解新案賠款片 該部知道○又奏三十三分各營朋馬奏銷各款摺 該部知道單併發○袁樹勛奏各屬交代已未完結各案彙奏摺 該部知道單併發○又奏報銷善後局八十八次收支各款銀數摺 該部知道單併發○又奏報銷善後局八十九次收支各款銀數摺 該部知道單併發○又奏通判劉炳堃所得議叙改獎片 吏部議奏○又奏宣統元年分償款仍由協糧情形摺 知道了○升允奏通判劉炳堃所得議叙改獎片 吏部議奏○又奏宣統元年分償款仍由協糧情形摺 知道了○又奏請以李正魯補鎮海協副將摺 陸軍部議奏片一件併發○又奏請以鄧受恩升補督標右營守備片 覽○又奏委林太清等署永昌協副將等缺片 該部知道○又奏上年分禾收分數摺 知道了○又奏徽縣令張若金修墓開缺摺 吏部知道○又奏請以王潔補西甯鎮標左營守備摺 陸軍部議奏○又奏洮岷協營中軍都司陳端誼病故片 該部知道○又奏川陝楚三省會哨事竣摺 知道了○又奏延榆綏鎮永明之子平安泰留署料理家務片 該衙門知道○又奏彙報甘肅春夏二季懲辦盜匪各案摺 法部知道○又奏十月分兩糧情形摺 知道了○又奏遵設諮議局籌辦處遴派官紳經理摺 該衙門知道○又奏三十一年關內防軍收支各款報銷摺 該部知道○又奏三十三年驛塘鋪夫馬等項銀兩報銷摺 該部知道○又奏運解新餉腳價等項由新餉內提支等片 該部知道○又奏請以徐海龍補蘭州城守營參將摺 陸軍部議奏○又奏陝安鎮標城守營都司胡成福因病出缺片 該部知道○又奏肅州鎮標右營游擊米萬榮因病出缺片 該部知道○又奏添募巡防馬步各隊請飭部立案摺 該部知道單併發○又奏請以傅景賢試署清水令摺 吏部議奏○又奏縣丞銜徐懋德之妻李氏殉夫請 旌片 允行該部知道○又奏請以任肇新補授循化同知摺 吏部議奏○又奏三十年分收支地丁各款奏銷摺 該部知道○又奏大通縣石山堡等處水災請豁免錢糧片 該部知道○又奏購製 文廟禮樂各器摺 該部知道○又奏設立優級師範學堂片 學部知道○又奏提鎮司

道府密考摺 知道了單留中

摺奏類一

學部奏直隸師範學堂初級簡易科畢業照章請獎摺 併單

奏爲直隸師範學堂初級簡易科第一二班畢業照章請獎繕具清單恭摺具陳仰祈 聖鑒事竊准直隸總督咨稱據署提學使盧靖呈稱准直隸師範學堂監督咨呈直隸師範學堂初級簡易科第一二班學生於光緒三十一年夏季考取入堂三十三年年終考試畢業業經提學司分派各屬充當教員在案該兩班學生年限皆在二年以上核與定章相符分別等第開具清單呈查核轉詳咨行學部比照定章酌予獎勵由司復查無異理合詳請轉咨核獎等情到院據此相應咨部查核等因前來查 臣部奏定初級師範簡易科畢業獎勵章程內載此項簡易科設立在二年以上畢業考列最優等者准比照初級師範中等獎勵辦理考列優等者比照初級師範下等辦理考列中等者准充小學堂及程度相當之各項學堂副教員又查初級師範學堂獎勵章程內載考列中等者作爲師範科貢生以訓導用俟義務年滿以應升之階儘先補用考列下等者俟義務年滿後作爲師範科貢生以訓導用各等語此次直隸師範學堂初級簡易科第一二班學生肄業既閱五學期實在二年以上與初級簡易科請獎之例相符自應准其請獎所有第一班考列最優等之孫榮彬等二十三名第二班考列最優等之谷蕙田等十八名均擬請作爲師範科貢生以訓導用俟義務年滿以應升之階儘先補用第一班考列優等之李森等二十六名第二班考列優等之趙源逢等三十三名均擬請俟義務年滿後作爲師範科貢生並獎給訓導銜以示鼓勵其第一班考列中等之劉蕙田等三

名第二班考列中等之化芝田等十三名原請准其留堂補習一年再行考試按等獎勵核與初級簡易科獎勵章程不符應照章准其充當小學堂及程度相當各學堂之副教員並由該學堂給予畢業文憑毋庸再行請獎謹將應獎各生分別等第另繕清單恭呈 御覽如蒙 俞允即由 臣部咨行直隸總督欽遵辦理所有核議直隸師範學堂初級簡易科獎勵緣由謹恭摺具陳伏乞 皇上聖鑒謹 奏光緒三十四年十二月二十七日奉 旨依議

欽此

謹將直隸師範學堂初級簡易科應獎各生分別等第繕具清單恭呈 御覽 計開 第一班最優等二

十三名 孫榮彬 崔維序 曹效曾 張欽 郝濯 王英華 馬澤盈 劉絨曾 張德莖 張金鑑

劉綬曾 高樹榮 張爾敏 萬厚莖 張若文 王道貞 齊鳳藹 梁坪 王企廷 甄琛 楊庭槐

李庭植 王宗澤 第二班最優等十八名 谷蕙田 郝繼說 劉培謙 鄭前士 張景韓 劉景琦

何振坤 馬鍾蓬 徐振邦 魏桂林 李鍾和 米國珍 和夢錫 張玉珂 王蘭馨 金銘勛 周耀

會 邢藝林 以上四十一名均擬請作為師範科貢生以訓導用俟義務年滿以應升之階儘先補用 第

一班優等二十六名 李森 武桓 鮑俶 常海峯 許百年 吳德烈 徐傑 田貢芝 郝世奇 李

燕文 蘇克淵 張席珍 謝恩榮 康有麟 王秉珍 張清江 高列峯 康珍 祥懋 劉鍾棻 李

玉華 高增高 杜郁華 朱其光 高雲翥 賈芳桂 第二班優等三十三名 趙源達 姚煥光 王

鎮江 孫宗渭 王宗堯 史陳經 侯玉田 南溥薰 張以鑫 王廷弼 謝梅林 謝慶麟 張樹勳

邢夢麟 耿振 溫日灝 蔣樹梧 王亦民 徐英奎 閻選明 魏承運 馬名駿 文明 劉崇愷

李蔭滄 鄭熙廷 劉呈瑞 邊玉珍 安履恒 周經華 晁世俊 郭傳名 張蘭馨 以上五十九

名均擬請俟義務年滿後作為師範科貢生獎給訓導銜

東三省總督徐世昌署黑龍江巡撫周樹模奏江省沿邊荒務酌擬變通辦法摺

併單

奏爲江省沿邊荒務酌擬變通辦法以開利源而固疆圉恭摺具陳仰祈 聖鑒事竊維墾地殖民爲籌邊第一要義古人移民塞下近日東西各國率多於荒曠之區注意經營漸成繁庶如美之於西路俄之於西伯利亞日之於北海道皆由國家籌撥巨款設法招徠組織完全計謀深遠既收土廣民衆之效兼爲開疆拓境之圖江省地廣而荒從前收價放荒多在蘇蘭林慶一帶以其地土既屬上腴道途又非絕遠因而直東人滿之區奉吉有力之戶頻年鬻集成邑成都至今江省以東荒爲澳區客民視遷地爲樂土近則荒段愈遠邊境愈寒小民負未出疆道路之費倍增居止之地無著舉凡任輦車牛廬舍田器之屬繁費滋多若復照章收價勢必領戶裹足墾闢無期自非將沿邊各段荒務另訂招民辦法酌量變通不足以招致遠人發揮地利伏查江省沿邊一帶自呼倫貝爾西境起越瑗瑛與東轄境皆與俄界毗連除現籌卡倫辦法另行奏明開辦及湯旺河業經開放外其餘曠地彌望榛蕪無人過問臣世昌上年奏陳遷民實邊請免輪路各費並陳明先從招民入手卽爲拓殖邊荒之計本年九月奏陳屯墾一摺亦聲明沿邊招墾辦法另行奏明辦理蓋創辦兵屯籌款維艱開地有限自應另行遣員招民以爲兼營並進之舉現當審量沿邊情勢非改收經費以廣招徠恐民戶無由遠致非另定獎章以示鼓勵恐員司不易激揚此外如減路費以利進行嚴限制以杜包攬選良農以慎安插速升科以促墾種暨其餘亟宜變通各節均經詳細酌核務期切實可行將來新設治地方所有荒務卽責成各該地方兼辦不另設局以省糜費謹擬江省沿邊招民墾荒章程五章共二十四條敬繕清單恭呈

御覽如蒙

俞允應懇

飭下各該省督撫遵照辦

理其派往各省招待員司一切經費擬由本省各荒段積存經費項下開支如有不敷即飭司由正款動用按年報部列銷總期人民日臻蕃庶以仰副 朝廷固圉實邊至意除將沿途輪路細章派員赴部議訂並劃定荒段暨將員司薪公數目續行咨部外所有江省沿邊荒務變通章程緣由繕單恭摺具陳伏乞 皇上聖鑒訓示謹 奏宣統元年正月初七日奉 旨該部議奏單併發欽此

謹將黑龍江省沿邊招民墾荒章程敬繕清單恭呈 御覽 計開 第一章 招徠 一本省沿邊與墾

情形恐內地農民未及周知擬俟此次章程奏奉允准之日由本省刊印成冊並繪具荒段圖說咨奉天吉林直隸山東山西河南江蘇安徽江西湖北各省督撫轉飭各屬出示曉諭併責成勸業員將章程圖說廣為指導其有願赴江省墾地者由各屬就近指令赴邊墾招待處以期接洽而免觀望 一漢口上海天津煙台營口長春各處擬設黑龍江省邊墾招待處凡有各該省招送墾戶或公司招集多戶以及零星墾戶前來領墾者即由該處招待處照章妥為照料 一招致墾戶應於所在地方覓具保結確係務農良民方得由邊墾招待處填給赴江墾戶執照不得需索分文 一來江墾戶携有邊墾招待處執照者除由煙台至營口招商局輪船業經奏准減收船價外其由哈爾濱至松花黑龍兩江之官辦輪船及昂昂溪至齊齊哈爾之官辦鐵路均一律徵收半價其隨帶眷口概免收費以廣招徠 一招徠墾戶應於每年三月內到江以便即時開種各該省所屬及各處招待處均須明白勸諭預算程途日期以免先後參差致悞種作 第二章 授地 一民戶赴段領墾者每畝徵收經費銀四錢以充各處辦理墾務之用惟本省畢拉爾路土人向以牧獵為生該處協領擬招民戶導引耕種應於民戶領地時暫行免收經費俟墾熟後仍照章補收以歸一律 一每戶領地以四十五畝為限惟墾地公司認領荒地不在此例 一各戶所領地畝到段立予撥給但非墾熟升科後不得展界續領 一公司所領大段荒地非經墾熟後不得輾轉讓賣如於領地之後並不實行開墾但思轉販

漁利坐令荒蕪不闢者一經查出確有販賣生荒情事立將所領地照撤銷原繳經費概不發還 一凡領墾地畝除領地之本年不計外統於領墾後第三年起一律升科 一各戶領地除領墾之本年不計外均於第二年起勸查一次查明墾成熟地若干分別填給大照 一墾戶領墾之地至勸查年分其墾熟地畝在三分之二以上者其餘未墾生荒應准一律填入大照照章升科如墾熟地畝不及三分之二者應照已墾地畝數目填給大照其餘未墾生荒概行撤佃另放原繳經費概不發還 一凡報領荒地經營林業者查其已種樹木地方均照熟地一律升科 一前條所定墾地期限苟因天災事變迫於不得已緣由不能依限墾闢者准其呈候查明分別辦理 一墾戶報領荒地後應於四圍接界處開挖溝渠各於溝渠之旁排植適宜樹木以資引畜而清界限 第三章 資助 一墾戶到段開墾倘有青黃不接者准由就近官立銀行銀號查核實在墾種人口酌予貸助分期償還其貸助章程隨時另行酌定 第四章 獎勵 一各該省所屬招送墾戶在五千人以上領地過六萬响或二千五百人以上領地過三萬响者准其呈請各該督撫咨報江省分別照異常尋常勞績請獎 一各處招待員除各該省招送墾戶外其由招待處招致墾戶在五千人以上領地過六萬响或二千五百人以上領地過三萬响者准照異常尋常勞績分別請獎其有招徠不力者隨時由本省撤換 一各處荒段新設地方官及設治委員准於沿邊墾務案內積有異常勞績者儘先補授如設治三年其境內新增之戶不及二千五百人及新墾之地不及二萬响者即行撤換 一領荒地主獨力招募佃戶墾闢升科地至六百响以上者擬請給予七品頂戴八百响以上者擬請給予六品頂戴一千响以上者擬請給予五品頂戴如本身職銜逾於應獎銜秩或不願得獎者准其移獎子弟親族 一凡創集公司招募佃戶墾闢荒地者其發起人准照前條給獎若發起人不止一人准照所墾地數平均分獎如該公司能闢地十萬响招民逾二萬人者查明分別奏請優獎以昭激勸 第五章 附則 一本省各城無業旗丁及各省駐防無業旗丁資遣來江安插者免徵經費銀兩以示體恤其各鎮退伍兵丁由各該省資遣來江安插或由本省招致辦理屯墾者同其來江時統由各處招待處妥為指導 一本章程之適用區域以沿邊興安嶺以外與東

璦琿呼倫貝爾等處所轄地方爲斷 一所有丈地發照折扣一切放荒章程悉照本省向章辦理 宣統元年正月初七日奉 旨覽欽此

摺奏類二

度支部奏議覆黔撫奏舉人樂嘉藻慷慨捐圖書館銀兩請獎片

再據貴州巡撫龐鴻書奏黔省籌辦學堂振興教育屢與學司籌商由公家建立圖書館蒐集中外圖籍俾無力之人得隨時借資觀覽正飭司籌辦聞據舉人樂嘉藻稟稱圖書館需款甚鉅現在公款支絀遽難成立舉人情切桑梓自願將歷年收藏新舊圖書計值銀千兩並分所受先業銀三千兩一併捐出以助圖書館之成立不敢仰邀議叙等情由署提學使柯劭忞驗收詳請奏獎前來查該舉人樂嘉藻慷慨捐圖書館銀兩創設圖書館計至四千兩之多據稱不敢仰邀議叙愈見熱心公益又能體念時艱實未便沒其報効之忱仰懇 天恩俯准將舉人樂嘉藻獎給主事歸部選用以示鼓勵等因附片一件光緒三十四年十二月十二日奉 旨該部知道欽此欽遵由內閣抄出到部臣等查前經臣部議覆河南巡撫陳夔龍奏豫省擴充學校請變通報効請獎章程摺內陳明嗣後凡報効學堂經費者比照賑捐章程均按五成實銀核給銜封等因於光緒三十一年九月十九日具奏奉 旨依議欽此欽遵通行遵照在案茲據貴州巡撫龐鴻書奏稱舉人樂嘉藻慷慨捐圖書館銀兩創設圖書館共計銀四千兩獎給主事選用等因臣等查該舉人樂嘉藻既係捐助圖書館兩創設圖書館與報効學堂經費銀兩事同一律自應按照報効學堂章程請獎銜封等項以符奏案所有此次請獎主事實宜核與定章不符未便照准應令該撫轉飭按照臣部報効學堂章程另行請獎銜封等項並准移獎子弟俟聲明請獎到日再由臣部覈辦理合附片陳明伏乞 聖鑒謹 奏宣統元年正月初六日奉 旨依議欽此

度支部奏議覆贛撫奏江西振捐請再展限一年摺

奏爲遵 旨議奏事江西巡撫馮汝駸奏江西水旱偏災賑糶需款請將賑捐再展一年以資接濟一摺光

緒三十四年十二月十五日奉 旨度支部議奏欽此欽遵由內閣抄出到部據原奏內稱光緒三十二年南昌等府屬被水成災經前撫臣吳重熹奏請仍准開辦賑捐一年藉資接濟嗣因一年限滿江西財政困乏所收捐款不敷撥抵工賑等項之用復經前撫臣瑞良奏請將現辦賑捐展限一年經部議准在案茲據籌賑捐局司道詳稱前項賑捐計自光緒三十四年正月二十五日接展之日起除去封印日期扣至來年二月二十四日一年限滿本應即行停止惟因時事艱難各省捐局林立開辦此項賑捐雖歷兩年而收數從未暢旺上年萍鄉兩輪迭遭匪亂瘡痍未復元氣彫傷本年新建豐城進賢峽江新淦蓮花吉水永豐泰和萬安安福永新鄱陽餘干星子建昌德化德安彭澤贛縣等廳縣又復重遭水旱偏災賑濟平糶搶修險工之外或改修石隄或添設埽壩以衛田廬估計需款不資而司道各庫竭蹶異常籌措匪易且近年新政繁興庫儲匱竭若將現辦賑捐停止則所需賑用款勢必無法可施惟有請將現辦賑捐再行接展一年藉資補救等情詳請具奏前來臣查江西各屬河湖銜接災歉頻仍貧民積困未蘇自不能不力籌工賑而司道各庫支絀異常委係實在情形合無仰懇 天恩俯念江西水旱災歉民情較苦准將現辦賑捐再行接展一年以資接濟等語臣等伏查前據江西巡撫瑞良奏稱江西災歉頻仍匪案迭出民情較苦請將現辦賑捐展限一年等因於光緒三十四年正月二十三日奉 旨依議欽此欽遵行知遵照在案今據江西巡撫馮汝駉奏稱江西各屬復遭水旱偏災民情較苦賑需款請將現辦賑捐再行展限一年等因自係實在情形擬請准如所奏將江西賑捐再行展限一年以資接濟恭候 命下即由臣部行知該省遵照所有遵議緣由理合恭摺具陳伏乞 皇上聖鑒謹 奏宣統元年正月十四日奉 旨依議欽此

兩江總督端方江蘇巡撫陳啟泰奏蘇屬秋收歉薄請將應征錢漕分別蠲緩摺
奏為蘇州等屬光緒三十四年秋收歉薄已未墾熟田地應征錢漕援案懇 恩分別蠲減緩征恭摺仰祈
聖鑒事竊照蘇省各廳州縣應征光緒三十三年以前錢漕歷經按年確勘荒田已未墾復熟田秋成豐
歉情形分別蠲減緩征奏蒙 恩旨准行在案茲查蘇州等屬本年入夏以來雨暘尚稱時若禾苗正資

長發不意五月下旬霪雨連綿江湖並漲低平田地積水難消田禾半被淹浸冲刷迨水退補救工本倍費仍未免暗受虧傷高旱之區又以秋後亢晴缺雨滋培七八月間禾稻木棉正當揚花結穗之際迭遭狂風搖撼鈴落幹傷加以秋陽酷烈溼霧薰蒸田中間生小蟲以致結實未能飽綻至刈穫登場又值連旬陰雨稻多霉變腐爛察看收成殊形減色迭據各屬稟請勸辦即經督飭藩司遵照部章移行該管道府州親履督勸認真釐剔以杜隱混茲據蘇州布政使瑞澂蘇松糧道惠綸江安糧道吳崙轉據該管道府州履勸按照地方情形議請分別蠲減緩征由該司道體察屬實詳請具 奏前來 臣等復查蘇省自經兵燹以後田多拋荒迭飭召佃翻墾祇以頻年水旱失調旋墾旋棄報熟無多所有光緒二十五年清理田賦查勘蘇州鎮江二府屬歷年匿報墾熟及短征熟田等項已別歸原復熟田飭令一律啟征本年秋勘復經 臣等督飭司道責成各屬別荒征熟不准稍有捏飾茲就詳報情形悉心體察應將所有光緒三十二三十三兩年新墾田畝應征銀米仍請照 奏定清糧章程俟免糧年滿再行遞年啟征以符原案其餘成熟田畝本年應征錢漕除奉賢上海南匯川沙嘉定寶山等六廳縣額田銀米崇明縣額田條銀太湖華亭婁縣金山武進無錫江陰宜興金壇等九廳縣原復熟田銀米青浦陽湖金匱荆溪丹陽溧陽等六縣原復熟田銀米婁縣金山青浦武進陽湖無錫金匱宜興荆溪金壇等十縣原征三十一年新墾田銀米江陰縣原征三十年新墾田銀米吳江縣原熟田溧陽縣別剩被淹被旱田上忙條銀靖江縣原復熟漕田銀米同蘆田課銀丹徒縣原復熟漕屯各田丹陽縣款收田漕米丹陽縣牧馬廠田條銀常熟丹陽二縣成熟蘆田課銀太平廳洲田坐落丹陽江都泰興三邑課銀均請照額全征毋庸再乞 恩施外其餘各屬高旱低區田地秋成減款不一自應核實酌定等差分別征蠲減緩以恤民隱合無仰懇 天恩俯准將長洲元和吳縣吳江震澤常熟昭文崑山新陽太湖靖江華亭婁縣金山青浦武進陽湖無錫金匱江陰宜興荆溪丹徒丹陽金壇溧陽太倉鎮洋等二十八廳州縣拋荒坵廢等田銀米昭文金壇二縣別剩被淹無收田銀米丹徒縣別剩被淹被旱無收漕屯各田銀米崑山新陽二縣拋荒蘆價田條銀靖江縣別剩被歉無收漕田銀米同蘆田課銀溧陽縣別剩被淹被旱田下忙條銀及漕

米一律全行蠲免崑山縣原復熟田銀米同蘆價田條銀減免一釐長洲吳縣二縣原復熟田元和震澤新陽太湖等四廳縣原復熟田銀米吳江縣原熟田下忙條銀及漕米新陽縣原征三十一年新墾田銀米同蘆價田條銀各減免一釐五毫常熟縣原復熟被歉次重田銀米丹陽縣歉收蘆田課銀各減免二釐昭文縣原熟坐落低平區田太倉州原熟及本年擠出各田新墾基地銀米鎮洋縣原復熟田銀米同蘆田課銀各減免三釐常熟縣原復熟被歉較重田銀米減免四釐丹陽縣歉收田條銀減免五釐昭文縣原熟坐落高區田銀米減免八釐震澤縣薄收田銀米減免三成太湖廳洲田坐落丹徒縣課銀減免四成丹徒縣原復熟漕屯各田條銀同蘆田課銀減免四成八釐常熟縣被淹蘆田課銀緩至宣統元年秋後察看帶征又常熟新陽二縣被淹無收田銀米查照荒田征一減九新章酌征一成剩錢糧仍請全蠲查各屬有被鐵路圈用田畝應納錢糧奉准援照津榆鐵路辦法俟合同年滿再歸鐵路公司完納惟現在此項田畝錢糧應請暫行註緩專案另報所有各該州縣減成項下應征本年地漕鹽課蘆課學租正雜正耗錢糧歸公官租等銀以及漕南行贈局恤米豆並清賦增征銀米應請按分蠲減征收蘇州太倉鎮海金山鎮江等五衛幫奉 旨裁汰已委各州廳縣兼署應征本年屯漕錢糧暫循舊案啟征所有蘇州太倉鎮海金山等四衛幫屯漕錢糧各照坐落地方民田分別蠲減又鎮江江甯屯坐各州縣錢糧查照民田蠲減泰州酌征六成泰興縣酌征四成二釐江都縣酌征四成三釐甘泉縣酌征三成五釐丹陽縣酌征五成八釐此外征剩錢糧同上年請緩至常熟縣被歉蘆田課銀以及各屬舊欠項下自光緒十四年起各年原緩民欠錢糧坐落本年歉區已歷 奏銷各款均請查照分征成案緩至宣統元年秋後由遠及近以次帶征各屬成熟田地項下應征本年銀米各按地方情形分解核實征解現經巨等嚴飭各州縣革除積弊杜絕浮收無分紳民一律輸納趕速分別運解以供 天庾而濟餉需至白糧米石向不蠲減本年征解各州縣蠲缺白糧仍於漕糧內照額揀選辦理其各屬請減條銀如上忙已經完納者即將應減分數於下忙錢糧內扣除或上下兩忙均已全完其溢完銀兩照例流抵宣統元年上忙新賦由各該州縣分別刊刻免單備載 恩減分數銀數及流抵新賦字樣查明該戶付執爲流

抵確據所有現在赴櫃完納之戶概於串票上鈐蓋戳記註明實征銀數俾歸簡易並飭令將蠲減區圖銀米一體明白出示曉諭核實稽查於征冊內註明查照災歉成案辦理以杜弊混凡蠲缺官役俸工廩膳祭祀等款統於司庫正項銀內撥補恤孤米石在於南糧項下籌撥除飭查造蠲減征緩銀米各數細冊咨部查核外謹合詞恭摺由驛四百里具 奏伏乞 皇上聖鑒訓示謹 奏宣統元年正月初二日奉 旨另有旨 欽此

廣西巡撫張鳴岐奏請以張德淵試署泗城守摺

奏為烟瘴要缺知府需員遴員請署恭摺仰祈 聖鑒事竊照在任候補道泗城府知府杜慶元報捐離任部中坐於光緒三十四年二月初五日行文接廣西照限一百日減半計算扣至三月二十四日接到部文作為開缺日期應歸三月分截缺所遺係專難烟瘴要區三年俸滿撤回內地候升之缺例應由外揀員調補查泗城地處極邊苗獠雜居整飭撫綏均關緊要非練習明幹之員弗克勝任現在粵西實缺知府或現居要地或不熟邊情一時實無可調之員至應升雖有人於此缺人地未宜未便稍涉遷就廣西因辦理軍務善後凡補署員缺暫勿拘以文法經前撫臣柯逢時林紹年先後奏蒙 恩准在案茲於應補各班內逐加遴選查有揀發委用知府張德淵現年三十五歲江西萍鄉人由廩生中式光緒十九年癸巳 恩科本省鄉試第三名舉人二十四年戊戌會試中式九十名貢士二十七年八月在順直賑捐案內報捐候選知府是年十月在湖北賑捐案內報捐花翎二十九年癸卯補應 殿試 朝考呈請歸本班六月初四日吏部帶領引 見奉 旨著以原班選用欽此部議歸於 特用雙單捐班儘先選用在部投供候選三十

一年六月十七日蒙

欽派大臣揀選二十三日由吏部帶領引

見奉

旨著以知府發往

廣西差遣委用欽此七月十一日領照起程十一月初十日到省委署太平府知府於三十三年四月初十日

到任經臣奏保三十四年二月二十六日奉 上諭著傳旨嘉獎欽此復委兼護太平恩順道篆查該員識練才明勤求治理以之請署泗城府知府員缺實屬人地相宜據布政使余誠格署提學使李翰芬按察使

王芝祥會詳前來相應仰懇

天恩俯念人地實在相需查照變通章程准以揀發委用知府張德淵試署

泗城府知府於烟瘴要區可收得人之效如蒙

俞允該員係揀發委用知府請署知府銜缺相當毋庸送

部引

見亦毋庸核計

奏罰仍照例試署一年期滿如果稱職另請實授合併陳明謹會同兩廣總督臣張

人駿恭摺具陳伏乞 皇上聖鑒敕部核覆施行謹 奏宣統元年正月十四日奉

旨吏部議奏欽此

雲貴總督錫良奏請以秦發慶補黑鹽井提舉摺

奏為要缺提舉遵駁變通揀員借補以裨鹽政恭摺仰祈

聖鑒事竊准吏部議覆雲南黑鹽井提舉請以

昆陽州知州郎廷杰調補該員到任未滿三年亦未捐免試俸與例不符應另揀合例人員更調等因應仍以

前任提舉李訓鑑革職歸光緒三十三年十一月底截缺係要缺毋庸簽查滇省奏請變通章程凡道府州

縣各缺兩年之內補署暫不拘文法曾經奉

旨允准有案今黑鹽井提舉缺職司鹽課任重事繁疏引

濟商均關緊要非得精明幹練久歷井地熟悉鹽務之員弗克勝任奴才督飭司道於通省應調人員逐加遴

選非現居要缺即人地未宜實無堪以調補之員惟有照章變通辦理以裨鹽政查有前補用同知直隸州

本任楚雄縣知縣秦發慶年四十七歲廣西臨桂縣人由從九品職銜於攻克越南臨洮等處案內保准以鹽

大使留滇補用並

賞給五品頂戴藍翎又於攻克越南廣威府不拔縣案內保准

賞換花翎光

緒十四年六月引

見到省於勦辦黑夷匪案內保准俟補缺後以知縣前補用歷署鹽庫白鹽井

雲龍井各大使准補麗江井大使於辦理鹽務節稱提價案內保准俟補知縣後以同知直隸州前補用准

補永善縣知縣委署黑鹽井提舉開缺另補歷署平彝縣知縣思茅同知准補楚雄縣知縣於堵勦廣南游匪

案內保准俟補同知直隸州後以知府前補用引

見回滇委署定遠縣知縣調署黑鹽井提舉奴才

查該員秦發慶稔練老成熟悉鹽務並無案罰案件以之借補黑鹽井提舉實屬人地相宜洵堪勝任據雲南

布政使沈秉堃會同交涉學臬三司鹽法道具詳前來合無仰懇

天恩俯念員缺緊要准以該員秦發慶

借補黑鹽井提舉以裨鹽政如蒙

俞允該員係補用同知直隸州現任知縣借補鹽提舉銜大缺小毋庸

送部引 見將來仍照原銜升轉所遺楚雄縣知縣選缺滇省現有應補人員應請扣留外補除咨部外理

合恭摺具陳伏乞 皇上聖鑒敕部核覆施行謹 奏宣統元年正月二十二日奉 旨吏部議奏欽此

○又奏河口邊局被匪擄去鹽斤課銀請豁免片 再據署雲南黑鹽井提舉秦發慶稟河口被匪擾陷邊局存鹽及未解課銀概被擄失等情當經行飭查報去後茲據該署提舉查明損失鹽六千一百二十一觔合價銀元六百一十二元一角又擄去課銀銀元六百六十二元由雲南布政使沈秉堃會同鹽法道載林查明並無捏飾情事會詳請免前來奴才覆查河口地方煙瘴最盛交私充斥向無鹽商歷係由黑鹽井提舉派人運鹽前往設局售銷茲因革匪擾亂失去鹽觔課銀共計銀元一千二百七十四元一角合無仰懇 天恩俯念事由匪亂准將前項銀元全數豁免俾免賠累出自 逾格鴻慈除飭補取印結咨部核辦外謹附片具陳伏乞 聖鑒訓示謹 奏宣統元年正月二十二日奉 旨著照所請該部知道欽此

○又奏開化守彭繼志等捐助學款請獎片 再各省興辦學堂報効經費比照賑捐章程以五成實銀核給銜封經度支部奏准通行在案茲據署雲南提學使葉爾愷詳稱查有鹽運使銜現署雲南永昌府正任開化府知府彭繼志前在麗江府署任籌辦麗江中學堂規模整肅為迤西各屬冠建築經費用至七千餘金皆躬自籌集先捐廉銀二千兩以為之倡又同知銜雲南祿勸縣知縣李崇樸委辦麗江釐務亦即捐銀一千兩以繼其後由是闔郡紳民土司均各踴躍輸捐驟集鉅金實係該印委等提倡之力造具履歷清冊詳請 奏獎前來奴才查滇省地瘠民貧籌款匪易該員等均能熱心教育捐助鉅款洵屬慷慨急公相應籲懇 天恩俯准將鹽運使銜署雲南永昌府知府正任開化府知府彭繼志 給予隨帶加三級並 賞給正二品封典同知銜雲南祿勸縣知縣李崇樸 賞加運同銜以昭激勸出自 逾格鴻慈除將該員等履歷清冊咨部查核外謹附片具陳伏乞 聖鑒訓示謹 奏宣統元年正月二十二日奉 旨著照所請該部知道欽此

西歷一千九百九年二月十五號 星期一

本局設立北京東長安牌樓王府井大街

宣統元年正月二十五日第肆百陸拾伍號

電話內城總局第二百零一號

政 治 官 報

目 錄

●宮門鈔 ○交 官一道 ○交片一道 ○事由單 ●摺奏類一 ○內閣奏恭修 實錄摺 ○農
 工部奏美國舊金山中華商務總會請給關防摺 ○浙撫奏上海中國公學經費等請作正開銷
 片又奏蘇杭甬路借款虧耗請由鹽勛加價內提撥片 ○又奏撫運兩署公費仍於提存商綱款
 內動支片 ●摺奏類二 ○大理院奏查明澧州等處被災分別蠲緩摺 ○熱河都統奏保奉天候
 候令楊悅捐振請獎摺 ○湘撫奏查明澧州等處被災分別蠲緩摺 ○甘督奏川陝楚三省會哨事竣摺 ●咨劄類
 翼廷摺 ○贛撫奏知縣周衍祐等虧短銀兩叅追摺 ○甘督奏川陝楚三省會哨事竣摺 ●咨劄類
 續山西諮議局籌辦處選舉期限清單 ●廣告

政 治 官 報 目 錄

正 月 二 十 五 日 第 四 百 六 十 五 號

一

● 宮門鈔 ●

正月二十四日 禮部 學部 正紅旗值日 慶王等謝加級 恩 孫中堂等

謝加級 恩 達公假滿請 安 延康請假十日 濤貝勒等封奏一件

召見軍機

● 交旨 ●

正月二十四日

監國攝政王鈐章

軍機大臣欽奉

諭旨載濤等奏遵擬禁衛軍訓練處人員職掌並營制餉章開單列表呈覽一摺又奏刊刻

關防並刊發鈐記一片又奏請撥軍餉軍米一片又奏調溥侗等充軍諮官各差一片均

依議欽此

軍機大臣署名奕劻世續張之洞鹿傳霖 差 那桐

● 交片 ●

正月二十四日交內閣值年旗轉傳各衙門本月二十八日恭上

大行皇帝尊諡於是日已刻閱視

冊

寶午時行恭上

尊謚典禮交內閣值年旗轉傳各衙門遵照可也

正月二十四日內摺傳 旨事由單

禮部奏二月初七等日各忌辰祭

旨派出 昌陵等陵請 遣員行禮事奉

旨派出 昌陵溥霽

孝陵壽全

景陵載瀛

惠陵改遣統亨○又奏二月初七日祭

先師孔子廟請

遣員行禮事奉

旨派出莊親王載功

陸潤庠 溥良 戴鴻慈 溥頤 十二哲兩廡

瑞良 寶熙

紹昌 沈雲沛

達壽 恩順

崇聖祠

榮慶 配位兩廡 麒德 那晉 吳郁生 王埈○又奏

二月初三等日祭

文昌廟等處請

遣員行禮事奉

旨派出

文昌廟載潤 後殿郭曾忻

先醫廟郭曾忻

兩廡張仲元

李崇光

龍神等祠海年

璞玉

左景祐

昆明湖龍神祠繼祿 雙忠

昭忠祠希璋

德茂

關帝廟豫親王懋林

後殿景厚○又片奏

惠濟祠

河神廟請暫緩致祭事奉

旨知道了○又奏恭上

大行皇帝尊諡前期告祭

大廟後殿請改

派員行禮事奉

旨派出溥釗○又奏恭上

大行皇帝尊諡前期齋戒無庸恭進銅人事奉

旨知道了○又奏庚戌

年 壇

廟祭祀齋戒日期事册一本奉

旨知道了册留○又奏鑄造

監國攝政王金寶配

搭五成紋銀事奉

旨依議○又奏慶親王以親王世襲罔替製造鍍金銀

册事奉

旨知道了○

又奏添鑄

崇陵工程處關防繕模呈

覽事奉

旨知道了○又奏改鑄本部典制司印繕模呈

册事奉

旨知道了○

覽事奉

旨知道了○又奏酌擬變通保送舉貢事奉

旨依議○又奏二月初七日忌辰服色事

奉

旨知道了○又奏二月十一日忌辰照例素服事奉

旨知道了○又奏二月十五日禁止屠宰事

奉

旨知道了○學部會奏議覆江西巡撫奏虔南廳添設拔貢名額事奉

旨依議○又奏議覆廣東

高等學堂預科畢業獎勵分別准駁事奉

旨依議○大理院奏審明鎔化大錢人犯王連峰等比例定擬

事奉

旨依議○又奏審明鎔化大錢人犯王鳳林等分別定擬事奉

旨依議○又奏審明姦拐職官

之妻人犯四廣仔等按例加等定擬事奉

旨依議○又奏審明姦拐婦女人犯張學年等按例分別定擬

事奉

旨依議○步軍統領衙門奏參當差不慎之步軍校慶祿請

旨革職歸案審辦事奉 旨依

議○又奏呈詞彙奏事單一件奉 旨知道了○又奏現審月摺奉 旨知道了○恭辦喪禮王大臣奏

大行太皇太后梓宮前每日三奠時刻事奉 旨知道了○理藩部代奏喀爾喀圖什業圖汗達什

呢瑪等各差人於 梓宮前呈進 貢物事單三件奉 旨知道了○又代奏達什呢瑪等各差人於

梓宮前呈進 貢物事單三件奉 旨知道了○又代奏達什呢瑪等各差人請 安事單五件奉

旨知道了○又代奏喀爾喀公察克都爾札布等差人請 安事單一件奉 旨知道了○又代奏

來京蒙古王公等均請分別照例按日支給廩餼奏 聞事奉 旨知道了

正月二十四日外摺奉 旨事由單

松壽奏三十四年閩海關各口征收常洋兩稅提還賠款摺 該部知道○又奏藥釐劃抵新案賠款片 該

部知道○又奏上年十一月分雨糧情形摺 知道了○又奏晚稻收成分數摺 知道了○又奏閩省新案

交代摺 該部知道單併發○袁樹勛奏三十二年分德常二倉收支錢糧數目摺 該部知道○又奏營隊

分防實難裁汰片 該部知道○又奏咨解巡船巡輪等經費數目片 該部知道○又奏請以姜迺升補壽

光令摺 吏部議奏○又奏從九王篤明等修河積勞病故請議卹片 著照所請該部知道○又奏莘縣令

周鄭表因病出缺片 吏部知道○又奏委候道陳炳文代理鹽運使片 該部知道○聯魁奏三十三年分

驛站經費銀數摺 該部知道○又奏請以黃宗海等署精河直牧各缺片 該部知道○又奏請以候道陳

璋充督練處叅隊官片 該部知道○又奏三十年分收支銀糧草束報銷摺 該部知道單併發○又奏三

十年分新疆防軍餉項報銷摺 該部知道單併發○又奏三十年分甘肅新疆善後收支各款摺 該部知

道單併發○又奏上年分六月兩糧情形摺 知道了○溥錕奏實行禁煙情形片 該部知道○又代奏札

勒堪札胡圖克圖達木鼎巴雜爾得 賞普善名號謝 恩摺 知道了○又奏添設蒙小學堂請飭撥

款摺 著照所請該部知道○又奏遵查官廠牧放駝馬尙無缺額摺 該部知道○又奏請由綏遠城派撥

兵丁換防片 允行該部知道○又奏請撥倉糧散放冬賑片 知道了○台布志銳奏查核馬匹數目摺

知道了○又奏滿營戒煙辦理情形片 凡官兵已戒再吸者即行斥革餘著隨時嚴察禁戒

摺奏類一

內閣奏恭修

實錄摺

奏為恭修

實錄事竊維制輿觀象遂傳五帝之書氏溯成鳩亦補三皇之紀統虞夏商

周之盛治萃典謨誓誥以成編遠證前聞備彰信史欽維

德宗景皇帝

經綸宇

宙 規畫乾坤

殫敬

天法

祖之誠立

勤政愛民之本

同文治而廣興學校

儲武備而預選干城

三事九功政成悠久

六通

四闢道妙化裁仰

宵旰之憂勤繫寰瀛之觀聽

神謀遠大方策具存

彝

訓昭垂球圖並煥

皇上紹聞衣德

繼序求章舉

文謨武烈以承休凜

舜法堯心而念典

制詔宣於鳳閣如綉如綸

起居注於螭吻記言記動

詒謀裕後

續緒承

先垂萬世之常經訓行是式合

九朝之

實錄繼

述彌虔臣等欽

大業之平成緬

宏猷之炳蔚宜闡珠囊之治允貽金匱之藏請

選廷臣

分司館職編年紀月法體例於春秋叙事纂言仿文章於史漢目張綱舉部別類

從於以監

法守之無愆奉

典型而不墜庶幾紀

成功於寶籙毋忘卅四

年兢業之思綿

景祚於璿圖永立千萬國會歸之極伏候

命下之日所有監修總

裁正副總裁各員臣等再行開單奏請

欽派為此謹

奏宣統元年正月二十一日奉

旨依議欽此

農工商部奏美國舊金山中華商務總會請給關防摺

奏爲美國舊金山地方設立中華商務總會援案請給關防恭摺仰祈 聖鑒事竊臣部接據出使美墨秘古國大臣伍廷芳咨稱據美國舊金山華商總會鄧廣英等稟稱吾華商業隔閼之情形不獨官之於商爲然即商之與商或此業視彼業或同業視同業亦往往不相聞問內地商情本不團結然如粵省之行商上海之號幫會館行規尙有聯合之勢金山則貨物繁雜每以一商號而兼數十行幫以故商會之立應較內外各埠爲尤亟從前昭一客商兩公所原有舊規核與農工商部奏定之案尙多缺略商等遵卽籌商謹擬訂金山商會章程十二條並公推總理協理各員名按照南洋各埠成案請頒給關防等情轉咨查核辦理到部臣等伏查旅美華商散處各埠而以金山紐約兩處爲最多現在南洋風氣已開華商商會設立多處尙無漸被及西洋者茲該商會首先成立亟宜鼓勵以爲各埠之倡查閱所擬章程均無不合所舉總理候選中書科中書鄧廣英協理五品頂戴趙綽等既係由衆公推自應照章加札委用並援案請給關防文曰舊金山中華商務總會之關防藉資信守而專責成所有舊金山中華商務總會請給關防緣由理合恭摺具 奏伏乞 皇上聖鑒訓示謹 奏光緒三十四年十二月十五日奉 旨依議欽此

浙江巡撫增韞奏上海中國公學經費及京師女學建築費請作正開銷片

再據上海中國公學幹事王敬芳等稟稱自乙巳年由日本歸國到滬糾集同志設立公學爲自辦專門之基礎留學高等之預備定名中國公學一切用款竭力經營於今三年差幸成立學生三百餘人籍貫十有四省內有浙籍二十四人稟准兩江總督端方每歲助銀一萬二千

兩並撥吳淞官地一百畝零以爲校舍基址而粵蘇贛等省亦均撥款資助通盤籌畫不特已定校址無力建築而收支預算不敷尙鉅應請一體維持等情當經前撫臣馮汝駉批司自今年起每年籌撥銀三千兩作爲常年經費又學部創設女子師範學堂經奴才允籌鉅金用助建築本年十月十九日准學部電以開辦在即請早籌撥款項俾應工需等因復經行司籌議茲據藩運兩司分案詳稱浙省各庫同一支絀難以支持惟此項公學經費兩江既已奏撥且係常年之款自應竭力贊助在於本年地丁款內動支銀三千兩照數發給其京師女學爲教育本原所需建築費一項亦宜勉力籌解在於藩庫本年地丁款內動支銀三千兩又於運庫本年鹽勛加價款內動支銀二千兩共銀五千兩發商匯解各等情詳請 奏咨前來奴才查浙省庫藏本極支絀近來支應餉需籌備賠償鉅款搜括殆盡所有上海中國公學常年經費及京師女學建築費藩運兩庫委無閒款可籌現於無可設法之中勉力籌餉實屬萬分竭蹶查從前認解歷年京師大學堂經費經前撫臣任道鎔奏請作正開銷奉 旨允准在案該兩款事同一律相應請 旨敕部准予援案作正開銷除分咨查照外理合附片具陳伏乞 聖鑒訓示謹 奏宣統元年正月二十日奉 旨該部議奏欽此

●又奏蘇杭甬路借款虧耗銀兩請由鹽勛加價內提撥片 再准郵傳部咨籌墊蘇杭甬鐵路公司借款虧耗辦法一片內開浙省每年認墊銀三萬兩於四月內如數交部等因奏奉 旨依議欽此咨行到浙經前撫臣馮汝駉分行籌解去後茲據藩運二司會同督糧道詳稱此案借款虧耗款須按年解部名雖籌墊須俟公司獲有餘利報効內歸還并無準期司道各庫同在窘鄉限於財力無可認解必須籌有專款庶可無誤要需查奉部奏酌加鹽價自本

年七月初一日起每觔暫加四文以一半解部一半劃歸產銷省分勻撥濟用款內擬按年如數提墊蘇杭甬鐵路借款虧耗銀三萬兩匯交上海交通銀行兌收俟加價收有成數即行分別提還歸墊以後即按年於此款內如數提解作正開銷以重要需等情詳請 奏咨前來奴才查司道各庫現在同一支絀此項虧耗銀兩詳請在本年酌加鹽價一半款內按年照數提撥係爲慎重要需起見似可准行除咨度支部查照外理合附片具 奏伏乞 聖鑒敕部查照准予作正開銷俾免貽誤要需謹 奏宣統元年正月二十日奉 旨度支部議奏欽此

●又奏撫運兩署公費仍於提存商綱款內動支片 再查前撫 馮汝駉造報光緒三十二年分收支鹽課釐銀數目案內奉度支部咨覆以鹽務所收課釐正款與辦公經費雜款大有區別不能任意混淆飭將此項收支各款另行造冊更正務令各歸各款不得彼此牽混致虧正項課釐並由該撫據實奏明辦理至此項商綱公費津貼引費等款始自何年如何征收支放併即查明聲覆等因當經行司遵照茲據兩浙鹽運使王慶平詳稱卷查兩浙外銷項下每年呈解撫署列有商綱公費津貼引費等款除節次裁減報効外年約解銀一萬六千數百兩如遇旺銷長征之年數在一萬八九千兩司署亦有公費津貼照費引費製費加平程毫等款除歷奉裁減報効外年約銀三萬四千數百兩長征年分則在三萬九千餘兩款皆由商按引輸繳向列外銷兵燹後數十年來歷任巡撫運司皆取以爲常年辦公之需實無流弊至三十二年間信前司以款雖商輸究近陋規開單呈請張前撫 臣 飭令全行提庫以歸正用所有巡撫運司辦公應需之款從實核減悉自課釐項下開支名爲辦公經費奏定年解撫署公費

及書吏月給經費差官戈什等薪工並撥師範學堂常年經費共銀一萬八千兩司署亦准月支銀二千八百三十兩年共銀三萬三千九百六十兩均遇閏照加永爲定額詳准立案卽自三十二年正月起按月改於課釐項下分別照數動支解放將原有之商網等款悉數提庫入於春秋撥冊內分列收支報撥並於三十二年分奏銷案內另造清冊附同詳咨在案茲既奉部駁飭正雜不能混淆令將此項收支各款另行造冊更正務須各歸各款不得彼此牽混致虧正項課釐等因自應遵將三十二三兩年所在課釐項下動支巡撫運司辦公經費銀兩仍從提存之商網等款內如數劃還歸款以重正項其應支辦公經費係屬必不可少之需請自三十四年正月起仍照張前撫_臣核減酌定之數卽於提存入庫之商網等款內按月如數動放分別解支如此各歸各款核與正項毫無出入不致有虧而辦公亦有所取支可免竭蹶似於部飭各歸各款原案無背惟款既化私爲公自應遵照部議據實奏明辦理等情由司詳請奏咨前來_{奴才}覆核無異除飭司另將三十二年分所收商網等款查明造冊聲覆咨部查照外理合附片陳明伏乞 聖鑒訓示謹 奏宣統元年正月二十日奉 旨該部知道欽此

摺奏類二

大理院奏審明擅入 禁門割草人犯定擬摺

奏爲審明擅入 禁門割草人犯比律量減定擬恭摺具陳仰祈 聖鑒事據 景運門奏送拿獲混入

禁門人犯唐永福等交院審辦一摺光緒三十四年十二月初二日奉 旨依議欽此旋經值班大臣抄錄

原奏將人犯唐永福等咨送過院_臣等督飭庭員詳加審訊並由總檢察廳派員蒞視緣唐永福係大興縣民人唐德泉亦籍隸該縣唐永福先做小工活營生嗣因年老在各漫地檢柴度日光緒三十四年十二月初一

日唐永福身穿短衣手持鐮刀走至 大清門外見地有乾草起意芟割賣錢花用正在芟草間見 大清門內滿地枯草意欲乘便割取以致走入門內經值班官兵瞥見聲稱鎖拿唐永福畏懼藏入 朝房當被拿獲查詢並無腰牌維時唐德泉適自 大清門外看見官兵挈住一人不知何故混進門內陪看亦被獲住連唐永福一併解由 景運門值班大臣奏送到院審悉前情臣等以唐永福身帶鐮刀混入 禁地唐德泉旋又混進難保不非法重情復飭承審各員隔別嚴鞠據唐永福供實因天寒年老生計艱難意欲在 大清門外芟草售賣因見門內草多乃混跡走進以致誤入 禁地唐德泉供係溜進門內陪看熱鬧均無不法情事查驗起獲鐮刀確係業經破壞割草使用之物所供尙屬可信反覆研詰矢口不移應即擬結 查律載但持寸刃入 紫禁城門內者杖一百發極邊充軍又擅入 紫禁城者杖一百又斷罪無正條援引他律比附加減定擬各等語此案唐永福因年老檢柴賣錢度日適至 大清門外芟草見門內地有枯草隨攜鐮刀乘間混入旋被拿獲查 大清門雖屬 禁門惟究在 皇城之內與律所稱 紫禁城者不同自應比律量減問擬唐永福合比依但持寸刃入 紫禁城門內者杖一百發極邊充軍律量減一等擬以杖一百徒三年照章免杖送交順天府收入習藝所工作限滿開釋唐德泉於挈獲唐永福時輒敢混入陪看亦應量減科斷唐德泉合比依擅入 紫禁城者杖一百律量減一等擬以杖九十照章追取罰金據供無力完交亦應飭縣改折工作五十日期滿釋放起獲鐮刀案結銷燬所有臣等審明定擬緣由謹恭摺具 奏光緒三十四年十二月二十一日奉 旨依議欽此

度支部奏議覆鄂督奏候補令楊悅捐振請獎摺

奏爲遵

旨議奏事湖廣總督陳夔龍奏候補知縣楊悅捐助湖北賑銀一萬兩請以道員分省補用一摺

光緒三十四年十二月十八日奉

旨該部議奏欽此欽遵由內閣鈔出到部查原奏內稱鄂省各屬被水

成災工賑需款甚鉅經臣奏請接辦賑捐添收七項常捐並請援照江南賑捐成案如有捐助實銀一萬兩以上者專案奏請優獎均經欽奉 諭旨允准在案茲據花翎同知銜候補班儘先補用知縣楊悅以鄂省

災重款絀捐助庫平銀一萬兩解局濟用等情由湖北籌賑總局布政使李岷琛按察使楊文鼎詳請奏獎前來臣查該員楊悅四川綿竹縣人由附生投効軍營出力歷保知縣到省多年委署要缺歷辦要差均著成效曾經前湖北撫臣于蔭霖奏保欽奉 諭旨嘉獎該員爲守兼優器識宏遠洵屬有用之才今據捐輸實

銀一萬兩裨益災區殊非淺鮮尤屬康濟爲懷力顧大局雖據呈稱不敢邀獎亦未便沒其好義之忱查江南勸辦賑捐凡係虛銜實職人員捐銀一萬兩均經奏請以道府補用奉 旨照准有案今湖北事同一律自應援案辦理相應請 旨准將該員楊悅以道員分省補用以昭激勸等語臣等伏查自光緒三十二年七月二十九日經臣部奏明停止實官捐輸以後各省官紳報効賑款或報効學堂經費銀兩雖經各該省奏

請獎給實官有案均係欽奉 特旨允准其奉 旨交議之件概由臣部查照奏定賑捐及報効學堂各章程飭令請獎銜封等項不准請獎實官歷經辦理在案今據湖廣總督陳夔龍奏稱候補知縣楊悅以鄂省災重款絀捐助庫平銀一萬兩請以道員分省補用等因臣等查楊悅報効賑銀一萬兩既經奉 旨交議自應仍照定章辦理相應請 旨飭下該督轉飭將楊悅報効賑銀一萬兩按照湖北賑捐章程請獎銜封翎枝等項並准移獎子弟俟請獎到日再由臣部核辦所有違議緣由理合恭摺具陳伏乞 皇上聖鑒謹 奏宣統元年正月十四日奉 旨依議欽此

湖南巡撫岑春煊奏查明澧州等處被災分別蠲緩摺 奏爲查明澧州南洲安鄉等州廳縣本年被水受旱田畝蘆洲已未成災輕重情形籲懇 天恩分別蠲緩

遞緩錢漕蘆課等項以紓民力恭摺仰祈 聖鑒事竊照湖南省常德岳州澧州等屬地濱洞庭每年水勢長發圍田洲地多致潰決漫淹本年六月間澧州等屬大雨如注山水驟發河流盛漲致澧州石門安福慈利

安鄉南洲龍陽沅江古丈坪沅陵等州廳縣沿河田廬各被漫淹當經臣兩次電奏蒙 恩頒發帑銀並經臣先後撥給銀錢穀米委員分途馳往會同地方官分別賑撫其餘保靖龍山桂陽桃源道州江華湘潭巴陵臨湘華容武陵湘陰益陽等州縣據報夏秋間湖河泛漲低窪田畝悉被淹沒濱湖隄垸間被沖潰並據醴

陵縣稟入秋以後雨澤愆期高旱田禾被旱花乾各等情亦經臣飭司移行該管道府州督飭查勘情形妥爲賑濟被水者趕緊設法疏消乘時補種受旱者車漑灌溉以期有收仍俟秋後確勘是否成災據實稟辦去後茲據該管道府州督飭各該廳州縣逐一查勘分別成災分數輕重情形稟請蠲緩遞緩錢漕等項由布政使莊慶良具詳請 奏前來臣覆加查核除石門安福慈利古丈坪保靖龍山桂陽桃源道州江華湘潭各廳州縣水退甚速均堪補種並醴陵縣被旱較輕勘明不致成災均毋庸查辦蠲緩外所有被水勘明已成災者係安鄉縣圍城官垸一處湯家民垸一處湖濱墻等湖田十處成災十分又板橋官垸一處何家民垸四處盧家窖等湖田四處成災九分武陵縣陽城等十二村障內之下眉溪等處成災十分又承恩等十九村障內之柘樹嘴各等處成災八分龍陽縣北益等處成災九分又大圍隄地號下內附人號黃宇宙宿列爲霜八號暨太和等障及長樂外三莊安樂一二下七等處成災八分又大圍隄洪倉日月盈張來寒號並惠烈莊調陽十號又猶隄障鴨下北內附梁梓洋湖口中窖等共十處成災七分又大圍隄天地元辰晨暑往秋律呂雲騰露結十四號並七荆灰布南趕金石障內智文二號小塘下東西二並下四五六又六區仁義下前後五並下後九東倉下安樂六南疆八九十等處成災六分沅江縣大成等二十六垸成災十分又義和等六處成災七分又該縣免毀禁修之上下嘉興周家坪三垸官田全被淹沒無收益陽縣西林垸成災九分巴陵縣穆湖村秋地蘆洲及一都六都十二五二十二十一共六都成災七分又二都三四五都共四處成災六分華容縣嚴蕭永固官垸及顧家傅家民垸成災七分又洪市嶺等三十一圻成災六分南洲廳撥管華容安鄉武陵三縣界內之中和雙福德和等共三十一垸成災七分澧州上夕陽等官民十二垸隄埂湖田三十四處成災八分又藍家等民垸五處隄埂湖田二十二處成災七分又勘不成災被淹情形較重者係武陵縣上塄等三十一村障內地勢稍低之子房河各等處沅江縣株木實竹巴等處垣內嶺田升地低田巴陵縣三十二三十三三四等都共三處臨湘縣塘灣等二十四團望城等十六團洪家等十八洲華容縣南鄉夏家等團山脚湖汊湖田並蘆洲地畝澧州下夕陽等官民三垸隄埂湖田十三處安鄉縣大溶湖蘆地一處湘陰縣聚賢等官民二

十六團及北鄉湯家河蕭家汊戴家河楓樹汊近湖低田沅陵縣施溪上堡血水潭及草塘堡青水堡等四處又勸不成災情形較輕之武陵縣上埧等三十一村障內地勢較高之子房河各等處沅江縣德興巴等七垸華容縣護城等官民五十垸及東南二鄉山岡高阜各處南洲廳撥管華容界內傅家等十五圻澧州花驛洲垸等隄埂湖田七處均因水退節候已遲祇能補種雜糧雖勸不成災收成究屬歉薄又岳州衛歸併湘陰巴陵臨湘華容等縣被水已成災均與民田一律相同以上各廳州縣被水成災分數及勸不成災輕重情形均由該管道府州督同核實覆勘委係實情並無捏飾情弊所有本年應徵錢漕蘆課等項及應行帶徵光緒十四十五十六十七十八十九二十二二十三二十四二十五二十六二十七二十八二十九三十三十一三十二三十三等年災緩銀米若仍照常徵收民力實有未逮合無仰懇 天恩俯准將成災十分之安鄉縣圍城官垸一處湯家民垸一處湖濱墻等湖田十處武陵縣陽城等十二村障內之下眉溪等處沅江縣大成等二十六垸各應完光緒三十四年正耗錢糧請照例蠲免十分之七成災九分之安鄉縣板橋官垸一處何家民垸四處盧家窖等湖田四處龍陽縣北益等處益陽縣西林垸各應完光緒三十四年正耗錢糧請照例蠲免十分之六成災八分之武陵縣承恩等十九村障內之柘樹嘴各等處龍陽縣大團隄地號下內附人號黃宇宙宿列爲霜八號暨太和等障及長樂外三莊安樂一二下七等處澧州上夕陽等官民十二垸隄埂湖田三十四處應完光緒三十四年正耗錢糧請照例蠲免十分之四成災七分之龍陽縣大團隄洪倉日月盈張來寒號並惠烈莊調陽十號又猶漢障鳴下北內附梁榮洋湖口中窖等處共十處沅江縣義和等六處巴陵縣穆湖村秋地蘆洲及一都六都二十五二十二二十一共六都華容縣嚴蕭永固安垸及顧家傅家民垸南洲廳撥管華容安鄉武陵三縣界內之中和雙福德和等共三十一垸澧州藍家等民垸五處隄埂湖田二十二處各應完光緒三十四年正耗錢糧請照例蠲免十分之二成災六分之龍陽縣大團隄天地元辰晨暑往秋律呂雲騰露結十四號並七荆灰步南趕金石障內智文二號小塘下東西二並下四五六又六區仁義下前後五並下後九東倉下安樂六南疆八九十等處巴陵縣二都三四五都共四處華容縣洪

市嶺等三十一圻各應完光緒三十四年正耗錢糧請照例蠲免十分之一又華容等縣有應征光緒三十四年南鹽漕折銀米蘆課等項並請緩至次年秋後帶征所有各屬州縣蠲剩銀兩成災十分九分八分者照例分作三年帶征七分六分者照例分作二年帶征本年應行帶征各項均請遞年以次展緩又沅江縣免毀禁修之上下嘉興周家坪三垸官田全被淹沒應完光緒三十四年田租銀兩請查照歷年成案全行蠲免又勸不成災而收成歉薄情形較重之武陵縣上垸等三十一村障內地勢稍低之子房河各等處沅江縣株木實竹巴等處垸內嶺田升地低田巴陵縣三十二三十三三十四等都共三處臨湘縣塘灣等二十四團望城等十六團洪家等十八洲華容縣南鄉夏家團山脚湖汊湖田並蘆洲地畝澧州下夕陽等官民三垸隄埂湖田十三處安鄉縣大溶湖蘆地一處湘陰縣聚賢等官民二十六團及北鄉湯家河蕭家汊戴家河楓樹汊近湖低田沅陵縣施溪上堡血水潭及草塘堡清水堡等四處各應完光緒三十四年正耗錢糧蘆課等項均請緩至宣統元年秋後起征各該縣有應完光緒三十四年漕糧南鹽等項銀米均請一律緩征各屬州縣有應行帶征光緒十四十五十六十七十八十九二十二二十三二十四二十五二十六二十七二十八二十九三十三三十一三十二三十三等年災緩錢糧各項及原借隄工銀兩均請遞緩至宣統元年秋後各照原限分年次第帶征其本年蠲剩緩征銀米請俟各年災緩銀米征完後再行按限起征又勸不成災情形較輕之武陵縣上垸等三十一村障內地勢較高之子房河各等處沅江縣德興巴等七垸華容縣護城等官民五十垸及東南二鄉山岡高阜各處南洲廳撥管華容界內傅家等十五圻澧州花驛洲垸等隄埂湖田七處各應完光緒三十四年正耗錢糧南漕蘆課等項銀米照常征收外所有光緒三十四年應行帶征光緒十四十五十六十七十八十九二十二二十三二十四二十五二十六二十七二十八二十九三十三三十一三十二三十三等年災緩錢糧並南漕蘆課銀米等項均請緩至宣統元年秋後查照原緩年限分年次第帶征又岳州衛歸併湘陰巴陵臨湘華容等縣被水屯田災緩銀兩均請查照各縣地方分別蠲緩遞緩以廣 皇仁而紓民力除飭該管道府督屬出示曉諭先行照例停征並飭取被災地名田畝及應蠲應緩銀

數另行咨部外所有勸明澧州南洲安鄉等州廳縣光緒三十四年被水受旱已未成災輕重情形請分別蠲緩遞緩錢漕等項緣由謹會同湖廣總督臣陳夔龍恭摺具奏伏乞 皇上聖鑒訓示再各屬淹潰民垵現飭趕緊興修其未被水受旱地方本年收成尙稱平稔刻下貧民無虞乏食來春均可無須接濟業經臣另行恭摺 奏明又定例秋災不出九月本年因往復查勘力求核實是以辦理稍遲獨緩細數清冊飭即趕造送部合併陳明謹 奏宣統元年正月初十日奉 旨另有旨欽此

熱河都統廷杰奏保奉天候守張翼廷摺

奏爲敬舉賢能以備

擢用恭摺密陳仰祈

聖鑒事竊維時局阡危需才孔急求才於內地易求才於

邊地難奴才抵熱三年隨時留心訪查茲查有丁憂在籍奉天候補知府張翼廷前隨奴才辦理奉天西流水

墾務經營籌畫勞怨不辭奴才署理 盛京將軍正值兩強戰事之後該員識深見遠顧慮周詳即其後隨同

奴才查辦錦州府官莊地畝冊檔紛繁亦賴其精心稽核前 盛京將軍趙爾巽今東三省督臣徐世昌皆能

委心任用歷派要差歷署柳河興仁等縣卓著循聲遞保免補直隸州知州以知府仍留奉天儘先補用尙未

咨送引 見旋於上年二月丁本生父憂回熱河原籍守制經奴才一再招致委充求治局幫辦贊襄規

畫超越恒流該員器識宏深守堅才卓洵爲守令中不可多得之員堪備監司之選合無仰懇 天恩俯准

將奉天候補知府張翼廷交軍機處存記以示優異一俟該員服滿卽行給咨送部引 見仍飭補繳免保

留省各銀兩以符部章所有奴才敬舉賢能以備 擢用緣由是否有當謹恭摺密陳伏乞 皇上聖鑒

謹 奏宣統元年正月十七日奉 旨著照所請該部知道欽此

江西巡撫馮汝駉奏知縣周衍祐等虧短銀兩案追摺

奏爲知縣虧短交代銀兩據實叅追恭摺仰祈 聖鑒事竊照州縣交代如有虧空例應由後任揭報叅追

茲查前署新淦縣事另案叅革知縣周衍祐前在新淦縣任內短交丁漕正雜各款銀八千五百四十八兩二

錢七釐又前署高安縣事另案叅革知縣黃宗勳前在高安縣任內短交丁漕正雜各款銀五千七百四十四

兩六錢一分四釐畝捐錢一千六十千九百二十九文又前署南康縣事另案參革知縣楊寅接前在南康縣任內短交地丁正雜各款銀一千二百一十一兩一錢四釐洋五百三十元五角五分五釐交代雖已算明定冊而短交款項定限已逾迭催未據完繳未便稍事姑容據署布政使事按察使陳夔麟署按察使事鹽法道慶寬督糧道錫恩轉據該管道府揭報前來應即照章將前署新淦縣事另案參革知縣周衍祐前署高安縣事另案參革知縣黃宗勳又前署南康縣事另案參革知縣楊寅接均勒限兩個月各將所短銀錢洋元掃數完繳如該員等果知愧奮依限解清再予分別 奏請銷限儻敢仍前延宕即另從嚴參辦所有送部冊結容俟參限屆滿分別核送除咨度支部外謹會同兩江督臣端方恭摺具 奏伏乞 皇上聖鑒訓示謹 奏
宣統元年正月二十二日奉 旨該部知道欽此

陝甘總督升允奏川陝楚三省會哨事竣摺

奏為川陝楚三省本年會哨事竣邊界安謐循例恭摺具陳仰祈 聖鑒事竊照川陝楚三省連界地方向派提督總兵分年會哨事竣彙奏歷經遵辦在案茲據漢中鎮總兵程鼎稟稱秋間陰雨連綿河水漲發誠恐哨頭有誤派委定遠營遊擊賀大發於十月初一日馳抵川陝交界之滾龍坡與四川重慶鎮總兵張士翰見面會哨又飭委略陽營遊擊沙占魁於十一月初一日在陝甘交界之白馬關與河州鎮委員富亮見面會哨陝安鎮總兵傅殿魁稟稱於十月二十七日行抵陝楚交界之蓮花寺與湖北鄖陽鎮總兵鄧正峰晤面沙州鎮總兵羅平安稟稱因防務緊要未便遠離飭委文縣營都司吳品山於十月二十日在川甘交界之馬尾墩哈南寨與署四川松潘鎮總兵開泰晤面會哨又飭委階州營遊擊富亮於十一月初一日在陝甘交界之白馬關與漢中鎮委員沙占魁晤面會哨該鎮等並稱經過各要隘留心查察委無匪類潛藏地方安謐先後呈請彙 奏前來奴才伏查川陝楚三省邊界犬牙相錯林密山深誠恐宵小竊發擾害閭閻當仍飭該總兵等督率各營汛認真巡防不得稍涉因循以期仰副 聖主綏靖邊圉之至意所有各該鎮及委員會哨事竣邊界安謐緣由理合恭摺具陳伏乞 皇上聖鑒 奏宣統元年正月二十三日奉 旨知道了欽此

西歷一千九百九年二月十六號 星期二

本局設立北京東長安牌樓王府井大街

宣統元年正月二十六日第肆百陸拾陸號

電話內城總局第二百零

號

政 治 官 報

目

錄

●宮門鈔○交 旨一道○事由單●摺奏類一○禮部奏二十七月初 皇上詣 大行太皇太后 大行皇帝
 几筵前仍服縞素摺○又奏酌擬變通保送舉貢摺○甘督奏購製 文廟禮樂各器銀兩摺○又奏遵設諮議局籌辦處摺
 ○又奏設立優級師範學堂片●摺奏類二○度支部奏議覆東督奏紳民宋天申等捐學請獎摺○豫撫奏請以熊廷襄補洛陽
 令摺○又奏請以袁啓芬試署新鄭令摺○鄂督奏試用道袁剛楨期滿甄別片○黔撫奏請以陸德滋補黃平州收摺○湘撫奏
 迭獲謀逆各犯請獎出力員弁摺○甘督奏請以任肇新補循化同知摺○又奏運解新餉腳價等項銀兩片○閩督奏已革甯德
 令周燧等繳清欠款請開復片●咨札類○續山西諮議局籌辦處選舉期限清單○又自治研究所簡章●廣告

政 治 官 報 目 錄

正 月 二 十 六 日 第 四 百 六 十 六 號

一

●官門鈔●

正月二十五日 陸軍部 鑾儀衛 廂白旗值日 鑾儀衛引 見四名 壽蔭等

加級謝 恩 德公 琦侯 葛寶華各請假十日 李擢英 王金鎔各遞封奏一

件 內閣奏派驗放大臣

派出戴鴻慈 吳郁生 成章 春祿

召見軍機

●交旨●

正月二十五日

監國攝政王鈞章

軍機大臣欽奉

諭旨理藩部代奏喀爾喀圖什業圖汗達什呢瑪車臣汗德木楚克多爾濟等各差人恭賀登極可否准其呈進貢物一摺現在百日內著無庸呈進欽此

軍機大臣署名奕劻世續張之洞鹿傳霖 差 那桐

正月二十五日內摺傳 旨事由單

宗人府奏陪祀單奉 旨知道了○內閣奏今屆百日釋服應進 實錄請 欽定事奉 旨著

進 世祖章皇帝實錄○陸軍部會奏山東武備學堂在事出力人員駁減請獎事奉 旨依議○又

奏議覆兩廣總督奏劉應禧更補游擊事奉 旨依議○又片奏仲虎騰補都司事奉 旨依議○又

議覆湖廣總督奏蔣慶應等補都司議駁事奉 旨依議○又片奏都司黃金得等換給實授劄付事奉

旨依議○又奏議覆湖廣總督奏羅科泰等補守備分別准駁事奉 旨依議○又片奏查明都司羅得

功等保案改獎事奉 旨依議○又片奏都司鄒玉春保案改獎事奉 旨依議○又奏議覆御史趙炳

麟奏條陳西南馬政請先行調查再行駁辦事奉 旨依議○又奏議覆湖廣總督奏萬家福等對調游擊

事奉 旨依議○又片奏秦學瀚補都司議駁事奉 旨依議○又奏駁覆江西善後製造軍裝等項用

過銀兩駁銷事奉 旨知道了○又奏補銷北洋海防輪船薪糧公費銀兩事奉 旨知道了○內務府

奏二月初一日 皇上請髮請 派結髮大臣預備釋服事奉 旨派出世續○又奏二月初一日

皇太后釋服派結髮大臣妻室預備事奉 旨知道了○順天府奏各州縣得雪分寸日期事單一件

奉 旨知道了○又奏平耀完竣事單一件奉 旨著該部知道單併發○敬昌奏補委司鑰長事奉

旨知道了

正月二十五日外摺奉 旨事由單

楊士驥奏報撥本年春季分 西陵八旗養育兵丁錢糧摺 該部知道○又奏直隸應攤津浦路款請

撥豫案加收鹽捐摺 該部知道○又奏牛莊秦王島兩關百九十二結洋稅收支摺 該部知道單併發○

又奏三十三年下半年各屬交代已未結起數摺 該部知道單併發○龐鴻書奏尋常命犯劉虛印等案審

擬摺 法部議奏○又奏尋常命犯劉之荷案審擬摺 法部議奏○又奏民女呂棕英羞忿自盡請 旌

片 允行該部知道○又奏上年分各屬交代清楚摺 該部知道單併發○又奏請以程崧高等補荔波營

游擊各缺摺 陸軍部議奏○又奏土婦安李氏捐款興學請建坊片 允行該部知道○又代奏唐炯恭慰

大孝摺 覽

摺奏類一

禮部奏二十七月內 皇上詣 大行太皇太后 大行皇帝几筵前仍服

縞素摺

奏為請 旨事恭查 列聖 列后大喪百日內 皇上縞素百日外二十七

月內

皇上詣

几筵前仍服縞素歷經遵辦在案今

大行太皇太后

大行皇帝喪禮將屆百日擬請

皇上於百日外二十七月內詣

大行太皇太后

大行皇帝几筵前仍服縞素爲此謹 奏宣統元年正月二十一日奉

旨知道了欽

此

禮部奏酌擬變通保送舉貢摺

奏爲請

旨事查光緒三十一年八月前直隸總督袁世凱等奏准停止科舉摺內所稱舉

人五貢三科內令各省督撫每三年一次保送若干名略照會試中額加兩三倍送京考試凡

算學地理財政兵事交涉鐵路礦務警察外國政法等事但有一長皆可保送俟考試時分別

去取等語又三十二年八月臣部具奏酌擬保送舉貢辦法請以二十四年戊戌科會試

欽定中額爲斷於本額外再加三倍按舉四貢一計算由各該督撫如額保送等因通行在

案又十二月奏准在京八旗並各省駐防保送舉貢由各旗及各省將軍等酌量額數備文分

送在京各旗由值年旗大臣如額選取又三十三年二月各省督撫保送舉貢冊內多有逾額

或已有官階或學堂定有獎勵者均隨時電駁咨回另行選取又三月二十三日准軍機處交

都察院奏各省舉貢未與考送請由部量予甄取等因奉

旨著照所請該部知道欽此

當即覆准欽遵辦理並附片奏准值年旗奏稱八旗並各省駐防保送舉貢彙總造冊仍由部

考試經臣部擬請歸入甄錄場內一體考試又三十四年八月奏准場務繁多自應次第舉行

各省先考選拔生次考優生次生員考職次考試保送舉貢統限於明年六月以後十一月以

前一律考竣等因各在案本年各省考試保送舉貢有應略予變通者有應申明定章者自宜

先期奏明以便通行遵照除候補候選得有實官及學堂教習學生畢業定有獎勵者並各省實缺教官與未經朝考之優拔生均不准與考外查從前舉多貢少是以定爲舉四貢一今科舉久停舉人揀選就職出路較寬優貢則加四倍考取歲貢則加倍考取約略計之貢亦不居少數此次保送自應略予變通擬請不分舉貢仍照上屆奏定額數由各督撫一體憑文錄送至上屆京師甄錄一場原係一時權宜本屆保送舉貢亟須申明定章照部上年奏准考試次序由各督撫於接奉部文後卽行酌定考試月分通飭各府廳州縣徧行曉諭各舉貢無論游學游幕隨任及出洋遊歷並各衙門謄錄錄事未得獎叙者均於前期各歸本省聽候考試其未由本省考試及考試被遺各舉貢均不准來京取結具呈託詞邀求甄錄吉林黑龍江兩省舉貢仍赴奉天一同考試宗室舉人仍由宗人府如額考選八旗及各省駐防舉貢並繙譯舉人仍由各旗及各將軍都統督撫等備文分送在京各旗統歸值年旗大臣如額考選其應考各舉貢習某科者均於投卷時自行註明有兼習數門者亦應擇報一門考試時頭場試以經藝史論題各一道二場試以算學地理財政兵事交涉鐵路礦務警察外國政法各一門題目臨時酌定不拘成格合校兩場如額選取取定後造具姓名年貌三代籍貫科分註明報考某門清冊隨同試卷題紙於年內解部並分給該舉貢等咨文統限明年二月到京親賫投考以便三月內奏定考試日期如逾期不到卽歸入下屆考試不得再開一場以示限制恭候

命下臣部通行京外各衙門遵照辦理所有臣等酌擬本屆考試保送舉貢緣由謹恭摺具陳伏乞 皇上聖鑒謹 奏宣統元年正月二十四日奉 旨依議欽此

陝甘總督升允奏甘肅購製

文廟禮樂各器支用銀兩摺

奏為甘肅購製

文廟禮樂各器以重禋祀而肅觀瞻恭摺仰祈

聖鑒事竊光緒三

十二年欽奉

諭旨孔子德配天地萬世師表允宜升為大祀以昭隆重一切應行典禮

旨依議欽此欽遵咨行前來

該衙門議奏欽此嗣准禮部咨開奏定典禮事宜一摺奉

煌煌鉅典薄海同欽伏查甘省僻處邊隅迭遭兵燹

來恆以缺而不備引為深疚茲幸逢

文廟彝器本未完全奴才抵任以

宜有禮明樂備之休因飭由司道派員赴滬照章採購並由甘添製一切所有八音之奏八佾

曠典特頒

先師升祀既極崇德報功之意

之舞以及簠簋豆籩之羅列尊彝彝鼎之燦陳均已煥然一新秩然大備來年春秋釋菜冠裳

濟踰當想見

至聖金聲玉振之留遺益足動邊人血氣尊親之嚮慕茲計購製禮器樂

舞等項共支用過蘭平銀五千二百三十七兩零甘庫向無閒款可支擬即作正開銷據司道

造具清冊會詳前來奴才覆查無異除咨部核銷外理合恭摺

皇上聖鑒訓示

謹 奏宣統元年正月二十三日奉 旨該部知道欽此

陝甘總督升允奏遵設諮議局籌辦處摺

奏為甘省遵設諮議局籌辦處遴派官紳切實經理恭摺仰祈

聖鑒事竊查上年恭奉

諭旨著各省督撫速設諮議局慎選公正明達官紳創辦其事等因欽此本年六月二十

四日奉

諭旨著各省督撫迅速舉辦實力奉行限一年內一律辦齊各等因欽此並准憲

政編查館咨現在諮議局尙未成立各省應就省會地方先行設立該局籌辦處俟諮議局成

立後即行裁撤咨行遵辦前來伏惟憲政初基關繫重要此日之籌備即為異日之敷施自不

能不詳慎圖維期歸至當現經奴才於甘肅省城設立諮議局籌辦處札委藩學臬三司及蘭

州道監理其事茲已刊給木質關防於本年十一月二十日開辦敢用應委員紳均擇取其練習法政通達治體不必拘定官階一切預備選舉事宜悉遵定章辦理仍劃清權限以行政之事歸官吏以建言之責歸士紳庶幾相得益彰無虞侵越刻正遴派司選員分赴各屬幫同地方官辦理調查選舉各事以免延誤而期實行至本省駐防應暫設議員專額亦經咨明將軍都統照章妥辦其所需開辦暨常年經費已飭由統捐局籌撥濟用擬請作正開銷惟是甘省僻處邊隅民智鋼蔽語以議員資格選舉章程多茫然不解所謂境域寬遠文報需時將來按期程功殊無把握奴才惟有督飭在事司道員紳等察酌地方情形因勢利導董勸兼施不敢過於操切轉滋流弊總期次第圖功如期蒞事以仰副 朝廷孜孜立憲好惡同民之至意除分咨憲政編查館資政院民政部度支部查照外所有遵設甘省諮議局籌辦處緣由謹恭摺具陳伏乞 皇上聖鑒謹 奏宣統元年正月二十三日奉 旨該衙門知道欽此

●又奏設立優級師範學堂片 再查甘肅省城原設有速成師範學堂經兩次畢業核其程度僅足供初小學堂教員之選嗣復於光緒三十二年就蘭山書院改設優級師範學堂學生即由各屬申送仍舊照簡易科辦法迄今已屆兩年本年春間開學於舊額八十名外再添四十名作為選科豫科生分甲乙兩班甲班係舊班學生在堂已習簡易科二年乙班則或由中學調取或係照章考選資格尙屬相符惟定章至少須滿二百人此次學額較為減少實因各屬中學開辦未久合格學生挑選良難不能不酌量變通力求實際至本年豫科課程有所聘教員不敷分配茲擬將甘省前途京師肄業師範生二人俟本年冬月畢業咨調回甘俾盡

義務並咨明學部轉飭大學堂監督就此次京師師範班豫秦晉三省畢業生中挑選曾習理化博物天文地質等科者各一人咨送來甘充當教員薪水合同另商聘訂其實驗器械標本等項已派員由滬採購定於明春開學一切科學悉遵定章教授總期造就中學以上之師資用以仰答 朝廷育才之至意據署甘肅提學使陳曾佑詳請 奏咨前來 奴才覆核無異除將各表冊咨送學部查照外謹附片具陳伏乞 聖鑒謹 奏宣統元年正月二十三日奉

旨學部知道欽此

摺奏類二

度支部奏議覆東督奏紳民宋天申等捐學請獎摺

奏為遵 旨議奏事東三省總督徐世昌奏奉省紳民宋天申等報効學堂經費請獎附片一件光緒三十

四年十二月十一日奉 旨該部議奏欽此欽遵由內閣抄出到部查原奏內稱奉省各屬舉辦學堂每因

經費難籌諸形困難全賴地方紳民捐貲贊助茲查有莊河廳民人宋天申捐助該廳官立小學堂房價銀五

百兩新民府巡警分局局董候選府經歷周際昌捐助該府平安堡公立小學堂經費銀四百六兩又旗人孫

廣文捐助該府莊家屯小學堂建築校舍及開辦經費銀二百四十兩又士紳州判職銜談煥章捐助該府小

崗子村小學堂經費銀三百二十九兩遼源州民人劉廣聰捐助該州官立小學堂地基估值銀一千兩鐵嶺

縣旗人王鳳崑捐助該縣高麗站公立小學堂經費銀一百兩西豐縣藍翎都司銜曾天嵐捐助學堂地畝估

值銀四百九十九兩懷德縣民人徐仁祥在北裕豐社創辦小學堂一所獨力捐助開辦常年經費銀二千七

百十兩據各該地方官先後詳由署提學使孟錫丑呈請分別奏獎並據新民府知府原詳聲明周際昌請移

獎其父周連舉其兄周會昌談煥章請移獎其姪談德培西豐縣知縣原詳聲明曾天嵐請移獎其子曾紀高

等情前來 臣覆查定章凡捐助學堂經費者准照賑捐例以五成實銀獎給銜封等語今該紳民宋天申等或

捐房產或捐銀兩均屬熱心教育自應照章彙案奏獎合無仰懇 天恩俯准將莊河廳民人宋天申獎給監生加中書科中書職銜新民府巡警分局局董候選府經歷周際昌之父周連舉獎給監生加翰林院待詔職銜其兄周會昌獎給監生加鹽運司知事職銜旗人孫廣文獎給監生加翰林院待詔職銜士紳州判職銜談炳章之姪談德培獎給監生加按察司經歷職銜遼源州民人劉廣聰獎給監生加通判職銜鐵嶺縣旗人王鳳崑獎給從九品職銜西豐縣藍翎都司銜曾天嵐之子曾紀高獎給監生加州同職銜懷德縣民人徐仁祥獎給監生加知府職銜俾資激勸等語 臣等查前經 臣部議覆河南巡撫陳夔龍奏豫省擴充學校請變通報効請獎章程摺內陳明嗣後凡報効學堂經費者比照賑捐章程均按五成實銀核給銜封等因於光緒三十一年九月十九日具奏奉 旨依議欽此欽遵通行遵照在案茲據東三省總督徐世昌將奉省紳民宋天申等報効學堂經費奏獎前來 臣等督飭司員詳加核算所有該省奏請獎叙捐生共計九名內除孫廣文一名尚應聲明佐領名字俟聲明到日再行核辦外其宋天申等八名所捐銀兩請給職銜等項核與奏定報効學堂經費請獎章程相符銀數亦屬有盈應請照准謹繕清單恭呈 御覽伏候 命下即由 臣部行知吏部繕照封發所有違議緣由理合恭摺具陳伏乞 皇上聖鑒謹 奏宣統元年正月初六日奉 旨依議欽此

河南巡撫吳重熹奏請以熊廷襄調補洛陽令摺

奏為揀員調補要缺知縣以裨地方恭摺仰祈 聖鑒事竊照洛陽縣知縣孫壽彭革職於光緒三十四年八月二十一日奉 上諭照例坐第五日行文按照限減半計算應扣至九月初十日接到部文之日為開缺日期業歸九月分截缺咨報在案查例載州縣應調缺出俱令於現任人員內揀選調補又調補州縣以上官員必歷俸三年以上方准揀選調補各等語今洛陽縣係衝繁難兼三調補要缺例應於現任人員內揀調查查有襄城縣知縣熊廷襄現年四十四歲湖北松滋縣監生由大理寺評事銜遵新海防例報捐知縣指分河南試用並免保舉光緒三十三年四月十一日引 見奉 旨著照例發往欽此五月十三日到

省捐加同知銜因前在軍營攻克甘肅西甯西北兩川及巴燕戎屬水地川等處逆巢搜捕青海餘匪一律肅清前敵在事出力保准仍以知縣歸原省候補班補用俟補缺後以直隸州用山東賑捐獎叙花翎期滿甄別留省補用因管解京餉無誤加一級代理沈邱並署內黃等縣事務 奏署襄城縣知縣二十九年二月十四日到襄城縣任三十年恭逢 恩詔加一級試署一年期滿請准實授並試俸三年期滿業經銷去試俸

三十一年調署鄆城縣事三十二年調署祥符縣事以理繁治劇卓有政聲並辦農林社會尤認真講求為民興利經前撫臣張人駿奏保三十三年七月十八日奉 上諭著傳旨嘉獎欽此因任沈邱內黃襄城鄆

城等縣交代依限清結保俟補直隸州後以應升之缺升用是年 大計薦舉卓異三十四年調署禹州知州在安徽賑捐案內捐加知府升銜復經前撫臣林紹年以敏銳絕倫明而近厚奏保八月二十二日奉

上諭著傳旨嘉獎欽此前署祥符縣任內交代亦已清楚計本任襄城並前代理沈邱及署內黃鄆城祥符現署禹州等州縣任內均無承審案件承緝盜案徵解錢糧已起降革參限之案歷俸已滿三年以之調補洛陽

縣知縣人地相需與例亦符等情據布政使朱壽鏞署提學使兼署按察使孔祥霖會詳呈請具 奏前來臣查該員精明幹練頗有政聲合無仰懇 天恩俯准以襄城縣知縣熊廷襄調補洛陽縣知縣實於地方有裨該員係現任知縣調補知縣銜缺相當毋庸送部引 見且係初調人員任內一切因公處分例免核計

至所遺襄城縣知縣選缺豫省現有應補人員俟准部覆按月截缺後另行請補除咨部外理合恭摺具陳伏乞 皇上聖鑒敕部議覆施行謹 奏宣統元年正月初七日奉 旨吏部議奏欽此

河南巡撫吳重熹奏請以袁啟芬試署新鄭令摺 奏為試署知縣以裨地方恭摺仰祈 聖鑒事竊照准補新鄭縣知縣顏緝祜革職於光緒三十四年八月

二十一日奉 上諭照例坐第五日行文按照限減半計算應扣至九月初十接到部文之日為開缺日期業將九月分截缺咨報在案查例載知縣參革選缺專用軍功候補人員應將軍功候補正班與軍功候補

班前合為一班由該督撫酌量請補又光緒三十年十二月接准部咨嗣後知縣參革選缺出時先儘軍功勞

續候補人員補用如人地實在不宜卽於進士卽用進士截取舉人大挑三項人員內酌量抵補各等語今新鄭縣知縣叅革選缺由部掣歸外補並無坐補原缺及實缺主事改就知縣先儘請補之人照例應歸軍功勞績候補人員酌補查有軍功候補知縣袁啟芬現年六十三歲山東長山縣人由監生遵例捐府經歷指分河南試用光緒元年十二月到省因前在西征糧台當差出力保俟補缺後以知縣仍留原省補用嗣因於新疆南北路蕩平案內出力奏保六年正月三十日奉 旨河南候補府經歷袁啟芬著免補本班以知縣仍留原省儘先補用欽此應以奉 旨後坐第五日行文按照限減半計算扣至是年二月十九接到部文之日爲到省日期又於豫省歷年承辦糧台轉運等項在事出力保俟補缺離任歸知縣班後加知州銜請咨赴部十年五月二十日經 欽派大臣驗放堪以照例用二十一日覆奏奉 旨依議欽此七月二十八日回省期滿甄別留省補用旋丁母憂服滿起復回省接准部咨准其起復會署榮陽縣知縣任內交代清楚以之酌署新鄭縣知縣實堪勝任據布政使朱壽鏞署提學使兼署按察使孔祥霖會詳請 奏前來臣查該員資深政練謹飭安詳堪以請署與例相符合無仰懇 天恩俯准以軍功候補知縣袁啟芬試署新鄭縣知縣俾資治理如蒙 俞允該員係候補知縣請署知縣銜缺相當毋庸送部引 見亦毋庸查開叅罰仍照例試署一年期滿如果稱職另請實授除咨部外理合恭摺具陳伏乞 皇上聖鑒訓示謹 奏宣統元年正月初七日奉 旨吏部議奏欽此

湖廣總督陳夔龍奏試用道袁勵植期滿甄別片

再查定例各項分發補用人員應以到省之日起試看一年期滿出具考語 奏明分別補用等語嗣准憲政編查館咨會同吏部奏定考驗外官章程內開各省應將先經在省候補人員認真通行考試一次其正途出身及高等以上卒業及歷任重要差使各員無庸考試統歸考驗辦法又嗣後甄別年限應自各該員奉有差委日起扣足供差一年確實試驗開具事實冊咨送甄別奏留等語當經轉飭遵照在案茲查有湖北試用道袁勵植年三十一歲順天宛平縣人由附貢生遵例報捐知縣指分江西試用遞捐道員改指湖北試用光緒

三十三年四月十一日領照到省七月二十六日經升任督臣張之洞委辦巡緝長江差十二月二十一日復經前督臣趙爾巽改委會辦銀幣局差使計自三十三年四月十一日到省日起扣至三十四年四月十一日試用一年期滿又自三十三年七月二十六日到差日起先後兩差接算扣至三十四年七月二十六日供差一年該員係在新章以前到省會充重要差使應歸考驗辦理臣查該員袁勵植才具開朗辦事勤能自委辦長江巡緝及會辦銀幣局等差均能克稱厥職堪以繁缺留省補用據湖北布政使李岷琛提學使高凌霨按察使楊文鼎詳請甄別具奏前來除將履歷事實清冊咨送吏部查照外理合附片具陳伏祈 聖鑒謹

奏宣統元年正月初八日奉 旨吏部知道欽此

貴州巡撫龐鴻書奏請以陸德滋補黃平州牧摺

奏為揀員請補要缺知州以重地方恭摺仰祈 聖鑒事竊照鎮遠府黃平州知州孫琳於光緒三十四年

九月二十日丁憂遺缺應以丁憂本日俟為開缺日期歸九月分截缺係題調要缺勿庸掣籤應即揀員請補查定章各省道府同知直隸州知州如係奉 旨命往或督撫題明留於該省候補者無論應題應調應選

之缺悉准酌量補用又州縣應調缺出先儘現任人員調補如不合例或人地不宜准以候補人員題補候補

無人亦准於應升人員內揀選題升各等語今黃平州缺 臣督同藩學臬三司於通省應調應升人員內逐加

遴選雖有合例人員均與此缺人地不甚相宜惟查有曾任實缺候補知州陸德滋現年六十歲順天大興縣

人祖籍江蘇吳縣由監生報捐府經歷投効援黔滇軍隨保免選本任以知縣不論雙單月儘先前選用捐加

同知銜復於克復騰越順甯雲州各城案內出力保以知縣分省儘先補用捐指雲南光緒七年七月委署保

山縣因案以縣丞降補十三年剿平猓黑夷匪歸化出力保請開復原官十六年十二月十四日奉 硃批著照所請該部知道欽此因剿辦猛喇土匪案內出力保免補本班以知州仍留原省歸候補班遇缺前先

補用十九年八月二十七日奉

硃批著照所請吏部知道欽此二十年九月十七日引

見奉

旨著准其開復原官原銜照例用欽此改指四川歸原班補用十月二十四日引

見奉

旨

著照例用欽此領照到川改指貴州二十二年十月稟到旋補廣順州知州二十五年十二月到任調補定番州知州三十一年六月丁母憂回籍三十三年九月服闋起復仍回原省三十四年五月十二日到省據布政使松璵署提學使陳驥署按察使嚴雋熙會詳請補前來臣查該員穩練動明通達治體以之請補黃平州知州人地洵屬相宜與例亦符合無仰懇 天恩俯准以候補知州陸德滋補授黃平州知州實於要缺有裨如蒙 兪允員係候補知州請補知州銜缺相當無庸送部引 見除詳叙履歷咨部外所有請補要缺知州緣由謹會同雲貴督臣錫良恭摺具陳伏乞 皇上聖鑒敕部核覆施行謹 奏宣統元年正月初八日奉 旨吏部議奏欽此

湖南巡撫岑春煇奏迭獲謀逆首從各犯請將出力文武員弁獎叙摺

奏爲迭獲謀逆首從各犯審明懲辦請將在事出力文武員弁懇 恩獎叙以示鼓勵恭摺仰祈 聖鑒事竊照湘省邊境毗連黔粵壤地紛歧教會各匪每多出沒其間搶劫肆擾最爲地方之害自前年瀏醴二縣及江西萍鄉縣匪徒倡亂之後匪首姜守旦龔春台等在逃未獲更恐暗中勾結外匪潛謀滋事迭經巨檄飭地方文武嚴密防緝本年八九月間風聞衡永一帶匪徒蠢然欲動督飭司道分派委員馳赴沿邊州縣協同各地方官實力清查戶口以清伏莽嗣因皖省營兵叛亂迭奉 諭旨國家新遭大故逆匪正思乘隙蠢動著各省督撫嚴密設法一體認真防範查拿等因欽此又經密飭各屬一體認真緝拿旋據永州府知府德泰署零陵縣知縣蘇兆奎委員試用知縣周樹杰先後電稟查有會匪龍里卿在境潛匿會同巡防隊管帶李忠達前往掩捕當將該匪拿獲訊據供認入匪首楊元德風雲山會派充管事領飄散放隨同謀逆屬實即經電飭將龍里卿先行就地正法一面嚴拿楊元德務獲懲辦不准漏網嗣准永州鎮總兵張慶雲並據該府縣暨李忠達電稟楊元德本係著名逆匪蹤跡詭秘歷經緝拿未獲前聞該匪在湘粵邊界往來勾結潛謀起事適獲龍里卿究出該匪藏匿廣西灌陽縣文村地方隨會派員弁兵勇購覓眼線馳赴兜捕該匪見官兵往拿即持械拒捕經什長李斌其格傷匪臂始獲就擒並拿獲匪夥唐喜狗一名起出龍鳳帥印偽札照板飄板飄布

令旗寶劍等件訊據楊元德供稱年四十三歲永興縣人遷居甯遠縣平日在外算命並以教習拳棒爲名與邊界各處匪徒往來光緒二十二年正月間會遇昔年髮逆石達開派充僞經畧漏網逆匪嗣在廣東正法之吳大棟卽賴剝皮開設天福山會堂將該匪派充當家該匪因兩手舌上有天王乾坎字紋與匪類熟識日多遂總理洪青各教光緒二十四年吳大棟糾集黨與自稱大順太平淨朝擅造僞札僞印將該匪派充龍鳳總統大元帥在江華甯遠交界地方滋事旋被官兵擊散吳大棟遂往廣東被獲懲辦該匪於是年冬間潛至貴州鎮遠八弓地方會遇正龍頭何鳳庭等商謀起事亦經地方拿辦逃回湖南湘江綏甯一帶賣卜度日三十年五月間復從梁國才滋擾柳州嗣在零陵縣與廣西連界之青獅觀內開立風雲山聚會堂以陳德龍爲軍師龍里卿等爲中軍管事陳文岩等爲糧台管事湘黔江西兩粵各邊界先後放飄約三萬餘人該匪自算八字其命極貴衆匪因推以爲首該匪遂妄擬僞官制營制僞示約定本年十月二十八日會合黨與在廣西柳州僻靜地方起事分兵兩路一出廣東走江西南贛順流而下一從湖南逕趨湖北奪坐火車直趨北京因龍里卿被獲敗露查拿嚴緊會黨均各逃散該匪潛赴全州轉至灌陽縣文村地方躲藏被官兵拿獲等語質之唐喜狗亦供認入會領飄充當巡風並吃齋授徒隨同楊元德謀逆約期起事不諱稟請懲辦前來臣查楊元德本係會匪頭目稔惡多年光緒二十四年曾經前撫臣陳寶箴懸賞飭拿未獲此次復敢開立山堂勾結湘粵邊界匪徒潛謀起事實屬狂悖已極唐喜狗隨同謀逆厥罪維均當經電飭將該二犯一併就地正法以伸國憲而昭炯戒一面將供出在逃首要各匪犯姓名開列清單懸立重賞咨行兩粵黔贛各省暨通飭本省州縣一體嚴拿務獲究辦以絕根株並咨明兩廣總督飭查吳大棟是否確已在粵省獲案審明正法覆湘核辦至該匪楊元德陰謀詭計黨與衆多前在湘粵邊界地方潛圖起事設非先期破獲一被滋擾必致牽動數省大局貽害不可勝言幸經地方文武印委各員訪確匪蹤越境捕拿俾積年大慙一旦殲除地方人民無不稱快不特湘省除一巨患卽此後黔贛粵桂各省邊界亦可期靖謐所有在事各員弁或購綫跣訪密報緝拿或深入險阻設法擒捕均能不辭勞瘁銷患未萌實屬異常出力伏讀前奉諭旨近有不逞之徒擾害治

安遇有緝獲上項匪犯立即訊明就地正法出力員弁准其擇尤請獎等因欽此欽遵自應擇尤酌保數員用示鼓勵記名提督湖南永州鎮總兵瑚松額巴圖魯張慶雲擬請 賞給頭品頂戴湖南儘先補用游擊李忠達擬請 賞戴花翎卓異候升在任候補班前儘先補用道湖南永州府知府德泰擬請 旨仍以道員交軍機處存記遇有道員缺出請 旨簡放在任候補直隸州知州署湖南零陵縣知縣本任宜章縣知縣蘇兆奎擬請俟補直隸州後以知府在任候補湖南試用知縣周樹杰擬請仍以知縣歸候補班前補用五品軍功李斌其擬請以千總儘先補用合無仰懇 天恩俯准照擬給獎以昭激勵出自逾格 鴻慈其餘出力兵勇由 臣飭發銀兩分別賞給現在地方均稱安謐堪以仰慰 宸廑除飭取各員履歷分咨軍機處吏部陸軍部查照外所有迭獲謀逆首從各犯分別懲辦並請獎出力文武員弁緣由謹會同湖廣總督 臣陳夔龍恭摺具 奏伏乞 皇上聖鑒訓示謹 奏宣統元年正月十八日奉 旨著照所請該部知道欽此

陝甘總督升允奏請以任肇新補循化同知摺

奏為揀員請補要缺同知以裨地方恭摺仰祈 聖鑒事竊照甘肅循化同知王開斌邊俸期滿業經 奏准開缺自應揀員請補查定例循化貴德兩廳同知缺出無論滿漢人員但得內地相宜悉准酌量揀選升調又准部議將循貴丹戎四廳作為邊缺三年俸滿開缺撤回內地候升由外另行揀選升調仍俟升調到任後方准本任人員交卸又各省題調要缺同知酌量以候補人員請補如有截取 記名分發人員應先儘先酌量請補各等語今循化廳同知係繁疲難三字邊要之缺回番雜處撫綏彈壓事務紛繁非精明幹練之員不足以資治理奴才督同藩學臬三司在於應升人員內逐加遴選非現居要缺即人地不宜惟查有截取補用同知任肇新年四十一歲陝西盤屋縣進士由內閣中書呈請分發捐指甘肅補用經吏部帶領引 見奉 旨著以同知補用欽此光緒三十二年十二月初一日到省係曾任實缺人員例不甄別該員才優識裕幹練有為以之請補循化同知人地尚屬相宜據署甘肅布政使陳燦署提學使陳曾佑署按察使彭英

甲會詳請 奏前來合無仰懇 天恩俯准以截取同知任肇新補授循化同知實於地方有裨如蒙
俞允該員以同知請補同知銜缺相當毋庸送部引 見理合恭摺具陳伏乞 皇上聖鑒訓示謹 奏
宣統元年正月二十三日奉 旨吏部議奏欽此

●又奏銷運解新餉脚價等項銀兩片 再甘肅關內外每年運解新餉脚價委員川資鞘匣等項照章由新
餉內提銀四萬兩另款開支所餘銀兩儘數撥支養電經費歷經遵章辦理並截至三十年年底止分別造冊
奏咨核銷各在案茲查上屆實存湘平銀三萬六千餘兩三十一年照案提銀四萬兩又收本年支發脚價
等項扣回平餘銀一百九十餘兩共實收湘平銀四萬一千九百九十餘兩自三十一年正月起到十二月底止由
入甘首站涇州屬之瓦雲驛接運轉運關內外新餉各款脚價及員弁盤費鹽菜口糧驛脚添製鞘匣釘箍紙
張繩索並錠鞘工價等項共發過湘平銀二萬二千三百三十餘兩又發甘肅養電經費湘平銀一萬二千六百兩
應咨由郵傳部查照飭收另行造銷統計以上舊管新收共湘平銀七萬六千二百餘兩共支發湘平銀三萬
二千八百三十餘兩實存湘平銀四萬三千三百六十餘兩應入下屆接續支報據署甘肅布政使陳燦造具
總散清冊詳請具 奏前來奴才覆核無異相應請 旨飭部核銷除將各冊分送度支部陸軍部查照外
理合附片具陳伏乞 聖鑒謹 奏宣統元年正月二十三日奉 旨該部知道欽此

閩浙總督松壽奏前署甯德縣周墩縣丞曹祖蔭請開復革職處分片

再前署甯德縣周墩縣丞曹祖蔭短交征存未解光緒二十五年地丁銀一千一百一十七兩零屢催未據解
繳當經前督臣許應驤附片 奏參革職勒追在案茲據福建藩司尙其亨會同臬司鹿學良督糧道張星炳
詳稱該員被參後將虧欠前項銀兩各數完解清楚尙知愧奮自應照章開復以昭激勸等情詳請具 奏前
來奴才覆查無異相應仰懇 天恩俯准將已革前署甯德縣周墩縣丞曹祖蔭原參革職處分即予開復
仍留福建歸原班補用除咨部外謹附片具陳伏乞 聖鑒訓示謹 奏宣統元年正月二十三日奉
旨允行該部知道欽此

西歷一千九百九年二月十七號 星期三

宣統元年正月二十七日第肆百陸拾柒號

本局設立北京東長安牌樓王府井大街

電話內城總局第二百零一號

政治官報

目錄

●宮門鈔 ○論旨一道 ○交 旨二道 ○事由單 ●摺奏類一 ○民政部奏整頓京師內外
 城警政酌改廳區制度等摺 ○吏部奏定考核勞績保舉辦法片 ○魯撫奏營隊分防實難裁汰片
 ○直督奏直隸應擬津浦路款請援豫案加收鹽捐摺 ●摺奏類二 ○吏部會奏議覆編修杜嚴等
 免扣資俸摺 ○粵督奏廉欽勦匪肅清出力各員請獎摺 併單三件 ○又奏直隸馮駿仍留粵差委
 片 ○桂撫奏請將選用令陳延傑等留桂差遣片 ○閩督奏游擊李殿起請留閩浙補用片 ○又奏民
 女呂棕英羞忿自盡請 旌片 ●廣告

政治官報 目錄

正月二十七日第四百六十七號

一

宮門鈔

正月二十六日 法部 大理院 廂紅旗值日 禮王等加級謝 恩 慶恩等加

級謝 恩 克王續假十日 法律館封奏二件 史履晉封奏一件

召見軍機 沈家本俞廉三

諭旨

監國攝政王鈐章

正月二十六日內閣奉

上諭戴鴻慈等奏請飭催京外各衙門簽註新訂刑律草案一摺法律為憲政始基亟應修改以備頒布所有新訂刑律草案著京外各衙門照章簽註分別咨送毋稍延緩以憑覈訂而昭畫一欽此

軍機大臣署名奕劻世續張之洞鹿傳霖 差那桐

交旨

正月二十六日

監國攝政王鈐章

軍機大臣欽奉

諭旨修訂法律大臣沈家本等奏籌辦事宜開單呈覽一摺憲政編查館知道又片奏派員前往各省調查等語著依議欽此

軍機大臣署名奕劻世續張之洞鹿傳霖 差那桐

監國攝政王鈐章

軍機大臣欽奉

諭旨御史史履晉奏禁煙宜籌長策一摺著該衙門知道欽此

軍機大臣署名奕劻世續張之洞鹿傳霖 差那桐

正月二十六日內摺傳 旨事由單

法部奏員外郎宗奎請留部事奉 旨依議○又奏試署員外郎李步沆補缺事奉 旨依議○又奏三

個月奏 聞事件事奉 旨知道了○又奏總檢察廳印信開用日期事奉 旨知道了○又奏審判

廳現審月摺奉 旨知道了○內務府奏二月初一日百日禮後王貝勒等仍入 奉先殿輪班行禮

事單一件奉 旨知道了○又奏百日禮後每月朔望 奉先殿大祭照常作樂事奉 旨知道了

○鑾儀衛述 旨奉 旨是○茶膳房奏擬派侍衛前往 東陵 西陵供獻奶餅事奉

旨知道了○大理院奏輪應值日在齋戒期內陳明迴避事奉 旨知道了○鑲紅旗漢軍奏移回佐領圖

記事奉 旨依議○領侍衛內大臣代奏三旗侍衛等得加級謝 恩事奉 旨知道了○內務府奏

月摺奉 旨知道了○廣儲司蘇拉處官房租庫營造司造辦處各奏月摺均奉 旨知道了○茶膳房

奏月摺奉 旨知道了○度支部驗看官缺覆 命奉 旨留○外務部學部法部大理院鑾儀衛鑲

白旗蒙古各驗放官缺覆 命均奉 旨留○理藩部驗放協理台吉各缺覆 命奉 旨留

正月二十六日外摺奉 旨事由單

袁樹勛奏剿辦曹匪案內增兵餉項第一次收支報銷摺 該部知道單併發○又奏三十三年分運河工程

常年經費報銷摺 該部知道○又奏估報上年分運河工費銀數摺 該部知道○廷杰奏鑾墊蒙旗槍價

等摺 該部知道○延祉奏因子錫瓚以侍衛用謝 恩摺 知道了

摺奏類一

政治官報

事由單

正月二十七日第四百六十七號

三

民 政 部 奏 整 頓 京 師 內 外 城 警 政 酌 改 廳 區 制 度 等 摺 并 單

奏 爲 整 頓 京 師 內 外 城 警 政 酌 改 廳 區 制 度 限 定 額 缺 以 節 糜 費 而 求 實 效 繕 單 具 陳 恭 摺 仰 祈 聖 鑒 事 竊 維 臣 部 總 攬 全 國 內 政 而 警 察 爲 內 政 之 要 端 於 將 來 編 審 戶 籍 選 舉 議 員 尤 有 密 切 之 關 繫 上 年 憲 政 編 查 館 資 政 院 奏 定 逐 年 籌 備 事 宜 單 內 各 省 廳 州 縣 巡 警 限 第 二 年 內 粗 具 規 模 限 第 三 年 內 一 律 完 備 第 四 年 籌 辦 各 鄉 鎮 巡 警 第 五 年 推 廣 鄉 鎮 巡 警 限 第 六 年 粗 具 規 模 第 八 年 一 律 完 備 以 上 各 節 均 爲 臣 部 與 各 督 撫 同 辦 之 件 臣 部 自 應 通 盤 籌 畫 次 第 施 行 以 固 國 安 而 成 郵 治 伏 念 京 師 首 善 之 區 爲 各 省 之 表 率 欲 推 廣 各 省 巡 警 自 以 整 頓 京 城 警 政 爲 入 手 之 辦 法 從 前 臣 部 奏 定 京 師 內 外 城 巡 警 廳 區 制 度 以 分 區 直 接 管 理 地 面 以 分 廳 管 轄 各 區 而 以 總 廳 節 制 各 分 廳 計 內 外 城 地 面 總 廳 兩 所 分 廳 五 所 分 區 四 十 六 所 立 法 之 初 意 在 圖 規 制 之 完 全 自 不 嫌 組 織 之 過 密 而 設 官 既 衆 需 人 自 多 積 久 相 沿 遂 不 無 濫 竽 充 數 之 弊 前 年 臣 善 耆 到 任 後 體 察 情 形 往 往 有 任 非 所 習 用 非 所 學 一 經 切 實 程 功 輒 多 敷衍 塞 責 者 因 擬 設 法 淘 汰 逐 漸 清 釐 當 即 就 部 內 設 立 法 政 研 究 所 嚴 定 課 程 飭 令 兩 廳 人 員 輪 班 講 習 以 畢 業 之 等 差 爲 委 用 之 先 後 又 於 上 年 諭 飭 內 外 廳 丞 酌 將 內 城 原 設 之 二 十 六 區 併 爲 十 三 區 外 城 原 設 之 二 十 區 併 爲 十 區 藉 資 節 省 當 飭 部 廳 各 員 預 算 兩 廳 用 款 計 津 貼 巡 餉 經 費 三 項 每 月 已 不 下 七 萬 金 而 巡 警 人 數 尙 苦 不 敷 分 布 竊 查 東 西 各 國 首 都 警 廳 官 制 奏 任 以 上 之 官 大 抵 不 及 百 員 現 在 警 務 甫 漸 擴 充 而 用 人 已 增 數 倍 又 總 分 廳 區 遞 爲 管 轄 層 累 既 多 徒 見 文 書 往 復 之 煩 轉 欠 命 令 統 一 之 效 若 不 大 加 整 頓 誠 恐 各 省 辦 理 警 務 輾 轉 取 法 糜 費 益 多 現 值 財 力 支 絀 之 際 遇 事 擴 張 勢 將 難 乎 爲 繼 臣 等 悉

心體驗再四籌商與其多設廳員不如多用巡警擬請將京師內城中左右三分廳外城左右二分廳一併裁撤其內城各分廳原轄之十三區外城各分廳原轄之十區概歸總廳直接管理俾遇事迅速直達易於有功所有裁缺之各分廳知事及以下各員分別調歸_臣部或內外總廳酌量改補任用內外總廳除廳丞總僉事員缺悉仍舊制及每廳原設總務行政司法衛生等四處仍由總僉事分領外每處各設科長科員分別以五六七八九品警官充之計每處五六七品警官各一員八九品警官各二員每處限定七員每廳四處共二十八員兩總廳共五十六員內廳轄十三區外廳轄十區每區各設區長一員區員一員分別以警官充之計內外城二十三區共四十六員統計內外城廳區員缺除廳丞二員總僉事員共八員外所有五六七八九品警官員缺內城五十四員外城四十八員共一百零二員作爲定額至各廳區巡官長警應按照地方繁簡市街形勢酌量分布如有不敷再行隨時增設其兩廳總僉事以下各員有當差雖屬勤奮而於警察法學未嘗研究有素者擬即調回_臣部俾資練習嗣後廳區人員應專用法政畢業生其從前調用各員有非由學堂出身者一律送入_臣部巡警學堂分班肄業俟畢業考驗後再行按照等差分別任用一面酌設巡警教練所爲養成巡官長警之地現在各區巡警內有原出招募未經教練者概令更番抽換入所補習以爲逐漸改觀之計務期事有實際款不虛糜以仰副朝廷籌辦憲政之殷懷而立各省推廣警務之模範此外_臣部直轄各局所均擬分別緩急酌量辦理其調用各員有僅係在部行走未經派有要差者亦擬查照前奏諮議官章程分別改爲一二三等諮議官不限定常川到署亦不支給薪水遇有應行諮詢各件令其隨時條議以備採擇庶於集思廣益之中仍不失制節謹

度之意所有臣部暨內外各廳區出入款項應即切實清釐查照度支部奏定辦法將現在已籌及將來應籌之款統交部庫收發仍將出入數目詳細統計造具清冊按期咨送度支部以便綜核而資裒益謹將擬改內外城巡警廳官制章程繕具清單恭呈 御覽如蒙 俞允 臣等即當督飭內外城廳丞遵照施行所有整頓京師警政酌改廳區制度并限定額缺各緣由是否有當謹恭摺具陳伏乞 皇上聖鑒訓示遵行謹 奏宣統元年正月二十一日奉 旨依議欽此

謹將擬改內外城巡警廳官制章程繕具清單恭呈 御覽 計開 一京師內外城設巡警總廳各一總理京師內外城巡警事宜 一巡警總廳應設職員如左 廳丞內城一員外城一員秩從三品 簡任 總僉事內城一員外城一員秩從四品 奏補 僉事內城三員外城三員秩正五品 奏補 五品警官內城四員外城四員 奏補 六品警官內城十員外城九員 奏補 七品警官內城十一員外城九員 奏補 八品警官內城十四員外城十三員咨補 九品警官內城十五員外城十三員咨補 一廳丞承民政部尙書侍郎之指揮監督總理該管一切事宜 一總僉事僉事及警官承廳丞之指揮監督分理本管一切事宜 一巡警總廳分設各處如左 總務處 行政處 司法處 衛生處 一總務處以總僉事領之以奏補警官三員咨補警官四員分充科長科員 一行政處司法處衛生處各以僉事一人領之每處以奏補警官三員咨補警官四員分充科長科員 一巡警總廳分設各區如左 內城分設十三區 外城分設十區 一巡警分區各設區長一員以奏補警官充之區員一員以咨補警官充之 一巡警總廳各得設司書生至多不得過三十名分區各

得設司書生至多不得過三名

吏部奏定考核勞績保舉辦法片

再現在捐例已停勞績保舉之員日多考核稍疏易滋弊混自非明定辦法不可查定例議叙各員於奉 旨後均發給部照以備查考勞績保舉事同一律擬請嗣後無論何項保案或

奉 旨允准或由 臣部議准俱俟奉

旨後按照議叙定例均繕發執照飭令列保各員

隨時具領予限二年不得藉辭延宕此後領照各員由所保官階或加捐或保升或補缺必須將勞績執照送部查驗相符再行分別核准其從前已得保舉人員亦即照此辦理庶得保之員俱有部照可憑雖案隔多年亦易考核 臣等爲慎重名器嚴防冒混起見謹附片具陳伏乞 聖鑒謹 奏宣統元年正月二十一日奉 旨依議欽此

山東巡撫袁樹勛奏營隊分防實難裁汰片

再查上年淮軍各營移防長江因營數過多在東裁汰經前署撫 臣吳廷斌就近揀留五百人編爲兩營以作防兵電請軍機處代奏在案 臣蒞任後以餉源支絀即擬裁撤當飭布政司營務處糧餉善後各局詳議去後茲據覆稱自曹匪滋事以來所有新舊營隊大半撥往曹濟一帶擇要巡防現在匪徒雖已肅清民心究未大定原駐各營未便遽行抽動而兗沂兩府屬轄境遼闊處處與江南接壤近來時有梟匪闖入爲患防務亦難稍鬆且德州爲南北要衝自裁糧道缺後地方空虛亦應酌駐重兵以資鎮守該兩營現正分防兗沂德州等處一時實難裁撤等情詳請 奏咨前來 臣覆加查核該司道等所議均係實在情形明知庫儲奇絀籌餉維艱而緝捕巡防倍關緊要不能不勉爲經畫所需薪餉已分飭司局各庫設法撥給應請一律

作正開銷不動年例部撥之款至營制餉章仍照舊章辦理除咨部查照外理合附片具陳伏乞 聖鑒訓示謹 奏宣統元年正月二十四日奉 旨該部知道欽此

直隸總督楊士驤奏直隸應攤津浦路款請援豫案加收鹽捐摺

奏爲直隸應攤津浦路款據紳士請援豫案加收鹽捐以濟要需恭摺仰祈 聖鑒事竊據

直隸紳士民政部右丞劉彭年學部右丞孟慶榮郵傳部左丞李焜瀛大清銀行正監督張允言翰林院侍讀學士惲毓鼎侍講學士李士鈐掌遼瀋道監察御史史履晉候選道王毓芝候選同知馮恕等呈稱津浦鐵路暫借洋款興修由直東蘇皖四省招股籌款十年後歸還洋款作爲官商合辦直隸計地攤款合銀七百餘萬兩爲數過多招股殊覺不易查食鹽一項人所共需豫省因自辦鐵路所有行銷河南之鹽每觔加價四文提充路款上年正月間經前任河南撫臣林紹年奏奉 硃批該部知道欽此欽遵在案查蘆鹽行銷直隸兩省豫省因路

款加價四文而直省未加今直省亦因路款照加四文事得其平商民自無異議至於民間每日每口食鹽不過三錢全年統計不過多費二十餘文並不爲難而積少成多每年可得銀五十餘萬有此大宗的款其餘不難湊集此項加價卽作爲鐵路股本仿照豫案以二文歸商以二文歸民由公司發給股票作爲永遠財產十年之後鐵路所進餘利按股照付歸商者付給該商歸民者付給各州縣本地紳民以備地方辦理公益之需一俟十年期滿洋款還清卽將此項加捐停止以紓民力等情當經行司核議茲據運司張鎮芳以與豫案相符議請援照辦理詳奏前來 臣查津浦鐵路關係大局直隸計地攤款其責任爲全省人民所共擔其權利亦應爲全省人民所共享據請長蘆行銷直隸食鹽每觔加價四文提充路款分給商民股票作

爲永遠財產此項加價十年期滿卽行停止雖暫累於目前實食利於日後既非尋常加價歸公者可比又與豫省奏准之成案相符合無仰懇 天恩俯准照擬辦理以裨路政理合恭摺具奏伏乞 皇上聖鑒訓示謹 奏宣統元年正月二十五日奉 旨該部知道欽此

摺奏類二

吏部會奏議覆編修杜嚴等免扣資俸摺

奏爲遵

旨議奏事內閣抄出河南巡撫吳重熹片奏稱翰林院編修杜嚴禮部主事方貞法部主事彭運斌研求法理鄉望素孚調回原籍充任諮議局籌辦處檢察各事宜並援照京員調留外省本籍襄辦新政成案免扣資俸等因光緒三十四年十二月初五日奉 旨該衙門議奏欽此欽遵抄出到部臣等查各省設立諮議局爲自治權輿事當創始需材孔亟前江蘇巡撫陳啟泰奏調編修蔣炳章辦理諮議局事務免扣資俸經憲政編查館核議具奏奉 旨允准在案今河南巡撫吳重熹奏調京員充當諮議局檢察各事與江蘇事同一律除法部主事彭運斌一員業經法部遵議具奏外所有翰林院編修杜嚴禮部主事方貞免扣資俸之處應卽准如所請仍應俟該員等差竣回京後再行升轉補用所有臣等遵議緣由謹繕摺具陳伏乞 皇上聖鑒再此摺係吏部主稿會同翰林院辦理合併聲明謹 奏宣統元年正月二十一日奉 旨依議欽此

兩廣總督張人駿奏廉欽剿匪肅清出力文武員弁請獎摺併單三件

奏爲廉欽內地一律肅清謹將在此事出力文武各員紳擢尤請獎恭摺具陳仰祈 聖鑒事竊廉欽地近越邊民情獷悍伏莽滋多素稱難治故頻年用兵終難平靖近者逆首孫汝多方煽惑遣其悍黨王和順農廿四等入內地勾結而內匪劉思裕等本係革命黨遂於上年春間藉口抗捐先在三羅倡亂一時游勇土匪羣起響應先後兩撲欽州一攻東興一圍靈山一陷防城如火燎原兇燄鴟張人心大震兩省戒嚴雖經統帶郭人漳標統趙聲分統宋安樞攻克三那收復防城解圍靈山保全欽城然匪勢浩大股數不一首要衆多以致官

軍防剿疲於奔命臣於上年八月抵粵沿途警電絡繹而來及至省稽考各文武電稟審察匪情遂定東西合剿之策復向南北洋借調兵輪往巡洋面飭前署北海鎮總兵李準廉欽道龔心湛會商派定各營分路防剿於是郭人漳一捷於那棉屯良再捷於江萬西牙時適欽奉

諭旨派前署廣東水陸提督現任陸路提督

臣秦炳直前往督師臣復派遣道員朱恩縉到欽賑撫民心遂定事機以順郭人漳宋安樞及分統夏文炳各率所部分撥合擊而脅從日少匪勢漸孤其黨猜疑互相引捕首要劉淵明農廿四陳洪淇劉享耿等均先後就擒而各營復擊賊於黃谷坡猪矢嶺掘田麓那河嶺白水塘那花嶺伯家村庠子坡樟木山欖子山長岡嶺鐵木江城隍塘三歧嶺等處大小數十戰每戰必克疊有斬擒於是大股悍匪次第撲滅其逃匿深山窮谷者經各州縣及清鄉委員會督營勇紳團分投撥捕獲辦已逾千數廉欽全境士民安業商旅暢行正報肅清間適本年二月杪匪黨由越南竄入邊境又有戰事經東西營隊合剿先後擒斬多名奪獲各種槍枝均烙有革命軍火印其偽總糧台官黃吉廷被夏文炳所部二十一營管帶黃秀瑀擊斃並奪獲偽銀紙五百餘張計銀五萬餘元復經秦炳直督飭各路官軍清撥十萬大山及各鄉村均無匪蹤又巨匪王和順迭在江西倡亂前次桂亂收平卒被漏網後入孫汝黨內伺隙而動上年改名張德馨復在欽邊擾亂攻陷防城屢剿未除經兩粵雲南懸賞二萬三千元購緝本年九月間又廣招黨羽出沒於桂滇粵三省交界地方因防堵嚴密日就窮蹙經郭人漳諭令紳士許英明干總鍾流柱等令其夥匪許可靈許可應等殺以來降果在東省邊界米寬地方將王和順擒獲許可應被餘黨拒斃斬首來獻查驗確實照格提給花紅該匪與農廿四均係孫汝黨今先後斬除為孫汝黨翦其羽翼即為沿邊永除大患故夥匪寒心紛紛效順來歸現屆各防地方仍安靖如常實已一律肅清先經臣於六月間將大概情形及布置邊防各節電奏欽奉

諭旨防範外匪惟在扼要屯紮

廣布偵探隨時相機剿防未可株守一隅清理內匪要在慎選守令勤求緝捕勿任勾結糾合又未可專恃兵力著該督妥籌布置以靖地方秦炳直准其回省就醫病痊後即赴惠州供職餘著外務部知道欽此仰見

聖謨宏遠標本兼治欽佩莫名伏查廉欽兩屬周遭二千餘里北接廣西南鄰越南中皆亂山叢箐逆首

孫汝在該處起事斂錢甚多積資甚厚若事成固足遂其大欲不成亦得藉此開銷故託仇官仇學爲名專以通賄變我軍心散財愚我黔首一時人心癡迷如飲狂藥廉欽一帶該黨已編爲革命南軍其所刊革命方略等僞書悖逆之言實不忍寓目臣軍旅之事向未之學幸迭蒙 宸謨指示不致調度乖方惟此次亂事

實與從前不同而官軍剿辦之難更有數端故用兵較久用人較多幸賴 朝廷威福將士用命鄉團奮勇得有此肅清之一日實爲臣初料所不及至糜餉老師咎在微臣之不知兵事而出力之文武員紳或剿匪於密箐深山或博命於槍林彈雨寒暑瘴癘萬險不辭實未便沒其勞勩所有督師之廣東陸路提督臣秦炳直調度布置均合機宜前統廉欽各軍閩粵南澳鎮總兵果勇巴圖魯現署廣東水師提督臣李準總扼戎機獨操勝算二品頂戴廣東廉欽道龔心澆兼顧統算厥功最偉應如何從優獎叙恭候 聖裁留粵補用道郭人漳始終其事勞苦功高擬請 賞給勇號並加二品頂戴開缺北海鎮總兵現署北海鎮篆莫善積保障廣

東有裨全局二品頂戴廣西補用道宋安樞力解城圍戰功卓著請均交部從優議叙三品銜四川候補知府夏文炳衝鋒陷陣屢戰皆克擬請免補本班以道員留粵儘先補用免交留省銀兩并 賞加二品頂戴廣東補用直隸州知州吳會源擬請免補本班以知府仍留原省補用免交留省銀兩候選通判馮錫薇擬請免選通判以直隸州知州分省補用並加知府銜前署欽州直隸州知州候選知縣夏翊擬請免選本班以直隸州知州分省補用通判職銜鄒國光隆世儲均擬請以通判分省補用州同職銜吳福昌擬請以州同分省補用并 賞加五品銜藍翎五品頂戴附貢生嚴澤溥擬請以府經歷分省補用新軍第二標統江兩陸師學

堂畢業生附生趙聲擬請以陸軍副參領記名補授都司銜守備黃秀瑀守備廖大錦均擬請免補本班以都司儘先補用并 賞加遊擊銜千總賴基瑞擬請免補千總以守備儘先補用并 賞加都司銜其餘在事出力文武各員紳謹分別異常尋常共二百三十七員并將請獎各革員查明被叅原案均另繕清單恭呈 御覽以上人數合計雖多然用兵年餘大小數十戰若分案請獎尙見其少臣已再三核減委無冒濫合無仰懇 天恩俯准如請給獎以資鼓勵現派郭人漳督辦欽州邊防統領新練軍駐紮東興兼充對汛大

員防備已臻周密仍當凜遵

諭旨廣布偵探相機剿堵并慎選守令勤求緝捕安籌教養以期長治久

安查從前廉欽邊防每屆五年保獎一次今昔情形不同籌邊更爲喫緊可否改爲三年保獎一次出自逾格

鴻施除將傷亡各員弁另摺請卹并將干總以下各弁咨部核獎暨飭取各員弁履歷送部外所有廉欽

肅清請獎緣由理合恭摺具陳伏乞 皇上聖鑒訓示謹 奏光緒三十四年十二月二十三日奉 旨

一併交該部詳議具奏單三件併發欽此

謹將擬保廉欽肅清在事出力文職各員紳分別異常尋常繕具清單恭呈 御覽 謹開 三品頂戴廉

州府知府李經野擬請以道員在任候補並俟歸道員班後加二品銜 現署欽州直隸州知州廣東補用知

府鄭藥廣東補用知府汪拱宸廣東試用知府褚光宗鹽運使銜選用道直隸候補知府周炳蔚均擬請免補

知府以道員各留原省補用 分省補用知府李懷本擬請免補知府以道員仍分省補用 花翎指分廣東

試用同知蔡春恆擬請免補同知以知府仍留原省補用並加三品銜 廣東補用直隸州知州沈秉懋江蘇

補用直隸州知州黃仁壽廣東候補直隸州知州薛永年三品銜知府用廣東候補直隸州知州陳侗萬均擬

請免補本班以知府各留原省補用薛永年並加三品銜沈秉懋黃仁壽並各加鹽運使銜 廣西補用直隸

州知州鄧焯森擬請免補本班以知府補用 廣東試用知縣周學仕朱之英花翎同知銜廣東補用知縣蔡

國英同知銜廣東補用知縣鄭功澤廣東補用知縣黃作霖周植同知銜署合浦縣事廣東補用知縣沈瑞忠

同知銜署防城縣事廣東補用知縣李明德廣東試用知縣許家尊周汝最石懷慶周善繼廣東補用知縣張

湘彥張國珍均擬請免補本班以直隸州知州仍留原省補用 同知銜正任靈山縣知縣劉整擬請以直隸

州知州在任候補並加四品銜 分省補用知縣汪宗洙毛秉科劉信誠均擬請免補本班以直隸州知州分

省補用汪宗洙毛秉科並各加知府銜 同知銜四川補用知縣黃廷琛擬請免補本班以直隸州知州補用

已革廣東補用知府柴維桐已革廣東試用知府林翊已革廣東補用直隸州知州黃贊勳已革廣西補用

知州胡成立 賞還原銜已革廣東陽春縣知縣潛夢熊 賞還原銜已革廣東即用知縣高煥然已革

廣東候補知縣趙子瑗已革廣東試用知縣蔣鈴焯已革江西候補知縣吳傳榮降調江蘇候補知縣郭希度已革福建捐升知縣謝摺均擬請開復原官各留原省補用均免繳捐復銀兩 廣東試用通判劉義寬廣西試用通判李宗邦均擬請免補本班以直隸州知州各留原省補用 分省補用通判林緯邦楊尊任楊祖時均擬請免補本班以直隸州知州分省補用 同知銜分部主事吳松山擬請以直隸州知州俟指分到省後試用 揀選知縣吳房齡擬請以知縣俟指分到省後試用並加同知銜 通判職銜成國學曹鼎鍾郭文組姚禮端陶邵彬均擬請以通判不論雙單月儘先選用 三品廕生朱光澤擬請俟引 見錄用後照異常軍功應升之階從優升用 候選州同黃業興擬請免選本班以知縣俟指分到省後試用 查該員原捐州同職銜上年勦辦廉欽股匪前敵出力案內奏保誤開州判職銜應請更正 候選府經歷李大松擬請免選本班以知縣俟指分到省後試用並加同知銜 浙江議叙鹽經郭人詔廣西試用府經歷孔繁琴均擬請免補本班以知縣仍留原省補用 署防城縣縣丞廣東補用縣丞朱丙炎候補縣丞凌啟瑞江西試用縣丞林壽棠張渠均擬請免補本班以知縣仍留原省補用朱丙炎林壽棠並各加同知銜 分省補用縣丞王璘劉啓新均擬請免補本班以知縣分省補用候選縣丞王蔭祥李復華丁子勤均擬請免選本班以知縣俟指分到省後試用 改指廣東試用縣丞黃卷舒擬請以本班仍留原省歸候補班補用 布經歷職銜陳朝英擬請以布經歷歸部選用 州同職銜李夢熊張維煦林超柏龐淵鑑溫榮祐盧際雲李世耀林潤釗均擬請以州同不論雙單月歸部儘先選用 州判職銜吳潢懋張得福鄧拔均擬請以州判歸部選用廣東試用巡檢孫金漢擬請免補本班以縣丞仍留原省補用 廣西試用從九品馮承元擬請免補本班以縣丞補用候選主簿王文浩候選從九品馮國柱陸國瓏候選巡檢黃定海均擬請免選本班以縣丞不論雙單月歸部選用 六品銜廣西試用吏目許英明廣東試用道庫大使趙森均擬請免補本班以府經歷各留原省補用 候選巡檢黃恆燮候選典史郭揚清分省試用巡檢馬紹賢均擬請免選免補本班以縣主簿不論雙單月歸部選用黃恆燮並加六品銜 廣東試用從九品唐惟文殷世勳均擬請免補本班以縣主簿仍留原省補用

從九品黃家輔附生陳堅均擬請以縣主簿歸部選用 從九職銜劉家成李宗弼文童段世瓊喻達武馬玉陔居志安吳豹關維敬黃慶瀾謝國銓田應楚梁家光郭翊清監生吳炳修譚耀璠李炎綬均擬請以巡檢不論雙單月歸部選用 州判職銜廣東陸軍速成學堂礮科畢業生陳佑卿擬請以巡檢補用 候選訓導朱錫堅擬請以教諭不論雙單月歸部儘先選用 以上一百一十四員請照異常勞績給獎 奏調差遣河南候補道傅文通候選道梁瀾勳均擬請 賞加二品銜 補用道前任廣東廉州府准調潮州府知府吳蔭培擬請俟歸道班後 賞加二品銜 四川試用知府袁寶璐擬請俟補缺後以道員用 廣東試用通判吳毓煊柳謙廣東試用知縣俞文麟馮汝禎均擬請俟補缺後以直隸州知州仍留原省補用 廣東試用通判李積稷指分廣東候補班前補用知縣蕭之忠廣東補用知縣黎炳燊廣東試用知縣黎朝棟分省補用知縣郭金鏞程福慶均擬請俟補缺後以直隸州知州補用 革職永不叙用廣西補用知縣潘成秀擬請銷去永不叙用字樣 候選直隸州州判王淇候選州判吳則驥候選教諭馮銘鏞均擬請俟得缺後以知縣用指分廣東試用縣丞金良廣東試用縣丞黃在中李大淇黃兆錫廣東試用府經歷張焯廣西試用府經歷李體和宋以藩均擬請俟補缺後以知縣用 鹽大使職銜王家丞擬請以鹽大使不論雙單月歸部選用 府經歷職銜葛延春汪有達黃希岐陳樹炎郭植藩均擬請以府經歷不論雙單月歸部儘先選用 中書科中書職銜郭聲揚縣丞職銜黃越凌嘉森周瀋瀛秦元傑梁浩鏞程瞻元廖文禮段世理張華星黃慕曾翁琛李善勳張泉陳鵬雲林嘉起唐一書徐嘉樹張心瀚王蘭芬王炳樑伍綿勳優廩生羅朝紳朱玉聰附貢生張啟運附生梁成陳冠瀛蒲昌榮謝雲龍增生李家駒武備學堂畢業生梁煥垣均擬請以縣丞不論雙單月歸部儘先選用 欽州沿海司巡檢陳璋達擬請以縣丞在任候補 從九職銜黃培慶張焯劉鯤文童李公義龔克勤彭德馨章達藍廷襄喻光國李煜厚監生屠紹棠謝誥章均擬請以從九品不論雙單月歸部選用 廣東候補道庫大使李廉擬請俟補缺後以府經歷縣丞補用 指分江西試用巡檢龔縉擬請加六品銜 以上七十七員請照尋常勞績給獎光緒三十四年十二月二十三日奉 旨覽欽此

謹將擬保廉欽肅清在事出力武職各員紳分別異常尋常繕具清單恭呈 御覽 謹開 副將銜升用副將留粵補用叅將王有宏擬請免補叅將以副將留粵補用 花翎副將銜河南補用游擊補缺後叅將趙會鵬擬請免補游擊以叅將留粵補用 已革廣東平海營叅將吳瑞植擬請開復原官仍留廣東歸外海水師儘先補用並免繳捐復銀兩 都司劉殿元廣東水師提標中營花翎儘先都司李清華均擬請免補都司以游擊儘先補用 兩廣督標中營儘先守備蔡柏樞補用守備陳占奎均擬請免補守備以都司儘先補用 廣東水師提標中營儘先守備鄧瑤光擬請免補守備以都司仍歸原標儘先補用並加游擊銜 守備銜儘先千總郭顯忠儘先千總鍾流柱陳均義謝輝光陳鴻芳郭元甲李永清余華輔郭鴻鈞王貴厚郭有餘劉國玉孟銘志柳乾山均擬請免補千總以守備儘先補用郭元甲朱永清余華輔郭鴻鈞王貴厚郭有餘劉國玉並請 賞戴藍翎郭顯忠鍾流柱陳均義並各加都司銜 四川督標補用千總傅吉祥擬請免補千總以守備仍歸原標儘先補用 藍翎補用千總洪聿素補用千總汪楹和均擬請免補千總以守備儘先補用 藍翎千總羅林山擬請免補千總以守備留粵補用 儘先把總李家陞擬請免補千總以守備儘先補用 廣東水師提標中營牌樓角汎把總段樹勳新會營新城守把總劉彬均擬請免補千總以守備歸水師提標中營儘先補用並加都司銜 調粵差遣山東臨清營館陶汎把總李駿燦擬請免補千總以守備留粵儘先補用並加都司銜 日本士官學校畢業生吳晉擬請以陸軍副叅領記名補授 廣東新軍步隊第一協一標一營隊官閻廣威擬請以正軍校記名補授並加協叅領銜 以上三十二員請照異常勞績給獎 副將銜儘先補用游擊唐啟新擬請俟補缺後以叅將補用 已革廣東補用游擊梁義忠擬請 賞還原銜 補用都司馬占品擬請俟補缺後以游擊補用 花翎補用都司張錦芳擬請 賞加游擊銜 藍翎都司用兩廣督標中營儘先守備莫國瑩都司用儘先守備符開銘藍翎都司銜儘先守備蕭光亮花翎補用守備歐陽鴻補用守備吳正芳郝尙禮均擬請俟補缺後以都司補用 廣東師水提標左營新安存城千總李觀德陸路提標中營羅溪汎千總吳培楠均擬請以守備在任補用 藍翎都司銜儘先千總彭大松擬請俟補

千總後以守備補用 儘先拔補千總刁兆標擬請俟補千總後以守備儘先補用 以上十四員請照尋常勞績給獎光緒三十四年十二月二十三日奉 旨覽欽此

謹將請獎各革員查明案繕具清單恭呈 御覽 謹開 已革廣東補用知府柴維桐該員於光緒三十三年十二月由臣查明被案內因該員前署任番禺縣獲犯李亞信等訊供草率咎無可辭覆奏奉

旨交部議處嗣部議革職係屬公罪 已革廣東試用知府林翊該員於光緒三十三年三月由前督臣周馥以審斷糊塗草菅人命奏參奉 旨革職 已革廣東補用直隸州知州黃贊勳該員於光緒二十年

代理樂會縣任內疎脫羈犯由前兼署撫臣李瀚章奏參奉 旨交部議處經部議以革職留任 已革廣西補用知州胡成立該員於光緒三十一年十二月由前廣西撫臣李經羲以居心敷衍政務廢弛等情奏

請革職奉 硃批著照所請該部知道欽此 賞還原銜已革廣東陽春縣知縣潛夢熊該員於光緒二十八年五月由前督臣陶模以因循玩誤聲名平常奏參奉 旨革職 賞還原銜已革廣東

即用知縣高煥然該員於光緒二十八年正月由前廣東撫臣德壽以舉止輕浮動招物議奏參奉 旨革職 已革廣東候補知縣趙干瑗該員於光緒三十一年正月由臣前在廣東巡撫任內甄別以才識庸下

聲名平常奏參奉 旨革職 已革廣東試用知縣蔣鈴煒該員於光緒三十三年三月由前督臣周馥以緝捕不力屢出要案奏參奉 旨革職 已革江西候補知縣吳傳榮該員於光緒三十一年十二月

由前江西撫臣胡廷幹甄別案內以相驗粗心諱謀為鬪奏參奉 旨革職 降調江蘇候補知縣郭希度該員於光緒三十年由前兩江督臣魏光燾查明被案案內以年少氣浮辦事亦欠穩練覆奏奉 旨

以府經歷縣丞降補 已革福建捐升知縣謝摺該員於光緒三十三年九月由閩浙督臣松壽甄別案內以卑鄙近利辦事無能奏參奉 旨革職 革職永不叙用廣西候補知縣潘成秀該員於光緒二十九年

十月由前署督臣岑春煊以該員兼帶綏遠軍左營駕馭失宜奏參奉 旨革職永不叙用 已革廣東平海營參將吳瑞植該員於光緒三十一年十月由前署督臣岑春煊以任用非人辦事草率奏參奉

旨革職永不叙用

旨革職永不叙用

旨革職永不叙用

旨革職永不叙用

旨革職永不叙用

旨革職永不叙用

旨革職永不叙用

旨革職 已革廣東補用游擊梁義忠該員於光緒二十九年三月由前署督臣德壽以朦混請獎膽大妄爲
奏請革職奉 硃批著照所請兵部知道欽此光緒三十四年十二月二十三日奉 旨覽欽此

●又奏直牧馮駿仍留粵差委片 再廣東候補直隸州知州馮駿經督辦學務兼署綏遠城將軍臣信勳
奏調前往差委 臣接准來咨當經轉行遵照惟查該員馮駿先於上年派委開辦潮州府屬汕頭地方巡警該
處爲通商口岸華洋雜處警政最關緊要馮駿自創辦以來悉心經營頗著成效現在地方安靖中外商民亦
甚悅服仍須逐漸整頓力求進步似未便遽易生手據汕頭紳商合詞稟請留辦經惠潮嘉道吳煦核明轉稟
請 奏前來 臣覆查無異相應仰懇 天恩俯准將廣東候補直隸州知州馮駿仍留粵省差委補用免赴
綏遠俾資任使謹附片具 奏伏乞 聖鑒訓示謹 奏宣統元年正月初六日奉 旨著照所請該部
知道欽此

廣西巡撫張鳴岐奏請將選用令陳廷傑等留桂差遣等片

再廣西地僻才難現當籌備憲政之時需人尤亟非隨時羅致無以供指臂之需茲有儘先選用知縣陳廷傑
委充百色中學堂監督艱難締造訓迪有方廣西補用知縣陳慶耜委充 臣署軍政科員夙夜在公勤勞罔懈
指分廣西補用知縣蘇乃鐸委充派辦處餉械所委員條理詳明稽核精密指分廣西試用直州判熊文蔚委
辦農林試驗場盡心擘畫勞瘁不辭以上四員均經試用得力合無仰懇 天恩俯准將陳廷傑留於廣西
差遣補用並免繳分發留省銀兩陳慶耜蘇乃鐸熊文蔚三員暫緩赴引驗看先行到省補用藉資治理出自
鴻施逾格除將該員等履歷咨部查照外謹附片具陳伏乞 聖鑒訓示謹 奏宣統元年正月十四
日奉 旨著照所請該部知道欽此

閩浙總督松壽奏游擊李殿起請留閩浙補用片

再奴才衙門管帶親軍衛隊儘先補用游擊李殿起現年四十三歲直隸東安縣人於光緒八年投効淮軍盛
字營飛騎馬隊充當勇目隨軍攻克連山關分水嶺及直境剿辦土匪各案內出力遞保以守備儘先補用復
於剿辦朝建一帶土匪暨熱河隨辦中立在事出力經奴才先後 奏保俟補守備後以都司補用及免補都

司以游擊儘先補用三十三年咨調來閩札委管帶親軍衛隊差務茲據稟請收標留於閩浙照原保官階儘先補用等情前來奴才查該員年強才練曉暢戎機際茲整頓營伍儲練將材之時合無仰懇 天恩俯准將該游擊李殿起留於閩浙陸路儘先補用以資驅策除先行檄發收標並飭取履歷另行咨部外謹附片具陳伏乞 聖鑒訓示謹 奏宣統元年正月二十三日奉 旨允行該部知道欽此

新疆巡撫聯魁奏請以候補道陳璋充督練處叅議官兼教練處總辦片

再新疆督練處叅議官兼教練處總辦之差前因一時難得其選經奴才暫委叅議官兼兵備處總辦布政使王樹枏叅議官兼叅謀處總辦鎮迪道兼按察使銜榮霈二員兼辦在案現在陸軍正當竭力講求事務日臻繁重該司等經手事多不遑兼顧查有調新差委候補道陳璋才優識遠閱歷頗深堪以派充督練處叅議官兼教練處總辦以專責成除咨吏部陸軍部查照外謹會同伊犁將軍臣長庚陝甘總督臣升允喀什噶爾提督臣焦大聚附片具 奏伏乞 聖鑒訓示謹 奏宣統元年正月二十四日奉 旨該部知道欽此

貴州巡撫龐鴻書奏土婦安李氏捐款興學請建坊片

再據水城廳詳該廳屬土婦安李氏遵故夫同知銜安廷柱遺命將自置白泥裸全莊產業捐辦學堂計值時價銀一千三百兩經臣批飭提學司會同布按兩司核明詳請奏獎前來臣查定例紳民於地方善舉捐銀至一千兩以上者准其請 旨建坊今該土婦安李氏遵其夫遺命慨捐產業以資辦學計值銀一千三百兩之多實屬熱心公益土人中尤不可多得合無仰懇 天恩給予急公興學字樣准其自行建坊用昭激勸除咨部外謹附片具陳伏乞 聖鑒訓示謹 奏宣統元年正月二十五日奉 旨允行該部知道欽此

又奏民女呂棕英羞忿自盡請 旌片 再普安廳民劉云苟因向呂棕英調戲致令羞忿自盡一案據該廳將該犯劉云苟審擬解省該犯翻異原供飭發獄局審辦經貴陽府審擬由司解經臣審明定擬恭摺彙奏並將供招咨送部院核議在案茲查該民女呂棕英以茅檐弱質猝遭調戲被侮不甘即自捐軀明志洵屬貞烈可嘉合無仰懇 天恩俯准旌表以慰貞魂而維風化除咨禮部查照外理合附片具陳伏乞 聖

鑒謹 奏宣統元年正月二十五日奉 旨允行該部知道欽此

西歷一千九百九年二月十八號 星期四

本局設立北京東長安牌樓王府井大街

宣統元年正月二十八日第肆百陸拾捌號

電話內城總局第二百零一號

政治官報

目

錄

●宮門鈔○ 諭旨四道○交 旨六道○事由單○吏部選單●摺奏類一○禮部奏恭鑄 暨國攝政王金寶護擬變通
 金兩動用鑄造摺○度支部奏各省舊案擬請截清年分勸限開單報銷摺○科布多恭贊大臣奏添設蒙小學堂摺○又奏實行
 禁煙情形片●摺奏類二○吏部奏議覆東督奏試用州判榮永清改獎片○又奏議覆東督奏保開復已革知縣滕椿等請
 飭查原案片○贛撫奏請以左秉鈞補宜春令摺○甘督奏請以傅景賢試署清水令摺○魯撫奏請以姜迺升補壽光令摺○又
 奏委候補道陳炳文代理鹽運使片○又奏從九王篤明等河工積勞病故請議卹片○科布多恭贊大臣奏防兵缺額援案由綏
 遠城派撥差遣片●咨札類○續山西諮議局籌辦處自治研究所簡章●廣告

政治官報 目錄

正月二十八日第四百六十八號

宮門鈔

正月二十七日 農工商部 郵傳部 正藍旗值日 林紹年由 東陵回京

請 安 出使大臣蔭昌請 訓 崑源前往張家口請 訓 豐陞阿加級

謝 恩 全勝授鑾儀使謝 恩 文熙續假十五日 毓隆請假十日 農工

商部 郵傳部各遞封奏一件 俾壽封奏二件 內務府奏二十九日三十日併祭

奉先殿慶麟行禮 又奏二月初一日祭 奉先殿富康行禮

召見軍機 蔭昌 崑源 李殿林吳郁生沈雲沛 溥頤

諭旨

監國攝政王鈐章

正月二十七日内閣奉

上諭前經憲政編查館奏定頒行分年籌備事宜本年各省均應舉行諮議局選舉及籌辦各州縣地方自治設立自治研究所並頒布資政院章程等事積小高大乃能綱舉目張若階級不具則統匯之區無從措手著各省督撫及管理地方之將軍都統等督率所屬選用公正明慎之員紳一律依限成立其範圍限制及擇人之權應盡之職均應遵守頒行章程辦理不得延閣遲誤各省如有不能如期舉辦或雖已設局而員紳違背定章及辦法參差不齊者統由憲政編查館查催暨考核駁正務須妥速完備俾可依限開辦資政院以副朝廷勤求民隱期臻上理之至意欽此

軍機大臣署名奕劻世續張之洞鹿傳霖 那桐

監國攝政王鈞章

正月二十七日内閣奉

上諭前據修訂法律大臣奏呈刑律草案當經憲政編查館分咨內外各衙門討論參考以期至當嗣據學部及直隸兩廣安徽各督撫先後奏請將中國舊律與新律詳慎互校再行妥訂以維倫紀而保治安復經諭令修訂法律大臣會同法部詳慎斟酌修改刪併奏明辦理上年所頒立憲籌備事宜新刑律限本年核定來年頒布事關憲政不容稍事緩圖著修訂法律大臣會同法部迅速前旨修改刪併尅日進呈以期不誤核定頒布之限惟是刑法之原本乎禮教中外各國禮教不同故刑法亦因之而異中國素重綱常故於干犯名義之條立法特爲嚴重良以三綱五品闡自唐虞聖帝明王兢兢保守實爲數千年相傳之國粹立國之大本今寰海大通國際每多交涉固不宜墨守故常致失通變宜民之意但祇可採彼所長益我所短凡我舊律義關倫常諸條不可率行變革庶以維天理民彝於不敝該大臣等務本此意以爲修改宗旨是爲至要至該大臣前奏請編訂現行刑律已由憲政編查館核議著一併從速編訂請旨頒行以示朝廷變通法律循序漸進之至意欽此

軍機大臣署名奕劻世續張之洞鹿傳霖 差 那桐

監國攝政王鈞章

正月二十七日内閣奉

上諭陸軍部右侍郎著姚錫光署理欽此

軍機大臣署名奕劻世續張之洞鹿傳霖差那桐

監國攝政王鈐章

正月二十七日内閣奉

上諭陸軍部左丞著朱彭壽署理許秉琦著署理右丞左叅議著慶蕃署理錫嘏著署理右叅議欽此

軍機大臣署名奕劻世續張之洞鹿傳霖差那桐

交旨

正月二十七日

監國攝政王鈐章

軍機大臣欽奉

諭旨林紹年奏承修

昭西陵等處工程做法錢糧開單呈覽一摺又奏監督辦事人等照案酌給公費一片均依議欽此

軍機大臣署名奕劻世續張之洞鹿傳霖差那桐

監國攝政王鈐章

軍機大臣欽奉

諭旨郵傳部會奏遵議西北鐵路條陳一摺依議欽此

軍機大臣署名奕劻世續張之洞鹿傳霖差那桐

監國攝政王鈐章

軍機大臣欽奉

諭旨農工商部奏廈門貢燕擾累滋多一摺著閩浙總督採辦准其作正開銷欽此

軍機大臣署名奕劻世續張之洞鹿傳霖差那桐

監國攝政王鈐章

軍機大臣欽奉

諭旨裁缺大理寺少卿李擢英奏約陳時弊摺內理財宜節糜費一條著會議政務處議奏
欽此

軍機大臣署名奕劻世續張之洞鹿傳霖差那桐

監國攝政王鈐章

軍機大臣欽奉

諭旨給事中王金鎔奏敬陳管見摺內請紓民力一條著度支部知道欽此

軍機大臣署名奕劻世續張之洞鹿傳霖差那桐

監國攝政王鈐章

軍機大臣欽奉

諭旨御史俾壽片奏輪赴內廷之值班護衛官兵酌給津貼等語著稽察守衛大臣會同親

軍前鋒護軍營體察情形酌核議奏欽此

軍機大臣署名奕劻世續張之洞鹿傳霖差那桐

正月二十七日內摺傳 旨事由單

外務部奏驗放官缺恭繳 藍筆奉 旨知道了○農工商部奏核覆豫省黃河兩岸八廳各工用款比較數目事奉 旨知道了○又片奏核覆豫省河防項下辦過石工動用銀兩事奉 旨知道了○又奏

陝西商務總會援案請給關防事奉 旨依議○郵傳部奏接收萍潭鐵路檔卷圖契事奉 旨知道了○又片奏

行在印信祇領到部事奉 旨知道了○又奏核覆京漢鐵路動用借款報銷事單一件奉 旨知道了○中正殿奏二月初一日進 養心殿啞經喇嘛名牌奉 旨知道了○正白旗蒙古奏參

驍騎校德恩因調驗時請假照章休致事奉 旨依議○正藍旗漢軍奏署佐領圖記事奉 旨知道了○順天府奏京城糧價錢價事單一件奉 旨知道了○又奏現審月摺奉 旨知道了

正月二十七日外摺奉 旨事由單

徐世昌周樹模奏添改道府廳各缺請以姚福升等補署摺 該部議奏以核名實○又奏擬修訥河至海倫

道路情形摺 該部知道○又奏續設道府廳縣酌擬設治章程摺 該部知道單併發○又奏司道府密考

摺 知道了單留○廷杰奏熱河各屬新案交代分別已未清結摺 該部知道單併發○又奏得雪日期摺

知道了○又奏因病懇請 賞假摺 著賞假一個月調理○聯魁奏新疆現任提鎮城守尉司道府密

考摺 知道了單留中○又奏和闐營參將米漢璋病請開缺片 允行該部知道○又奏設陸軍小學堂辦

理情形摺 該部知道○又奏候補通判王錦銘濫刑斃命請革職歸案審辦片 著照所請該部知道○又

奏被災地方酌籌調劑片 該部知道○又奏補署府縣各缺片 吏部知道○又奏上年分秋禾收成分數

摺 該部知道單併發○又奏上年七月分雨糧情形摺 知道了○又奏革提蘇元春病故請量予 恩

施摺 蘇元春加恩著開復原官平生戰功宣付國史館立傳該衙門知道○姜桂題奏沿江巡防隊收支各

款截算造報摺 該部知道○又奏江防馬匹倒斃逾恒請免變價賠繳片 加恩免其繳價該部知道

吏部正月分選單

待詔 翰林院陳曾驥順天監 知府 湖北施南桂蔭鑲藍生員 布理問 江蘇彭鴻勛順天監 直州
同 山東濟甯李運開安徽舉 同知照磨 四川甯遠周之楨湖北人 州同 陝西甯羗彭松年直隸附
縣丞 湖北黃梅周鴻誌四川舉 府司獄 浙江衢州王向南奉天監 典史 江西武甯姜振祿山東
監 教授 吉林長春鮑俊卿永平甲 教諭 甘肅階州何炳鞏昌拔 岷州趙啟文秦州優 湖南澧州
廖漢章衡州舉 四川遂甯黃紹瀛成都副 直隸懷來馬樹昇河間舉 江蘇金壇徐學曾常州舉 陝西
韓城王之謨延安副 鄆縣張崇善同州舉 江西金谿沈餘慶南昌舉 湖北漢陽程廣勳德安舉 興山
鄆文達漢陽舉 四川邛州王文炳重慶舉 冕甯蔣梧桐潼川舉 湖北荊門州李炳蓉漢陽增 江蘇溧
陽陳重綸揚州廩 陝西隴州何朝重西安附 訓導 直隸完縣馬鍾魁冀州廩 順天甯河黃鑒泉趙州
增 山西太平張謀傑太原廩 山東昌樂戴振德臨清州廩 湖南湘鄉朱禮尊澧州廩 浙江江山毛誦
華嚴州拔 直隸定興姚晉元永平廩 蔚州王長源順天廩 江蘇金山王朝琛江甯歲 安徽合肥王銘
勳甯國歲 湖南永州府周梈榮長沙廩 甯鄉呂兆蓉永州廩 廣東乳源陳瑞球高州增 甘肅合水王
仲甲蘭州歲 四川馬邊廳唐鳴珂重慶附 雲南巧家廳熊國棟廣西州附 貴州石阡府華之鴻貴陽貢
生

摺奏類一

禮部奏恭鑄 監國攝政王金寶謹擬變通金兩動用鑄造摺

奏爲請 旨事查 臣部會同內務府造辦處恭鑄 監國攝政王金寶例用五成金三百兩
由內務府支領於光緒三十四年十二月十六日具奏奉 旨知道了欽此欽遵鈔錄原摺
咨行內務府迅速給發在案前准內務府文稱本府廣儲司銀庫庫內金兩無存於光緒三十
四年十二月二十七日隨時遞 奏由 內討領五成金三百兩定於十二月二十九日發放
等因前來 臣等是日派員赴庫承領旋據該員聲稱內務府發給十成金一百五十兩於本部

例案及內務府原文成色數目均屬不符無憑承領當即片查內務府將遞 奏金兩成色並折給數目實重若干原摺鈔錄聲覆去後旋據覆稱查本府金兩一項前曾奉 旨由內討領歷經遵辦在案此次仍係照案具 奏隨時由 內討領當經 交下原封十成色金一百五十兩即已備文請領茲准前因謹恭錄同治八年 傳諭移咨至於如何折數並非本府擬請率行定奪無從聲叙其如何辦理之處行文禮部查照舊案辦理等因 臣等查鑄造親王金寶舊例係用五成金三百兩又鑄造寶印凡餘剩金銀由內務府領出者繳還內務府由戶部領出者繳還戶部各等語此次恭鑄 監國攝政王金寶自應按照舊例辦理現准內務府文稱由 內討出十成色金一百五十兩自與舊例成色分兩不符實屬不敷鑄造 臣等謹擬變通辦法由度支部再行發給紋銀一百五十兩配搭鎔化五成色金三百兩方能鑄造惟鑄成後餘剩五成色金兩既係配搭鎔化礙難分繳內務府及度支部可否由 臣部庫內存儲備用之處 臣等未敢擅擬恭候 命下 臣部行文內務府度支部遵照迅速給發到部會同造辦處趕緊鑄造所有變通金兩動用緣由是否有當伏乞 聖鑒訓示謹 奏宣統元年正月二十四日奉 旨依議欽此

度支部奏各省舊案擬請截清年分勒限開單報銷摺

奏為各省舊案擬請截清年分勒限開單報銷恭摺仰祈 聖鑒事竊以清理財政自以考核現款為要圖而尤必先以銷結舊案為入手 臣部奏定清理章程第一條即以截清舊案編訂新章為言第五條內載各省出入款項截至光緒三十三年年底止概作為舊案各省舊案歷年未經報部者分年開列清單併案銷結等語誠以舊案不截清則款目易於混淆不銷結

則帑項無從稽考此一定之理也查各省報部核銷之案往往任意玩延有遲至數年者有遲至十餘年者歷閣益久造報愈難即從前業經報銷之案或行查而未據聲覆或駁減而未經遵刪年復一年案復一案上屆未聲覆則下屆仍須行查前案已駁刪則後案無憑遽准塵牘山積紛如亂絲故現在欲清理財政非先將舊案勒限銷結終無著手之方惟查向來報部冊式倍極繁細其冊籍或至百餘本及數十本之多今欲將陳年積壓之案立限掃數報銷若仍令其分造細冊則時日既迫亦恐趕辦不及未免強以所難臣等公同商酌款項固須核實辦法無妨變通相應請旨飭下各省將軍督撫等遵照臣部奏定清理財政章程第五條各飭將光緒三十三年以前未經報部之案分案據實開造詳細清單限於宣統元年十二月以前陸續送部核銷勿庸開造細冊以期速蒞其歷年奉部駁查未經完結各案將何項必須變通何項漏未立案何項尚可酌量核減何項碍難遵照刪除各情由限文到三個月內一律查明報部由臣部酌量情形奏明分別銷結俾天下曉然於朝廷銳意更新破除隔閡欺隱之積習而相見以誠庶足以立清理之始基而爲憲政之大本如再遲延不報致逾期則是有意延宕臣部定行指名嚴叅以爲玩視奏章者戒抑臣等更有請者立法固貴乎寬用款必期於實此項舊案既經准其開單報銷寬其既往而各將軍督撫等受國厚恩亦當念時會之艱難款項之不易實用實銷毋得稍涉浮冒其歷任經手人員如有侵蝕等弊即須破除情面叅追完繳倘扶同徇隱蒙混銷結或別經發覺或臣部派出監理各員訪查得實定將朦銷之員奏明加等治罪以儆官邪而重庫款所有各省舊案准其開單報銷各緣由恭摺具陳是否有當伏乞皇上聖鑒訓示遵行謹奏宣統元年正月十四日奉旨依議欽此

科布多參贊大臣溥鐔奏添設蒙小學堂摺

奏爲蒙古習俗向稱錮蔽擬再添設蒙養小學堂專習滿蒙漢語言文字以期默化潛移默漸開風氣恭摺具陳伏乞 聖鑒事竊查邊地蒙古賦性純樸素鮮教育平時除牧養牲畜之外別無所事科城舊設學堂一所學生僅二十名專學滿蒙文字復經升任大臣連魁於所屬杜爾伯特等四部落內各設蒙文學堂一所雖已據報先後開學然亦係專學蒙文所以外藩蒙古能通漢語之人實屬無幾卽有一二亦係附城而居之無業貧人其向往游牧者於漢語文字皆不講求值此政令維新之際各處文移率多漢字每向蒙員講解亦須仍以蒙語始能領悟所慮者文牘有長短語氣有抑揚必須先繙清而後譯蒙展轉之間稍一疏略詞義頓乖以之轉行恐其誤會况近來公牘數倍往昔非但繙譯日不暇給卽辦新政各項名目亦蒙古多未見聞一經行知恆滋疑懼且游牧之地近接強鄰久恐外人煽誘卽欲向其開陳利害曉以大義非用漢字語言亦不能聲入心通奴才反復籌思若再不早爲設法提倡漸次開通殊無以化錮習而啟新機擬在舊有蒙古學堂之外添設蒙養小學堂一所於杜爾伯特明阿特額魯特札哈沁四部落內揀選聰穎子弟數十人供其食宿備具書籍紙墨等項專學滿蒙漢語言文字揀派專員總司其事蒙古初學教員匪易若遽由內省調取一切語言情形諸多扞格今擬先由科城各章京內擇其文理優長者委充教員如果教有成效照章請獎以示鼓勵而資教育如此切實辦理數年之後自不乏兼通漢語文字之蒙人逐漸推及各游牧互相傳授益非淺鮮惟蒙性顛愚初學漢語文字藉開風氣勢難驟以學課相繩容俟學有成效再當由奴才咨行學部調取功課章程以資擴充惟開辦之初一切房間桌椅筆墨書籍薪津食用等

項邊疆諸務昂貴不同內地從減核實估計約需銀一千數百兩之譜以後常年無閏約需銀一千六百餘兩查科城無此款項奴才正在籌畫據糧餉章京慶泉等稟稱現存有已革章京景善前於查辦案內繳出贓款銀一千九百兩未經動用奴才擬請即以此款作為開辦經費以濟急需嗣後常年經費所需無多案查山西河南舊欠科城軍需台費銀數萬兩擬請飭下該兩省撫臣每年各籌還銀八百兩遇閏各加增銀六十五兩解交歸綏道庫由奴才派員於每年請領經費之便就近赴領護解回科以應要需奴才非不知各省同一籌款為艱然此外再無捐彼注茲之法伏思一省之中每年籌此數百金帶還舊欠要亦不致大費周章且深知各撫臣素抱公忠不分畛域清還欠款源源接濟而於邊徼大局裨益良多如蒙俞允除分咨立案外所用款項由奴才督飭所司各員樽節支用核實報銷萬不敢稍涉鋪張以耗度支所有添設蒙養小學堂專習滿蒙漢語言文字以期默化潛移漸開風氣緣由是否有當理合恭摺具陳伏祈 皇上聖鑒訓示謹 奏宣統元年正月二十四日奉 旨著照所請該部知道欽此

●又奏實行禁煙情形片 再恭查迭奉 諭旨飭令官民實行禁煙並准政務處禁煙大臣先後咨行章程表式即經升任大臣連魁恭錄通飭一體欽遵一面出示曉諭勸戒並添列表式咨送在案奴才到任後每於接見僚屬之時切實體驗現在忱心悔過認真戒斷者頗見成效科成僻處邊陲蒙古游牧向無種植罌粟之處蒙俗素以吸食鴉片為禁忌城廂街市人民輻輳耳目相近稽察較易禁絕尙非難事竊維鴉片之流毒徧及中國受病之深至斯為極今幸 朝廷體懷民瘼銳意禁除毅然行之為拔本塞源之計凡我臣民自當趁此時機共矢

一心堅持定力淨絕根株以仰副 聖主廓清痼疾之至意查科布多滿綠官弁以及兵民雖經據報戒除然其中良莠不齊恐有陽奉陰違未能的確斷盡者擬在城內廟宇閒房設立禁煙局一所由 奴才督飭委員認真切查先從滿綠官弁起除確無嗜好者不計外其形跡可疑者寬其既往調局試驗供其食宿備具藥餌監其出入嚴定期限如有巧爲掩飾及嗜好甚深不能遵戒之人則是怙惡不悛不堪造就立即呈明驗試確實官則嚴行 奏叅兵則從重革懲決不寬容至城廂街市商民人等有染患煙癮者准其來局聲明戒斷其食宿等項與官兵等一同看待總期舊染痼疾一律剷除以收令行禁止之效其該局一切食用夫役工資委員薪津等項每月約需銀百數十金擬由核扣養廉六分平項下動支應請隨同常年經費核實造冊作正開銷將來一律斷戒淨盡即當隨時 奏明裁撤以節糜費除分咨立案外所有籌辦官民實行禁煙情形理合附片陳明伏乞 聖鑒訓示謹 奏宣統元年正月二十四日奉 旨該部知道欽此

摺 奏 類 二

吏部奏議覆東督奏試用州判榮永清改獎片

再前經巨部議覆東三省總督徐世昌奏保上海創設紅十字會案內尋常出力之分省試用州判榮永清請以知縣分省補用因該員履歷冊內未將報捐原案係何年月日遵何項案內報捐詳細註明巨部無從行查請飭令該督轉飭該員速將原捐執照送部再行覈辦於光緒三十四年五月十三日具奏奉 旨依議欽此欽遵行知在案茲據該員呈驗捐照到部 臣等查驗相符自應照章覈議查尋常勞績定章內開委用試用人員准保以本班儘先補用等語該員榮永清係試用人員尋常勞績不得保至過班所請以知縣分省補用核與定章不符應請改爲以本班儘先補用理合附片陳明謹 奏宣統元年正月二十一日奉 旨依

議欽此

●又奏議覆東督奏保開復已革知縣滕椿等請 飭查被參原案片 再內閣鈔出東三省總督徐世昌

奏保剿辦奉境西北蒙邊悍匪出力各員開單請獎一摺於光緒三十四年十一月二十日奉 旨該部議

奏單二件併發欽此欽遵鈔出到部查原奏清軍內開已革同知銜湖北房縣知縣滕椿請開復原官原銜並

免繳捐復銀兩已革花翎同知銜江西候補知縣張學勤請開復原官銜翎並免繳捐復銀兩等因竊查三十

三年五月初三日趙爾巽奏保駐紮西路各防軍出力人員請獎案內奉 上諭嗣後參劾人員遇有勞

績保獎著將被參原案詳細聲叙另摺具奏不得籠統列單請獎等因欽此當經 臣部恭錄通飭在案此次該

督奏保勳辦蒙邊悍匪出力各員獎案仍將參劾人員籠統列單請獎 臣等礙難駁議除案內列保之道員用

候補知府范貴良等各員 臣部查照定章另行覈覆外相應請 旨飭下該督查明該革員滕椿等被參原

案詳細聲叙另摺奏請以符定制理合附片陳明謹 奏宣統元年正月二十一日奉 旨依議欽此

江西巡撫馮汝駮奏請以左秉鈞補宜春令摺 聖鑒事竊照袁州府屬之宜春縣知縣阮保泰病故經 臣附片

奏為遴員請補知縣以資治理恭摺仰祈 聖鑒事竊照袁州府屬之宜春縣知縣阮保泰病故經 臣附片

陳明所遺宜春縣知縣係稍衝不兼簡缺聲明扣留外補在案查坐補原缺裁缺即用迴避即用新選新補之

留省另補均無人查有曾任實缺服滿分發回江歸候補班補用知縣名次在前之左秉鈞年四十三歲湖南

湘陰縣人由監生在浙江遵海防例報捐縣丞指發江西試用經 欽派大臣驗看領照到江加捐新班

先補用免試用咨補南昌縣縣丞光緒十三年十一月十一日到任試俸期滿准銷試俸十八年在天津山東

新海防捐局遵例加捐遇缺先知縣在任候選前因勸辦蘇浙賑捐出力准保俟補缺後以直隸州知州補用

又在順直賑捐獎給花翎選授安仁縣十九年十一月二十五日到任經前撫 臣德壽 奏請開缺另補嗣委

署星子縣知縣印務題補星子縣知縣二十四年正月二十五日奉文到任試俸期滿准銷試俸因擊獲票匪

出力准保俟補直隸州後以知府用 奏調豐城縣知縣二十九年十月二十八日到任三十一年十一月在

任丁父憂回籍服滿起復赴部呈請分發仍歸江西原省補用經 欽派王大臣驗放堪以發往覆 奏

奉 旨依議欽此於三十四年五月十三日領照到省係到省後所出之缺例得請補該員才具穩練辦

事認真堪以請補宜春縣知縣員缺不積各項班次之缺據署布政使事按察使陳夔麟署提學使林開馨署

按察使事鹽法道慶寬會詳請 奏前來合無仰懇 天恩俯准將應補班補用知縣左秉鈞補授宜春縣

知縣如蒙 兪允該員係曾任實缺服滿候補知縣請補知縣銜缺相當毋庸送部引 見亦例不覈計

叅罰再此案該藩司於光緒三十四年十二月十六日出詳合併陳明謹會同兩江督臣端方恭摺具陳伏乞

皇上聖鑒訓示謹 奏宣統元年正月二十一日奉 旨吏部議奏欽此

陝甘總督升允奏請以傅景賢試署清水令摺

奏為揀員請署知縣員缺以裨地方恭摺仰祈 聖鑒事竊照甘肅清水縣知縣袁範病故遺缺前請以大

挑正班試用知縣朱海請署尚未奉准部覆該員於光緒三十四年七月二十五日在中衛縣署任病故業經

咨部開缺聲明清水縣缺仍按原出缺日期以原班序補自應照例辦理查例載各省州縣以上題奏補署各

缺於未經接到題准議准部文之先遇有丁憂事故其原缺仍以從前出缺之日按班序補等語今清水縣一

缺奴才督同藩學臬三司在於原班內查有大挑知縣傅景賢現年四十一歲係雲南會澤縣人由光緒乙酉

科舉人戊戌科大挑一等奉 旨以知縣用欽此籤掣甘肅旋即丁憂服滿起復後於二十七年三月領

咨到省年滿甄別委署安化縣知縣尚無遺誤該員才長守潔諳練老成以之請署清水縣知縣與例相符據

署甘肅布政使陳燦署提學使陳曾佑署按察使彭英甲會詳請 奏前來合無仰懇 天恩俯准以大挑

知縣傅景賢試署清水縣知縣實於地方有裨如蒙 兪允該員以知縣請署知縣銜缺相當毋庸送部引

見理合恭摺具 奏伏乞 皇上聖鑒訓示謹 奏宣統元年正月二十三日奉 旨吏部議奏欽

此

山東巡撫袁樹勛奏請以姜迺升補壽光令摺

奏為揀員請補要缺知縣以裨地方恭摺仰祈 聖鑒事竊查壽光縣知縣金猷大調補恩縣知縣接准部咨於光緒三十四年七月二十七日奉 旨應以五日後行文按東省照限減半計算扣至八月十六日

作為開缺日期歸八月分截缺所遺壽光縣知縣員缺係繁疲難兼三要缺例應在外揀選調補查定例州縣應調缺出俱令於現任人員內揀選調補如無合例堪調之員始准以候補即用人員題補等語該縣地接海濱民情刁悍政務紛繁必須精明強幹之員方克勝任據藩學臬三司於現任知縣內逐加遴選非現居要缺

即人地不宜實無堪調之員惟查有即用知縣姜迺升堪以請補壽光縣知縣等情會詳請 奏前來臣查姜迺升年三十五歲直隸朝陽縣人由附生應光緒二十八年壬寅補行庚子辛丑 恩正併科順天鄉試中式舉人三十年甲辰 恩科會試中式貢士 殿試三甲 朝考二等引 見奉 上諭著

交吏部掣簽分發省分以知縣即用欽此簽掣山東十月二十三日領照到省三十四年委署壽光縣知縣於是年十一月二十二日到任該員心精力果振作有為歷經差委並無貽誤以之請補壽光縣知縣實堪勝任與例亦符合無仰懇 天恩俯准以即用知縣姜迺升補授壽光縣知縣實於地方有裨該員銜缺相當毋庸送部引 見亦毋庸聲叙叅罰除咨部外理合恭摺具陳伏乞 皇上聖鑒敕部核覆施行謹 奏宣

統元年正月二十四日奉 旨吏部議奏欽此

●又奏委候補道陳炳文代理鹽運使片 再據署鹽運使崔鍾善稟稱以感冒風寒觸發痰喘舊疾不能治事懇請交卸等情前來臣查該署運使患病屬實現當整飭東綱之際病軀誠非所宜本應飭令新授鹽運使丁達意即赴本任因該員現在充沂曹濟道任內而補授該道之吳永又未經到省若令丁達意遽赴新任則該道員缺先須委員署理况兗曹一帶號稱難治輾轉更代誠恐有誤事機自不若就近委員暫權運篆俟吳

永到省再令各赴本任庶幾兩有裨益查有候補道陳炳文經理兩運井井有條於東綱情形極為熟悉當即委令暫代運司印務除咨部查照外謹附片陳明伏乞 聖鑒謹 奏宣統元年正月二十四日奉 旨

該部知道欽此

該部知道欽此

●又奏從九王篤明等河工積勞病故請議卹片 再查試用從九品王篤明歷充黃河堵口大工及監修分防差使暑雨祁寒積勞致疾上年春間派在中游簽隄周歷南北兩岸步行簽錐捕權不遺餘力因之感受風寒舊疾觸發該員當差勤奮猶復勉強支持每日徒步十餘里逐細簽查遂致病勢增劇竟於六月二十五日在工次病故又試用典史張駿聲上年春間奉委搜尋權洞捕獲甚多迨大汛接充分防所管利南營甯海等處險工林立該員搶護奔馳昕夕無間感受暑濕染患痢疾適值萬錦灘電報漲水險工吃重該員力疾從公不稍休息遂致病益沈重下游河工僻遠醫藥難求竟於八月十二日歿於工次以上二員均係積勞病故深堪憫惻先後據中下游督辦道員稟請 奏卹前來臣查近年河工積勞病故人員如已故候補巡檢向風致候補知縣湯炳南試用府經歷張振鏞均經前撫臣奏蒙 賜卹在案今王篤明等事同一律合無仰懇 天恩俯准將試用從九王篤明試用典史張駿聲均照軍營立功後積勞病故例 敕部議卹以昭激勸 出自 鴻慈除飭取履歷咨部外謹附片陳請伏乞 聖鑒訓示謹 奏宣統元年正月二十四日奉

旨著照所請該部知道欽此

科布多參贊大臣溥綱奏防兵缺額援案由綏遠城派撥差遣片

再科布多滿營戍防官兵每屆三年更換一次歷經循辦在案查光緒三十一年十二月間因科布多滿營續出兵額三名經前大臣奴才連魁奏請由綏遠城補調等因一摺奉 硃批著照所請該衙門知道欽此

欽遵在案茲查現因升補額外筆帖式暨委員各缺遣出兵額已至四名當此邊務日殷差遣需人之際實屬不敷委用若不隨時補調未免懸缺待人自應援照前案辦理期於公事無誤可否請 旨准由奴才咨行

綏遠城將軍照章派撥明白公事通曉清漢文藝書寫端楷之兵四名造 履歷清冊照案飭令幫同押解科布多明年前一半經費銀兩由驛前來以資差委如蒙 俞允奴才即欽遵將應調防兵銜名開列咨行該

將軍照章派撥以便差遣理合附片具陳伏祈 聖鑒謹 奏宣統元年正月二十四日奉 旨允行該

衙門知道欽此

西歷一千九百九年二月十九號 星期五

宣統元年正月二十九日第肆百陸拾玖號

本局設立北京東長安牌樓王府井大街

電話內城總局第二百零一號

政治官報

●宮門鈔	○交	旨一道	○事由單	●摺奏類一	○禮部奏添鑄	崇陵
●工程處關防	○呈印模摺	○改鑄典制	○呈印模摺	○甘督奏添募巡防	○法部會奏請	○飭催京外
●各衙門簽註新訂	○刑律草案摺	○浙撫奏參刑律草案	○江督等奏上年分應	○王錦銘濫刑斃命請革職歸	○王錦銘濫刑斃命請革職歸	○王錦銘濫刑斃命請革職歸
●併單	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺
●本折約數等摺	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺
●案審辦片	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺
●章○又擬定各廳州縣自治講習所簡章	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺	○魯濼奏估報上年運河工費銀數摺

政治官報 目錄

正月二十九日第四百六十九號

一

宮門鈔

正月二十八日 理藩部 廂藍旗值日 洵貝勒等由

西陵回京請 安

姚錫光等署缺謝 恩 岐公續假十日 洵貝勒等

江春霖各遞封奏一件

召見軍機 洵貝勒倫貝子澤公鹿中堂

諭旨

監國攝政王鈐章

正月二十八日內閣奉

上諭貝勒載洵等奏

崇陵工程請擇吉動土等語著欽天監於本年二月十五日以前選擇動土吉期具奏欽此

軍機大臣署名奕劻世續張之洞鹿傳霖那桐

監國攝政王鈐章

正月二十八日內閣奉

上諭四川巡警道員缺著高增爵補授欽此

軍機大臣署名奕劻世續張之洞鹿傳霖那桐

交旨

正月二十八日

監國攝政王鈐章

軍機大臣欽奉

諭旨載洵等奏查勘

崇陵工程情形一摺知道了又奏查看

妃園寢地勢繪圖貼說一片知道了圖二件留覽欽此

軍機大臣署名奕劻世續張之洞鹿傳霖那桐

正月二十八日內摺傳 旨事由單

禮部奏二十七日告祭

太廟改 派遣官錯誤自行檢舉事奉

旨依議○恭辦喪禮王大臣奏

孝欽顯皇后大事百日後內務府三旗官員等停止齊集事奉

旨知道了○又奏 孝欽顯

皇后大事請由二月初十日起念檢拾銀兩經事奉

旨知道了○理藩部奏遵議東三省總督徐世昌奏

籌設洮南驛站擬請開闢達爾汗旗道路事奉

旨依議○又奏車臣汗頭等台吉洛布桑吹都布瓦哈旺

帕勒齋達什車林預保長子給予加銜事奉

旨依議○又奏蒙古汗王等並無私用烏拉彙奏事奉

旨知道了○又奏上年十二月分共放過蒙古王公等盤費草豆銀兩數目事奉

旨知道了

正月二十八日外摺奉 旨事由單

楊士驤奏報明三十三年分廣恩庫租銀兩摺

該部知道○又奏直屬供應兵差墊用銀兩報銷摺 該部

知道○又奏請以唐則瑀升補易州直牧摺

吏部議奏○又奏候補牧王縉等期滿甄別片 該衙門知道

○又奏上年十月分雨糧情形摺

知道了○徐世昌奏補郵傳部尙書謝 恩摺 知道了○趙爾巽奏

川省用人援照廣西成案摺

吏部議奏○又奏庫儲奇絀懇免協餉摺 度支部議奏○又奏練兵期迫請

截留練餉摺

陸軍部議奏○又奏上年十一月雨糧情形摺 知道了○又奏試用道袁用賓期滿甄別片

該部知道○又奏辦理滇黔鹽務乙巳丙午兩綱人員請獎摺

允行該部知道單併發○又奏請以何廷

珍等補松潘中營游擊等摺

陸軍部議奏單併發○又代奏前黑龍江巡撫程德全恭慰 大孝摺 覽

○又奏籌解英德借款等摺

該部知道○又奏飭建昌道黃丙焜赴任片 知道了○又奏川陝鄂會哨事

竣片 知道了○又奏購辦機器回川由局驗收片 該部知道○又奏變通常例請以郭鍾美補江北廳同知摺 著照所請嗣後不得援以爲例該部知道○又奏改訂全省巡防營制餉章摺 該部知道○又奏請仍以提臣馬維騏充全軍翼長片 著照所請該部知道○又奏請將都司張繼良調川差委片 允行該部知道○又奏承襲世職照案彙奏摺 該部議奏單併發○又奏預解明年頭批甘餉摺 度支部知道○又奏洪雅令趙耀基丁憂開缺片 吏部知道○又奏平武令苗立勛修墓開缺片 吏部知道○又奏籌解滙豐銀款摺 該部知道○又奏解新案賠款片○該部知道○又奏合州孀婦唐趙氏等捐助善舉請予建坊片 允行該部知道○又奏防營善後應銷各款摺 該部知道○又奏籌撥懋功廳屯務經費片 該部知道○又奏盤查軍械片 知道了○又奏請以王典章調補巴縣令摺 吏部議奏○又奏委藩司監盤計岸官鹽片 知道了○又奏川鹽加價撥解賠款片 該部知道○又奏命案人犯黃效等審擬摺 法部議奏○又奏動支台費銀兩核銷片 該部知道○又奏各項台費於司庫貨釐項下籌撥銀兩片 該部知道○又奏命案絞犯向聾子等審擬摺 法部議奏○又奏員鳳林原造二十五年分台費邊費各案奏銷等片 該部知道○又奏三十二年分西藏靖西邊費收支銀兩核銷片 該部知道○又奏三十三年分鹽道經收鹽釐銀兩數目摺 該部知道○又奏灌縣令王用綬修墓開缺片 該部知道○又奏大邑令紹曾請開缺回籍片 該衙門知道○又奏命案絞犯李漣保等審擬摺 法部議奏○又奏解雲南協餉片 該部知道○又奏南充令蔡承雲病故片 吏部知道○又奏解貴州協餉片 該部知道○陳夔龍奏尋常校候各案彙奏摺 法部議奏單併發○又奏奉到 登極寶詔日期摺 禮部知道○又奏請以劉水金補均光營叅將摺 陸軍部議奏○又奏請以袁祖禮補鄖陽鎮左營游擊摺 陸軍部議奏○寶棻奏請以裁缺通籌黃廷輔補陶林廳通判摺 吏部議奏○又奏請將渠本翹劉篤敬留辦總理路礦免予扣資片 允行該部知道○又奏請以候補直牧周之驥補解州直牧摺 吏部議奏○又奏撥還三月分俄法洋款片 該部知道○又奏上年夏季分委署各缺摺 吏部知道單併發○又奏保候道黃爲幹片 封存○又奏十一月分

雪糧情形摺 知道了○趙爾豐奏創設關外製革工廠摺 該部知道○又奏接續展辦關外醫藥局片
該部知道○姜桂題奏謝優叙 恩摺 知道了○德麟奏謝加級 恩摺 知道了

摺奏類一

禮部奏添鑄 崇陵工程處關防進 呈印模摺

奏為進 呈印模事准 崇陵工程處咨稱奏請頒發關防一片奉 旨知道了欽此

抄錄附片知照到部查原片內稱恭奉 諭旨承修 崇陵工程凡遇應行文件均須

鈐用關防擬請 飭下禮部即行頒發關防一顆以昭信守等語當經 臣部片行吏部撰擬

字樣兼寫清漢送部去後茲據撰就片送前來 臣等查例開 欽差大臣關防清漢文尙方

大篆銅質長三寸二分闊二寸等語今添鑄 崇陵工程處關防一顆檢查例內並無明

文從前檔案亦經遺失無從查考所有關防式樣大小擬請比照 欽差大臣關防規制辦

理謹將吏部撰擬字樣繕具黃模恭呈 御覽伏候 命下 臣部遵奉鑄造為此謹 奏

請 旨宣統元年正月二十四日奉 旨知道了欽此

禮部奏改鑄典制司印進 呈印模摺

奏為進 呈印模事查 臣部前經具奏將儀制司敬避 御名改為典制司並改鑄司印等

因奉 旨允准在案當經片行吏部撰擬字樣兼寫清漢送部去後茲據撰就片送前來伏

查例開各部司印清漢文鐘鼎篆銅質直鈕方二寸四分厚五分今改鑄禮部典制清吏司印

一顆所有式樣大小厚薄悉照定例辦理謹將吏部撰擬字樣繕具黃模恭呈 御覽伏候

命下 臣部遵奉鑄造為此謹 奏請 旨宣統元年正月二十四日奉 旨知道了

欽此

法部會奏請 飭催京外各衙門簽註新訂刑律草案摺

奏為請

旨飭催京外各衙門簽註新訂刑律草案從速咨送以憑彙案核訂恭摺會陳仰

祈

聖鑒事竊新訂刑律草案總則分則前經憲政編查館咨交京外各衙門照章簽註在

案上年五月初七日經學部奏駁原奏清單各一件奉

諭旨學部奏請將中國舊律與

新律草案詳慎互校斟酌修改刪併以維倫紀而保治安一摺著修訂法律大臣會同法部按

照所陳各節再行詳慎斟酌修改刪併奏明辦理欽此嗣於七月二十五日經開缺安徽巡撫

馮煦奏駁原奏一件奉

硃批著修訂法律大臣法部議奏欽此復於九月十四日經直

隸總督楊士驤奏駁原奏清單各一件奉

硃批著修訂法律大臣彙同京外各衙門條

奏詳慎斟酌另訂具奏單併發欽此又於十月初三日經憲政編查館將郵傳部農工商部川

督粵督瀛督黔撫簽註總則分則暨熱河都統簽註總則各原文咨送臣館又於十二月三十

日經浙江巡撫增韞奏駁原奏清單各一件奉

旨該衙門議奏欽此竊維科條之設本模

範夫羣生而刪叙之方宜集平於衆議自應欽遵節次

諭旨會萃中外條辯抉擇所從

蔚為一代之典章則推暨不致扞格難行惟其餘各部院暨各省迄今尙未一律簽註咨覆伏

查

欽定逐年籌備立憲事宜清單本年核訂新刑律以備明年頒布蓋法律為立憲之

始基故年限所關尤為切近現在臣等亟待修改伏乞

飭下京外各衙門遵照定章簽註

分別從速咨送以便斟酌損益庶免參差而昭畫一所有臣等會陳

飭催簽註刑律草案

緣由伏乞

皇上聖鑒再此摺係法律館主稿會同法部辦理合併聲明謹 奏宣統元年

正月二十六日奉 上諭已錄

浙江巡撫增韞奏參刑律草案摺 併單

奏爲參考刑律草案謹擇要繕具清單恭摺具陳仰祈 聖鑒事竊查前撫臣馮汝駭任內

承准憲政編查館王大臣先後咨送刑律總則分則草案行令討論參考分別簽註咨復彙核等因奴才到任後節經督飭臬司詳加考訂竊維化民之道禮教爲先禮教所不能化者則施刑罰以濟其窮此法律所由設也漢唐以前民氣樸厚律法尙簡降及後世民情變幻莫測遂多設科條以爲補救現行條例繁苛冗沓之弊誠所難免近年宏開海禁中外大同揆諸現今情勢誠難墨守舊例自爲風氣此次新定刑律草案經修訂法律大臣採取各國之成規詳考中國之沿革發明註意詮述理由纂訂至爲詳博惟改革之初必須適合乎風俗人心方足以垂永久而資遵守奴才愚慮所及有不能已於言者夫尊君親上禮教之大防現行律例如危害乘輿車駕者惟合和御藥及乘輿服御物有失誤之文餘無過失寬刑之典誠以君上尊嚴凜乎不可侵犯今草案增設過失一條治以二三等有期徒刑及罰金竊取御物亦僅處以徒刑是使奸民得以藉詞卸脫啟其藐玩輕忽之心而犯者衆中國風俗如干犯倫常敗壞名教既爲人心所同惡卽爲國法所不容今草案傷害尊親致成殘廢貸其死罪將使倫紀綱常翻然廢棄則忤逆之徒罔知儆畏非所以安上而全下也強盜得財及以藥迷人得財舊律均擬死罪今草案處以三等以上有期徒刑一旦限滿釋放更無忌憚得以肆行其兇惡殺死人命不問案情輕重任審判官隨案規定斷難平允非所以除暴而安良也以上數端妨害禮教民情及於民間之生命財產大有關係此外與中國風俗人心寬嚴輕重互有出入之處以及語

涉疑似者甚多茲特擇其最要數條加以按語另繕單以備 聖明甄擇總之刑法變更可以與時爲進止不容削足而適履倫常名教斷難自棄防閑鋤惡懲奸尤宜加重刑典若徒慕文明概從寬濫竊恐法權未握內潰先形馴至不可收拾查中國現在教育審判警察監獄各規制諸未完善前於光緒三十四年正月間經修訂法律大臣等奏請編定現行律次序秩然足爲推行新律之預備合無仰懇 天恩敕下憲政編查館會同修訂法律大臣暨法部趕將現行律編定頒行一面將新刑律草案覆加考核妥慎釐訂期於中國禮教民情悉相符合以仰副 朝廷明慎用刑之至意除咨覆憲政編查館彙核外所有參考刑律草案緣由理合擇要繕具清單恭摺具陳伏乞 皇上聖鑒訓示謹 奏光緒三十四年十二月三十日奉

旨該衙門議奏欽此

謹將刑律草案內語涉疑似及於中國禮教民情不甚合宜各條擇要加具按語繕單恭呈 御覽 謹開

第二十七條 凡犯罪之重輕據各主刑中最重者定之最重刑同等據最輕者定之輕重俱同者據犯罪情節節定之 按本條注意內稱如甲罪爲二等有期徒刑而乙罪爲三等有期徒刑以乙罪爲重核與本條前半據最重者定之之意相反又與第二十六條未能適合且甲係二等乙係三等一重一輕本非同等何舍重而就輕實未解其命意 第四十條 凡孕婦受死刑之宣告者產後經一百日非更受法部之命令不得執行 按現行例內婦人犯死罪一經奉部覆准亟應照例處決因其懷孕寬其日期此條非更受法部之命令不得執行是否產後百日限滿仍應報部俟續奉部之命令再行執行詞意未明難資遵守 第四十五條第三款 罰金總額之比例逾三年之日數時繳納其一部分者用按分比例定處分之日數 按罰金不納易以監禁而監禁不得逾三年若逾三年止納一部即用按分比例再定處分是否再予監禁處分抑或仍照罰金原案除去四分之一之二之數減輕其罪改爲拘留處分語意實未明晰 第五十七條注意第

二項 一等有期徒刑加一等即爲無期徒刑加二等即爲唯一之無期徒刑 按第五十六條注意第二項不得加入死刑及無期徒刑其科一等有期徒刑仍爲一等有期徒刑但加重一等時可至二十年以下十年以上加重二等時可至二十年以下十五年以上等語核與本條兩歧且與本條止加重其罪輕之刑之條亦不相合 第八十八條 凡加危害於乘輿車駕及將加者處死刑 第八十九條 凡因過失致生前條所揭危害者處二等或三等有期徒刑或三千元以下三百元以上罰金 按現行律內危害乘輿車駕者惟合和御藥及乘輿服御物有失誤之文餘無過失寬刑之典蓋欲使知君上尊嚴凜乎不可侵犯洵爲至當之罪今草案增設過失一條治以二三等有期徒刑及罰金是使奸民得以藉詞卸脫敢其藐玩輕忽之心而犯者衆 第一百三十一條 凡關於中國之內治或外交應秘密之政務而洩洩者處三等或四等有期徒刑 若暗通於外國時處二等或三等有期徒刑 因犯前項之罪至與外國生紛議或戰爭者處無期徒刑或一等有期徒刑 按現行律內衙門官吏若與內官及近侍人員互相交結洩洩事情夤緣作弊扶同奏啓者皆斬此就內治而論也若夫外交應秘密而洩洩因洩洩而紛議因紛議而戰爭致傷邦交致滋禍亂其情罪更爲重大治罪益當嚴厲庶足以懲奸慝而臻治安今僅處以徒刑弛法縱奸國事何堪設想 第一百五十二條 凡當官吏施行職務時加暴行或脅迫者處四等以下有期徒刑拘留或三百元以下罰金 按現行例內不服拘拿不遵審斷或懷挾私仇及假借地方公事挺身鬧堂殺害本官者不分首從斬立決已傷者爲首斬決爲從下手者絞候以其兇暴顯著故治罪特嚴今僅處以四等以下有期徒刑及拘留罰金情浮於法將有水懦民玩之虞處置失權何能治安 第一百六十三條 凡聚衆欲爲暴行或脅迫已受當該吏員解散之命而仍不解散者處四等以下有期徒刑拘留或三百元以下罰金 按結黨必先治首懲一可以儆衆若聚衆滋擾經官理喻仍不解散其爲首糾衆之人法無可貸必須從嚴懲治以儆其餘斷非四等以下有期徒刑及拘留罰金所足蔽辜且於治安之道大有妨害更不得不詳審而慎處之 第一百六十四條 凡聚衆爲暴行或脅迫者從左列分別處斷 首魁無期徒刑或二等有期徒刑 按現行例內刁民假借地方公事

強行出頭逼勒平民抗糧聚衆構訟罷市爲首斬立決如闕堂塞署逞兇毆官爲首斬決梟示今草案以罪之首魁僅處徒刑無論有期無期均屬輕縱適足以長刁風斷難昭示炯戒 第一百六十八條 凡既決未決之囚人及其餘按律監禁者若損壞監禁處所械具或以暴行脅迫或三人以上共同逃者處二等至四等有期徒刑 第一百六十九條 凡盜取按律監禁人者處二等至四等有期徒刑 按現行律例罪囚反獄在逃者皆斬又劫囚者皆斬所以嚴懲不法重治兇惡寓刑期無刑辟以止辟之意若僅處以二等至四等有期徒刑不特情重法輕不足以示懲戒抑且失去治安主權後患何堪設想 第二百七十四條 凡用暴行脅迫或用藥及催眠術並其餘方法至使不能抗拒而姦淫婦女者爲強姦罪處二等以上有期徒刑 按現行律例強姦者絞輪姦照光棍科斷查婦女以名節爲重今被行兇之徒壞節敗名治罪尤宜嚴重若僅處以二等以上有期徒刑是使淫兇肆行污辱婦女毫無羞耻文明禮教固如是乎 第二百九十九條 凡殺人者處死刑無期徒刑或一等有期徒刑 按現行律內殺死人命分謀故鬪戲誤過失等項視情節之重輕定罪名之差等原定各律足資引斷若不問案情任審判官隨案規定斷難平允大失明慎用刑之道 第三百零二條 凡傷害尊親屬之身體者從左列分別處斷 因而致廢疾者無期徒刑或二等以上有期徒刑 按現行律內子孫毆祖父母父母及妻妾毆夫之祖父母父母者皆斬註云凡預毆者不分首從皆斬不論有傷無傷與傷之輕重所以懲惡逆重人倫也今草案傷害尊親致成殘廢貸其死罪殊不足以懲忤逆而敦倫常 第三百五十一條 凡以自己或第三者之所有爲宗旨而用暴行脅迫或使人昏迷而強取他人所有之財物者爲強盜處三等以上有期徒刑 按現行律例強盜得財以藥迷人得財均擬死刑今草案處以三等以上有期徒刑一旦限滿釋放勢必更無忌憚得以肆行其兇惡甚非除暴安良之道 第三百六十二條 凡以自己或第三者之所有爲宗旨用欺罔或恐喝使人以所有之財交付於己者爲詐欺取財處三等以下有期徒刑 按現行律例恐嚇取財門內定有捉人勒贖之例節經加重新章改照強盜律治罪以其倚強擄捉肆意凌虐勒令用財取贖兇暴情形與強盜無異故治罪特嚴且浙省捉人勒贖之案層見迭出若僅處以

徒刑其何以懲強暴而望治安光緒三十四年十二月三十日奉 旨覽欽此

陝甘總督升允奏添募巡防馬步各隊請 飭部立案摺 併單

奏為甘肅陸續添募巡防馬步各隊請 旨飭部立案恭摺仰祈 聖鑒事竊維甘省控

制西陲幅員遼闊加以種族雜居教堂林立無在不為緊要之地卽到處宜有游弋之師奴才

抵任以來察看東西大道駐有巡警馬隊往來巡緝兼護餉差尙可無慮惟南北兩路地面各

千餘里殊形空虛且自固原西甯河州各以步隊三旗改編新軍應照定章朝夕訓練所留分

防勇營實有鞭長莫及之勢迭據地方官紳合詞稟懇自不能不陸續添募擇要駐紮俾資鎮

攝而靖閭閻計節年共募巡防步隊二旗馬隊一旗五十騎小馬隊二起四十騎小馬隊二起

三十騎小馬隊三起二十騎小馬隊二起皆因防地之廣狹定人數之多寡只求足數分布不

在徒飾外觀故現行章制未能畫一蓋為餉力所限不得不略事變通也第此項軍隊或因辦

理番案或為保衛地方皆隨時隨事酌量增添故尙未報部有案茲據甘肅布政司查明添募

馬步各隊成軍日期造具餉章清摺詳請 奏咨前來奴才覆核無異除分咨陸軍部度支部

查照外理合恭摺具 奏並繕清單恭呈 御覽伏乞 皇上聖鑒飭部立案謹 奏宣

統元年正月二十三日奉 旨該部知道單併發欽此

謹將陸續添募馬步各隊分別繕具清單恭呈 御覽 計開 巡防第一隊步隊一旗委藍翎拔補千總

顏鎮南管帶三十三年六月初一日成軍起餉 巡防第二隊步隊一旗係以甘軍步隊改編委記名總兵姚

炳義管帶三十四年二月十一日改募成軍起餉 巡防第五隊馬隊一旗委正任洮岷協副將趙有正管帶

三十三年四月初一日成軍起餉 巡防中起小馬隊四十騎委花翎守備馬國仁管帶三十二年閏四月初

一日成隊起餉 西甯鎮查礦馬隊四十騎委藍翎分省補用縣丞馬鴻賓管帶三十四年五月十一日成隊

起餉 巡防左起小馬隊三十騎委前雲南古州鎮總兵李昌麟管帶三十一年十一月初五日成軍起餉
巡防右起小馬隊三十騎委都司馬福壽管帶三十一年十一月十七日成隊起餉 督標巡防小馬隊三十
隊係以甘軍改編委記名總兵姚炳義兼帶三十四年二月十一日改募成隊起餉 巡防右起小馬隊原招
三十騎係都司馬福壽管帶三十四年八月初一日添募二十騎共馬隊五十騎 甯夏鎮巡防小馬隊五十
騎委藍翎把總張書義管帶三十四年正月初一日成隊起餉 河州鎮親軍小馬隊二十騎係河州鎮總兵
羅平安兼帶三十四年四月初一日成隊起餉 甯夏鎮親軍小馬隊二十騎係甯夏鎮總兵張永清兼帶三
十一年九月二十八日成隊起餉宣統元年正月二十三日奉 旨覽欽此

甘肅新疆巡撫聯魁奏設陸軍小學堂辦理情形摺

奏爲新疆遵設陸軍小學堂謹將就地酌量辦理情形奏請 飭部立案恭摺仰祈 聖

鑒事竊新疆遵設陸軍小學堂經 奴才於光緒三十二年八月隨案聲明已飭司道就南城外
機器局舊址添築堂舍並奏請 飭部挑選教習送新以便開辦在案嗣准陸軍部選派

陸軍候差師範生三名咨送到新當經通飭各屬挑選合格學生送省考驗入堂肄業刊刻新
疆陸軍小學堂木質闌防札委布政使王樹枏鎮迪道兼按察使銜榮霈爲總辦飭令揀派委
員尅期迅速開辦去後旋據該總辦等詳報就機器局房屋改建學堂添築講堂齋舍禮廳操
場等處已於光緒三十三年七月一律工竣即於八月初一日開學查陸軍小學堂原爲造就
初級學生以備升入中學之選一切教育管理各事宜自應遵照 奏定章程辦理惟新省邊
遠與內地情形難以強同不能不酌量變通如定章陸軍學生應由各州縣高等小學堂按格
挑選新省繹民居十之七蒙哈布回居十之二漢民僅十之一回繹迷信宗教不樂讀書漢民
皆僑虜經商無志進取各屬小學堂甫經開辦尙無程度較優之學生可以選送是以前次考

取各生無論土著客籍但有年齡體質合格曾經讀書識字之子弟即從寬收錄照章新省每年應收學生七十名三年應收學生二百一十名上年開辦之初自秋迄冬幾經搜羅始收七十名之額本年暑假後即應續收第二班除由省城招考外復經通飭各屬一體挑送計申送者間有一二而以無人應選申覆者居多蓋風氣未開視嚮學爲畏途勢難強迫現在二班收考久已逾期應者寥寥將來合之第三班能否湊足七十名尙不可知陸軍小學堂功課係屬普通必中學先有根柢乃可徐求進步新疆陸軍學堂各生就地取才國文既未明通則於輿地歷史兵學格致及外國語文斷難一律依限畢業體察情形必須各屬小學堂辦有成效而後照章挑選乃有合格之學生否則粉飾足額不堪造就於教育仍無把握此限於人地不得不循序漸進也至開支一切經費新疆係受協省分尙未籌有的款暫由司庫撥用不能不量加撙節通計第一年額支經費合委員教習薪水學生火食津貼及各項人役工食實需湘平銀一萬四千四百五十八兩其餘建築齋舍購置圖書器物藥品等項尙不在內事屬創辦粗具規模應行改良推廣之處容當妥酌辦理據該總辦等詳請 奏咨立案前來奴才維陸軍小學爲講求軍政之本自該堂開辦後屢經親往考察雖程度稍低而各教員均能認真講授諸生年齡體質亦屬合格惟有責成該總辦等隨時督課逐漸擴充以期仰副 朝廷經武儲才之至意至邊地學生甚少自應略爲變通任缺毋濫現仍飭隨時收考如一時實難足額俟各屬小學堂辦有成效再行按格挑選補足除將該堂規則章程並管理各員銜名暨學堂編制圖冊咨部查照外所有新疆遵設陸軍小學堂酌量辦理情形謹會同伊犁將軍臣長庚陝甘總督臣升允喀什噶爾提督臣焦大聚恭摺具陳伏乞 皇上聖鑒飭部立案施行謹

奏宣統元年正月二十七日奉

旨該部知道欽此

摺奏類一

兩江總督端方江蘇巡撫陳啟泰奏上年分應徵漕白二糧起運本折約數等摺

奏為蘇省光緒三十四年分應徵漕白二糧核計起運交倉本折銀米約數恭摺馳陳仰祈 聖鑒事竊准

部咨飭令江浙兩省本年所徵本色內仍共酌留京斛漕白糧米一百萬石由海運京餘仍改折等因當經照

案咨部蘇六浙四分成認運以符奉撥百萬之數其餘糧漕全行改折以應要需伏查蘇省糧漕已蒙 恩

旨永減現當撥款浩繁亟應力籌足額惟蘇州等屬荒田雖經疊飭招墾祇以頻年歉收復額不易所有光緒

三十四年分應徵原復熟及新墾屆徵各田因六月間連旬陰雨低區積水禾苗多被淹沒受傷迨交秋後正

當揚花結鈴之際復遭狂風搖撼以致結穗稀疎收成頗行減色業將地方秋成歉收情形屬查勘分別輕

重另行奏懇 恩施並將鎮江府屬之丹徒縣應徵漕糧循舊坐撥旗營兵米邀免起運外所有蘇州等屬

之長洲元和吳縣吳江震澤常熟昭文崑山新陽靖湖華亭奉賢婁縣金山上海南匯青浦川沙武進陽湖無

錫金匱江陰宜興荆溪丹陽金壇溧陽太倉鎮洋嘉定寶山等三十二州縣應徵漕白二糧經臣等督同司

道飭屬核實釐剔除清賦案內增徵米石照案折價充餉提出另辦外約計應徵漕白交倉正耗米八十一萬

三千七百二十餘石內除認運本色漕白交倉米六十萬石外實該約計改折漕糧交倉米二十一萬三千七

百二十餘石又除剝食耗米二萬一千九百一十餘石內隨運本色米一萬六千二百二十餘石改折米五千

六百九十餘石又籌備二升餘米一萬六千二百七十餘石內本色米一萬二千石改折米四千二百七十餘

石又以船耗米六萬六千五百三十餘石內本色米四萬九千四百四十五石零改折米一萬七千九十餘石邊

共改折項下約計正耗各款共米二十四萬七百七十餘石每石以二兩八錢五分折解合銀六十八萬六千

一百餘兩又水脚運費約銀一十五萬九千八百餘兩共可得銀八十四萬五千九百餘兩今屆運倉本折米

數比較上年徵有短絀實因秋成歉減委已搜剔無遺應請就數起運據蘇州布政使瑞澂蘇松督糧道惠綸

會詳請 奏前來臣等覆覈無異除飭司道督飭各屬趕緊徵收分別運解並核明起運漕白本折確數開摺
詳辦暨先抄奏咨明度支部查照外謹合詞恭摺由驛馳陳伏乞 皇上聖鑒訓示謹 奏宣統元年正月
二十二日奉 旨度支部知道欽此

山東巡撫袁樹勛奏估報上年分運河工費銀數摺

奏為估報山東省光緒三十四年分運河工費銀數恭摺仰祈 聖鑒事竊查山東省運河直貫黃河南北

地段綿長從前疏濬修防費用至為繁鉅光緒二十九年經前任撫臣周馥核定常年經費減為每年歲修銀
三萬兩搶險銀二萬兩挑工銀二萬五千兩共銀七萬七千兩 奏蒙 飭部核准即從是年起一律遵

辦所有應辦工程均先估後銷歷經 奏報三十四年正月間前署撫臣吳廷斌因借款大挑南運河並改挑

十字新河用銀二十一萬五千餘兩報請另撥經部核飭於常年經費內分年節省陸續攤還亦即轉飭遵照

各在案茲據運河捕河兩廳員勘估光緒三十四年分運河應辦工程如歲修嶧滕沛魚濟鉅嘉及汶上等汛

土石各工四十六段計長四千七十二丈需用銀二萬九千九百四十七兩零又嶧滕沛鉅嘉及汶上濟甯衛等

汛運河兩岸埽壩引渠搶險各工七十七段計長五千五百六十九丈八尺需用銀一萬九千九百七十八兩

零又挑挖滕汛塘長河淤淺十處計長一千八十五丈需用工價銀三千九百八十八兩零三共銀五萬三千八

百四十五兩零較原定七萬五千兩之數計節省銀二萬一千一百五十四兩零即以爲大挑案內第一年攤

還之款呈由兼管河務兗沂曹濟道丁達意核無浮冒詳請 奏咨前來臣覆核無異除咨部查照並飭另行

造報外所有光緒三十四年分估需運河工費銀數謹恭摺具陳伏乞 皇上聖鑒敕部查核施行謹 奏

宣統元年正月二十六日奉 旨該部知道欽此

新疆巡撫聯魁奏通判王錦銘濫刑斃命請革職歸案審辦片

再代理葉城縣知縣候補通判王錦銘因經收折征糧草司事黃芷溪心懷缺望被革在外稱欲上控該通判
夜半親率丁役借稽查匪類爲名鎖拿到署逞忿用皮鞭拷打因傷越日斃命經屍屬人等控由莎車府委員

相驗屬實先後報由奴才批飭提省發委迪化府審明詳辦茲據報王錦銘供情閃爍與屍屬證佐及掌刑衙役人等各供互異顯係恃符狡展等情並據鎮迪道兼按察使銜榮霈詳請 奏叅歸案審辦前來奴才覆核無異案關官吏懷挾私嫌濫刑致斃人命未便稍事姑容相應請 旨將鹽提舉銜新疆候補通判王錦銘先行革職以便歸案審明照例懲辦除咨部外謹會同陝甘總督臣升允附片具陳伏乞 聖鑒訓示謹奏宣統元年正月二十七日奉 旨著照所請該部知道欽此

●又奏查明被災地方酌籌調劑片 再奴才於光緒三十四年十一月二十四日承准軍機大臣字寄光緒三十四年十月初三日奉 上諭本年廣東湖北湖南猝遭水患曾經分別頒發帑銀並由該督撫等妥籌賑撫其餘福建安徽直隸黑龍江甘肅等省曾報偏災亦經先後諭令該督撫等籌辦急賑妥為撫恤小民諒可不至失所惟念來春青黃不接之時民力未免拮据著該督撫等體察情形如有應行接濟之處即著認真查明據實覆奏務於封印以前奏到候朕於新正降旨加恩此外各該省有無被災地方應行調劑之處並著一體查明具奏茲經降旨諭令該督撫等痛除積習飭屬確查毋任豪強胥吏盤剝欺侵該督撫等務當恪遵前旨實力奉行不得稍有捏飾以副朝廷實惠及民之至意將此通諭知之欽此遵 旨寄信前來仰見我

德宗景皇帝軫念民依無微不至普天率土感激涕零當即欽遵督飭藩司王樹枏詳查新疆各屬本年夏秋收成通計六七分歲稱中稔惟鎮西廳被蝗甯遠縣被雹傷麥苗莎車府與孚遠阜康兩縣因山水陡發淹沒秋禾塢麥房屋亦略有衝塌之處前已將成災大概情形具摺 奏明並經先後飭司委查災傷輕重擇實隨時妥為賑撫一面造具被災花戶地畝確數冊結再行奏請蠲緩本屆錢糧藉紓民困在案此外別無被災之區即前成災各屬其中亦祇鎮西甯遠兩處較重餘皆所損無多且係鄉村一隅之地業飭遵該地方官於來春青黃不接之時查察被災各戶應行賑濟者概予散借籽種食糧毋使一夫失所以仰副 聖朝子惠元元至意所有遵 旨查明新疆被災地方來春酌籌調劑緣由除咨部外謹會同伊犁將軍臣長庚陝甘總督臣升允附片具陳伏乞 聖鑒謹 奏宣統元年正月二十七日奉 旨該部知道欽此

宣統元年正月分政治官報勘誤表

號數	葉數	行數	字數	工誤
四百六十一	十八	十七	三十	
四百六十三	七	一	二十三	

正公爾

政治官報 正月分勘誤表

政治官報正月分目錄

咨劄類

郵傳部札電政局保送電生並創設電料製造廠文

憲政編查館咨覆京旗諮議局籌辦處調查選舉文

又咨取各部院現行官制奏案文

又咨覆順天府由步軍統領衙門派員辦選舉文

山西諮議局籌辦處選舉期限清單二十四日

又擬定各廳州縣自治講習所簡章二十九日

法制章程類

吉林教育官報章程十二日

又札北京電話局購買新式機器訂價文十三日

又通行各省刊印答覆詢問諮議局章程分

又咨各省調查事件應隨時編訂送館文二十日

晉撫咨籌辦處各章程請編查館立案文二十三日

又自治研究所簡章二十六日

咨
劄

郵傳部札電政局保送高等電生考用並飭議創設電料製造廠辦法文

爲札飭事承參廳法制科案呈據留日學生何一新稟稱頃閱報章登載貴部收回商電自宣統元年起核減二成每年約短收六十餘萬凡屬商界政界學界無不歡迎等語捧誦之下不禁爲中國前途幸非貴部及政府之大魄力曷克臻此彼商人營業性質沾沾目前小利斷不能望電政之發達遠甚近又聞因大操而修安徽至太湖電綫三百餘里因軍務而修貴陽至興義一千餘里因邊防而修科布多至綏來二千餘里因振興實業而修太原至歸化至甯夏二千餘里因交通腹地而修保信七百餘里漢信六百餘里汝光三百餘里汀漳五百餘里宜荆上海川沙吳城廣信萍鄉義甯等不下二千里近又復收回東三省東清全路日俄電綫爭回利權甚大又不惜重貲改用新式電話提倡無綫電報籌設川藏五六千里之綫開全國交通最大之機關一年之間百廢具舉以今日之效果證以昔日之浮言則貴部經營之苦心可以昭然若揭惟竊有請者凡自古辦事首重人才而人才非培植不可近聞上海雖有實業學堂而款項不足成材甚少伏願貴部於京師設立實業專門學堂及多送學生出洋或就現在出洋學生幫貼學費使之畢業後歸爲我用自己設廠製造材料以塞漏卮此又辦理電政之要著生等所日夜翹企者也生等爲貴部銳意振興部務故敢貢埃壤以期一助並非希圖私利等語查中國報價甲於全球非大加核減無以期發達故本部不惜減折數十萬以利各界之交通至推廣各省邊僻綫路本無利之可言然爲大局起見自不能顧惜目前小費况電政既改歸官辦自與商辦性質不同必須統籌全局雖或小有虧缺而此絀彼盈實可收間接之利益統計之於國家實無所損此電報之所以必須官辦也至培養人才一節本部現在署中設立交通高等學堂已派留日學員李主事景銘方主事兆鰲就近調查日本郵電學堂辦法繪具圖說寄部并已建蓋房屋訂立章程一俟聘定教習夏間即可開辦擬即考取各省實業

學堂高等生以充其選至派遣學生出洋及幫貼出洋學費一節本部管轄上海高等實業學堂除前經派遣英美法比日學生三十餘名外復津貼留日自費學生五十名并已咨行駐日出使大臣擇取畢業專門優生咨送本部錄用上海實業學堂經費支絀經本部飭令電政局每月籌墊七千兩并撥給電局花紅以資補助均經本部提倡不遺餘力現在該堂實力整頓成效昭著至設廠製料一節本部於上年四月間派周道萬鵬吳主事桂靈赴葡京電會之便到美攷查電廠辦法現美商平嘉禮到華願訂條約合股創辦如果此事一成不特中國之生料可減輸出外國之熟料可減輸入挽回利權不少即工匠人等俱用中國人則養成人才甚多且可免數千人之坐食即如吳慈讓鄭鴻等呈驗乾濕各種電瓶因係手造故未合格若設廠經練便可成材實爲今日之要著爲此札飭札到該局即便遵照慎選該局附設學堂高等學生保送聽候考試錄用至設廠一事仰即統籌每年需用材料若干成本若干養廠經費若干或先造一二樣通行材料或兼辦別項營業務期節省經費堵塞漏卮即與平嘉禮妥商辦法稟候核奪切勿延此札

郵傳部札北京電話局購買新式電話機器核實訂價文

爲札飭事電政司案呈照得前因北京電話機器大小呼應不靈未鑿人意亟須籌換新機以圖改良當經札飭周道萬鵬前赴萬國電政公會順道攷求東西各國電話并令各洋行開具機件價單送部核奪在案茲據東西各洋行將各項價單陸續寄到查閱單開各節固價目之不同亦良窳之各別亟須認真攷求加意比較以爲一勞永逸之舉合將原單札發札到該局即便遵照詳細考核并由該局擬定合同底稿呈候核奪總以物良適用款不虛糜所有回用使費陋習悉予刪除以歸核實無論本部及該局人員如有在外招搖撞騙一經查實定必嚴行叅辦當此整頓之際各該員務當潔己奉公保全名譽是爲至要凜之此札

憲政編查館咨覆京旗諮議局籌辦處選舉事宜仍宜遵章詳細調查文

爲咨覆事准管理京旗諮議局籌辦處事務值年旗王大臣咨稱據本處總辦雙浚等呈稱職等詳細尋繹原章程所載被選舉各項資格外省易於舉辦京旗略有不同擬請將京旗候補候選人員歸入曾任實缺一項內一體選舉並將京旗不同之處逐款聲明請咨行憲政編查館查核示覆等因前來查款內所開各節自係實在情形惟選舉各事皆握要於調查本館奏定諮議局章程時亦知各項資格皆屬不易清查不獨京旗難辦外省之府廳州縣尤爲棘手故議員選舉章程第十七第十八第十九等條皆列調查方法京旗固屬散漫無紀至辦理公益及學務人員當自不少舉貢生員無論是否曾在學堂畢業除不滿二十五歲者外仍應詳查列入選舉簿五千圓營業資本八旗誠屬無多而不動產之土地房屋所在皆是應仍各宜遵章詳細調查不使漏略方屬妥洽至旗人在各部院衙門當差官員本非本省官吏自不在限制之列惟八旗官員應以系佐正印人員爲限照本省官吏停其選舉及被選舉權其餘無論實缺候補候選但合諮議局章程第三條資格之一者均得有選舉及被選舉權本館前覆杭州駐防沁電亦即畧同此意總之選舉事屬創始辦法極爲繁難惟有切實調查方足以昭公允而維選舉相應咨行貴處查照飭遵可也須至咨者

又通行各省刊印咨覆詢問諮議局章程分咨備攷文

爲通行事光緒三十四年七月十七日本館通行奏定諮議局章程文內聲明諮議局關係重要選舉事宜尤屬創辦此次所訂章程頭緒繁多條文細密各省如有疑義應隨時咨詢本館以便詳爲解釋俾免歧誤等因嗣據各省陸續咨電詢問各項疑義業經本館隨時咨覆各在案查此項咨覆各省自應一律按照通用免涉紛歧茲特刊印成本分咨各省以備參攷嗣後

續有答覆仍隨時通知相應咨行貴 查照通飭遵辦可也須至咨者

又咨取各部院現行官制奏案文

爲咨行事照得本館奏定議院未開以前逐年應行籌備各事一摺業經奉 旨欽遵通

行在案所有本年籌備事宜其釐訂官制一項係由本館會同會議政務處辦理查各衙門官制於光緒三十二年有經總司核定官制王大臣奏定者有未經總司核定官制王大臣奏定者嗣各衙門均有自行核擬奏請變通之處本館刻屆釐訂京師官制期限急待彙考應請將迭次奏案各檢齊十分於十日內咨送到館將來如有續行奏改亦即隨時咨明本館以資考核相應咨行貴 查照辦理可也須至咨者

又咨各省調查事件應隨時編訂送館不必待統計表式文

爲咨明事光緒三十四年十二月初三日准 東三省總督 天巡撫 咨開省城設立調查局開辦情形前

經咨明在案現據司道及府廳州縣各衙門呈報統計處均已次第成立惟未奉到頒發表式所有調查各事無從填報咨請速將表式頒發等因查本館奏定各省調查局辦事章程第十條凡調查局調查所得之件應按類編訂呈由本省督撫咨送本館第十二條統計事項按照本館所定表式飭各衙門添設統計處分別列表彙送調查局各等語是調查事件與統計事件應分兩項辦理統計所辦事宜應候本館頒定表式而調查所得事件本兼法制統計兩項在內應即隨時按類編訂咨送本館不必盡待表式且統計事件亦須以調查事實爲先務須准各部先後送至表冊均係照此辦理除督飭館員先將核定統計表式尅日奏請頒行外誠恐各省調查局調查事件或有停待稽延合即通咨照辦以符原章而免誤會除咨覆外相應咨明貴督撫查照辦理可也須至咨者

憲政編查館咨覆順天府暫由步軍統領衙門派總管理員會辦選舉事宜文

爲咨覆事接准咨稱據大宛兩縣稟陳京營地面未能直接情形隔閡呼應不靈所有初選事宜擬請咨呈貴館援照 奏定八旗左右兩翼及內外城巡警總廳各派總管理員一人辦法咨由步軍統領衙門於京營地面亦遴派總管理員各一人會同該兩縣辦理各等情到府據此查所稟各節委係實在情形除稟批示並分咨查照外相應抄錄原稟咨請貴館查照核辦迅賜見覆等因前來查本館原奏不及城外京營地面者以京營各員所掌多係辦理緝捕事宜至選舉之事以人民賦稅爲主乃地方官行政之責故令該兩縣專辦以清界限茲復據稱不能直接辦理事屬創始姑予變通暫由步軍統領衙門亦派總管理員二人會同辦理城外京營地面選舉事宜相應咨覆卽由貴衙門逕咨步軍統領衙門查照辦理可也須至咨覆者

山西巡撫咨呈諮議局籌辦處各項章程請憲政編查館立案文

籌辦處章程已登去歲十二月二十二日本報除章程錄後

爲咨明事據山西諮議局籌辦處布政使丁寶銓呈竊照前蒙撫院札開准憲政編查館咨開各省設立諮議局事關重要自應設局創辦其詳細章程俟釐定就緒卽當 奏請頒行以資遵守等因遵卽遴選士紳分課制事並由各區選派議員擬定創辦所章程二十一條附設自治研究所以預備將來議員當於本年五月初十日呈蒙批准並頒發刊成木質關防到局以憑開辦又於本年七月十四日奉憲台札開照得本部院於光緒三十四年七月初三日具

奏遵

旨遴員開辦諮議局並附設自治研究所一摺茲於初九日欽奉

硃批該

衙門知道欽此合亟恭錄札知等因蒙此嗣又於八月初七日奉撫院札准憲政編查館咨開本館會同資政院具奏擬定諮議局章程及議員選舉章程並聲明現在諮議局尙未成立各

省應就省會地方先行設立諮議局籌辦處所有各省現設之諮議局應一律改稱諮議局籌辦處等因蒙此將章程頒發前來遵即將原設之諮議局創辦所照章改爲諮議局籌辦處均已先後詳明在案茲因開辦將及半載溯自本年六月十三日開局至十二月初一日所有籌辦各事應援照每屆六個月將籌辦成績咨報憲政編查館查核之例依次臚列敬爲我憲台縷晰以陳伏念諮議爲立憲之要素選舉關人民之特權自非先事籌辦則手續煩重未易動合秩序查奏定正章各省諮議局限一年成立時期迫促基礎毫無籌辦尤屬甚難然晉人素稱樸愿近年風氣漸開凡新政頒行苟知其實有裨於家國皆奮起猛進不遺餘力重以憲台時加提示於籌辦諮議局一事特嚴札各屬申明賞罰實力奉行在地方官廳亦知斯舉之不可緩紛然集紳開議期於必辦故數月以來晉省預備立憲之氣象頓覺一新而在籌辦伊始辦法必求其美備又特派遺專員前赴天津參觀直隸最完善之諮議局籌辦處天津之自治局董事會議事會務期綜核名實劃分權限以資晉省之仿倣是籌辦進行各手續亦幾費研審矣竊維諮議局爲預備立憲而設籌辦處又爲直接預備諮議局而設諮議局重要之點在選舉議員是籌辦處最急宜先辦者亦在選舉議員有議員而諮議局始可成立有選舉而議員始可發見乃揆諸晉省現在之情形籌辦選舉尤不免窒礙者厥有數因晉地南北袤長二千餘里本各自爲風氣加之山河逾越不利交通道路往來行輒累月於此而欲家喻戶曉使不費時日皆可周知一難也捐輸一項晉民負擔爲最重當選舉資格初事調查鄉老村長不知爲何如事惟恐蹈向日富戶之捐遂有甯甘拋棄權利而不願爲地方行政官所查悉則調查無從確實二難也晉省財政近以入款漸少出款驟增無策補苴雖欲聚多數之金錢爲

選舉費用一謀擴張上下之力皆成弩末三難也有此三難欲一旦解決之再四計慮惟有先使一般有選舉資格人民胥明自治大意飭各廳州縣設自治講習所延法政畢業者爲教員招集有選舉資格之學員使之入所聽講並可隨意設旁聽生一班以廣傳播定三個月爲一畢業期連招三班期於各處皆有數十人明晰自治則地方公益有人爲之圖謀推而公民選舉亦必樂於從事所生種種困難之原因自無難於解決而猶慮三月畢業課本難於完善特由本處選印五項課本分發各屬文取其簡而明事取其確而當但使通曉大義足以預備選舉辦理之確實而止其在普通人民僻居鄉愚勢不能入所講習而羣愚難曉謠議滋多選舉前途不無疑阻於是又飭各廳州縣設宣講所並由本處編定白話宣講集分發各屬擇能操土音稍明法理之宣講員分區講演期在普及庶特別與一般之人民由講解自治而發起自治行政之思想盡知選舉之權利不可拋棄爭爲奮勉以保公權此籌辦入手之大概情形也各屬之選舉既漸布其基礎本處爲全省籌辦總匯之地不可不詳加研究因勢利導遂於本處設籌辦研究會以全晉在省之神商學界組成之復旁及省外之素有資望者相與函商凡關於調查資格選舉議員以及豫備後日之正式諮議局成立應議各件每月共同研究一次其有例行事件每星期研究一次研究既悉再加審核依次頒行諒可綜貫羣情而無貽誤惟是諮議局之議員實行代議士制也非學焉則不明非共爲學焉則於全省之利弊亦未能交相灌輸而底於善則代議士之名究無實際是以本處又附設自治研究所以養成代表輿論與辦理地方自治之人格故其學員由各廳州縣選擇學行兼優品望夙著之紳衿於明年正月保送到所肄習授以較深之學科延聘究心法律講員以爲講解並於本處附設寄宿舍隆

其待遇即以重其人格其名曰自治研究所者非籌辦處兼籌辦自治也立憲之事千端萬緒而皆基於地方自治立憲國一曰法治國自治即法治之肇端故有自治之人材斯有代議士之人材未見有舉動野蠻而以負有選舉資格遂足充代議士而勝任者且代議士而不明自治騷擾議場持論輕率雖有議事之規則足以取締然知之已晚成效無多則何如研究於事先俾顧名而兼使思義此籌辦本處之研究會與養成議員之自治研究所之大概情形也至對於各屬之陸續籌辦情形除通飭設立自治講習所宣講所爲初選舉豫備外宜先舉辦者首在調查選舉資格選舉資格共分五項而又有不得有選舉及被選舉權之八項停止選舉及被選舉權之五項有選舉權而停止被選舉權之一項條文繁密各屬事經初創慮或未周於是發各屬調查選舉人名表式調查須知調查手續使調查有所依據自不覺爲煩難又慮各屬調查襄辦無人或有人而多退憇之意於是發各屬勸學所教育會高等小學堂公文促其相助爲理實行地方應盡之義務而初選舉告示不速行張貼人民猶未知選舉之重要亟須速辦也於是擬定告示草式分發各屬使斟酌變通廣行張貼俾初選各節早注重於人民之心目而臨時不致有誤然選舉期限清單不爲擬定辦理各項或前或後具報參差殊有礙初選複選之盛舉於是擬定期限清單分發各屬使歸一律並藉以規其辦理之勤惰此籌辦選舉調查與定明選舉期限之大概情形也自調查選舉之後即登記選舉之時登記既畢而投票開票之規則投票紙投票匭得數清單初選當選人執照之定式種種要項原應初複選監督按照定章自行調製本處全爲便利各屬起見將選舉人名冊式並以上各種概行擬定一以免調製斟酌之紛煩一以期辦理進行之迅速而各屬準此頒行亦不至有扞格之患矣

此籌辦選舉前後應用各件之大概情形也雖然有治法不可無治人在官督尤賴有紳辦綜計晉省開通之處固多其官紳堅守舊習淡於地方觀念者亦間有之若不派員催辦一隅之累率及全局非選舉實行時代之所宜有也而派員分赴各屬往來住居之費又屬不資取諸民間已有罄瓶之告移從帑藏更屬無米之炊於是極力籌計詢謀僉同咸願分任義務在籍催辦每有以一人而兼催數處者公益擔當倍見發達數日之間遂得各屬催辦員九十六人而各屬調查選舉講習自治等事亦得於年內一律告成不致延緩此籌辦各屬分派催辦員之大概情形也現各屬正在催辦中而關於選舉資格解釋之疑義又不可不速爲電詢俾免調查之時誤於附會故前此於章程內疑義各要件自得復電當即刷印多張分發各屬並將各省電詢電復之件一併摘錄通飭遵辦庶各屬可少往來質問之難而得據實以爲登記再復選事宜雖在初選後然舉辦之初亦應豫籌妥善查晉省全境惟歸化綏遠十三廳僻在北方占地面積極爲遼闊人民少而散處又皆係直隸廳無屬縣者若遵照定章直隸廳無屬縣以附近之府爲複選區則附近之府若大同朔平遠或距千餘里近亦數百里來往困難久在意計之中且十三廳舊歸歸綏道統轄使舍習慣之上級官廳而附於疏遠之二府準諸情勢均爲未洽惟定章無以道爲複選監督之明文此節辦理甚費躊躇因特詳請憲台准爲變通札知歸綏道使之擔任十三廳複選監督事宜從此舉行複選問題諒無難於著手矣而本省駐防專額議員又宜從速核定俾於本省初複選時一律舉辦也查晉省駐防祇太原二旗尙歸憲台節制餘若歸化綏遠右衛等處皆歸將軍副都統及右衛城守尉管轄而其地則皆屬晉境似此項專額議員亦應歸晉省辦理惟三處相距非邇文移商榷不免略費時日耳此又

因時因地籌辦之大概情形也綜上所述由開局起至於催辦選舉並選舉人名冊不日告成一切情形固已略具規模雖徧觀各屬之民風有捐助鉅金設立講習所者有不受薪金甘任教員調查員者即在明習法政之地方行政官亦有每日於政事之暇自任講習二三小時者風聲所樹似較前大有進步究仍恐各屬聞見不同辦法尙難盡合本處謹當隨時呈請訓示督率籌辦各紳員不憚煩勞實事研究並分飭各屬催辦員以及行政官廳一律切實遵辦毋得有違限期致誤憲政之初基所有籌辦半年以來情形理合檢同各項章程備文具申鑒核轉咨憲政編查館查准備案等情據此除另由本部院具 奏抄摺咨達並分咨資政院外相應咨呈爲此咨呈貴館謹請查照施行須至咨呈者

附山西諮議局籌辦處選舉期限清單

本處成立

本處詳請撫憲發各廳州縣設立自治講習所並章程

六月十三日

本處詳請撫憲派員赴津調查選舉自治事宜

七月二十一日

本處發各廳州縣舉辦選舉調查事宜

八月初五日

本處發各廳州縣勸學所教育分會高等小學堂員紳協同調查選舉事宜

九月初五日

本處發各廳州縣奏定諮議局章程並自治講習所課本

九月十三日

本處詳請撫憲派員赴歸化各廳催辦選舉事宜並改任歸綏道爲複選監督九月二十三日

九月初七日

本處催各廳州縣發選舉告示末附調查表張貼城鎮鄉各處

十月初十日以前

本處發給催辦員公文並催辦通則調查須知調查手續於各廳州縣

十月十五日以前

本處發選舉人名簿投票紙投票匭初選當選人執照得數清單各式於府廳州縣

十月二十五日以前

催辦選舉期間

十一月

本處發投票所開票所通則於初複選監督

十一月內

催辦員報到各廳州縣調查情形事件

十二月十五日以前

各廳州縣選舉人名冊告成

正月初一日

各廳州縣宣示選舉人名冊

正月初六日

選舉人發見錯誤呈請更正

正月十五日以前

各廳州縣制定選舉人名冊

正月二十日以前

各廳州縣申送確定選舉人名於撫憲籌辦處複選監督

二月初十日以前

撫憲按選舉人名冊總數分配議員額數期間

二月二十五日以前

撫憲發議員額數於府直隸廳州並將確定選舉人名冊咨報民政部

閏二月十五日以前

複選監督據議員額數分配初選當選人數期

閏二月二十五日以前

複選監督頒發初選應將當選人額及初選投票紙交於各初選監督

三月初一日以前

初選監督籌定投票所開票所地址保薦投票開票管理員及監察員並造具選舉人名冊申

報複選監督兼酌定投票開票辦事細則

三月初五日以前

初選監督分交投票紙投票匭投票簿於各投票所

三月初十日以前

行初選舉

三月十五日以前

投票管理員送投票區於開票所並報投票情形於初選監督

開票並榜示初選被選人姓名票數

開票管理員監察員具報開票情形附送票紙於初選監督

初選監督知會初選當選人

初選不足額時行再選舉

初選人呈明情願書於初選監督

初選監督榜示初選當選人姓名職銜給與初選當選人執照並申報複選監督

各複選監督張貼複選舉告示並發所屬廳州縣張貼

本處發複選舉投票紙議員執照於各府直隸廳州

複選監督會造複選舉人名冊及投票簿

複選監督派定複選管理員監察員

複選監督酌定投票所開票所辦事細則

初選當選人齊集複選舉區

行複選舉

投票管理員監察員送投票區並報投票情形於複選監督

開票並榜示複選當選人姓名票數

開票管理員監察員申報開票情形附送票紙於複選監督

三月十八日

三月十九日

三月二十日

三月二十五日以前

三月底

四月初五日以前

四月初十日以前

四月二十五日以前

五月初一日以前

五月初五日以前

五月初十日以前

五月二十日以前

六月初十日以前

六月初十五日以前

六月十六日

六月十七日

六月十八日

複選監督知會複選當選人

複選不足額時行再選舉

複選當選人呈明情願書於複選監督

複選監督榜示複選當選人姓名職銜給與議員執照並申報撫憲及本處七月二十日以前

撫憲咨報議員姓名職銜於資政院及民政部

議員齊集省垣

互選議長副議長常駐議員

預備議案及酌定議事規則

撫憲親自蒞局行開局式

山西諮議局籌辦處增設自治研究所章程

第一節 宗旨

第一條 本所依諮議局創辦所章程第九章第二十一條之規定暫設自治研究所於創辦所為施行自治之預備專教授關於地方自治諸科學養成地方自治人材以達實行憲政之目的為宗旨

第二節 學科

第二條 本所教授學科如左 一法學通論 二憲法 三國際公法 四地方自治制度

五民法大意 六經濟學 七財政學 八選舉法 九戶籍法 十警察學

第三節 學期及授業時間

七月初一日以前

七月初五日以前

七月初十日以前

七月初二十日以前

八月初一日以前

八月初十日以前

八月十六日以前

八月底以前

九月初一日

第三條 本所畢業學期定為八個月以四個月為一學期滿兩學期為畢業

第四條 本所授業時間每星期以二十四小時為限其各學期課程列表於左

授業時間表

第一學期

每星期

第二學期

每星期

學科

學科

法學通論

民法大意

憲法

經濟學

國際公法

財政學

地方制度

選舉法

警察學

戶籍法

合計

二十四小時

合計

二十四小時

第四節 休假日

第五條 本所休假日如左 一星期 二國慶及本局開設記念日 三端午及中秋 四

暑假 五年假

第五節 學額及資格

第六條 本所研究學員由各廳州縣會同各教育分會勸學所紳董擇尤保送至少二人多

不得過三人其各處駐防應送幾人由本管長官核費酌送惟每處亦不得過二人

第七條 各廳州縣選送研究學員須具有左列之資格 一在各該廳州縣繼續住居五年

以上及置有不動產者 二年齡須滿三十歲以上五十歲以下者 三品行無虧 四文理清通 五身體健全 六不染嗜好 七鄉望素孚有紳士資格者

第六節 入學及退學

第八條 凡研究學員由各廳州縣保送到所經本所復加考驗其與第七條所列資格合者方得取入其不合格者遣回飭令補送

第九條 凡取充本所研究學員須具履歷書呈本所查核其格式如左

履歷書

姓名 年歲

三代 住所 職業 保送地 備考

光緒 年 月 日姓名印押

第十條 凡研究學員遇有左列事項得由所長酌令退學 一行爲不良 二荒廢學業 三學期試驗之成績有三科以上不及格者 四身有疾病不堪造就者 五不遵守本所規則者

第十一條 凡研究學員因不得已事故自願退學者須具理由書呈經所長許可其係因病者並須附呈醫生之證明書 如非前項之退學員由本局備文飭令原送各廳州縣追繳膳宿等費

第七節 試驗

第十二條 本所試驗分學期試驗臨時試驗兩種其學期試驗於每學期末行之臨時試驗

由教員定之

第十三條 凡試驗評定分數分別等差均按照學部定章辦理

第十四條 凡兩學期試驗均合格者一律給與畢業證書

第八節 本所設職員教員如左

一所長兼教務長一員即以局長充之 二正教習一員 義務教習二員 三庶務兼會計員即以本局庶務課人員充之 四書記員即以文牘課人員充之 以上各員除局長已經由撫憲延訂外餘均由局長分別聘請委任之

第九節 寄宿舍

第十五條 本所暫不設寄宿舍凡學員應自擇旅館寄宿俟本所將來置有相當房間時再定寄宿規則

第十一節 經費

第十六條 本所經費分開辦經常臨時三種由局長核定數目稟請撫憲批准撥給

第十七條 本所概不征收學費其各學員一切膳宿費用擬定每月三稟川資視程途遠近酌定均應由各該廳州縣自行籌給以資接濟而廣造就

第十節 義務

第十八條 各學員畢業以後應即各歸本籍凡關於自治事宜務稟承地方官廳悉心籌畫以盡相當之義務不得任便去就致失設立本所之原意

第十二節 附則

第十九條 本所附設旁聽席無定員以講室能容爲度其章程另定之

第二十條 本所章程經撫憲核准後即作爲實行之期如有應行更易之處應由本局隨時稟請撫憲核准改正施行

山西諮議局籌辦處擬定各廳州縣自治講習所簡章

第一節 宗旨及定名

第一條 本所爲預備實行地方行政而設以養成普通自治能力爲宗旨即定名某廳州縣自治講習所

第二節 校地

第二條 本所因急於應用不必另行建築以借佔公共地址足敷講授之則爲度

第三節 組織

第三條 本所管理人員以教育分會或勸學所員紳兼充之均不給薪水（如現時無此兩項人員得由地方官另行委任）教習一員專延法政畢業之本省官紳自由選訂不必拘定本籍其薪水均自行酌定

第四節 入學資格

第四條 本所招收學生之資格按憲政編查館會奏正章內所定第二章議員之第三條具

有選舉權之資格五項第六條具有不得有選舉權及被選舉權之八項遵照辦理

第五節 學員限制

第五條 本所學員以講室能容爲度惟每班至少須收四十人每處畢業至少須接續三次

第六節 學科及授業時間

第六條 本所所講科目如左 一憲法 二地方制度 三選舉法 四戶籍法 五地方財政

第七條 本所授業時間每星期至少以十八小時爲限

第七節 修業期限及試驗

第八條 以三個月爲一學期一學期畢業

第九條 試驗分月終試驗及畢業試驗仍以分數計算判列等級月終試驗由教員管理員主之畢業試驗由地方官會同本所人員考驗分別給予文憑

第八節 寄宿舍

第十條 本所可否設置寄宿舍各從其便應由各該廳州縣酌核辦理

第九節 附則

第十一條 本章程間有未盡或未便之處准由各該廳州縣體察本地情形變通辦理惟大體不得與章程觸背

法制章程

吉林教育官報章程

第一章 宗旨

第一條 本報爲代表吉林教育行政方法之機關以期教育改良進步使全省學務日臻完備爲宗旨實言之則曰吉林學務機關報

第二條 學務機關非止一端其動力可寓於報章者凡有四項 甲 推行自上者曰宣導機關 乙 發端於下者曰請願機關 丙 周咨取益者曰輔助機關 丁 匡失防微者曰矯正機關

第三條 宣導機關細目 甲 宣布教育方針誘導學界言論以規行政之得失 乙 宣播應行各種規章條教導之實行 丙 各學堂私塾如有良善方法完全成績亟爲宣美以資勸導 丁 各學堂私塾有特異良善之處雖全體未臻美備亦必廣爲宣告期使逐漸改良並諷勸他人藉資法效

第四條 請願機關細目 甲 凡教育界有希冀更革各種規章條教等事 乙 各地紳民因見教育行政有關地方公益請求增革等事 丙 各地紳民因見辦理學務人員有妨害地方公益請求維持匡正之事

第五條 輔助機關細目 甲 采取京師及各直省所行教育方法暨關於教育言論時聞有補助於吉省學務者 乙 采取京師及各直省學務規章條教與吉省情形相合可資補助者 丙 甄錄各學堂職員教員及各處學人著述實有裨於吉省學務者 丁 譯錄外國學校方法議論成績合於吉省情形可資仿效者

第六條 矯正機關細目 甲 本省學界有未能完善合宜亟須矯正之事 乙 社會惡習有及於學界者宜矯改防止之事 丙 京師及各省教育行政方法有不合於吉省情形宜豫爲辯正變通之事 丁 本省及京師各直省報章議論時聞於本省學界有關係及譏評者宜辨別虛實設法豫防矯正之事

第二章 組織

第七條 本報宗旨既爲吉省學務機關而設則其組織方法應以吉林教育行政中樞爲其主體自當歸提學使直轄附設於學務公所之內

第八條 本報以聯屬全省學務脈絡氣息爲第一要義誘啓學界社會言論知識使其互相灌輸調查各處教育確實情形使其互相比較因此以決定行政方針故論本報性質實爲自提學使以下與全省人民討論學務之公報非尋常官報性質可比

第九條 本報既認定上列性質必須集合全省學界社會公言使得完全組織固非一二人之知識所能周備其組織內容以合全體之意嚮正一定之方針爲主凡一人數人之偏見私議夸語蕪詞皆不撻入

第十條 本報以上列之宗旨性質組織成立應設各種機關於下 甲 通信員（凡省城及各府廳州縣學堂會所職員教員學生各地紳士等均得有本報通信員資格）（通信規則另詳） 乙 特別通信員（凡本省府廳州縣官及學部又京師督學局上海南北洋奉天黑龍江學務公所等處由本報緘訂特別通信） 丙 就地調查員（凡本省府廳州縣官及各地公正紳士學堂職員教員等皆可由學務公所選擇令其就地調查學務確實情

形) 丁 派出調查員(凡有學務緊要事件由提學使專派學務公所人員前往特別調查) 戊 定期報告處(凡省內外各學堂堂長按月報告教授要目管理心得及關於其地方之學務興革意見並按學期報告成績及辦法)

第十一條 本報萃集各處報告論說由提學使派員編輯所有編輯方針即以其時所定之教育行政方針為準由提學使核定定期使全省學界可循報中旨趣依據實行

第十二條 教育行政必有方針指嚮所在全省視爲轉移非一二人之意見所能遽定本報爲提學使與全省學界上下考證教育方針之媒介其條款如下 甲 省城及府廳州縣各勸學會所人員各學堂職員教員等研究學務實行教育確有見解心得者得伸其意見以資考索 乙 調查員承提學使旨趣調查學務損益興革等事詳細考察實地情形得舉其意見報告以資探討 丙 本地學界人員如確見前此通行教育方針至今或有窒礙應須變通者得隨時建言以資改正 丁 通信人員如確見本地情形與現行教育規程有不合宜之處或須增損變革者得屏除忌諱詳切盡言以資審察

第十三條 本報以甄錄學界公言爲主所有論著如係折中衆說或特抒意見之事應由主筆員主稿此外務求廣輯本省及京外各處通人論說藉資考究凡對於吉林教育行政方法確有見解者皆可書陳其說逕行函達不限於通信報告之例

第十四條 本報既爲全省學務之機關報中旨趣又爲教育行政之先導若出報過遲則機關不靈篇冊過繁則取材易難茲定五日出報一次每次以八頁爲率

第三章 編次

第十五條 本報編次體裁依據學部官報及各直省教育官報通例略爲增損其編次之項

目如左 詔諭 奏議 文牘 章程 報告 論著 譯述 通信 時聞 附錄

第十六條 詔諭 此項屬於宣導機關 甲 關於教育行政之類 乙 關於考試及

獎勵之類 丙 關於懲戒學界弊風之類

第十七條 奏議 此項屬於宣導請願補助各機關 甲 本省學務奏議 乙 外省學

務奏議（取其與本省學務有關係者著錄）

第十八條 文牘 此項屬於宣導請願補助各機關 甲 本省公署有關學務文件及提

學使署可以宣布之緊要公牘 乙 外省學務文牘（取其與本省學界有關係者著錄）

第十九條 章程 此項屬於宣導補助矯正各機關 甲 本省學務公所及學堂會所各

項章程 乙 外省學務章程（取其可資本省採取做效者著錄）

第二十條 報告 此項屬於請願補助矯正各機關 甲 凡教育成績之報告如左 一

省城及府廳州縣各學堂會所管理員辦事成績 二 省城及府廳州縣各學堂教員

教授成績 三 省城及府廳州縣各學堂學生程度品行成績 乙 凡學務常期及特

別之報告如左 一 視學員報告 二 省城及府廳州縣各勸學所及縣視學報告

三 省城及府廳州縣各學堂會所學期畢業時報告 四 學務公所人員及提學使特

派人員之各項報告 丙 凡教育經費之報告如左 一 學務公所經費報告 二

省城及府廳州縣各學堂會所常年經費報告 三 省城及府廳州縣各學堂會所臨時

費用報告 四 派出外省外洋留學生經費報告

第二十一條 論著 此項屬於請願輔助矯正各機關 甲 教育行政論著 乙 學務研究論著 丙 懲勸學界論著 丁 適當於本省教育界學說

第二十二條 譯述 此項屬於輔助矯正各機關 甲 譯述可資採用之東西洋學務章程論說時間及教科參考管理教授法等類 乙 採取譯成上項書說章程（合於本省學務情形者）

第二十三條 通信 此項屬於請願輔助各機關 甲 省城及府廳州縣官紳暨學堂會所職員教員學生等尋常通信 乙 學部及京師督學局上海南北洋奉天黑龍江學務公所等處定期及特別通信

第二十四條 時間 此項屬於輔助機關 甲 本省學務時間 乙 各省學務時間（與本省學務有關係者）

第二十五條 附錄 此項屬於宣導輔助矯正各機關 甲 關係學務之演說 乙 關係教育之詩歌 丙 關係學界之稗聞 丁 關係教育之圖畫 戊 關於本報之訂誤

第四章 事務

第二十六條 職員 甲 本報總理主筆編輯各員 總理 提學使兼任 主筆兼編輯 一員 提學使署科員兼任 編輯 一員 同上 東文西文囑託譯員 無定 繕寫司事 二人 收發司事 一人 乙 調查及通信各員 派出調查員 無定 就地調查員 無定 通信員 無定 特別通信員 有定

查員 無定 通信員 無定 特別通信員 有定

事 二人 收發司事 一人 乙 調查及通信各員 派出調查員 無定 就地調查員 無定 通信員 無定 特別通信員 有定

查員 無定 通信員 無定 特別通信員 有定

第二十七條 規則 甲 本報主筆編輯各員應守規則 一 主筆兼編輯員凡作論說及編輯采錄各件不可參入一己私見混淆黑白任情棄取或趨附時尙邀取名譽蒐集怪誕新說爲矯情過實之言 二 編輯員采取報章及調查通信各員報告並學界論著不可因偏見私意妄爲棄取又紕謬龐雜議論尤不得任意選入致滋流弊 三 譯員采取書報不可自以意見攙改致失本來面目又新奇夸誕之議論時聞學說等皆不得采譯 四 凡纂著譯述稿本必經總理核正始付排印由排印處校正後仍交主筆編輯各員再行覆校呈總理審定發行 五 繕寫收發司事經管謄寫編稿存發報紙及出入銀錢等事均不得延積錯誤 六 本報未經出版之際凡報中一切旨趣及采錄文字各職員皆不得傳述漏泄 七 凡犯以上規則者分別示罰 八 主筆編輯譯員司事等非星期日不得請假曠業凡有品行不端及廢誤職事或不能勝任者由總理隨時辭退 乙 調查通信各員應守規則 一 調查員應守提學使命所有調查事項不可因愛憎私見報告失實如有品行不端或不勝任者隨時謝絕辭退 二 通信員應守之規則如左 子 不在學務以內之事不得通信 丑 言及個人陰私者不閱 寅 來函以愛憎爲毀譽或挾嫌捏造淆亂是非者查出卽行謝絕

第五章 經費

第二十八條 本報編輯刷印等項經費分爲五類 報章紙張刷印費 職員司事薪工費 調查等員旅費 書籍報章郵寄費 活支各項雜款費

第二十九條 報章紙張刷印費（以一年計）（每月出報六期每期八頁刷印一千份）

甲 刷印費（按每期一千份計如千份之外另行增印別加印費）一六五六兩 乙 紙張費（按每期一千份計千份之外增印者按紙加算）六〇〇〇 丙 裝釘（在臨時費內支用）未定

第三十條 職員司事薪津工食費（以一年計） 甲 薪水 總理 一員 無 主筆 兼編輯 一員 津貼 六〇〇 編輯 一員 津貼 四八〇 囑託譯員 無定 七二〇
○ 謄寫司事 二名 一九二 收發司事 一名 一九二 乙 工食 司事伙食 三人 一八〇 夫役工食 一名 九六

第三十一條 調查等員旅費（以一年計） 甲 派出調查員 無定員 六〇〇 乙 就地調查員 無定員 贈報 無 丙 通信員 無定員 無 丁 特別通信員 有定員 贈報 無

第三十二條 書籍報章郵寄費（此條所列歸臨時費內支用） 甲 書籍（採購東西洋各種教育書籍）無定 乙 報章（採購京師各直省報章及東西洋學界報章）無定 丙 郵費（郵遞報章等費）無定

第三十三條 活支各項雜款費（以一年計） 甲 紙張筆墨費 二四〇 乙 柴炭 油燭費 三六〇 丙 臨時費 五八四 以上五類經費統計 六五〇〇兩

第六章 附款

第三十四條 本章程以詳明總督巡撫批准之日實行

第三十五條 本章程實行之後如有應行增損變通之處由學務公所人員隨時提議公同修改但必經總理核定始可決行

附通信員規約十條（其已見本章程者不再詳）

一通信員凡省城及各府廳州縣學堂會所職員教員學生各地紳士等均得有本報通信員資格

一通信員爲本局名譽贊成員不給薪水

一每月寄稿並不限定函數及字數但須隨時報告

一每次來函均須註明真實姓名住址以期遇有不詳之事可以函詢並須註明月日編列號次以憑稽查而免遺漏

一通信如用匿名函件或用別號者概不錄刊

一通信如用全體姓名或聯二三人之名者不閱

一寄稿字跡只宜清晰不必端楷以期迅速惟不得用鉛筆及洋墨書寫

一來稿刊錄與否概不覆函即以發行之報章爲憑

一時聞如有失實之處續得確聞須立即報告以便更正

一事經他報刊布幸勿鈔送

● 本局新印 考察政治大臣編譯各書廣告

- | | | | |
|---------|----------|---------|----------|
| 日本統計釋例 | 每部二冊價銀六角 | 日本憲法說明書 | 每部一冊價銀四角 |
| 日本憲政略論 | 每部一冊價銀一角 | 譯書提要 | 每部一冊價銀一角 |
| 駐奧使館報告書 | 每部一冊價銀三角 | 日本政治要覽 | 每部二冊價銀六角 |
| 日本議會詰法 | 每部二冊價銀八角 | 法國政治要覽 | 每部一冊價銀三角 |
| 比國政治要覽 | 每部二冊價銀三角 | 日本丙午議會 | 每部一冊價銀四角 |
| 日本憲法疏證 | 每部二冊價銀六角 | 英國財政要覽 | 每部一冊價銀三角 |
| 日本官制通覽 | 每部一冊價銀三角 | | |
- 以上各種均為講求法政最要之書北京琉璃廠上海棋盤街商務印書館內均有代售
 批五十部以上九折百部以上八折千部以上七折外埠郵費照遠近酌加

總發行所北京王府井大街政治官報局

● 本局緊要廣告

憲政編查館會奏各省諮議局摺並選舉各章程現已裝訂成冊每冊定價大洋一角五分並精印投票甌式每份定價大洋九分又會奏憲法大綱摺亦已裝訂成冊每冊定價大洋六分欲閱者向本局總發行所訂購可也躉批仍照章折扣外埠郵費酌加特白

● 本局緊要廣告

本報風行日廣各省官報局暨各埠派報處均可代銷上海在棋盤街商務印書館發行處經售並售本局新印各書如欲閱者均可就近訂購函知本局按期照寄不至有誤特此聲明

●本局新印 考察政治大臣編譯各書廣告

日本統計釋例	每部二冊價銀六角	日本憲法說明書	每部一冊價銀四角
日本憲政略論	每部一冊價銀一角	譯書提要	每部一冊價銀一角
駐奧使館報告書	每部一冊價銀三角	日本政治要覽	每部二冊價銀六角
日本議會詰法	每部二冊價銀八角	法國政治要覽	每部一冊價銀三角
比國政治要覽	每部一冊價銀三角	日本丙午議會	每部一冊價銀四角
日本憲法疏證	每部二冊價銀六角	英國財政要覽	每部一冊價銀三角
日本官制通覽	每部一冊價銀三角		

以上各種均為講求法政最要之書北京琉璃廠上海棋盤街商務印書館內均有代售
 批五十部以上九折百部以上八折千部以上七折外埠郵費照遠近酌加

總發行所北京王府井大街政治官報局

●本局緊要廣告

本報風行日廣各省官報局暨各埠派報處均可代銷上海在棋盤街商務印書館發行處經售並售本局新印各書如欲閱者均可就近訂購函知本局按期照寄不至有誤特此聲明

●王府井大街平和戒煙醫局捐款清單

順天府尹凌印福彭	捐庫足二百兩	分省知縣鄭印寶麟	捐京足四十三兩
甘肅舉人趙印椿年	捐洋十元	晉省隱名氏	集捐公磁足一千零八十八兩
福建臬台鹿印學良	捐京松五百兩	陝西藩庫廳沈印錫榮	捐京足一百兩
上海道蔡印乃煌	捐京足二百兩	署山東運台崔印鍾善	集捐京足五百兩
候補京堂張印煜南	集捐洋二千元		

●本局緊要廣告

本報風行日廣各省官報局暨各埠派報處均可代銷上海在棋盤街商務印書館發行處經售並售本局新印各書如欲閱者均可就近訂購函知本局按期照寄不至有誤特此聲明

●本局緊要廣告

憲政編查館會奏各省諮議局摺並選舉各章程現已裝訂成冊每冊定價大洋一角五分並精印投票式每份定價大洋九分又會奏憲法大綱摺亦已裝訂成冊每冊定價大洋六分欲閱者向本局總發行所訂購可也憲批仍照章折扣外埠郵費酌加特白

憲政編查館奏定城鎮鄉地方自治章程現已印就每冊大洋壹角閱者速來本局購取憲批照章折扣外埠郵費酌加特白

●王府井大街平和戒煙醫局告白

敢者本局自上年冬月開設以來到局戒煙者頗不乏人厥者奇效祇因爲日甚長自不得不酌收藥資以助經費乃近日有多人踵門問訊之後因此裹足不前者殊失本局濟世之本意茲定於二月初一日起至三月底止暫行贈醫三個月凡一切藥資脉金分文不取除在局門標貼長條俾衆週知外特再登報宣布四方如有志自強而願除痼疾者速趁此三個月內到局診視時不可失尙望踴躍爭先切勿遲疑自誤是則所深願而切盼者也此佈

再敢者本醫局志願宏大大欲胥此中國一洗沉痾延來四川老醫士鄧益堂先生醫學精通且於戒煙方劑尤著神效但須逢人按脉診視與尋常戒煙丸散迥不相同今老醫士欲將生平學業奇術秘方播傳於世惟必須得穎悟之士素行清潔宅心正大方能傳授茲擬暫招學生十人每月自備膳費六元在局住宿朝夕討論如不能住局早來晚去亦聽便一俟學成之後即便推廣各省設立分局以廣流傳而普拯濟如有志敦時情願來局授業者速覓妥保到局報名以便老醫士面試數日分別去取所有課程及畢業日期另續定詳細章程請到局閱看可也再佈

● 學部圖書局售書處發賣書籍廣告 ●

- 詩經古譜
- 五絃樂譜
- 小學各科教授法
- 辨學
- 古文詞略
- 近世物理學教科書
- 中學博物學動物篇
- 生物界動物篇
- 家庭談話
- 學校制度
- 明治小學教育沿革
- 兒童矯弊論
- 滿洲財力論
- 形學課本
- 立體形學
- 割錐術課本
- 力學課本
- 質學課編
- 印度志

-----二五-----

- 銀元一角
- 銅元六枚
- 銀元三角
- 銀元四角
- 銀元九角
- 銀元七角
- 銀元四角
- 銀元四角
- 銀元一角四分
- 銀元三角五分
- 銀元五角
- 連史銀元五角五分
- 洋紙銀元四角
- 銀元一元
- 銀元四角
- 銀元四角
- 銀元一元
- 銀元八角
- 銅元九十枚

- 印度新志
- 瓜哇志 附新志
- 蘇門答拉志 附新志
- 俾路芝志 馬留土股志
- 紐吉尼亞志 附新志
- 西伯里亞島志 附新志
- 小亞細亞志
- 土耳其志 附新志
- 亞拉伯志 附新志
- 緬甸國志 英領緬甸志 緬甸新志
- 暹羅國志 布哈爾志 新志
- 阿富汗土耳其斯坦志 土耳其斯坦志
- 東土耳其斯坦志 附新志
- 阿富汗斯坦志 附新志
- 波斯志
- 開浦殖民志 附新志
- 阿達曼羣島志 附新志
- 波羅島志
- 西比里亞志 附新志
- 勸善要言
- 人臣儼心錄
- 大學衍義體要
- 課子隨筆節鈔

-----四八-----

- 銀元二角
- 銀元一角五分
- 銀元一角五分
- 銀元一角二分
- 銅元二十六枚
- 銅元二十八枚
- 銅元二十八枚
- 銀元四角
- 銀元六角
- 銀元一角三分
- 銀元一角二分
- 銀元二角
- 銀元三角
- 銀元一角
- 銀元一元三角
- 銀元八角

右列各種書目均已出版近印之書甚多俟出版後陸續廣告總發行所在京都五道廟學部圖書局售書處本京琉璃廠各大書坊均認寄售如蒙各省購取以上開列書籍請函知總發行所豫繳書價當由郵局寄到不誤郵費照加 凡購本局各種書籍十部以上九折三十部以上八五折百部以上八折其各處學堂本局贈有購書券者雖購買零冊亦按九折計算

[General Information]

书名=奏设政治官报 (16)

作者=

页数=448

出版社=文海出版社

出版日期=

SS号=12577762

DX号=000007593634

URL=<http://book.szdnnet.org.cn/bookDetail.jsp?dxNumber=000007593634&d=BA073F65030403A309A5C1B0EF9778CF>